

644
1996



საქართველო

3-4

1996

სურათი გორგილაძე

კონსტანტინე

პიას, ჩემს ძმას, პიას

—ორსანტიას,
ქარიატას,
ქაფათას და მარტიელს
თავს წაჰყრია გაზაფხულის ჭიჭვიანი ჭვარტლი.
აბლაღებულ ჭალაკებში, ნამუხლარში დევთა
ენგურს მიაქვს მთვარესავით სამეგრელოს სევდა.
და იქ, სადაც რუხთან რუხი ბოკვერები წვანან,
მღერას მზისდა ტკივილისას ღეთაებრივი ნანა.

„არ წამოჰკრა ფეხი ამ ქვებს და არც დააბიჯო,
ბონდოია, ნანასქუა, ბონდოია, ბიჭო“.

წუთისოფლის უკმარობით, სიყვარულის ბეგრით,
მიიბრუნევა სანახებში ძვალხოსორი მეგრი.
კვალში მისდევს ოჩოპინტრე, თუთარჩელაც მისდევს,
დაფნის ჯვარზე გაუკრიათ ოჯალეში — ქრისტე.
და მწვანთან წყლისპირებში, წელწაფრენილ ცირებს,
ხელისგულზე მზე უდევთ და საყვედური მცირე.

„კანჭა კვიცზე გადაეწეებას, ჩვენ მოგვხედო გიჯობს,
ბონდოია, შე უღმერთო, ბონდოია, ბიჭო“.

წამით ხეჩა ვარსკვლავები მიწკურავენ თვალებს.
მოდექი და ეს ციცილია ცანგალები თვალე...
ბებერ ქვათა მხურვალება მოიჩრდილე ხელით...
მღერის ვიდაც შორეულში, ოდოიას მღერის.

როგორც წითელბატონები და მირონის წვეთა
ტანზე აყრის საქართველოს ეს უკვდავი სევდა.
ბონდოია მიდის, მიდის...
და კოლხეთის ველზე
ოდოიას აღარ უსმენს, ოდოიას ეძებს.

და მე მესმის, და მე ვიცი
და უღმერთოდ მჯერა,
როგორც ნისლში კვალარულ ხეჩასა და ჩელას,
აქ, კოლხეთის ბინდბუნდებში,
მტერს ჩქამიც რომ დაღავს,
ბონდოია ოდოიას იპოვის და ნახავს.

ტსკი

მარტი-აპრილი № 3-4

საპარტიველოს მფარველთა კავშირის
სალიტერატურო და საზოგადოებრივ-პოლიტიკური
ყრველთვიური ჟურნალი

დაარსებულია

1852 წ.

აღდგენილია

1957 წ.

თბილისი

1996

შ ი ნ ა რ ს ი

ბაგოიღვიკა, ქნარო!

3. **უსალჟუნეზი** – ვაგრძელეზა. ებრაულიდან თარგმნა ჯეჟალ აჯიაშვილმა

კოეზია და კროზა

7. **ბივი ალზაზიშვილი** – ლექსები
18. **ბივი ვაღუღარია** – შესვედრა ბამჭირშვილმა, რომანი. ვაგრძელეზა
33. **ჯანსუღ კორაბია** – ლექსები
37. **ჯაჯა თვარაკა** – სიტყვები. მოთხრობა
114. **ერეკლე საღლიანი** – ლექსები
117. **სოფიკო ტყეშელაშვილი** – ლექსები
118. **ნუგზარ ჯაჯანაშვილი** – ლექსები
120. **თენგიზ გოგოლაკა** – ორი ნოველა
124. **ოთარ მეორეშვილი** – ლექსები
126. **ჯუჟუბერ ხანთაქა** – გერმანელმა. ნოელები

ასალი თარგმანეზი

135. **სვეტლანა ალილუევა** – ფიგნი შვილიშვილი-თათიშვილი. დასასრული. რუსულიდან თარგმნა ჯუჟუბერ თითქარია

წერილეზი

144. **ღიანა ჟღნტი** – ღეჟნა შენგელაიას თხზულებ. ბათა ვენისა და სტილის ჯოგშიერთი საკითხი

სელოვნება

148. **ეკა გუნთაიშვილი** – „ვეჟე, ვიბრკვი და ახ ბრკოლას სულსა და გულს ვვირკვ“

ბაგონათოვკარი

159. **ბაღრი ქონონელიკა**

შთავარი რედაქტორი
ჯაურ ქალანდია

ხარედაქციო საბუკო:

ბალთერ არაბული
ირაკლი ბაზაკი
ბიორგი ბაჟანიკი
(შთ. რედაქტორის შოადგ.)
ღეჟან ვალაჯონია
ელზა მებრეველი
ჯეჟალ ძირიბი
(პასუხისმგებელი მდივანი)

საკონსულტაციო საბუკო

ნოდარ გრიგალაშვილი
ბივი გეგეჟორი
ღავით თედორაკი
ჯაჯა თვარაკი
მეზარ კვიტაიშვილი
რეჟან მებრეველი
ღავით მებრეველი
ბივი სულაჟარი
მინილ კვლივიკი
ჯანსუღ ღვიწილია
შადიგან შამანაკი
ნუგზარ შატაიკი
როსტომ ჩხეიკი
ჯანო ჯანელიკი

შორიგე რედაქტორი:
ჯეჟალ ძირიბი

20614


ფსალმუნები

ფსალმუნი 55


ლოტარისადმი. სიმეზიან საკრავში.
მოკლევება დავითისა.

2. ისმინე, ღმერთო, ჩემული ლოცვა-ღაღადი,
ნუ განუღებვი ვერებას ჩემსას.
3. მომაყურადე,
მომაპყარ სმენა,
მოთქმით აღმოვთქვამ ცოველ სიტყვას
და მე ვძრწუნდები
4. მოშულართა ხმით,
უკეთურთა გულარძნილობით,
თავს რომ მატუხენ უსჯულობას
და შეუვალი სისასტიკით მაეიწროებენ.
5. ჩემი გული კი
ბორჯნეულად წრიალებს ჩემში,
სიკვილის ელდა მიწეწავს გულ-გვამს.
6. შიშმა და ზაფრამ
დამრია ხელი
და საშინელმა შეძრწუნებამ
გარემომიცვა.
7. და ცრემლით ვამბობ:
„ნეტავ მქონდეს ფრთენი მტრედისა,
აუფრინდებოდი,
ვპოებდი სადგურს.

გაგრძელება. დასაწ. იხ. „ცისკარი“ № 1, 2, 3, 4, 5, 6, 7-8, 1993 წ.,
1. 1994 წ., 1-2, 3-4, 5-6, 7-8, 1995 წ., 1-2 1996 წ.



8. მივიქცეოდი სიშორეში,
აჰა, ესერა,
უღაბნოს ჩრდილში დავივანებდი,
9. რომ სახიზარში შევხიზნოდი
დაუხანებლად
გრიგალს და
ქარებს —
უღაბურ ქარებს.
10. განკვეთე მათი ენა-პირები,
დაანელებ და
დანთქე, უფალო,
რადგან ქიშკი და ძალადობა
დამძრწის ქალაქში.
11. გარეუელიან დღენიადაგ
ზღუდე-გალაენებს
და ბოროტება,
ცილი და
ზაკვა
მიდი-მოდიან წიაღთა შიგან.
12. წიაღთა შიგან ბინადრობს შური
და უკეთურთა ქვებუდანობას
ვერ იშორებენ მისეული ქუჩაბანდები.
13. რამეთუ მტერი კი არ მკილავს
შესალანძლავად —
მაშინ როგორმე ავიტანდი გაკილვას მისას —
ან ცუდად კი არ მამუნათებს
მოძულე ჩემი —
მის მუნათებსაც დავითმენდი ბოლოს და ბოლოს,
14. არამედ კაცი — მოყვასი ჩემი,
სწორფერი ჩემი,
ტოლი და
სწორი,
15. ვისთანაც ვბჭობდით,
საამოდ ვხმობდით
და საღვთო სახელში ვილოდით ერთად.



16. დაე, სიკვდილი მეყსეულად დაატყდეთ თავზე,
ცოცხლად შეერთონ ქვესკნელის წიაღს,
რადგან მტრობას და
ბოროტებას გარემოუცავს
საცხოვრისი და
სამკვიდრო მათი.
17. მე კი ღმერთისკენ აღვაყვან ლოცვას
და შემეწევა უფალი ჩემი.
18. მწუხრზე,
დილით და
შუადღისას შევევედრები,
შეეტირებ მას და
შეისმენს ჩემს ხმას.
19. მან სული ჩემი უშფოთველად გამოარიდა
მოსისხარებს და მოშულარს ჩემსას,
როს მრავალკეცად შემომერტყა
ლაშქარი მათი.
20. ისმენს ღმერთი და
ყოველთაგანს შემუსრავს იგი,
რომელი ჰვიეს დასაბამიდან —
რადგან მათი გზა უცვლელია კვლავინდებურად
და აღარ აკრთობთ გამჩენის შიში.
21. აღმართეს ხელი ნათესავთა შესამუსრავად,
შეაგინეს და
შელანძღეს აღთქმა.
22. გაქლესილია ერბოსავით
მათი ტუჩები,
გულში კი უღუღტ
ბოდმა და
შური,
ნელსაცხებელს ჰგავს მათეული სიტყვა ყოველი,
თვით კი არიან ფიცხელ და
სასტიკ —
ზეამოწვდილი მახვილის დარად.

23. მიანდე უფალს შენუელი ტვირთი და
კირთი,

ის შეგისარფებს საზრუნავს შენსას,
არ დასცემს წმინდანს უკუნითი უკუნისამდე.

24. და შენ მათ, ღმერთო,

ჯოჯოხეთში ჩააბირქეავენ,

რომ ყველა მზაკვარს,
ყველა სისხლისმსმელს
დღე მოესწრაფოს წუთისოფლის ნახევარგზაზე,

მე კი,

უფალო,

გსასობდე უკუნისამდე.

ებრაულიდან თარგმნა
ჯემალ აჯიაშვილმა

(გაგრძელება შემდეგ ნომერში)



გივი ალსაზიშვილი

მე არ ვფიქრობ არაფერზე,
 მე არ მახსოვს არაფერი,
 ვზივარ ჩემთვის და სარკმელი
 მათვალაიერებს,
 მზის ნამცეცები მათვალაიერებენ,
 მბრწყინავი სივრცე მისრუტავს,
 ცაში გაბნეული ბგერები დამეძებენ,
 სიჩუმეში ჩამალული სიტყვები
 მპოულობენ,
 თვითონ მოდიან ხეები, ყვავილები,
 სხივები...

მე არ ვფიქრობ არაფერზე,
 მე ფიქრი მეძებს.

1. სიჩუმის ოთახი

ლამპის შუქი თრთის მის სუნთქვაზე და მე ვხვდები:
 იგი აქ არის, ეველაზე უფრო ღრმა და ბებერი საოცრება —
 ჩემი სიჩუმე. იგი ოთახში იმალება, განდევნილი ქალაქის
 ქუჩებიდან, მრავალსართულიან სახლების ეზოებიდან და
 მყვირალა ოთახიდან გაძევებული.

იგი აქ არის, მისი სუნთქვა აღსასვსა ამოუთქმელ
 სიტყვათა სულით და იმ სიტყვათა ნამცეცები ერთდროულად
 თრთიან ჩემში და ჰაერშიც და გულმოდგინედ რაღაცას
 ქსოვენ, ოდესღაც ხილულს, თითქოს გაგონილს, უხმო ბგერებში
 ჩამალულ განცდებს...

ყოველივე, რაც სიჩუმემ შეისრუტა, დაიმახსოვრა და რაც
 დუმილის გარსმა შთანთქა, თითქოს თანდათან იღვიძებს ჩემ-
 ში პირველყოფილ მთრთოლვარებით და სიჩუმის სული ცოცხ-
 ლდება ჩემს არსებაში და მე, თანდათან, მოაზროვნე მდუმარებად
 გარდასახული, ვგრძნობ სიჩუმის ძალადობას და შემკრთალი
 ვალებ სარკმელს, რათა ოთახში შემოვუშვა სიცოცხლის ხმები.

2. სარკმელი

მე არ ვიცი, ვინ მენატრება, მაგრამ ისე მენატრება, რომ მულამ ვეძებ და სახლიდან გაქცევას ვცდილობ; სივრცეებში მომწყურდა ფრენა და უცნობ გზებზე ხეტიალი უმისამართოდ.

მე არ ვიცი, ვინ მენატრება, მაგრამ ჰაერი თითქოს მისი სურნელებით არის აღსავსე და გაზაფხულის მოყვავილე ბაღს უნებლიეთ მიყვავარ სადღაც, მწვანე ბურუსში, სადაც წარსული გასუსულა და, მერამდენედ, ბალახივით ჩუმად ამოდის.

ღაბრუნება

1.

უნდა დავბრუნდე,
რადგან იქით ფიქრის გზაც კი აღარ არსებობს,
იქ სიბნელეა, სიბნელეა შეუღწეველი.

2.

რა სითბოა ამ სახლის ჭერქვეშ
და სარკმელი მზით ავსებული —
მულამ ცისკენ რომ იხედება,
ახლა ოთახს ათვალიერებს,
სადაც მე ვზივარ,
წყვდიადიდან დაბრუნებული
და საკუთარ დამარცხებას ჩუმად ვზეიმობ.

ვერ გავიქეცი,

რადგან იქით ფიქრის გზაც კი აღარ არსებობს
და სიბნელეა, სიბნელეა შეუღწეველი.

3.

ნუ გაიკვირვებ, რომ ბალახის ხილვაც მაკვირვებს,
რომ ეს კედლებიც, ჩემს სიჩუმეს რომ აგროვებენ,
განსაცვიფრებლად მომნატრებია,
რომ ყველა სიღრმე,
სადაც თითქოს ჩააღწია გონების თვალმა,
იყო სიბნელის ზედაპირი, სხვა არაფერი.

მე აქედან ვერ გავიქეცი

და ჩემს სხეულში, როგორც საკანში

მოვიხდი სასჯელს,

რადგან იქით ფიქრის გზაც კი აღარ არსებობს

და სიბნელეა, სიბნელეა შეუღწეველი...

ჩემი თვალებიდან გაღწეული დარდი ალბათ, ოდესმე დასრულდება
 ღრუბელივით მიდის სადღაც ჩვენი მსვლელობა
 და მეც კვალდაკვალ მივდევ და მე — ჩემივე ტკივილის მორჩილს,
 ჩრდილივით. სხვა სიცოცხლე მომენატრება.

წარსული

ყოველი ნაბიჯი წარსულიდან გაქცევაა და, ამავე დროს, წარსულის
 გაგრძელებაა. მეჩვენება, რომ ვშორდები წარსულს, დიახ, მეჩვენება,
 რადგან იგი ჩემთან ერთად განაგრძობს წინსვლას; ჩემთან ერთად იცვლე-
 ბა და ვითარდება. წარსული არაა გარდაცვლილი დრო, იგი სათავეა და
 სათავეს ვგრძნობ მდინარესავით.

წარსულის ალბომი

ტილოზე დარჩა მკაცრი მონასში — თავზე დამწრიალებს შავი ტოტი,
 მტკივანი სულის ნაკვალევი: ეს შავი ლექსი დამემ დამაბარა.
 რა უმანკოა მზერა მონაზუნის, ხანდახან ჩემი ძარღვებიდან
 რა ნაღვლიანია სუნთქვა აკვარელის... ამოსვლას ღამობს წითელი ვარდი,
 როცა ფინულები გაღღვებიან
 და წუთი მენატრება სამიო ვარდნის.

შენც გენატრებოდა მსგავსი ბედი — საყდარი გზითა და ახოთი,
 ახლა სასთუმალთან გიზის ყბედი, როცა ვინულები გაღღვებიან
 და წუთი მენატრება სამიო ვარდნის.

ბანდახან მაინც თუ იხსენებ სადა ვარ, რატომ ვარ — ვერ ვერკვევი,
 იმ დღეებს, იმ წუთებს იღბლიანს. სინამდვილე სიცრუემ წაშალა,
 ნილაბი, ნილაბი მოიხსენი, შენი სახეები, როგორც ბერიკები,
 ცრემლები გამხელენ ნილაბის. ხმაურით იკლებენ გზა-შარას.

ვინ იცის, ვინ სად წავიდოდა, საბრალოვ, როცა მარტო რჩები
 ვინ სად დარჩებოდა ბედის ანაბარა, თვალში თუ ცრემლი ამოვიდა,
 რომელ დროს იგონებ გამორჩევით, ვის ნატრობ წარსულის ალბომიდან?!

რა მღუმარეა მაშინ სოფელი, და გულში უზის ღრუბლის გობეღენს.
 გზებს რომ გაჰყურებს მთვარით მოვიდა ჩემი მახარობელი,
 მოფენილს, მიმოიფანტა ნათლის წვეთებად,
 როცა ჩემს სათქმელს ამბობს წვიმს ვარსკვლავებად ზესთასოფელი
 ვარსკვლავი და უშორესზე შორს იხედება.

ლორინისათვის

1.

შებინდებისას გაცოცხლდება მკვდარი გონება,
 შებინდებისას მისი ძარღვები
 მოდიებული მდინარეებით ერთვიან
 ზღვადქცეულ გულს;
 შებინდებისას მისი მზერა ისე ღრმავდება,
 რომ თვითონაც ეშინია საკუთარი სიღრმის.

ამ ღროისათვის მისი ოთახი
 ოთხ კედელში მოქცეული სივრცე როდია
 ან საკანი, სადაც დღისით პირქვე ესვენა
 გონწართმეული, —
 ოთახი ნელა მიიწევს მაღლა
 და გადადის სხვა სამყაროში.
 იგი იწყებს ნამდვილ სიცოცხლეს შებინდებისას.

რაც მუდამ არ ჩანს,
 იგი უფრო მეტად არსებობს
 და კიდევ უფრო მეტად იგრძნობა
 მისი სიშორის სიახლოვე ამოუცნობი.

აი, ღროის და სივრცის სიჩუმე
 და მიუკვლეველ სიტყვათა თრთოლვით
 გაღვიძებული ღამის ჰაერი
 ფერმკრთალ სახეზე ელამუნება
 უხმო ბეგრების უნაზეს ფრთებით.

და მისი ფიქრი — გულიდან გულში მოხეტიალე
 და სულების ხმათა შემკრები,
 აღსავსეა ირეალურ ხილვათა შუქით
 და კონტურებით, დროაღრო რომ დაფრენენ საღვაც, —
 არა თვალებში
 და არც გრძნეულ წარმოსახვაში,
 არამედ სულში, სულის სიღრმეში,
 ღროის და სივრცის მდუმარებაში.

2.

მას ენანება სიკვდილისათვის
 დაკარგული დრო
 და სიბნელეში ჩაწურული წლების სიახე —
 არარაობის ექოსავით ესმის ჟამიჟამ
 და სინანულით ნათღებიან მისი თვალები.

ის, რაც თვალემა გადაიფიწვეს,
 საუბედუროდ, სისხლს ახსოვს ახლაც
 და სისხლის ჩქამი
 დაიწყების ყინულსაც აღლობს
 და დნება, დნება ყოველივე:
 სახლი, ვარსკვლავი
 და სიტყვაც დნება
 და ჰაერი ინახავს სიტყვებს წიგნებზე დიდხანს
 დროისა და სივრცის სუნთქვაში.

3.

ყოველ საღამოს ვიღაცას ელის,
 დაბადებიდან ვიღაცას ელის,
 მოლოდინია სიცოცხლის ბიძგი
 და, ამავე დროს, სიცოცხლის მკვლეელი.

და გაორებულ ლოდინის სულში
 არსებობს იგი შუქჩრდილის მსგავსი,
 მისი სხეული სავსეა მიწით,
 სულს ენატრება ზესკნელის გარსი;

სადაც, ოდესღაც გააღწევს ალბათ,
 გამოიკვეთა ლოდინის არსი,
 ტირის ბგერებად დაშლილი სიტყვა
 და შებინდების მცოცავი ხავსი,

ზოგჯერ სიტყვებს მთვარე მკარნახობს,
 ეს მაშინ, როცა ღამის წყვედიადში
 ვგრძნობ საკუთარ ამოებას
 და ის სიტყვები
 ზეცის სუნთქვაში ამოზრდილი ფრთების მსგავსია, —
 სხვა ქვეყანაში, სხვა სივრცეში მიმაქროლებენ.

ამ კედლებს შორის არის სივრცე,
 სადაც, ხანდახან, ეტოვებ ჩემს ფიტულს და სიტყვებთან
 ერთად მივდივარ, რადგან სიტყვებში უფრო მკაფიოდ მოის-
 მის ჩემი გულისცემა, ვიდრე სხეულში.

სიტყვებს ჩემი სიცოცხლე მიაქვთ,

ტრიტიქი

1. უცნობი

არ ვიცი ჩვენი დროის ნამდვილი სახელი...
 არ ვიცი, ჩვენი დრო მართლა თუ არსებობს.
 არ ვიცნობ არცერთ აზლობელს,
 მითუმეტეს არ ვიცნობ უცნობს, —
 ის უცნობი მე ვარ, მე ვარ, მე ვარ...

2. ჩაბრუნებული მზერა

უნებლიე შორისდებულმა
 ჩააქრო სივრცე
 და თვალმა საკუთარ სიდრმეში ჩაიხედა.

3. მხატვრის თვალები

დარბაზში თვალები დაძვრებიან:
 თაფლისფერი, მომწვანო, შავი
 და ცისფერი თვალები.

დარბაზის ჰაერს თვალები აფერადებენ
 და ისინი დაძვრებიან კედლებზე,
 გარდაცვლილი მხატვრის ტილოებზე
 და უფრო ხშირად — ერთმანეთის სულში.

კალიბივით დახტიან
 სიტყვის ნამცეცები
 და უაზროდ არჩეულ ბგერათა შორის
 იმარჯვებს ზ-ანი:
 და ზუზუნებს, ზუზუნებს, ზუზუნებს,
 ზრიალებს, ზრიალებს, ზრიალებს,
 ზოგჯერ კი ზმუის და იზმორება დარბაზი.

სად წავიდნენ გარდაცვლილი მხატვრის თვალები?!

მოშრიალე კაბები ბადებენ ხელოვნურ ნიავს
 და თვალებით გაფერადებული ჰაერი
 თანდათან ივსება მოდარბაზეთა ნაირგვარი სუნით.

სურათები იშმუშნებიან,
 რადგან ზოგიერთის დაჟინებული მზერა
 ზეთის საღებავივით ეღლაბნება ტილოს
 და ლაქებად აჩნდება მოქათქათე კედელს.

შამპანური კოცნის ალისფერ ტუჩებს
 და მერამდენედ ახსენებს ტუჩების პატრონს,
 რომ დღესაც იგივე განმეორდება
 რომელიღაც სახელოსნოში.

ვილაც რაღაცას ამბობს
 მხატვრის მდიდარ შემოქმედებაზე
 და მე ვხედავ, როგორ კვდებიან სიტყვები
 მოქმელის ბაგესთან
 და მსმენელთა ყურებთან,
 დარბაზის ჰაერში კვდებიან სიტყვები
 და ჰაერი, მკვლარი სიტყვებით დამძიმებული,
 ფანჯრისაკენ მიიწევს
 და იმ სივრცეში გაღწევას ლაპობს,
 სადაც ცხოვრობენ გარდაცვლილი მხატვრის თვალები.

თვალეზით საუბარი

უცნობი მზერა
 ისეთივე ნატვრას ასხივებს,
 როგორსაც შენი მრუში თვალები.

გრძნობ უნებლიე სიახლოვის ბედნიერებას,
 ამჩნევ მის ღიმილს —
 ყვაელივით რომ იშლება მარჯნის ბაგეზე.

რასაც თვალები ამბობენ ახლა,
 სიტყვით არ ითქმის.

შოთა ჩანტლაძის სახსოვრად

მეტროს გვირაბიდან ამოდიან ლანდები,
 ამდენი რაინდები და ქალბატონები
 ლანდებად ქცეულან,
 ლანდები არ ინდობენ ერთმანეთს,
 ისინი ქრებიან ზეზეულად.

ღამეს ანათებენ მშიერი თვალები —
 ყველაფრის შთანმოქმელი,
 ლანდები არსებობენ ბალანდებით
 და გულში ჩაკლული სათქმელით.

დადიან ლანდები-ტოლანტები,
 გაქექილ ქურთუკებში ჩამკვრალან,
 დღეს ნებისმიერი ქურდი უკეთ არსებობს
 და ნებისმიერი ნაძირალა.

ვის უნდა პოეტი, მეცნიერი ან რაფსოდი,
 საწყალო, პირფერულად ახსოვდი
 მთავარს და ნაკაცარს,
 გრძელდება ყაჩაღური აბსურდი
 ანუ სასიკვდილო დაქანცვა.

იარეთ, ლანდებო, მშვიერი მარშებით
 სახლიდან სახლამდე,
 იარეთ, იარეთ, ქართველო „მორეუბო“,
 ვიდრე საქართველოს ახერები დახრავდნენ.

იზრდება სასაფლაო და კვდება ქალაქი თანდათან,
 მკვიდრდება ტერორი სისხლიან ბანდათა.

ეს ჩემი ქვითინი, ოდა თუ კანტატა
 ან ხმით ნატირალი,
 მიართვით მსახიობს, მუშას და კანდიდატს,
 გნებავთ — ნაძირალას.

მოდით, წურბელებო, მოდით, ვირთაგებო,
 მსუქანო მღრღნელებო,
 თქელიფეთ საქართველო, ხვრიაბეთ ჩვენი სისხლი,
 სანამდე გენებოთ.

ჩვენ მაინც მოვდივართ, ამაყად მოვდივართ —
 მშვიერი ლანდები,
 ჩვენ მუდამ მოვდივართ,
 არასდროს ვთავდებით.

ეს ძველი ქუჩა და ძველი სახლი,
 ძველი სიჩუმე ხავსიან ყორის,
 სურვილი ლოცვის და თავის დახრის
 და ნატვრის ცრემლი სურვილთა შორის...

და ნატვრის ცრემლით თუ ნატვრის თვალით
 მოულოდნელად დანახულ ხედებს
 დაეფინება სინათლე მკრთალი,
 ციდან ფრთებით რომ ჩამოაქვთ მტრელებს.

აქ ფეთქავს ჩემი დიდებას ლანდი
 და ბიბლიური თვალების სიღრმე.
 მე იმ თვალეზში რა მშვიდი უჩანდი,
 დღეს კი სატანა სიცოცხლეს მიმღვრევს.

მაგრამ გულს ჩემსას — ფიქრების საყდარს
 და თვალებს, როგორც ამ საყდრის სარკმელს,
 აქ ყველაფერი უცვლელი დახვდა
 და ახალს მხოლოდ სახელებს ვარქმევ.

ისევ ვაგრძელებ მოწაფურ წერილს,
 რომელიც, თითქოს, შევწყვიტე გუშინ
 და თვალი ჩემი — გართული მზერით,
 ჩაძირულია წარსულის გულში.

ღმერთო, შეუნდე...

პური და წყალი, ღამე და ბაზი,
ფიქრის მუსიკა ყოვლისმომცველი,
იღვიძებს ჩემში ვინმე მლოცველი,
მომფერებელი სიტყვითა ბაღის.

დაუნდობელთა სახეებს წაშლის
და გამინათებს თვალებს ფსალმუნი,
თავისთვის ქრება წყენის აღმური
და სინანული გუბდება ხმაში.

ჯვარი და ღოქი, ჩუქურთმა ტაძრის,
ჩუმი შრიალი ათასწლეულის —
უძველეს წიგნში გადარწეული
და მივიწყება ქალაქის, მკაცრის.

შეუნდე, ღმერთო, ბოროტის ქომაგს,
შეუნდე, რადგან მათ არ უწყვიან...
შენი წიგნები უქმად უწყვიათ
და აღმერთებენ, საწყლები, სტომაქს.

სიზმარ-ცხადი

არც დღე, არც ღამე,
არც წარსული, არც მომავალი
და აღარც აწმყო,
არც ნაცნობი, აღარც მავანი...

ძლივს გავეჩეცი, დავემაღლე,
ახლაც აქ ვრჩები.

მხოლოდ სიზმარი, კვლავ სიზმარი —
თან უცხადესი
და ვრცელი ყანა,
ხორბლით არა, ცრემლით ნათესი.

აქ, სადაც ისევ სიზმარია
და უცხადესი
არის ეს ყანა, არა ხორბლით, —
სისხლით ნათესი.

ჟღალი არწივი დამაფრინდა
ბეჭვზე კლანჭებით,

გამოვა რამე?
რას უცდიან ნეტავ ესენი,
რას მოიძიან, საბრალონი,
სისხლის მთესველნი?!

უცნობის მონატრება

ღიღინ-ღიღინით ტყისკენ რომ წახვალ,
ყვავილს რომ დაკრეფ, ჩაუვლი ძეძვებს,
მოგენატრება უცნობის ნახვა,
შენს გულისცემას მუდამ რომ ეძებს.

ეთამაშები სურვილებს თამაშს
ისე, თითქოსდა თამაში არ გსურს,
არის ნაცნობი მარტოდენ თემა, —
იგი რაღაცით წააგავს წარსულს.

რა შეუმჩნევლად იღვიძებს ვიღაც,
უარმყოფელი ხავსიან დარდის,
შემოგაჩენებს მხიარულ ნიღაბს
და შენთან ერთად სიმღერით დადის.

შეგეფეთება უცნობის მზერა,
განათებული ნაცნობი ნატურით...
ცაზე კი არა, სისხლშიაც მზეა
და ფერებია შეშლილი მხატვრის.

ღამის რკეულიდან

ამ სიბნელეში ფეთქავს ნათელი,
ნათელი უფლის სიტყვებში სუფევს.

წყევლა-კრულვით უფრო მეტად
ბნელდება სული
და შენც ღამეს ემატები, ღამის ნამცეცო.

მიღულე თვალი და ილოცე,
ვიდრე გულში სიყვარული
აღმოცენდება,

საბრალოა,
ვინც წველიადმი ვერაფერს ხედავს
ღა „თელასის“ იმედით ცხოვრობს.

ვიდრე სიტყვები განათდება
და სიბნელეს განერიდება.

სალამოვდება

დასაბამიდან რამდენჯერ ითქვა:

ს ა ლ ბ მ ო ვ დ ე ბ ა !

ჩამუქებული ქედების ფონზე
ჩანს დასავლეთით
თრიმლისფერი ღრუბლის ნაფლეთი —
უკანასკნელი სახსოვარი ჩამავალ მზისა,
სალამოვდება, ვზირსაც და მზირსაც,
მშიერ კლახაკს და მაძლარ მოხელეს,
ეს ზამთრის ღამე ალბათ ეყოფათ

დათრგუნულებს და მეამბოხეებს.
და ისევ, ისევ სალამოვდება,
არ ეგორდება სასწაული თითქოსდა
თვალწინ,
ბანდისფერ არწივს უსასრულო ფრთები
ეზრდება
და ჩაბუქებულ სივრცეებს არწევს.

თვალს ვარიდებ იმ დღეებს,
რადგან იქ შენ ხარ
და იქ, ახლაც, ვარდები ცხოვრობენ.

ამჩატებულ ჰაერში,
რომ ჰაერსაც ეშინია იქით გახედვა,
სადაც უხილავი ვარდები ცხოვრობენ.

მათი ფურცლები ხმოვნებად იშლებიან
ღამეში,
ხოლო სურნელი ისე ვრცელდება

ღმერთო ჩემო, მათი სუნთქვა
როგორ აღწევს აქამდე?!
...
თვალს ვარიდებ იმ დღეებს...

აკვიატებული მოტივი, აკვიატებული ფიქრი, აკვიატებული თვალები, აკვიატებული თემა...

ბოლოს — სრული გაუცხოება:
ვიღაც, სადღაც, რაღაც, რატომღაც...
კარგავენ საგნები და მოვლენები წონას, ფორმას, განცდას, მნიშვნელობას,
ყოველივე ერთფეროვან ნისლში დაინთქა.
თითქოს იღუმალი ქალბატონი,
თითქოს... თითქოს... თითქოს...
მობეზრებული მოტივი, მოსაწყენი ფიქრი, ამოშრეტილი თვალები, ამოწურული თემა... და ძლივს გადატანილი ავადმყოფობა — სიყვარული რომ ერქვა სახელად.

ისევ ზარის ხმა —

გარეუბნის ეკლესიიდან აღწევს ჩემამდე, ძლივსღა აღწევს, ჩემშივე წყდება მისი ექო უკანასკნელი.

ისევ ფიქრის პარკში ვფუსფუსებ,
ვქსოვ საკუთარ სიმყუდროვეს
და სიჩუმის უხილავი ძაფით
მიბმული ვარ იმ სიტყვაზე,
პირველად რომ აღმოცენდა
სამყაროს სულში.

და გულისცემა ისე ერწყმის ფიქრს,
რომ იგი ფეთქავს.

ეს სტრიქონიც ძაფივით ბზინავს
ღამის შუქზე,
რადგან ცისკენ იხედება,
სადაც ვარსკვლავები ციმციმებენ
კოსმიური მუსიკის თანხლებით.

ისევ ფიქრის პარკში ვშრიალებ,
აქ სიჩუმეს საკუთარი სუნთქვაც კი ესმის

აღსავსე ვარ სინათლის წვეთებით,
როგორც კაჟი ნაპერწკლებით და ცეცხლის სუნით.

ღამის წვედიაღში ჩემი სიტყვები
ფოსფორივით იწყებენ ნათებას,
როცა დაღლილ სულს
უხილავის სუნთქვა აცოცხლებს,
როცა სიყვარულს მაგნიტივით იზიდავს სული.

შე ვარ წარსულის ნაღვლიანი ექო —
საუკუნეებს ადევნებულნი;
მე ვიცი, რომელმა ზარმა გამოსცა ჩემი ხმა,
მახსოვს, მახსოვს, ვისი ექო ვარ.

ღამე რომ ივსება უთვალავი ყვავილის სურნელით,
სისხლში რომ წვეთავს მთვარის მოწყენილი ღიმილი,
ქაშინ იბადება ღრუბელივით სიტყვა,
უბჟო, მაგრამ გულში ჩამწყდომი,
რომელიც არასდროს, არავის უთქვამს,
იგი არსებობს დასაბამიდან დღემდე,
როგორც ბიძგი სხვა სიტყვების ამოსათქმელად.

თვითონ კი იმალება, იმალება,
ჩვენს თვალებში, ჩვენს ძარღვებში,
ჩვენს გულებში იმალება,
როგორც ჩვენი უმწეობის დასტური.



გივი მალულარია

შესვენება გამზირზე

რომანო

XIII

ბერიკაცს გამზირი არა მარტო უცხო და უღიმღამო ეჩვენებოდა, არამედ ისევე გამრუდებული და გაურჩეული, როგორც დღევანდელი დღე იყო, ერთადერთი დღე ცხოვრებაში, როცა უფერულდებოდა, უფასურდებოდა ის ვარაუდი, ბოლომდე გამართლებული რომ ეგონა. არადა, ვერაფრით ვერ გაეგო, რამ აუძღვრია დღეს გუნება, რამ ამოაგლო კალაოტიდან — არც აეად იყო, არც ოჯახში უჭირდა რამე, არც სამსახურიდან ითხოვდნენ და არც საციხოდ ჰქონდა საქმე. უბრალოდ, მოენატრა ფეხით გავლა, იმის გახსენება, რაც ერთ დროს სიხარულს ჰკვრიდა და ამის გამო არ უნდა დასჯილიყო, სანანებლად არ უნდა გახდომოდა საქმე. ალბათ, არც გაუხედებოდა, შიგნით რომ რაღაც არ მორღვეულიყო, უდროოდ დროს არ გაბზარულიყო. ახლა კი ისიც ეხამუშებოდა, რაც ადრე აზარებდა, და ისიც უსაზური ეჩვენებოდა, რაც ერთ დროს ქუჩისა თუ შენობის მშვენიერად მიაჩნდა. გამზირი გამდაბიურდა, გაუპიროვნდა და ისე დაკარგა პირვანდელი სახე და განუმეორებელი კოლორიტი, რომ ეს მას მხედველობიდან გამორჩა და მთელი სისრულით მხოლოდ ახლა შეიგრძნო.

გაგრძელება. დასაწყ. იხ. „ცისკარი“, № 7-8, 1995 წ., № 1-2, 1996 წ.

აქამდე არ ახსოვდა, არ აინტერესებდა და ამიტომ არც შეუმჩნევია, როგორ შეიცვალა თბილისის მოსახლეობა, როგორ მომრავლდნენ და გამრავალრიცხოვდნენ ისინი, ვისაც ქალაქში თავი უფრო დაცული, „კულტურულად“ უფრო გაშინაურებული, გარეგნულად უფრო დამშვენებული ეგონა. მათთვის არავითარი მნიშვნელობა არ ჰქონდა იმას, რამდენად მოუწყობელი, დაულაგებელი, უთავბოლო იყო ქალაქის დაწნეხილი ცხოვრება და როგორ აღარიბებდა ადამიანს სულიერად, როგორ ათავისუფლებდა პასუხისმგებლობისაგან, როგორ აჩვევდა ქურდობასა და ბოზობას. გამზირზე მოედინებოდა ერთმანეთში ათქვეფილი ბრბო, ახალი რასა, შეიძლება უფრო ენერგიული, უფრო სიცოცხლისუნარიანი, მაგრამ ნიველირებული, ფიქრსა და განსჯას გადაჩვეული, წამხედური. თუ ვინმეს რამე მოეწონებოდა, მოსწონდათ სხვებსაც, თუ ვინმე რამით ერთობოდა, ერთობოდნენ სხვებიც. შეიძლება ქალაქის ერთი სამად გაზრდა, გაუპიროვნება იყო იმის მიზეზი, რომ ხალხი დადაბლდა, გაშავგვრემანდა, გასუქდა, გაუხეშდა. ამ გამზირზე მის ბავშვობაში ისეთი ქალები და მამაკაცები დადიოდნენ, რომ ყველა საკრებულოს დაამშვენებდნენ, ახლა კი ჩექმებსა და ტყავის პალტოებში გამოწყობილი, მოთმინებასა და სიფაქიზეს მოკლებული ქალები ჯარისკაცებივით დააბიჯებდნენ და ისე

შეროდნენ მალაზიებში, კაფეებსა და საშაქარლამოებში, როგორც დაპროგრამირებულები. მათზე უფრო დარბაისლურად, ღირსეულად არც მამაკაცები გამოიყურებოდნენ. უაზრო, უშინაარსო, პროვინციული ამბიციებით შეპყრობილი სახეები სიყალბეს, უზნეობას მტკრიან პაერთან ერთად ისრუტავდნენ და იმასაც კი აუხამსებდნენ, რაც ჯერ კიდევ გახამსებული არ იყო.

ბერიკატმა ხელი ისე ჩამოისვა სახეზე, თითქოს მტკერი ჩამოიწმინდა და ისევ ცხრა მთას იქით გადაიხვეწა, აფორიაქებულ მოგონებებს დაედევნა.

კრასნოიარსკი ენისეის ორივე ნაპირზე გაშენებული დიდი დაბა უფრო იყო, ვიდრე ქალაქი. ერთმანეთს მიჰყვებოდნენ ფიჭვის მორებისაგან ნაგები ერთ და ორსართულიანი სახლები. ქუჩები მოუკირწყლავი იყო, მაგრამ ზამთარში თოვლი და ყინვა ფარავდა და მტკიცე საფარი ჰქონდათ, ზაფხულში კი, თუ წვიმა მოვიდოდა, ცხენები მუხლებამდე ეფლობოდნენ ტალახში და უჩქემოდ კაცი მეორე მხარეს ვერ გადავიდოდა. ერთადერთი ხსნა ის იყო, რომ ტროტუარებზე ფიცრებს აგებდნენ და რკინიგზის ბაქანივით ამაღლებდნენ. მხოლოდ ცენტრალურ ქუჩაზე იდგა ქვის სახლები, რომლებიც ძირითადად ხელი-სუფლების ადგილობრივ ორგანოებს, ქალაქის ადმინისტრაციას და სკოლებს ეჭირათ.

ქალაქის დაგეგმარება ჯერ კიდევ 1928 წელს დაუწყიათ, მაგრამ მთელი საუკუნის მანძილზე მის უბნებს დიდი არაფერი შემატებია. მარცხენა ნაპირი, ტერასებზე რომ იყო შეფენილი, უფრო მჭიდროდ იყო დასახლებული, ვიდრე მარჯვენა. მარჯვენა მთლიანად ვაკეს ეჭირა და ქარხნებსა და საწარმოებს სწორედ ამ გაშლილ მინდორზე აშენებდნენ. იმ დროს, იგი რომ კრასნოიარსკში ჩავიდა, მხოლოდ ორი ქარხანა შენდებოდა — სამდინარო ველების შემკეთებელი და ცელულოზის გამოიმუშავებელი. იმდენი ხე-ტყე, რამდენიც მდინარეში და მის ორივე ნაპირზე ეყარა, სი-

ცოცხლეში არ უნახავს. ეს უფრო ხეების სასაფლაო იყო, ვიდრე საწყობი. ამ სწორ, კანგაუცლელ, საუკუნოვან მორებს არც პატრონი ჰყავდა და არც დამფასებელი. ისინი ისე იყვნენ ჩაყინული მდინარეში, როგორც დაუმარხავი მკვდრები, რომელთაც სიცოცხლე ნადრევად მოუსწრაფეს, გამოყენებით კი ვერაფერში გამოიყენეს და ამ სინესტესა და ყიამეთში გასახრწნელად, დასაღპობად დაყარეს. დათოვლილ შტაბელებსაც კი ისეთი სახე ჰქონდა, თითქოს შტაბელებად ყინვისაგან გაშეშებული მკვდრები ეყყო, და ამ შთაბეჭდილებას კიდევ უფრო ამძაფრებდა რაღაცნაირი, არაამქვეყნიური მღუმარება. ხეების სასაფლაოზე უფრო დიდი სასაფლაოს წარმოადგენა ძნელი იყო. ამ სასაფლაოდან უკურნებელი სევდა და გაშავებული ნაღველი მოედინებოდა და მათი შხეფები ისე თოშავდა ირგვლივ ყველაფერს, რომ სიცოცხლის ყოველგვარ ნიშანწყალს უგულბებლყოფდა და კოსმიურ იღუმალებაში იძირებოდა.

კრასნოიარსკში სიზარმაცე, საქმისადმი აგდებული დამოკიდებულება და ლოთობა ისეთივე ჩვეულებრივი მოვლენა იყო, როგორც დედის გინება, და ამიტომ ყოველი აქ წამოწყებული საქმე კუს ნაბიჯით მიიწევდა წინ. განსაკუთრებით ზამთრის ბურუსიან დღეებში, როცა დღისა და ღამის ერთმანეთისაგან გარჩევა ჭირდა, როცა გათენება, გამოფხიზლება, რაღაცისათვის ხელის წაკვრა და ისევ არყით სავსე ჭიქის პირზე მოყუდება ისევე აუჩქარებლად ხდებოდა, რომ სიზანტისაგან დროსაც კი უვიწროვდებოდა თვალები. ამ რიტში იყო ჩართული ის სამშენებლო ობიექტიც, რომლის მთავარ ინჟინრადაც დანიშნეს. ახალი თანამდებობის პირის, უცხო კაცის გამოჩენას აქაურებისათვის არავითარი მნიშვნელობა არ ჰქონდა, არც მტრულად ხვდებოდნენ და არც მოყვრულად, რადგან დედაქალაქიდან მოვლინებულები და უკან გაბრუნებულები ბევრი უნახავთ, აქ ფეხმოკიდებულები კი ძალიან ცოტა. ქალაქს ცხოვრების თა-

ვისი წესი, თავისი საზომი, თავისი რიტმი ჰქონდა და ვინც ვერ შეეგუებოდა, ვერ შეიცვლიდა თავის ზნესა და ჩვევას, უკან უნდა ვაბრუნებულყო, რაც არც მის ხასიათს შეესაბამებოდა და არც მის მიზნებს. კრასნოიარსკში იგი იმიტომ ჩამოვიდა, რომ როგორც სპეციალისტსა და ორგანიზატორს თავი გამოეჩინა, პარტიისა და მთავრობის ყურადღება დაემსახურებინა და მასაც რგებოდა წილად ის გავლენა და პრივილეგიები, რითაც ფუნქციონერები და თანამდებობის პირები შეუზღუდავად სარგებლობდნენ. ყველა სხვა გზა ხელის მომცარველი, დამლუპველი იყო. აქ ჩარჩენა გალთებას, გაუკაცურებას უდრიდა. ამიტომ მთელი ძალ-ღონე უნდა დაეძაბა და ისეთ ორიტაზე გასულიყო, რომ ვერც აქაური ორგანოს მუშაკებს დაებარებინათ ადვილად და ვერც მოსკოვის დაუკითხავად გაეუბნათ რაიმე. ამისათვის კი მშენებლობის ადგილიდან დამკვრის, საკავშირო კორესპონდენტების დანიტერესება, ადგილობრივი ადმინისტრაციის გულის მოგება იყო საჭირო. საქმიანი, უნარიანი, კვალიფიციური სპეციალისტის სახელი მანამდე უნდა მოეხვეჭა, სანამ ქარხნის მშენებლობა დამთავრდებოდა, რადგან იქ, სადაც რაღაც შენდება და ცარიელ სივრცეს იკავებს, თავის გამოჩენა გაცილებით უფრო ადვილია, ვიდრე ამუშავებულ საწარმოში.

მშენებლობას თითქმის არაფერ ხელმძღვანელობდა, არაფერი იყო მოგვარებული და მოწესრიგებული — არც მომარაგება, არც ტრანსპორტი, არც კადრები; არ ხდებოდა საქმის წარმოება, აღრიცხვა, ანგარიშგება. ერთადერთი ინჟინერი, რომელიც მშენებლობას უძღვებოდა, ნახაზებს ძლივს კითხულობდა და შრომის ორგანიზაციაზე წარმოადგენა არ ჰქონდა. კიდევ უფრო უწიგნური იყვნენ მისი ხელქვეითნი, რომელთაც „პარაბებს“ ეძახდნენ, მაგრამ ამ სიტყვის მნიშვნელობა ცოტა მათგანმა იცოდა. რაც შეეხება მუშახელს, ქარხანას პატიმრები აშენებდნენ და ტექნიკური პერსონალის უთაურობის გამო ისედაც დასუს-

ტებულებს, კიდევ უფრო მეტად ადგებოდათ.

ყველაფერი თავიდან დასაწყები, გაღასადღილებელ-გადმოსადღილებელი, გასაზეთ-გასაპოხი იყო. აქაურები რომ საქმეში არ გამოადგებოდნენ, ამას დიდი მიხვედრა არ უნდოდა. იმიტომ მათთვის ისეთი საქმე უნდა გამოენახა, სადაც ჭკუაზე მეტად ბრძანების შესრულების ნიჭია საჭირო. ასეთი ნიჭი კი მათ მართლაც ჰქონდათ და შეიძლება ჭარბადაც. მხოლოდ ეს იყო, რომ კარგი საქმის მწარმოებლისა და გამოცდილი ბუხალტრის პოვნა ჭირდა. ასეთები ან ვადამოხდილებს, ანდა შემთხვევით ქალაქში ჩარჩენილებს შორის უნდა ეძებნა. ძებნას იმ დღიდან შეუდგა, რა დღესაც მშენებლობის ყველა ავკარგი გაითვალისწინა. მაშინ სასტუმროში ცხოვრობდა, სასტუმროში კი არა, ხის ორსართულიან ბარაკში, რომლის პირველ სართულზე რესტორანი იყო გახსნილი. უფრო იაფი რესტორანი არსად შეხვედრია და ამიტომ საუზმესაც იქვე მიირთმევდა და სადილსაც, მხოლოდ ვახშობის დროს ერიდებოდა ძირს ჩამოსვლას. საღამოობით რესტორანში ისეთი სმა და ღრეობა იმართებოდა, რომ, ვერ ერთი, ყურთასმენა არ იყო, მეორეც, უჩხუბრად და უსისხლოდ იშვიათად თავდებოდა საღამო. მიუხედავად ამისა, დილით ყველაფერი დალაგებულ-დასუფთავებული, გაქათქათებული ზვდებოდა, ოფიციალტი ქალები დაუზარებლად ემსახურებოდნენ და ამკვარ მომსახურებაში ზედმეტს არაფერს თხოულობდნენ.

ერთ დღეს, სადილობის ჟამს, რესტორანში შემოვიდა ახალგაზრდა, შავებში ჩაცმული ქალი, რომელსაც სიარულზეც ეტყობოდა და მაგიდასთან კედლოზეც, რომ აქაური არ იყო. მის ქვევამი თავისუფლების ისეთი ელემენტება შეინიშნებოდა, რასაც განათლება უფრო იძლევა, ვიდრე აღზრდა. შეიძლება აქ ჩამოსვლამდე უკვე სადაც მსახურობდა და ცხოვრების ისეთ მხარეებს იცნობდა, რასაც ამ ქალაქში ვერ



შეიძენდა. ყოველ შემთხვევაში, არც საწყალი ჩანდა, არც მოტეხილი და არც ისე შეშინებული, რომ საკუთარი თავი ვერ დაეცვა. მართალია, სახე ფერმკრთალი, დამწუხრებული ჰქონდა, მაგრამ ჯანმრთელი, ენერგიული და თამამი ქალი რომ იყო, ამაზე ოფიციალურთან საერთო ენის გამოჩნება და შესანიშნავი მაღა მეტყველებდა. არ დაიკლო არაფერი, რასაც კი მოერეოდა. შეიძლება სამგლოვიარო დღეების შემდეგ ეს იყო მიწის პირველი გამოსვლა დღის სინათლეზე, შეიძლება მხოლოდ ახლა მიეცა იმის შესაძლებლობა, რომ საკუთარი თავისათვის მიეხედა.

რესტორანში, მათ გარდა, კიდევ ერთი წყვილი იჯდა, რომელთაც რაღაც ჰქონდათ გასარკვევი და სხვებისთვის არ ეცალათ. ამიტომ გადაწყვიტა ბედნიერი შემთხვევა ხელიდან არ გაეშვა და რაღაც უნდა დაჯდომოდა, გაეგო, ვინ იყო, რა კვალიფიკაცია ჰქონდა. ფერმკრთალი და დამწუხრებული ახლა ჩანდა, მაგრამ როგორც კი ძაძებს მოიშორებდა, საქმიანიც აღმოჩნდებოდა და უნარიანიც. ამიტომ მთელი სითამამე მოიკრიბა, მის მაგიდას მიუახლოვდა და დაჯდომის ნებართვა სთხოვა. ქალი ერთხანს შემფასებლური მზერით აკვირდებოდა და, როცა დარწმუნდა, მისგან არც უსაკმელოება იყო მოსალოდნელი და არც უხამსობა, წყნარად უთხრა:

— დაბრძანდით!

მან თავისუფალი სკამი გამოსწია, დამგლოვიარებული ქალის პირისპირ დაჯდა და ღიმილით უთხრა:

— არ გეგონოთ, რომ საქმე არაფერი მაქვს და იმდენად უტიფარი ვარ, რომ თქვენისთანა დამგლოვიარებულ ქალთან დროის გატარება მოვიხსურვე, უბრალოდ, ჩემზე დიდი ქალაქიდან ჩამოსული, განათლებული, საქმიანი ქალის შთაბეჭდილება მოახდინეთ და ვიფიქრე, თუ აქედან ზეალვე არ მიემგზავრება, იქნებ გამომადგეს იმ მძიმე საქმეში, რომელსაც კარგი სპეციალისტების გარეშე თავს ვერ გავართმევ-მეთქი.

— ვინ ბრძანდებით?

— გემთშემკეთებელი ქარხნის მთავარი ინჟინერი. თანამდებობა მაქვს ასეთი, თორემ ქარხანა ჯერ კიდევ ასაშენებელია.

— თუ ასეთი მძიმე საქმე ნებაყოფლობით იკისრეთ, გაუკაცო კაცი ყოფილხართ, მაგრამ მე რაში გამოვადგებით: არც მშენებელი ვარ და არც გემებისა გამეგება რამე.

— მშენებლები და მექანიკოსები მე არ მჭირდება. მე მჭირდება ენერგიული, წინიერი ადამიანი, რომელსაც საქმის წარმოება არ გაუჭირდება.

— უბრალოდ რომ ვთქვათ, კანცელარიის გამგე.

— თუნდაც ასე იყო.

— რომელსაც მანქანაზე ბეჭვდაც ეცოდინება და საქმიან მიმწერასაც გაართმევს თავს?

— თანაც ისე, რომ ქარხნის ინტერესები დაიცვას.

— გასაგებია. ამის გამოცდილება მე მართლაც მაქვს და თქვენ ძალიან მახვილი თვალი გქონიათ.

— მაღლობა ღმერთს, ალღომ არ მიღალატა, მაგრამ მთავარია არა ჩემი აღმოჩენა, არამედ თქვენი თანხმობა. ახლა ისეთ მდგომარეობაში ვხედავთ, რომ შეიძლება არც მუშაობის თავი გაქვთ და არც ამაზე ლაპარაკი იყოს საჭირო?

— შეგიძლიათ შეუკვეთოთ ცოტაოდენი კონიაკი ან არაყი? ახლა ხმა რომ ამოვიდო, მეტი სიმხნევე მჭირდება, — უთხრა ქალმა და თავი ასწია, თვალი გაუსწორა.

— დიდი სიამოვნებით.

ამ რესტორანში კონიაკს თითქმის არავინ სვამდა, რატომღაც მიღებული არ იყო, უცხოობდნენ და ამიტომ ისიც ისევე იაფი ღირდა, როგორც დანარჩენი ყველაფერი. მან იმ ოფიციალურ ქალს, რომელიც მგლოვიარე მანდილოსნის მაგიდას ემსახურებოდა, ერთი ბოთლი კონიაკი, შოკოლადი და ყავა შეუკვეთა და ახალგაჯნობილ ქალს ჰკითხა:

— იქნებ ეწვეით?

— საერთოდ არ ვეწევი, მაგრამ ახლა არც პაპიროსზე ვიტყვოდი უარს.

ოფიციალტმა კონიაკს და შოკოლადს „კაზბეკის“ კოლოფიც მოაყოლა.

მან ჭიქები შეავსო, შოკოლადი დატეხა და მგლოვიარე ქალს გაუწოდა.

— მიირთვით.

— გმადლობთ. ცოტათი გავთბი და გონს მოვედი. თქვენ დღეს მხსნელად მომეკლინეთ.

— აი, ამას კი აღარ მოველოდი.

ქალმა კონიაკი გადაკრა, ცოტა ფერზე მოვიდა და ენა გაეხსნა.

— ამ ქალაქში მე მართლაც თეთრი ყვავივით ვარ, მით უმეტეს — ამ ძაძებში. ექვსი თვე ავადმყოფ ქმარს ვუვლიდი, ორი კვირა მის გამოგლოვებასა და დამარხვას მოვუხდი. აქ არავინ მყავს, არავის ვიცნობ, გარდა იმ დიასახლისისა, ვისთანაც გავეჩრდი და ამიტომ ყველაფერი მე დამაწვა მხრებზე. ხარჯს რომ თავი დავანებოთ, ჩვენში მიცვალებულის დასაფლავებაც კი პრობლემაა. ყველაფერზე ჭირისუფალმა უნდა იზრუნო, ყველა საბუთი თხოვნიდა და მოთმინებით უნდა მოიპოვო. ამ სირბილსა და ტირილში არა მარტო დავიღალე, ცოტათი დაიბენი კიდეც. რაც თან ჩამომყვდა და რაც აქ მერგებოდა, შემომეხარჯა. ახლა იმ ნივთებსა და ტანსაცმელს ვყიდი, რასაც შემოიძლია შეველო, მაგრამ გზის ფულს მაინც ვერ მოუყვარე თავი.

— სადაური ხართ?

— მოსკოველი.

— ქმარს რა დაემართა?

— ჩემი ქმარი გეოლოგი იყო, თანაც იმდენად ნიჭიერი, რომ სტაჟირებისათვის ამერიკაში გაგზავნეს. ამერიკიდან დაბრუნების შემდეგ გეოლოგიისა და მინერალოგიის სახალხო კომისარიატში მუშაობდა. მეც იქ ვმუშაობდი ჯერ მდივნად, შემდეგ კანცელარიის გამგედ. დაქორწინდით ამ ხუთიოდე წლის წინათ. ზრდილობიანი კაცი იყო, არაფერზე არ მიხირდებოდა, თავისი საქმე უყვარდა და თავის დარგში ერთ-ერთ საუკეთესო სპეციალისტად ითვლებოდა.

შარშან რატომღაც ამოიჩემეს, სხვა თვალით დაუწევს ყურება, ალბათ იმის გამო, რომ ამერიკაში იყო ნამყოფი, და სამუშაოდ ამ ყინვებისა და ცივი ქარების ქვეყანაში გადმოისროლეს. მუშაობა ძირითადად ველზე უხდებოდა. სპეცტანსაცმელი არ ჰქონდა, კარავზე ხომ ლაპარაკიც ზედმეტია. ერთხელ, შემოდგომაზე, როცა აქ ამინდი უცერად იცვლებოდა, საშინელმა თოვლ-ჭყაპმა მოუსწრო, თავით ფეხამდე გაილუმპა; ამასობაში გამოიდარა, ყინვამ მოუჭირა და როცა საავადმყოფოში მიიყვანეს, სიცხისაგან იწყოლა. ფილტვების ანთებას ჭლექი დაერთო. გახდა, გაყვითლდა, წვერმოშვებული წმინდანს დაემსგავსა. მე რომ ჩამოვედი, უკვე სისხლს ანთხევდა. ექვსი თვე საავადმყოფოდან ფეხი არ გამომიდგამს. სიკვდილის სიახლოვემ და ჩვენმა უმწეობამ კიდეც უფრო დაგვაახლოვა, ერთმანეთის იმედით დაგვტოვა. არაფერს ვთაკილობდი, არაფერს ვერიდებოდი, მინდოდა როგორმე გამომეგლიჯა სიკვდილის კლანჭებიდან, მაგრამ მიეღმა ჩემმა თავდადება ამოდ ჩაიარა. გულს ის მიკლავს, რომ მისი გადასვენება ვერ შეეძელი და საფლავი ამ გაყინულ მიწაში გავუთხარე.

ქალმა კიდეც ერთი ჭიქა კონიაკი გადაკრა, პაპიროსს მოუკიდა და ისე მოქაჩა, თითქოს შვებასა და სიმშვიდეს მოუტანდა.

— ახლობელი თუ გყავთ ვინმე? — ჰკითხა კაცმა.

— მამა და დედინაცვალი, მაგრამ მათთან ურთიერთობა კარგა ხანია გავწყვიტე და ამ ურთიერთობის აღდგენის არაკითარი სურვილი არა მაქვს.

— ბინა მაინც გექნებათ მოსკოვში, ცოლ-ქმარი სადღაც ხომ ცხოვრობდით?

— გვექონდა ერთი ოთახი კომუნალურ ბინაში, ჩვენმა უწყებამ მოგვცა, მაგრამ მოსკოვიდან უკვე ექვსი თვეა წამოსული ვარ და, როგორც ერთმა მეგობარმა ქალმა მომწერა, იმ ბინიდან მე უკვე ამომწერეს და ახალდაწინაურებული თანამდებობის პირი ჩაწერეს.

— ვველსფერი ერთბაშად დაგიკარ-



გავთ, — ქმარიც, ბინაც, სამსახურიც, მაგრამ თქვენს მდგომარეობაში მყოფ ადამიანს ახლა დახმარება უფრო სჭირდება, ვიდრე თანაგრძნობა, და ამიტომ უარს ნუ იტყვით იმაზე, რაც შემოგთავაზებთ. დაიწყეთ მუშაობა, ხელფასები აქ გაზრდილია, დრო სწრაფად გაივლის, დაგეზოვებით ფული, გაიმართებით წელში და თუ აქაურობას მაინც ვერ შეეგუებით, იქ გადახვალთ საცხოვრებლად, სადაც მიგესურვებათ.

— ძალიანაც რომ მინდოდეს, აქაურობას ასე უცბად ვერ მივატოვებ. გზის ფულზე რომ არაფერი ვთქვა, ფული იმისთვისაც მჭირდება, რომ საფლავი ცოტათი მაინც დავამსგავსო საფლავს, გვარი და სახელი მაინც არ დავუპარგო ჩემს უბედურ მეუღლეს. გარდა ამისა, მეც მჭირდება გონს მოსვლა, სხვა საზრუნავსა და საფიქრალზე გადართვა, და ამის საუკეთესო საშუალება მუშაობის დაწყებაა.

— მერიდებოდა თქვენი ასე მოურიდებლად გაცნობა, მაგრამ, როგორც ხედავთ, ეს არა მარტო საჭირო, აუცილებელიც კი ყოფილა.

— აკი ვითხარით, მხსენლად მომევილინეთ-მეთქი.

— როდის შეუდგებით მუშაობას?

— დღეს რა დღეა?

— ხუთშაბათი.

— ორშაბათს რომ გამოცხადდეთ, დაგვიანებული ხომ არ იქნება?

— არა, ოღონდ გაფრთხილებთ, იქ არავითარი კანცელარია არ არსებობს, ყველაფერი თავიდანაა დასაწყები.

— მით უკეთესი, აბურღულ-დაბურღულ საქმეებში გარკვევას საქმის თავიდან დაწყება სჯობია.

— თუ ფული არა გაქვთ, ნუ მომერიდებით. ავანსის აღებამდე ცოტას დაგიტოვებთ.

— დღეს მართლაც ბედნიერ ფეხზე ამდგარვარ. ფული მართლაც არა მაქვს, მაგრამ ასი მანეთი მეყოფა.

მან ოფიციალტი იხმო, ანგარიში გაუსწორა, შემდეგ ქალს ასი მანეთი ჩაუდო ჩანთაში და წამოიღა.

— მაპატიეთ, მეჩქარება, უამრავი საქმე მელოდება. აბა, თქვენ იცით, ორშაბათს გელოდებით.

— დიდი მადლობა და კარგად ბრძანდებოდეთ. ვფიქრობ, ერთად მუშაობა არ გავეციტრდება, — უთხრა მგლოვიარე ქალმა და ისიც წამოიღა.

ბუხჩალტერიც ასე მოულოდნელად, შემთხვევით იპოვა. ქუჩაში ქართულ ლაბარაკს მოჰკრა ყური, შეჩერდა და მოსაუბრეებს გაეცნო. ერთი კრასნიარსკში შვიდიოდე წლის წინათ გადასახლებული ქართველი აღმოჩნდა, ძველი ნაციმბირალი, ნაკატორღალი სოციალისტი, რომელსაც კრასნიარსკის რატოების უფლება არ ჰქონდა, მაგრამ მის ფარგლებში მიმოსვლას არავინ უშლიდა. ძებნას მხოლოდ მაშინ დაუწყებდნენ, თუ კომენდატურაში დროზე არ გამოცხადდებოდა და რევისტრაციას არ გაივილიდა. ხმა ხორხისმიერი ჰქონდა, გურულად უქცევდა. მეორე — ნასამართლევი და სასჯელმოხდილი თბილისელი ებრაელი იყო. არ უნდოდა შინ ხელცარიელი დაბრუნებულიყო და ისეთ სამსახურს ეძებდა, სუფთაც რომ ყოფილიყო და შემოსავლიანიც. საუბარში გაიჩქრა, რომ ებრაელი სპეციალობით ბუხჩალტერი იყო, სწორედ ისეთი გონიერი და გამჭირაბი კაცი, როგორც სჭირდებოდა, და იქვე, ქუჩაში შეთანხმდნენ, რომ ერთად იმუშავედნენ და ერთმანეთს მხარში ამოუდგებოდნენ.

მოსაგვარებელი ყველაზე მთავარი და მნიშვნელოვანი საქმე დარჩა — კვალი-ფიცირი სპეციალისტებისა და შრომით დაინტერესებული მუშახელის მოხიდევა. კრასნიარსკის მახლობლად, ქალაქიდან ოთხი კილომეტრის დაშორებით, უზარმაზარი ბანაკი იყო გაშენებული, სადაც ათი ათასზე მეტი პატიმარი იხდიდა სასჯელს. ერთ დიდ კოლონად დაწყობილი, დაახლოებით სამასი კაცი, დილით მოჰყავდათ სამუშაოზე და საღამოს უკან მიჰყავდათ. სამშენებლო ობიექტს ირგვლივ ეკლიანი მავთულხლართი ჰქონდა შემოვლებული, კუთხეებში კი საგუსაგო კომპები იდგა. შაშხანებით

შეიარაღებულ ჯარისკაცებს ძაღლები ახლდათ თან. პატიმრებს ცუდად ექცეოდნენ, ცუდად კვებავდნენ, ცუდად აცემევდნენ. შიმშილისაგან გამოფიტულებს ქანცის გაწვეტამდე აშუშავებდნენ, მაგრამ სასურველ შედეგს მაინც ვერ აღწევდნენ. პატიმრები მაინც ახერხებდნენ ძაღლ-ღონის დაზოგვას, მხოლოდ იმდენის გაკეთებას, რამდენისთვისაც არ დასჯიდნენ. ასე რომ არ მოქცეულიყვნენ, ორ თვეში გასძვრებოდათ სული. მაშინ არც კომპრესორები არსებობდა, არც ექსკავატორი და არც ბუღლოზერი. ყველაფერი ხელით კეთდებოდა და გაყინულ მიწასთან ბრძოლამ ბევრი მათგანი ჩაიყვანა მიწაში. პატიმრის ბედით, შრომის პირობებით, არსებობით, არავინ იყო დაინტერესებული და ეს უზარმაზარი პოტენციალი ამოდ იფლანგებოდა. მან სწორედ ამ პოტენციალის ნაყოფიერად გამოყენება განიზრახა, მაგრამ ამისათვის კრასნოიარსკის მხარის ბანაკების სამმართველოს უფროსს, პოლკოვნიკ ზვიაგინცევის უნდა დაკავშირებოდა და მასთან თუ მეგობრული არა, საქმიანი ურთიერთობა მაინც დაემყარებინა. ზვიაგინცევი უშუალოდ, მძიმე ხასიათის კაცი იყო, მთელი სიცოცხლის მანძილზე ან თვითონ სჯიდა ვინმეს, ან სხვებს ასჯევინებდა და უამრავი ცოდვა ჰქონდა ჩადენილი. ღამდამობით, ალბათ, კოშმარები აწვალებდა, რადგან როგორც ჭი სამსახურს თავს დააღწევდა და ქუჩაში გამოვიდოდა, მაშინვე სპეცსასაღილოში შედიოდა და არაყს ჩაის ჭიქებით სვამდა. ხშირად, შინ უფრო მიჰქონდათ, ვიდრე მიჰყავდათ. სამსახურიდან, ალბათ, იმიტომ არ ხსნიდნენ, რომ პარტიისა და მთავრობის წინაშე დიდი დამსახურება მიუძღოდა. ერთხელ, როცა ერთ-ერთი თათბირიდან გამოვიდნენ, ზვიაგინცევი რესტორანში დააპტიჟა, რაზეც პოლკოვნიკი სიამოვნებით დათანხმდა. არაფერი უყვარდა ისე, როგორც მდიდრული სუფრა და არყის სმა. როცა სუფრა გააწყვეს, უშუალოდ სახე ცოტათი გაუადამიანურდა, მუნდირის ზედა ღილები შეიხსნა, ჭადარა თმაზე ხელი გა-

დაისვა. რამდენიმე წამს ზვიაგინცევი უხერხულად ცქმუტავდა, ტუნებს აცმაცუნებდა, ხელებს იფშენებდა. მან გრაფინის გვერდით მღვარ ჩაის ჭიქას ხელი დაავლო, ზვიაგინცევის წინ დაუდგა და პირამდე გაუვსო. პოლკოვნიკმა ჭიქას დახედა, მართლა პირამდეა სავსე თუ არაო, შემდეგ აკანკალებული ხელით დასწვდა და ბოლომდე დაცალა.

— თუ არ დავლიე, ისე ლუკმას ვერ ჩავიდებ პირში, — თქვა და მოზრდილ პურის ნაჭერს ხიზილადა კარაქივით წაუსვა. ენისეის ზემო შენაკადებში უძვირფასეს თევზს იჭერდნენ, ნაირნაირი ხიზილადა კი იქაურებს კასრებით ეღვათ სახლში.

როცა ზვიაგინცევი უკანასკნელი ლუკმა გადაყლაპა, მან ისევ გაუვსო ჩაის ჭიქა, პოლკოვნიკი ისევ სიხარულით დასწვდა და როცა დალია, უკვე იმ ხასიათზე იყო, რომ მასთან ლაპარაკი შეიძლებოდა.

— ახლა მითხარი, რა გინდა. ტყუილ-უბრალოდ მე რესტორანში არ დამპატიჟებდი. ვიცი, რა წუბაკები და ძაღლის გავარდნილებიც ხართ.

ზვიაგინცევის სიტყვებისთვის ყურადღება არ მიუქცევია. პირსისხლიანი კაცი იყო და სხვაგვარად ლაპარაკი არ შეეძლო.

— სათხოვარი მაქვს თქვენთან, პოლკოვნიკო.

— ჰოდა, დროზე მითხარი, თორემ მე რე ვვირილით რომ ქვეყანა აიკლო, მაინც ვერაფერს შემაძმენ.

— მშენებელი ინჟინრები მჭირდება, ერთი ზუთი კაცი მაინც. არა მგონია, ამდენ პატიმარს შორის ზუთი კაცი არ გამოიძებნოს. თუ ეს ძნელი საქმე არაა და მხოლოდ თქვენზეა დამოკიდებული, მომიძებნეთ და მშენებლობაზე გამომიგზავნეთ.

— რატომ მოქალაქეებს შორის არ ეძებ?

— რომ იყვნენ, ვინ მამაძაღლი, მაგრამ არ არიან, ხოლო ვინც არის, ინჟინრად არ ვარგა.

— აბა, რა გეკონათ? ყველანი ბრძებნი,



ვირემპაეები და სალახანები ხართ, თქვენი ცხვირის იქით არ იხედებით. რომ იხედებოდეთ, გეცოდინებოდათ, რომ ყველაფერი, საუკეთესო და საქმეში გამოსადეგი, ჩვენს ხელშია. ვითომ რაღაცა გესმით, დიპლომები გიდეუთ ჯიბეში, სინამდვილეში კი არაფრის დანახვა, არაფრის დაფასება არ იცით. მხოლოდ მაშინ გაგახსენდებით, როცა გავიჭირდებით.

უნდოდა გახუმრებოდა, რაღაც ისეთი ეთქვა, საუბარი ცოტათი მაინც რომ შეემსუბუქებინა, მაგრამ ზვიაგინცევისთანა ხალხს ხუმრობა ჭირის დღესავით სძულდა და ამიტომ თავი შეიკავა.

— იცით, პოლკოვნიკო, ქარხანას მე ჩემთვის არ ვაშენებ, სახელმწიფოს საკუთრებაა; სახელმწიფოს საკუთრებაა ის ხალხიც, თქვენ რომ გაბარიათ, და თუ არ დამეხმარებით, თუ ინჟინრებს არ მომიძებნით და მუშახელს არ დამიმატებთ, ეს იმას ნიშნავს, რომ არ ვინდაი სახელმწიფოს დაეხმაროთ.

— თავიდან ვიცოდი, გარეწარი და დემაგოგი რომ იქნებოდი. საერთოდ, შენისთანები ყველანი დემაგოგები არიან. მე არ მითქვამს, რომ არ მინდა დაგეხმარო, მე ვთქვი, დანახვა და დაფასება არ იცით-მეთქი.

— თუ ქარხანას დროზე ავაშენებთ და დროზე ავაშენებთ, ამას მთავრობა თქვენც დაგვიმადლებთ, პოლკოვნიკო.

— ვინ მოახსენებს მთავრობას, რომ რაც აქ შენდება და კეთდება, ყველაფერ ამაში ლომის წილი სწორედ მე მიმიძღვის?

— პატიოსან სიტყვას გაძღვეთ, მე მოვასხენებ, და იცით, რატომ? თქვენი დახმარების გარეშე ის ქარხანა მართლაც არ აშენდება.

— აი, ეს უკვე სხვა ლაპარაკია, თორემ რა გამოდის? ეხმარები ათას ვიგინდარას, უგზავნი ხალხს, ხოლო როცა საქმე დაჯილდოებაზე მიდგება, არავის ახსოვხარ.

— ვის არ ახსოვხართ?

— იმ გაიძვერებს, რომელთაც პრემიებით ჯიბეების გასქელება და ორდენე-

ბის მკერდზე მიტყეპება უყვართ. დამისხი, თუ კაცი ხარ, არაყი!

— ჯერ საქმე მოვათავოთ, პოლკოვნიკო.

— საქმე მოთავებულა. გამოგიგზავნი იმ შენს ინჟინრებს და ვნახოთ, როგორ დამიფასებ. ახლა კი მომეშვი შენი სისულელეებით და დამისხი არაყი.

მან ისევ გაუვსო ჩაის ჭიქა. ამ ჭიქის დალევის შემდეგ ზვიაგინცევის ხმა არ ამოუღია. თვითონ ისხამდა და რაც უფრო მეტს სვამდა, მით უფრო უშიძმდებოდა სახე, მით უფრო პირქუში და მურღალი ხდებოდა. ბოლოს ისე გაიღემა, რომ ეტლით წაიდგეს შინ. პოლკოვნიკის ასე დათრობა აქ არავის აკვირვებდა, საკვირველი ის იქნებოდა, რომ არ დამთვრალიყო.

ზვიაგინცევი არავითარ იმედს არ იძლეოდა იმისა, რომ მისი თხოვნა გაახსენდებოდა; მაგრამ მოხდა სასწაული და ორი კვირის შემდეგ იმ პატიმრებს შორის, რომლებიც დილით ობიექტზე მოიყვანეს, ზუთი ინჟინერი აღმოჩნდა. მათი გვარები ზვიაგინცევა ტელეფონით აცნობა. მან ზუთივე დაიბარა, გაესაუბრა, ჰკითხა, სადაურები იყვნენ, სად ჰქონდათ დამთავრებული უმაღლესი სასწავლებელი, დამოუკიდებლად თუ აუშენებიათ რამე, და პასუხით კმაყოფილი დარჩა. ორს საზღვარგარეთ ჰქონდა უმაღლესი დამთავრებული, დანარჩენებს კი მოსკოვსა და პეტერბურგში. სამშენებლო ობიექტი მან ზუთ ნაწილად დაჰყო, თითოეულს თავისი უბანი ჩააბარა და ყველა სხვა მოვალეობისაგან გაათავისუფლა. თანაც სთხოვა, მუშახელი თვითნ შვერჩიათ, მათთვის ყველაზე დიდი უღლუფა გამოეწერათ და თუ რამე ხელს შეუშლიდათ, უშუალოდ მისთვის მიემართათ.

ორ კვირაში ამუშავდა კანცელარია, ბუხჰალტერია, საწარმოო განყოფილება, გაჩნდა ტრანსპორტი, მასალა; ის მექანიზმებიც კი ააწყვეს, რომელთა აწყობის იმედი არავის ჰქონდა. ობიექტს იმდენი დაუხარჯავი ფული აღმოჩნდა, რომ ეფლანგათ, მაინც ვერ გაანიავებდ-

ნენ. მშენებლობაზე არე დასაქმებული მოქალაქეები მან ზონის გარეთ გაიყვანა და ისეთი საქმეების გაკეთება დაავალა, რის გაკეთებაც პატიმრებს არ შეეძლოთ. ერთ-ორ თვეში საქმე აეწყო, უაზრო შრომას აზრი მიეცა. ამასობაში გაზაფხულდა კიდეც. პატიმარი ინჟინრები არა მარტო მთელ მშენებლობას ხელმძღვანელობდნენ, არამედ მუშახელსაც, მასალის დროულად მოზიდვასაც, მექანიზმებსაც რაციონალურად იყენებდნენ, პატიმრებსაც უადვილებდნენ შრომას და საწარმოსაც უზოგავდნენ სახსრებს. ერთი წლის შემდეგ ქარხნის ყველა კორპუსი, დოკი, ბრძმედი, დამხმარე სახელოსნოები მზად იყო. წუნი არაფერს დაედებოდა. ადგილობრივ ხელისუფლებას თავისი არაკომპეტენტურობით საქმე რომ არ გაეჭიანურებინა, მიმღები კომისია მოსკოვიდან გამოიძახა. „პრავედისა“ და „იზვესტიის“ ადგილობრივი კორესპოდენტები ობიექტზე მოიწვია, მთელი ქარხანა დათვალიერებინა, გაუმასპინძლდა და რეპორტაჟები გაამანშალებინა. მოსკოვში არაფრით არ ელოდნენ ქარხნის მშენებლობის ასე მალე დამთავრებას და ადგილზე ჩამოსული კომისია ყველაფერს ეჭვის თვალით უყურებდა, უკირკიტებდა, გულმოდგინედ ამოწმებდა, მაგრამ როცა დარწმუნდნენ, რომ ყველაფერი გვემის მიხედვით იყო აშენებული და, თანაც, მასალისა და ხელფასის ფონდის გადაუზარჯავად, აქტი იქვე შეადგინეს და ხელი მოაწერეს, რასაც რესტორანში პატარა ბანკეტი მოჰყვა. ბანკეტი პარტიის სამხარეო კომიტეტის მდივანი და ქალაქის საბჭოს თავმჯდომარეც ესწრებოდა. ცხადია, მათ მიმართაც ბევრი სანაქებო სიტყვა ითქვა. ამასობაში „პრავედასა“ და „იზვესტიის“ რეპორტაჟებიც დაიბეჭდა. ერთი თვის შემდეგ მოსკოვიდან მძიმე მრეწველობის კომისიის მიერ ხელმოწერილი ბრძანება მოვიდა, სადაც მადლობას უხდიდნენ პარტიის სამხარეო კომიტეტის მდივანს, ქალაქის საბჭოს თავმჯდომარეს და მას. ბრძანებაში

გამოტოვებული იყო ზვიაციცევი, რომლის გვარი მან საგანგებოდ შეატანინა სიაში კომისიის წევრებს, მაგრამ ეტყობა, ამ უწყების ხსენებას საერთოდ ერიდებოდნენ და როგორც კი გაიგეს, ვინ იყო, მაშინვე გადაშალეს. ზვიაციცევი იმის გამოც გასკდებოდა გულზე, რომ ფულადი პრემიები საკმაოდ დიდ თანხას შეადგენდა, მაგრამ ახლა მას იმხელა ავტორიტეტი ჰქონდა, რომ ზვიაციცევი ვერაფერს დააკლებდა. პარტიის სამხარეო კომიტეტის მდივანთან დაახლოებამ მისი პარტიაში მიღებაც და აჩქარა. ბუროს სხდომაზე არავინ არაფერში დაეჭვებულა, არავინ არაფერში გამოადვებია, ფორმალური კითხვების შემდეგ ხმა მისცეს და გამოუშვეს. იმ დღეს თანამშრომლებმა დაპატიჟეს, ამავი დაუფასეს, გულუხვად გაუმასპინძლდნენ. თუმცა რატომ არ უნდა დაეპატიჟებინათ და დაეფასებინათ? თითოეულ მათგანს საკმაოდ მოზრდილი თანხა ედო ან ჯიბეში, ანდა სალაროში. განსაკუთრებით — თბილისელ ებრაელს და კანცელარიის გამგეს, ვალენტინა გლუშკოვას, რომელიც კარგა ხანია მისი საყვარელი იყო, მაგრამ ამ ურთიერთობის აფიშირებას არც ერთი ცდილობდა და არც მეორე. ისინი იმ დედაბრის სახლში ხვდებოდნენ ერთმანეთს, სადაც გლუშკოვა იყო გაჩერებული. დედაბერს ფულს უხდიდნენ, საჭმელ-სასხმელს არ აკლებდნენ და ამიტომ ენას არ ატარტარებდა.

იგი უკვე პარტიის წევრი იყო, როცა მოსკოვიდან მისი გემთშემკეთებელი ქარხნის დირექტორად დანიშნვის ბრძანება მოვიდა. ამას არ მოელოდა, ვარაუდლაც კი არ გაუვლია გულში. დირექტორობას შინ დაბრუნება ერჩია, მაგრამ დაუფიქრებლად აჩქარება არ უყვარდა, ვერაფერობით წარმოდგენა არ ჰქონდა, რა ვითარება იყო საქართველოში, აქ კი ხელის მოთბობის, თავის გამოჩენის შესაძლებლობა ეძლეოდა და რატომ უნდა ეკრა ხელი იმ სიკეთისათვის, რასაც უბრძოლველად სთავაზობდნენ.

XIV

იმ წლის ივლისი, ციმბირის ყველაზე თბილი თვე, თითქმის უსაქმოდ, უზრუნველად გაატარა, მაგრამ ხელფასსაც ღებულობდა და პრემიასაც. ზოგჯერ ნაცნობებს და თანამშრომლებს სანადიროდ ან სათევზაოდ მიჰყავდათ, ზოგჯერ ბილიარდს თამაშობდა, ზოგჯერ ვარჯიშობდა, ერთხელ გემითაც კი გაისეირნა ჩრდილოეთისაკენ, ენისეის პირქუში, უკაცრიელი, დიადი ნაპირები მონანხულა, იქაური, ბეწვივით ფერიდან ფერში გადამდინარე საღამოების ცქერით დატკბა, იღვამლი ბუნებისა და უბიწობის სისპეტაკით განიმსჭვალა. მისი თანამგზავრები უხას ხარშავდნენ, არაყს სვამდნენ, თევზაობდნენ და ნადირობდნენ, მაგრამ პირადად მას არც უთევზავია და არც უნადირია. იმ დროს სხვა საფიქრალი ჰქონდა და იმ საფიქრალს თავის მოხმა სჭირდებოდა. დირექტორობას რომ შეიშნობდა და მორიგებადა, ამაში ეჭვი არ ეპარებოდა, მთავარი იყო ქარხნის ძრავებით, დაზგებით, ჩარხებით, ამწეებით აღჭურვა, მათი დროულად მოპოვება, კრასნოიარსკში ჩამოზიდვა და დამონტაჟება. ყოველივე ამას მოფიქრება, მიხედვა, მოგვარება სჭირდებოდა. სანამ რამეს მოიფიქრებდა და საბოლოო გადაწყვეტილებას მიიღებდა, კრასნოიარსკის ყველა გარეუბანი შემოიარა. ხალხი უსახსროდ, უწესოდ, უგუნურად ცხოვრობდა. სიყვარულსა და სიხარულს მათი ნესტიანი ქოხებიდან ფეხი ჰქონდა ამოკვეთილი. ზაფხულის ნათელ დღეებს მხოლოდ ქალაქის ირგვლივ მუქად შემოჯარული ტყეები და მდინარის პირას აღმართული, გაშავებული შტაბელები ჩრდილავდა. უბეგაფართოებული მდინარე ვერცხლისფრად ბრწყინავდა და მღორედ მიედინებოდა ჩრდილოეთისაკენ, იმ დაუსახლებელი მიწისაკენ, რომლის არსებობას აქაური ლეგენდები საეჭვოს ხდიდა, მაგრამ ამ ლეგენდების საფუძვლიანობას ის ადასტურებდა, რომ ჩრდილოეთით მდებარე მიწა-წყალი მართლაც მდიდა-

რი იყო ხე-ტყით, თევზით, ბეწვეულებით, ოქროთი, ვერცხლით, პატიოსანი თვლებით და იმხელა სივრცეებით, რომ სასივრცეთოში ვერ ეტეოდნენ. მთელი ეს ქონება ზაფხულობით კრასნოიარსკში მოედინებოდა და ჩალის ფასად იყიდებოდა. შეზარხოშებული მრეწველები ზოგჯერ ერთ ბოთლ არაყში სიასამურის გამოყვანილ ბეწვსაც კი იძლეოდნენ. შავ ბაზარზე მეტისმეტად შეღავათიან ფასებში იყიდებოდა ოქროს ფხვნილი, დაუმუშავებელი პატიოსანი თვლები, ნაირ-ნაირა ბეწვეული. მარიფათიანი კაცი აქ ერთ ზაფხულში გამდიდრდებოდა, მაგრამ ჩეკას, როგორც ყველგან, არც აქ ეძინა, მუშაობის თავის მეთოდები ჰქონდა და საიმედო აგენტურა ჰყავდა. მარიფათიან კაცს ჯერ აცლიდნენ საქმიანობას, ქონების დაგროვებას, შემდეგ კი თავს ესხმოდნენ და პირწმინდად ფტკენიდნენ. თუ ვინმე ხმას ამოიღებდა, ოქმს შუღლავდნენ, დააპატიმრებდნენ, გაასამართლებდნენ, თუ არადა, წართმეულს იტოვებდნენ, მას კი გარეთ უშვებდნენ. ჩამორთმეული ქონება თვალსა და ხელს შუა ქრებოდა და შემდეგ მის კვალს ვერავინ აგნებდა.

ყველაზე დამახასიათებელი ამ მტკრიანი ქალაქისათვის მაინც ის იყო, რომ ხალისიანი ფერები და ფერადოვნება არ უყვარდა, არ უყვარდა რაიმეს გადაღებვა, გადაკეთება, განახლება. ყველა ფერს ჭარბობდა მტკრისა და ნესტისაგან გაშავებული ხის ფერი და ეს ერთფეროვნება ყოველგვარ ინიციატივას, ყოველგვარ ფანტაზიას ახშობდა. მიუხედავად ამისა, ახალი წყობა, ახალი ეკონომიკა, ახალი ლოზუნგები ამ შორეულ მხარეშიც მტკიცედ იკიდებდა ფეხს, ცხოვრების ყველა სფეროში იჭრებოდა და იმითაც კი ბოჭავდა და ათვინიერებდა, ვისაც ავაზაკის ფიზიონომია და კაცის კვლის მოთხოვნილება ჰქონდა. ამგვარი ფიზიონომია ადგილობრივ მკვიდრთა შორის ბევრს ამშვენებდა და თუ სიფხიზლეში არა, სიმთვრალეში მაინც იკმაყოფილებდნენ ატავისტურ ჟინს, მაინც იწყემდნენ სულს. აქაური სისხლი არა

მარტო მღვრიე და მჩქეფარე იყო, არა მარტო ეხმარებოდა იმ ბუნებას, ირველივ რომ ერთყა, არამედ მისი ცირკულაცია ხორცსა და სულს ხან აღიზიანებდა, ახელბდა, ხანაც აღუნებდა, აწლუნებდა და ან სისხლის დანთხევას ითხოვდა, ანდა ცრემლის დაღვრას.

როცა აზრი საბოლოოდ მომწიფდა და ყველაფერი ისე დალაგდა, როგორც ამას ბურუსით მოცული სინამდვილე მოითხოვდა, მან ხანგრძლივი მივლინება გაიფორმა, მატარებელში ჩაჯდა და მოსკოვში ჩავიდა, სადაც ისევ თანაინსტიტუტელები და თანაკურსელები მოინახულა. მათი დახმარებით არც იმათი გაცნობა გაუჭირდა, რომელთა რეზოლუციასაც ბრძანების ძალა ჰქონდა. სადაც ერთი ხერხი არ ჭრიდა, მეორეს იშველიებდა; სადაც მეგობრობა და ნაცნობობა ფეხებზე ეკიდათ, მდიდრულად გაწყობილ სუფრასა და საჩუქრებს აფასებდნენ; სადაც პროვინციელ ადმინისტრატორებს არად ავლებდნენ, ზემოდან დარეკილ ზარს უსიტყვოდ უმორჩილებოდნენ. ბიუროკრატების შეჯანჯვლარება და დაყოლიება ადვილი საქმე არ იყო, მაგრამ ბოლოს და ბოლოს ყველა აუღებელი ციხესიმაგრის აღება შეძლო და, რაც სჭირდებოდა, თითქმის ყველაფერი დაითრია. არც ერთი ჩარხი და არც ერთი დაზგა არ დაკლებია იმ სიას, მოსკოვში რომ ჩაიტანა და იმათ უდებდა წინ, ვისაც ყოველივე ამის მოცემა შეეძლო. საერთო ენის გამონახვა არც რკინიგზელებთან გასჭირვებია. არაყს მოსკოვშიც ისეთივე ძალა ჰქონდა, როგორც კრასნოიარსკში. საქმე რომ არ შეფერხებულყო, მანამდე არ დაიძრა დელაქალაქიდან, სანამ ყველაფერი რკინიგზაზე არ მიზიდა და ვაგონებში ჩატვირთა. დაზგები და ჩარხები გზაში რომ არ გაეძარცვათ ან განზრახ არ გაეფუჭებინათ, წინასწარ იმახებდა დეკემით იმ თანამშრომელს, რომელიც უკვე ქარხნის შტატში ირიცხებოდა, და თითოეულ კაცს თითოეულ ვაგონს აბარებდა. ამ საქმის ბოლომდე მიყვანას საქმარო დრო დასჭირდა. ზოგიერთი თანამდებო-

ბის პირი კერკეტა კაკალივით იყო, ერთი დარტყმით ვერას დააკლებდი. რამე რომ დაგეტყუებინა, აქეთ-იქიდან უნდა გებაგუნებინა, თანაც ისე, ვერ გაეგო, ვინ რომელი მხრიდან უბაგუნებდა. ერთმა სალახანამ კი მისი თუ გაფუჭება არა, დამცირება, აბუნად ავღება მოინდომა.

მაშინ იმპორტული დაზგები ჰქონდათ მიღებული და რამდენიმე ცალის დათრევა მოინდომა. დაზგების გაცემაზე იმ სალახანას უნდა მოეწერა ხელი. იცოდა, რა კაციც იყო და ამიტომ ერთი კარგი ნაცნობი მიუგზავნა. ის ნაცნობი, რა თქმა უნდა, უარით გამოისტუმრა და თანაც ასეთი სიტყვები დასცდა: „რატომ ვაძლევეთ ამ „ტუზემეცს“ ძვირადღირებულ, დეფიციტურ ჩარხებსა და დაზგებს, ვინ მივლია, რა წითელი კოჭია, საინტერესოა, ვინ მფარველობს, ვინ უმაგრებს ზურგს. შეგვჭამეს, ავგიკლეს ამ გადამთიელებმა. ჩემი ნება რომ იყოს, ყველას კინწისკერით გავყრიდი მოსკოვიდან“ და ა. შ. და ა. შ. იმ ნაცნობმა, რომელიც მიუგზავნა, ყველაფერი ეს მას უამბო, მან კი არც აცია, არც აცხელა და მის კაბინეტში იმ დროს შევიდა, როცა კომუნისტური პარტიის გაშოვინისტებული წევრი მარტო იყო.

კარდაკარ სიარულს, მოსადღელებში ჯდომას და კაბინეტებში ფეხის შედგმას შეჩვეული იყო და ამიტომ არც კაბინეტების მოცულობა აკვირვებდა, არც მათი პატრონების ღიდაკური, სერიოზული, მბრძანებლური, მაგრამ უნდო, უცხვირპირო და უსულგული გამოძეტყველება. ის ტბაი, მის წინ რომ იჯდა და უხარმაზარი საწერი მაკიდა ბუნკერით ჰქონდა აფარებული, სტუდენტობის დროს ისეთ დაჯვრუვებებს ეტანებოდა, ველიკორუსული შოვინიზმის ელფერი რომ დაჰკრავდათ. ისინი რეკოლუციასაც უჭერდნენ მხარს, დიქტატურასაც და ტოტალიტარიზმსაც, მაგრამ ეს ტოტალიტარიზმი უნდა ყოფილიყო იმპერიალისტური, რაღაც ნაციზმის მაგვარი, რომელსაც მიზნად მსოფლიოს დაყრობა უნდა დაესახა და არა ეროვნული

თანასწორობა. საბჭოთა კავშირის, ანუ რუსეთის ყოველ წარმატებას ტაშისცემითა და ზარზედმით ხვდებოდნენ, დემონსტრაციებში აქტიურ მონაწილეობას იღებდნენ, და თუ მაინც დაბოღმულები იყვნენ, ეს მხოლოდ იმიტომ, რომ რუსეთს არარუსი მართავდა. აი, ეს აცოფებდათ, ბრაზით ახრჩობდათ. ერთხელ, ჯერ კიდევ ნების დროს, მათ ღრეობას შეესწორა კაფეში. ისეთი მთვრალეები იყვნენ, არავისა და არაფერს უწევდნენ ანგარიშს. ყოყლონიობდნენ, ილანძღებოდნენ, პატრიოტულ სიმღერებს ბღაოდნენ. სუფრასთან ათამდე კაცი იჯდა. მართლა იღვით შეპყრობილი ან მართლა რადიკალი მათ შორის ერთი-ორი თუ იქნებოდა. უეცრად ლაგუტინმა იმეტიწირა, ფეხზე წამოიჭრა, ხელში ჭიქა აიღო და იმის მაგივრად, რომ სადღეგრძელო ეთქვა, იოსიფ ვისარიონოვიჩს დაუწყო ლანძღვა, სულ ხებრე, ვიგინდარა და აღმოსავლელი დესპოტი ეძახა. ეტყობა, ცოტათი იმ საქმის კურსშიც იყო, რაც მაშინ გერმანიაში ხდებოდა, ყოველ შემთხვევაში, აღფრედროზნებერგის „XX საუკუნის მითი“ თუ წაკითხული არა, გაგონილი მაინც ჰქონდა, რადგან წიგნი ქებით მოიხსენია. ლაგუტინსა და მის შეფებს კომუნისტობას ფაშისტობა ერჩიათ, მაგრამ ხელი-სუფლების სათავეში არარუსები იდგნენ და რასიზმს, მით უმეტეს — ველიკორუსულ რასიზმს არავითარ შემთხვევაში არ დაუშვებდნენ. ოციანი წლების ბოლოს დაწყებულმა რეპრესიებმა ლაგუტინსა და მისთანებს ხმა ჩააწყვეტინა, ხოლო როცა ოცდაათიანი წლების არნახული რეპრესიები დაიწყო, მაშინდელი ულტრაპატრიოტები პირწავარდნილ ინტერნაციონალისტებად იქცნენ. ახლა ეს ნაციონალისტ-ინტერნაციონალისტი სახკომის მოადგილე იყო, ჯიბეში პარტიის მანდატი ედო, დიდ კაბინეტში იჯდა და თავი ქედმაღლურად ეჭირა. როცა წინ დაუდგა, ლაგუტინმა არ იცოდა, როგორი ტონი აერჩია, ოფიციალური თუ ამხანაგური, მაგრამ ბოლოს მაინც ამხანაგური არჩია.

— დაჯექი, რას აკეთებ, როგორ ხარ? — ჰკითხა და სკამზე მიუთითა.

— გულზე რომ არ გეხატები, კი ვიცი, მაგრამ არ მეგონა, ჩემს ჯავრს თუ ქარხანაზე იყრიდი, ის ქარხანა თქვენთვის, რუსებისათვის შენდება და არა ჩვენთვის, ქართველებისათვის, — უპასუხა მან.

— რა შუაშია აქ რუსი და ქართველი, წესიერად მითხარი, რა პრეტენზიები გაქვს ჩემთან, რომელ ქარხანაზე მელაპარაკები?

— იმ ქარხანაზე, კრასნოიარსკში რომ აშენდა და თუ არ აღიჭურვა, ვერ იმუშავებს.

— მერედა, შენ რა გესაქმება იმ ქარხანასთან?

— ის შესაქმება, რომ იმ ქარხნის დირექტორი მე ვარ და არ მინდა ამდენი შრომა წყალში ჩამეყაროს.

— აი, ეგ კი არ ვიცოდი, — იცრუა ლაგუტინმა ისე, რომ სახეზე ერთი ძარღვიც კი არ შეტოკებია. — შენ, ჩემო ძმაო, მთელი ჩვენი საწყობების გამარცხვა მოინდომე. ეს კი კაი საქმე არაა. შენ რომ ყველაფერი გაატანოთ, სხვას რაღა მივცეთ, სხვასაც ხომ უნდა მუშაობა?

— საწყობები ისეა გადატყედილი, რომ ახალთახალი დაზგები და ჩარხები ღია ცის ქვეშ ყრია და იფანება.

— ვინ ვითხრა, რომ ღია ცის ქვეშ ყრია და იფანება?

— ვის უნდა ეთქვა, ჩემი თვალით ვნახე.

— რასაც შენი თვალით ნახავ, ყველაფერი მართალი კი არ არის. იმ დაზგებსა და ჩარხებს პატრონი ჰყავს და დღეს ან ხვად გაიტანენ. ყველას როდი აქვს იმის დრო, მოსკოვში ჩამოვივსახლდეს და ყელში ხელი წავვიჭიროს.

— ახლა გასაგებია, რატომ არ მიშვებდა შენი მდივანი შენთან. თუ ყელში ხელის წაჭერისა ასე გეშინია, მეტ ჭკუასა და წინდახედულებას უნდა იჩენდე.

— შენ რა, აქ ჭკუის სასწავლებლად მოხვედი?

— არა, მე საქმეზე მოვედი, მაგრამ, ეტყობა, საქმე ჩვენ სხვადასხვანაირად

გვესმის. შენ თუ გგონია, იმ ჩარხებს შენი თანამემამულე უკეთესად მოიხმარს, ძალიან ცდები.

— რა აბეზარი ხალხი ხართ ეს კაკვა-სიელები. სანამ კაცს მოთმინებიდან არ გამოიყვანო, არ მოეშვებით.

— სამაგიეროდ ჩვენ, „ინტერნაციონალის“ ნაცვლად, „მრავალჭამიერს“ ვმღერით და ჩვენს კერძს ვემსახურებით.

— ეს უკვე პროვოკაცია!

— რა მოხდა მერე, ახლა რაიმეს პირში თქმასა და სიმართლეს პროვოკაციას ეძახიან.

— გირჩევნია ახლავ ადგე და გახვიდე აქედან, თორემ შეიძლება აქ ისეთი კაცი შემოვიდეს, რომელიც ჩვენზე უკეთ ერკვევა, რა არის სიმართლე და რა პროვოკაცია.

— შემოვა და შემოვიდეს. მე ისეთი რამ მაქვს სათქმელი, რითაც ის კაცი უთუოდ დაინტერესდება.

— მაინც, რა გაქვს სათქმელი?

— თუნდაც ის, რომ ერთი ჩვენი ინსტიტუტის სტუდენტი დიდ ბელადს ხეპრეს, ვიგინდარასა და აღმოსავლედ ღესპოტს ეძახდა. თუ დაინტერესდნენ, არც მოწმეების მოძებნა გაუჭირდებათ.

ლაგუტინი გაშრა, გაფითრდა, სავარძელზე გადაესვენა და თვალები გადაუტრიალდა. გულწასული კაცისა და ქალის მეტი რა უნახავს, მაგრამ სახკომის მოადგილე მკვდარს უფრო ჰგავდა, ვიდრე გულწასულს. ზუსტად ისეთი ფერი ედო, მიცვალებულებს რომ ადევთ. მისი არც მთლად გადარევა უნდოდა და არც მოკვლა, მაგრამ რას წარმოიდგენდა, ასე თუ გადაიქცეოდა. ამიტომ დაიბნა, დაფრთხა, არ იცოდა, რა ეღონა. ლაგუტინის უეტარი სიკვდილი ათასგვარ ეჭვს წარმოშობდა, საქმეს გაართულებდა, შეიძლება ისეთ ჭაობშიც კი ჩაეთრია, საიდანაც მშრალი ვერ ამოვიდოდა. რაც უნდა იყო, სახკომობას არაფერი უკლდა და თავის მოვალეობას ასრულებდა. ერთხანს გაუნძრევლად იჯდა, ეგონა, თავისით მობრუნდებოდა, შემდეგ წამოდგა, მაჯა გაუსინჯა და ცოტათი დამშვიდდა. სხვა რომ კერაფერი მოიფიქრა,

წყალს დაუწყო ძებნა. კუთხეში, მაგიდაზე წყლით სავსე გრაფინი და ორი თხელი ჩაის ჭიქა იდგა. ლაგუტინი მხოლოდ მას შემდეგ მოვიდა გონს, როცა მთელი ჭიქა წყალი სახეში შეასხურა. დაზაფრულსა და დარეტიანებულს, სავარძელში წამოჯდომა გაუჭირდა. ფართოდ გახელილ თვალებს მართლაც იმ ქვეყნიდან დაბრუნებულივით აცეცებდა. მოძრაობის უნარი და ადამიანის ფერი კი მხოლოდ მაშინ დაუბრუნდა, როცა ქვედა უჯრიდან კონიაკი გამოიღო და პირდაპირ ბოთლიდან მოსვა. ახლა მის წინ სულ სხვა კაცი იჯდა — თმანამოშლილი, შიშნაჭამი, გასაცოდავებული.

ლაგუტინის მობრუნება ლაგუტინზე ნაკლებად არც მას გახარებია.

— რა ვქნათ, ლაგუტინ, დავრჩეთ ამხანაგებად, დავივიწყოთ წარსული, თუ დავაღალატოთ და დავასამართო ერთმანეთი? — ჰკითხა ისე, რომ მის ხმაში რაც შეიძლება ნაკლები მუქარა ყოფილიყო.

ლაგუტინმა თმა გადაივარცხნა, საყვლო გაისწორა და მიღებული ხმით უთხრა:

— ერთი სიცოცხლე მე უკვე გავათავე...

— არაფერი არ მოხდებოდა, ასე რომ არ გაყოყოჩებულებიყავი და ცოტაოდენი კაცობა გამოგვიჩინა.

— მართალი ვითხრა, შენთან შეხვედრა ცოტათი მაშინებდა. ვიცოდი, რომ საქმის გაჭიანურებისათვის სამაგიეროს გადამიხდიდი, რაღაცას გამომიჩხრეკდი, ამაფორიაქებდი, მაგრამ ამ მხრიდან დარტყმას არაფრით არ მოველოდი. ახლა შენ ყოველთვის შეგიძლია ჩემი შანტაჟირება.

— მე ის კაცი არა ვარ, ვინმეს შანტაჟირება რომ ვიკადრო. შენი მე არაფერი მინდა და რაც გთხოვე, ისიც არა ჩემთვის, არამედ ქარხნისათვის მინდა.

— მაჩვენე ერთი, რას ითხოვ?

— იმაზე მეტს არაფერს, რაც ქარხანას სჭირდება.

— მომეცი!..

მან საქალაღიდან ქალაღლები ამოიღო და ლაგუტინის გაუწოდა. ლაგუტინმა



ყოველ მოთხოვნას მსხვილი, წითელი ფანქრით წაწერა: „ლაუკონებლივ გაცემით“ და მდივანს უბრძანა, მასთან არავინ შეეშვა. შემდეგ იმავე უჯრიდან, სადაც კონიაკი ჰქონდა შენახული, ჭიქები ამოიღო, მის პირდაპირ დაჯდა და იმ ერთ ბოლო კონიაკს ისე გამოუყვანეს წირვა, რომ ერთმანეთისათვის უღირსი და უკადრისი არაფერი უთქვამთ.

მას შემდეგ არსად არავითარ დაბრკოლებას არ გადაყრია. როცა მოსკოვიდან უკანასკნელი ვაგონი გაისტუმრა, მატარებლის ბილეთი აიღო, რაც ფული გადაჩრა, ერთი ნაცნობი, თბილისელი ინჟინრის ხელით ცოლ-შვილს გაუგზავნა და ისევ დაადგა ციმბირის გაუთავებელ გზას. შეიძლება ამდენი სიფრთხილე საჭირო არც იყო, შეიძლება მისი ასავალ-დასავალი აღარავის აინტერესებდა, მაგრამ სულელური მდგომარეობიდან გამოსავლის პოვნა გაცილებით უფრო ჭირდა, ვიდრე ვინიერულიდან. ჯერჯერობით იმ ქვეყანას, სადაც ამდენს ჯახბრობდა, წაღმა შემობრუნებისა არაფერი ეტყობოდა. ამიტომ ვერ ენდობოდა იმ ლოკისს, რომლითაც ხელისუფლება და მისი ორგანოები ხელმძღვანელობდნენ. მართალია ციმბირი შორს იყო, ყინვა წარბებსა და წამწამებს უთეთრებდა, მაგრამ ცივ ციმბირში მას არც სციოდა და არც შიოდა. პირიქით, შემოსავალიც ბევრად მეტი ჰქონდა და საკავშირო ორბიტაზე გასვლის შანსიც.

მოსკოვში გატარებულმა დღეებმა საბოლოოდ დაარწმუნა, რომ რეპრესიები საგრძნობლად შესუსტებულიყო. ვინც დასასჯელი ან მოსაკვინებელი იყო, დასაჯეს და მოაკვდინეს, ვინც დასაშინებელი და დასამონებელი — დააშინეს და დაიმონეს. დაზაფრულებს ერთხანს აღარც იარლიყს მიაკერებდნენ და არც ჟღერას დაუწყებდნენ. ეს კი მასაც აძლევდა შესაძლებლობას იმათ მარაქაში გარეულიყო, ვისაც თანამდებობებს ურიკებდნენ, აწინაურებდნენ, თავიან-ფეხებიანად ყიდულობდნენ. დრო იცვლებოდა, იცვლებოდა ლოზუნგებიც და ცხოვრებისეული ორიენტაციებიც. და მას

არავითარი უფლება არ ჰქონდა ყველაფერი ეს არ გაეთვალისწინებინა, ორიენტირები არ გადაეადგალებინა. მოსკოვში ისიც იგრძნობოდა, რომ ლაუკონი ადამიანები სულ უფრო მეტად თავისუფლებოდნენ სინდისისა და პატიოსნებისაგან და თავის გასატანად ისეთ იარაღს იყენებდნენ, როგორცაა გაიძვერობა, უტიფრობა, უხეობა, ვერაგობა, გაუტანლობა; ცხოვრებიდან იდეენებოდა ღვთიური და ინერგებოდა ეშმაკისეული. ეს პროცესი ადამიანების გარეგნობაზეც ახდენდა გავლენას — დღითიდღე მატულობდნენ მეჭვჭიანები, ტყლიბიანები, მიბრეცილ-მობრეცილები და კლებულობდნენ ჯიშინები, შნიოინები, სანდომიანები. სოროებიდან გამომძვარლნი მიჩვეული იყვნენ ძრომიანს და ამიტომ სივიწროვეს არაფრად აგდებდნენ, მიჩვეული იყვნენ ნასუფრალით კვებას და ამიტომ იაფფასიანი სასადილოები ღვთის წყალობად ეჩვენებოდათ, მიჩვეული იყვნენ ქურდობას და მოსაპარავი არ ელეოდათ. ქალაქი ივსებოდა ჭუჭყით, სიბილწით, სიმრუშით. შემოდგომის დამეგობით დათალხული ქუჩები სიცივისაგან იკრუნჩხებოდნენ, ჩაბნელებული სახლები თვალდავსილებივით შეჭყურებდნენ ერთმანეთს და ეს ყველაფერი შეკრული და შესუდრული იყო ავადმყოფური ფანტასმაგორიით, რომლის ჩამოგლეჯა, დახევა, დანაკუწება იმათ თვალში, ვისაც სიბინძურისა და სიმრუშის გარეშე ცხოვრება არ შეეძლო, დიდი უბედურება, მეორედ მოსვლა, ქვეყნის დაქცევა იქნებოდა.

როცა კრასნოიარსკში ჩავიდა, ვაგონები ჯერ კიდევ არ იყო მოსული, მაგრამ ნამგზავრსა და ნაჯახბრევეს მათი დარდი არ ჰქონდა. ვაგონებს ვერავინ მოიპარავდა, ვერავინ მიითვისებდა. ქურდბაცაცებს ამგვარი ბარგის გაფუჭება-გაოხრება უფრო ეხერხებოდათ, ვიდრე გამოყენება. ასეთი ზნე არა მართო ქურდბაცაცებს სჭირდათ, არამედ მთელ აქურ მოსახლეობას. ბუნებას ისე ექცეოდნენ, როგორც მტერსა და ღუშმანს — ძირკვავდნენ, წიხლავდნენ, აპარ-

ტახედნენ, რის გამოწვავაც შეიძლებოდა, წოდნენ და როცა ტუპუს მოსწყდებოდნენ, დუჟმორეული დაბორილებდნენ, სწორედ იმ ჭაში აფურთხებდნენ, საიდანაც წყალს სვამდნენ. ყველაფერი ეს საგანგაშო, სავალალო იყო. ბუნება კენესოდა, მელოტდებოდა, ხავსითა და ჭანჭყობით იფარებოდა, მიუკარებელი, მკაცრი და უხეში ხდებოდა. ამ უაზრო რბევას, ჩეხვას, ზოცვა-ჟლეტას ალაგმვა, აკრძალვა სჭირდებოდა, მაგრამ, ჯერ ერთი, აქაურებს მისწინი გადაძიეილი ვერ გადააკეთებდა, მეორეც — მაშინ მას ამისათვის არ ეცალა. მთავარი იყო კორპუსები გაეთბო, ბრძმედი გაემართა, დაზგები და ჩარხები დაემონტაჟებინა, ელექტროდენი და წყალი გაეყვანა. ყველაფერ ამას ხალხი, სპეციალისტები სჭირდებოდა. ქვეყნის ინდუსტრიული ზაცია ისე დაიწყო, რომ სპეციალისტების მომზადებისათვის არ უზრუნვიათ. ახლა კი სანთლით სამეზარი იყვნენ და შედეგს არც სანთლით ძებნა იძლეოდა. ამიტომ ისევ ძველ ხერხს მიმართა, მაგრამ ზვიაგინცევი აღარ დაუთვრია. მას შემდეგ, რაც არც მადლობა გამოუცხადეს და არც პრემია მისცეს, მასთან შეხვედრას და მოლაპარაკებას აზრი აღარ ჰქონდა. გარდა ამისა, პარტიის სამხარეო კომიტეტის მდივანი ახალი კაცი იყო, ლენინგრადიდან გამოგზავნეს და მასთან მორიგება, მისი მხარდაჭერის მოპოვება უფრო ადვილი იქნებოდა. ამიტომ ბევრი არ უფიქრია, ყველა მოსაზრება მოკლედ, დამაჯერებლად ჩამოაყალიბა და საკითხი სამხარეო კომიტეტის პირველსავე კრებაზე დააყენა: „ამხანაგებო, — მიმართა მან ადგილობრივ ფეოდალებს. — თქვენ ჩემზე უკეთ მოგვსენებათ, თუ რა დიდ მნიშვნელობას ანიჭებს პარტია და ხელისუფლება ვემთშემკეთებელი ქარხნის ამუშავებას. უამ-

ქარხნოდ ამ მხარის ათვისება გაცხირდება. რამდენადაც ვიცო, ამ საკითხით თვით იოსიფ ვისარიონოვიჩია დაინტერესებული. დიდად დაგვეხმარა სახკომიც. ქარხნის მთელი აღჭურვილობა გზაშია, დღეს თუ არა, ხვალ აქ იქნება. ხელს მხოლოდ ის გვიშლის, რომ სპეციალისტები არა გვყავს და ამ ქალაქში მათ ვერ ვიპოვიო. ერთადერთი გამოსავალი ისაა, რომ სპეციალისტები იმ პატიმრებს შორის ვეძებოთ, რომლებიც ამ მხარეში იხდიან სასჯელს. უნდა შედეგს სიები, სადაც აღნიშნული იქნება თითოეული მათგანის ასაკი, პროფესია, კვალიფიკაცია და სასჯელის ვადა. წინააღმდეგ შემთხვევაში ქარხნის გაშვება მეტისმეტად გაჭიანურდება, ჩაგვეშლება გეგმები, დაგვეხარჯება უამრავი ფული, რისთვისაც, რა თქმა უნდა, თავზე ხელს არ გადაგვისვამენ, მით უმეტეს, თუ ჩვენი უყაირათობის ამბავი იოსიფ ვისარიონოვიჩის ყურამდე მივიდა. მეტი მე სათქმელი არაფერი მაქვს, ახლა ყველაფერი თქვენზეა დამოკიდებული“.

ზვიაგინცევის ისეთი სახე გაუხდა, თითქოს პირთან მიტანილი არაყი ხელიდან გამოსტაცესო. ერთხანს იბორძიკა, რალაცის თქმა უნდოდა, ერთიორჯერ უწამურადაც შეივინა, მაგრამ მალე მიხვდა, რომ სისულელეს როშავდა და დატუქსული ბავშვივით განუძა. თავისი უხეშობით, სისასტიკითა და ლოთობით მან უკვე ბევრს მოაბეზრა თავი, აღარც მისი დამსახურება ფასობდა ისე, როგორც ერთ დროს და, მიუხედავად ძველი ორდენებისა და ისტორიულ მოვლენებში მონაწილეობისა, მაინც ხვდებოდა, რომ დიდხანს ამ მხარეში და ამ თანამდებობაზე არ აბოგინებდნენ. ამიტომ იმ დღეს არც აყალმაყალი აუტეხია და არც მკერდზე უბაგუნებია ხელი.

გაგრძელება შემდეგ ნომერში.



ჯანსუღ კორძაია

ეს დღე მხოლოდ ერთხელ და
მხოლოდ ჩემთვის თენდება,
შენკენ მოვქერი,

მომეღის

შენი ამომზევება.

შენკენ მოვქერი, მომაფრენს
გზა, ოცნება, ფიქრი და

ხილვა-გაელვებული
შენი მოლოდინიდან.

ეს დღე მხოლოდ ერთხელ და
მხოლოდ ჩემთვის თენდება,
შენკენ მოვქერი,

მომეღის

შენი ამომზევება.

ბაკაპერაბა ეკლესიასტასთან

სწორედ დღეს ვდაობ!

გაუგონარი

დროის მხილველის შეძრულ გონებით,
როს დაიღწა მსასოივარი
ტაძრები ველურ სტიქიონებით;

როს მოსკდა ჟამი —

ადმგველი ლავა,

მოსკდა —

ყველაფრის წამლევი ზვავე
და რჩება ცეცხლის გრიგალის კვალად
ნანგრევის

ბული,

მტვერი და

შვავეი.

ხელთა მაქვს შენი ღვთიური წიგნი,
ჩაყურებ ჟამთა შენეულ ქარგას,
გაოგნებისგან ქვავედება ფიქრი —
ეს დრო

ქარგაში

არც ერთ დროს

არ გავს...

შენს განუზომელ და მაღალ სიბრძნეს
მე ქედს ვუზრიდი და ახლაც ვუხრი,
სიბრძნეს... და ხილვის უსაზღვრო
სივრცეს,
სიბრძნეს... და სულის უსაზღვრო
წუხილს.

და შენი განსჯის და გულის მსჯავრი
ჩემთვის არაფერს ტოვებს სადაოდ,
... რომ ყველაფერი დევნაა ქარის,
... რომ ყველაფერი არის ამაო...

მე სულ სხვას ვდაობ!

ხომ მარწმუნებდი

მმოსველი მოსეს სჯულის და ტაძრის,
რომ მიაგენი ჟამთა ბრუნების,
ჟამთა ტრიალის აზრსა და საზრისს;

რომ ისევ იმ გზებს,

რაც გავიარეთ,

ხელახლა მივღვეთ კვლავ და თავიდან,
რომ ყველაფერი წრეზე ტრიალებს
უკუნისამდე — დასაბამიდან.

დროც!

და აქ ვღაობ.

აქ, დღეს და ახლა,
როს დრო — უცნობი, დრო — უეცარი
მოსკდა, ვით ველურ სტიქიის ტალღა
და სისხლში ცურავს ჩემი ტაძარი.

ეს დრო,

ჩემი დრო,

უგონო ჟამი,

ჟამი ქაოსის, ნგრევის და შიშის,
ცეცხლისფრთიანი ავი გრიგალი
ვერ ვპოვე მე შენს ღვთაებრივ წიგნში.
არ გყვედრი!

შენ ხომ გაშიფრე ასგზის
დრო, ყოველი შრის წედომის იმედით,
წარმოუდგენელს როგორ და რა გზით,
რისთვის და რატომ წარმოიდგენდი?

ხომ გაგიშალა გონებამ თვალწინ
ყველა გამოვლილ დროის ნახტი,
უკვე არსებულ ყველა ჟამს გასწვდი,
არყოფილს როგორ დაინახავდი?

ჟამთა და დროთა ნიშატს და დეტალს
შემემცნებელის ჰვრეტით არჩევდი,
ჟამს,

რაც არ ჩანდა

არსად და... ვერსად,

რა ძალისხმევით აღმოაჩენდი?

ხომ დაგაფიქრე!

და მე კი არა,

სულ უცნობმა დრომ თავის ზვავებით,
ჩვენს მკერდებზე რომ გადაიარა
თავაწყვეტილი დინოზაურებით.

ჟამი,

ეს ჟამი

შენს ქარგას მიმღვევს

და ეჭვი მიმღვრევს სულს და გონებას,
რომ ყველაფერი — ალბათ და იქნებ —
არ არის ძველის განმეორება.
რას ბრძანებ ახლა?

შენ რომ განსაჯე —

არც ერთ დროს

ეს დრო,

ჩემი დრო

არ გავს

და ვხედავ: შენი სულის განგაშებს
და ჩემს დროს ფრთხილად უსინჯავ
მაჯას.

... დრო უცნობი და ვერჩახატული
შენს წიგნში და შენს ჟამთა გამმაში,
ვერნაფიქრალი,
ვერდანახული,
ვერმიგნებული
წარმოსახვაშიც;

დრო,

როცა გუნდრუკს უკმევენ დალატს,

დრო,

როცა უფალს არ ცნობენ ღმერთად,

დრო,

როცა კრავენ ცოდვების გალას

და

ყველა მცნებას არღვევენ ერთად.

დრო —

ცეცხლოვანი სტიქიის ზვაევი,

დრო —

საოცრება ჟამთა ბრუნების,

დრო —

კაცის მიერ საკუთარ თავის

საკუთარ სულის განადგურების.

... შენს განუზომელ ცოდნას და სიბრძნეს
მე ქედს ვუხრიდი და ახლაც ვუხრი,
სიბრძნეს...

და განსჯის ღვთაებრივ მიზნებს,
სიბრძნეს...

და გრძნობის უსაზღვრო წუხილს,

და მომიტყევე ეს შესიტყვება
(შენს წიგნს ჩართული შტრიხი
მცირელი).

ჩვენ გადავრჩებით!

ნათელ მიზნებად
დავრეკავთ ზარებს... ღმერთის იმედით.

ტაპარუი

ელვის ნებას ითხოვ,
 ითხოვ და ელი,
 მოლოდინს ქარგავ წარმოსახვებით
 და ელვარებენ ზეციურ ელვით
 განათებული წმინდა ხატები.

ელი... და ზეცა გაიმედებს და
 ელი... და ზეცა გეიმედება,
 ღმერთს თხოვ, ნათელი გაიმეტოს და

ზეცად მიიწევს შენი ვედრება.
 ზეცად მიიწევს...
 და გულით ელი,
 მოლოდინს ქარგავ წარმოსახვებით
 და ელვარებენ ზეციურ ელვით
 გაბრწყინებული წმინდა ხატები.

ვინ დაგაჯერებს?

ახლა,
 როდესაც მისით იწყება
 ალტაცებებიც და კაეშანიც,
 როს მას უპყრია
 შენი ფიქრების
 ყველა ზარი და
 ყველა ეჟვანი,

ვინ დაგაჯერებს
 ირეალური
 ამ სილამაზის
 მლოცველს და მმოსავს,

რომ სხვა ზარებით
 და სხვა ეჟვენებით
 შეიძლებოდა ამ ქვეყნად მოსვლა?!
 ვინ დაგაჯერებს...
 მისით იწყება
 ალტაცებებიც და კაეშანიც
 და ხელთ უპყრია
 შენი ფიქრების
 ყველა აზრი და
 ყველა ეჟვანი.

მხოლოდ აქ, ჯვართან

მხოლოდ აქ, ჯვართან,
 ცის ფონზე ფრესკად
 აღვარებულ ხილვასთან — ჯვართან,
 როცა ანთია მზე მარჯნის ცეცხლად
 და ბოლომდე ხსნის

ლაჟვარდი ფარდას,
 მხოლოდ აქ წვდები
 ჭეშმარიტ ზეცას,
 ზეცის სიღრმეს და სიმაღლეს, —
 ჯვართან.

და ყველაფერს, რაც ჩემთვის

...და ეს განცდა: „ჩემია“
 ცისფერ იღუმალებად
 ახლავს ყველა აღქმას და
 ერთვის ყველა ზმანებას
 და ყველაფერს, რაც იყო
 და ყველაფერს, რაცაა
 და ყველაფერს,
 რაც ჩემთვის
 საქართველოს განცდაა.
 განცდას
 მყინვარწვერის და

უშბის ამაყ სიმაღლის,
 შურის ციხის ბურჯების
 სიმტკიცის და სიმაგრის;
 ერთვის
 შოთას სტრიქონს და
 სტრიქონს გალაკტიონის,
 მტკვრის ტალღების შრიალს და
 ცისფერ ზარებს სიონის,
 ახლავს
 სვეტიცხოველის
 ზეცად წასულ ხატებას
 და აჩრდილად ილიას

ნათელ ამონათებას,
 განცდას

მთაწმინდისა
 და მისი ზეცის ფერების
 და უწმინდეს საფლავებს
 დიდი მთაწმინდელების,
 ახლავს

კრწანისს, მარაბდას,
 გონიოს და მარტყოფს და
 გორგასალის ისრების
 მიზიდვას და გატყორცნას,
 ალავერდის გუმბათს და
 გელათს — აღმაშენებლის
 და ბაგრატის ჩუქურთმებს
 ვკრით და
 მზით და
 მტევნებით.

ალაზნის ველს — მოოჭვილს
 ქარვის მინანქარებით,

იეროვის

მრავალჟამიერს
 მოგუგუენ ბანებით;
 თამარ მეფის ხსოვნას და
 „ღედა ენის“ ფოლიანტს,
 დიდგორს —
 აზრის,
 გონების
 და მახვილის გოლიათს.
 აკაკის ჩანგს!

ვეფხვის და
 მოყმის უკვდავ ბალადას.
 თეთრი ჩიჩილაკებით
 ამონთებულ კალანდას.
 და ყველაფერს, რაც იყო
 და ყველაფერს, რაცაა
 და ყველაფერს,
 რაც ჩემთვის
 საქართველოს განცდაა.

არ დასრულდება

არ დასრულდება!

შენ უფრო ცხადად
 და სულ ბოლომდე
 უნდა გაიგო

და უნდა ჩაწვდე, რომ ჩემთვის რაც ხარ, უსასრულოა და უთარილო,
 რომ ჩემს სიცოცხლეს

ჟამიდან ჟამში

ექოდ გადააქვს
 შენზე ოცნება,

შენზე ოცნება, როგორც სამყაროს გაბრწყინება და გასხივოსნება,
 არ დასრულდება!

შენ უფრო ცხადად

და სულ ბოლომდე
 უნდა გაიგო

და უნდა ჩაწვდე, რომ ჩემთვის რაც ხარ, უსასრულოა და უთარილო.

იყო და ის, რაც იყო

იყო და ის, რაც იყო,
 ფიქრს თან ახლავს ბლონდებად,
 შარშანდელი აგვისტო
 ისევ მიახლოვდება.

მოდის, კვლავ იმ ზარებით,
 მოდის, კვლავ იმ ფერებით,

ისევ — მზისფერ ზმანებით,
 ისევ — ბედისწერებით.

იყო და ის, რაც იყო,
 ფიქრს თან ახლავს ბლონდებად,
 შარშანდელი აგვისტო
 ისევ მიახლოვდება.

ზაზა თვარაძე

ს ი ტ ყ ვ ე ბ ი

(ლევან ჭყონიას ხსოვნას)

გაზაფხულის ერთი მშვენიერი მზიანი დილა იყო, როდესაც სოფელ №-ის მისადგომებთან, ტყის პირას გამოჩნდა რამდენიმე ცხენოსანი და მათ კვალდაკვალ მოჭრიალე ხარებშებმული მოჩარდახული ურემი. უფროსი მოგზაურთა შორის, ხანდაზმული, წვერულვამშვევრცხლილი ჭარმაგი ვაჟაკი, ქურანა მერანზე შემომჯდარიყო და დინჯად მოუძლოდა წინ მხლებელთ; იგი გამოწყობილი იყო შინდისფერ ჩოხა-ახალუხში, რომლის ზემოდან მოეგლო სიასამურის ყურთმაჯებიანი ჯუბანა, თავზე ეხურა ოქრომკედით გაწყობილი შავი ყაბალახი, ფეხთ ეცვა ტყავის ყელიანი საცვეთები, მის წელს ამშვენებდა მამაპაპური ვერცხლის მოსევადებული ხანჯალი, განიერ ბეჭებს უკნიდან თოფის ლულას ამოეყო თავი.

იგი იჯდა ქურანა ფაშატზე, რომელსაც ხშირ-ხშირად ამოჰკრავდა ხოლმე ფერდებში ქუსლს და ჩუმი ხმით შეუძახებდა. ცხენიც, რომელიც ეტყობოდა დარეული იყო პატრონის ხმას, ყოველ მის შემოძახილზე ფეხს აუჩქარებდა და თანდათანობით აახლოებდა მხედარს სოფელ №-თან, რომლისგანაც ახლა მკოთხედი საათის სავალზეა თუ იქნებოდნენ დაშორებული.

ამ პირველი მხედრის კვალდაკვალ საურმე გზას მიუყვებოდა მისი ამაღა, რომელიც შედგებოდა ორი ახალგაზრდა ცხენოსნის, მეურმისა და ჩარდახიან

ურემზე მყოფი სამი ქალისა და ხუთიოდე მცირეწლოვანი ბავშვისაგან.

ერთი ამ ცხენოსნთაგანი უღვაშაშლილი ჭაბუკი იყო, მეორე — ჯერ კიდევ პირტიტყელა ყმაწვილი, ორივეს ტანთ ეცვა ძვირფასი შალის ჩოხა-ახალუხი და ტყავის მოკლე ჯუბანები. მათი ხანდაზმული წინამძღოლის მსგავსად წელზე მათაც ამაყად შემოერთყათ ვერცხლით მოსევადებული ქამარ-ხანჯლები და ზურგზე მოეგლოთ ვრცელ-ლულიანი ხირიმის თოფები.

ერთ მათგანს, ამ ორს შორის უფრო ყმაწვილი რომ ჩანდა, მაჯაზე ჩამოეკიდა დაწნული ტყავის მომსხო მათრახი, რომელსაც აღმართებში მსუბუქად შემოკრავდა თავის ლურჯა ბედაურს და ზოგჯერ იმდენადაც წამოეწეოდა წინამძღოლს, რომ მხარსაც კი უსწორებდა.

მისი უღვაშაშლილი თანამგზაერი დინჯად მოაქეპქეპებდა ზერდაც ულავს და ხანგამოსუებით მზრუნველი თვალით გადახედავდა უკან ჭრიალით მიმავალ ურემზე მყოფ ჯალაბობას.

„ჰოო! რა ნახე, შე ტიალო!“ — შეკვივრა წინ მიმავალმა თავის ბედაურს და სადავე ძლიერად მოზიდა. გონიერმა პირუტყვემა...

...სამწუხაროდ, აღარ დამცალდა შემეტყო, თუ რა ჩაიდინა იმ მომენტში გონიერმა პირუტყვემა, რადგან სწორედ ამ დროს გაისმა კარებზე ზარის ხმა.

ადრეული ზამთრის მოქუფრული, ცივი დილა იყო.

ცა მთლიანად დაეფარა რუხი ფერის ღრუბელს.

არ წვიმდა. არც თოვლი მოდიოდა. მხოლოდ ხანდახან დაჰქროლებდა სუსტი ნიავი და ქუჩის გასწვრივ მდგარ ჭადრის ხეებზე შერჩენილ გაყვითლებულ ფოთლებს შეარხვედა. ფანჯრიდან იღვრებოდა დილის მოთეთრო-მონაცრისფრო ნალვლიანი შუქი, რომელიც ნახად მოჰყენოდა ოთახის ყოველ კუთხე-კუნჭულს. ამ შუქზე მკრთალად ლაპლაპებდა ოთახის კუთხეში მდგარი განჯინა, ფანჯარასთან მდგარი დიდი მაგიდა და მოპირდაპირე კედელთან მდგარი პიანინო. მე მაგიდასთან ვიჯექი და ჩემს წინ გადაშლილ წიგნს ჩავყურებდი. ზარის ხმაზე თავი ავწიე და განჯინაზე მდგარ საათს გავხედე — თერთმეტის ნახევარი ხდებოდა. სახლში მარტო ვიყავი. არავის ველოდი. გადაწყვეტილი მქონდა, ეს დილა გონების სასარგებლო საქმიანობაში გამეტარებინა და ვიმედოვნებდი, რომ ხელს არავინ შემიშლიდა.

ვიჯექი, ვკითხულობდი. თან მიხაროდა, რომ ვიჯექი და ვკითხულობდი, რადგან, დამეთანხმებით, ჩვენს არეულ და მსწრაფლწარმავალ ცხოვრებაში არცთუ ხშირია წუთები, როდესაც გარეგანი და შინაგანი ფაქტორების ბედნიერი თანხვედრის წყალობით საშუალება ვეძლევა საკუთარ თავთან განმართოდე და რაც ვინდა ის აკეთო, — როცა აბსოლუტურად არავინ გზულდავს და ხელს არაფერი ვიშლის.

მაგრამ ახლა ამ მოულოდნელმა ზარმა გაფანტა ჩემი რომანტიული, ნახევრად სევდიანი, ტკბილად ეგოცენტრული განწყობა და დამაბრუნა კვლავ ამ პრაქტიკული მოვალეობებით აღსავსე რეალობაში, სადაც არსად ჩანდა არც სოფელი და არც ქურანა ფაშატზე ამხედრებული გამოთავყვანებული კაცი.

ზარბაცით ავდექი, კარს მივაშურე, თან იმედი მქონდა, რომ ეს იქნებოდა მხოლოდ მეზობელი, ტელეფონზე დარეკვის თხოვნით,

მაგრამ კარი რომ გამოვაღე, ხელში შემრჩა ჩემი მეგობარი ლევანი, რომელიც თვალეგაბრწყინებული, უცნაური მზერით მიყურებდა.

მას ეცვა მუქი ფერის რეგლანის პალტო, ეკეთა ნაქსოვი შარფი და გადაღელილი პალტოდან მოუჩანდა ძვირფასი მატერიის კუბოკრული პიჯაკი. მუხლებს უფარავდა სქელი მაუდის შარვალი, ფეხთ ეცვა და ასე შემდეგ. ქუდი არ ეხურა. იგი აბსოლუტურად თავისივეკვლი იყო, თუ არ ჩავთვლით ჭადრის გამხმარი ფოთლის პატარა ნაფლეთს, რომელიც მის ზვეულ თმაში გაჩხერილიყო და მისდა შეუმჩნევლად, ვინ იცის, რამდენი ხანი თან დაჰყვებოდა.

მხარზე მოეგდო ტყავის კარგა მოზრდილი ჩანთა, რომელსაც განსაკუთრებული სიფრთხილით ავლებდა ხელს — ჩანდა, შიგ რაღაც ისეთი ელო, რაც, — მისი აზრით, — ჩვენს ერთფეროვან ყოველდღიურობას მცირე ხნით მაინც გაახალისებდა.

— ვაჰ! ამ დილაადრიან რამ შეგაწუხა! — შეეძახე მეგობრული ირონიით.

— კარგია, რომ სახლში დამხვდი! — უცნაური ხმით მიპასუხა ლევანმა და ჩემი გვერდის ავლით პირდაპირ ჩემს ოთახში შეაბიჯა.

კარი მიკვიტე და თან შევყვივი.

იგი პალტოს გაუხდელად მისჯდომოდა მაგიდას, ჩანთა წინ დაედო და მონუსხულივით დასჩერებოდა.

მეც ინტერესით დაეხედე ჩანთას. ჩვეულებრივი ჩანთა იყო. „ალბათ, ვისკი თუ უდექს!“ — ვიფიქრე ოპტიმიზმით.

ორიოდე წუთს ხმაამოუღებლივ დაჰყურებდა თავის ხელბარგს, მერე თავი ასწია და მეოცნებე მზერა მომპაყრო.

„ხოო, როგორც ჩანს, უფრო იშვიათი რამ არის. იქნებ ჯინია?“ — გავიფიქრე და ვკითხე:

— რას შვრები, როგორა ხარ, ახალი ხომ არაფერია?

ლევანი მღუმარედ მიყურებდა. მის თვალეგში რაღაც უცნაური ნაპერწყლები დახტოდა.

— დამუნჯდი? — ვკითხე გაკვირვებულმა.

მან ჩანთას მიაპყრო თვალი და უაზროდ მკითხა:

— იცი, აქ რა არის?!

უეცრად ვიგრძენი, მისი ხმის ტონის მიხედვით თუ რაღაც სხვა მანქანებით, რომ ჩანთაში არც ვისკი იყო, არც ჯინი და, საერთოდ, არც სხვა რამ დასალევი.

— რა არის?

— გამოიცანი.

მე ჩავახველე და სკამზე ჩამოვკეცი.

— დასალევია?

დუმილი.

— მოსაწვევი?

დუმილი.

— წიგნი?

დუმილი.

თავი მოვიქექე.

— რამე ცხოველი ხომ არაა? — ვივარაუდე ისევ.

ისევ დუმილი.

ჩემი ვარაუდების სფერო ამით ამოიწურა.

— ჰა, რა გაქვს, მითხარი, შე ოხერი! — ეთქვი და ჩანთას მივწვდი. მაგრამ ლევანი გადაეფოფრა თავის ჩანთას.

— ფრთხილად! ფრთხილად!..

— რა იყო? — გამიკვირდა მე.

მან მოზეიმე მზერით შემომხედა — ფოთლის ნაგლეჯი ისევ თავზე ელო — და მითხრა:

— ცოცხალი არსებაა.

ამ სიტყვებით ჩანთა გახსნა და იქიდან კვადრატული ფორმის შავი ზარდახშა ამოიღო.

— აი, აქა ზის, — თქვა.

მოულოდნელად ზარდახშიდან თითქოს სტვენა შემომესმა.

— ჩიტია? — ვკითხე ხალისით.

ლევანი უხმო სიცილით ჩაბჟირდა.

— აბა, თავი?

იგი ისევ უხმოდ ბჟირდებოდა და თან, სიცოცხლა და სიცილს შორის, უცნაური წვრილი ხმით ხაოდა:

— არა, არა, ცხოველი არ არის. არც ფრინველი...

„იქნებ მწერია?“ — ვიფიქრე.

— მწერია?

— არა, — სიცილით ბჟირდებოდა იგი, — არც მწერია, არც თევზი. საერთოდ, ცხოველი არ არის... თანაც ცოცხალი არსებაა... მაგრამ არა ცხოველი.

უცებ თვალწინ დამიდგა წელან შვეყვეტილი მოთხრობა, სადაც ნახსენები იყო გონიერი პირუტყვი, კერძოდ, — ცხენი, რომელმაც, საბოლოოდ მანცკერ გავიგე, თუ რა მოიმოქმედა პატრონის შეძახილის საპასუხოდ.

— თუ პირუტყვი არ არის, ესე იგი, მეტყველია, ასე გამოდის, — ვუთხარი ლევანს.

— ჰო, ჰო, — იგი გადაფიჩინებული თავს მიქნევდა.

— დიქტოფონია? — ვივარაუდე ისევ.

— არა! ჰაჰა! აჰაჰა! ცოცხალია, ცოცხალი! — იჭაჭებოდა ლევანი და მე უეცრად მივხვდი, რომ უკვე გაგიჟდა.

ყურადღებით დაგაკვირდი.

მართლაც, თვალები თითქოს შუშის გახდომოდა. ზარდახშას რაღაც თავისებურად ეფოფრებოდა, როგორც კინოში ზარბი პერსონაჟები განძეულს ან ფულს ეფოფრებიან და მათზე ძლიერ ბოროტ ან კეთილ პერსონაჟებს შეჰღალადებენ: „არა, არა! არ დაგიტოვებ! ეს ჩემი მონაგარია! სულ ჩემია! მე იგი ჩემი შრომით მოვიპოვე! მე მასში მთელი ჩემი სიცოცხლე ჩავაქსოვე!“ და მერე: „წაიღე! ყველაფერი წაიღე, ოღონდ ამას ნუ წამართმე! მე უამისოდ სიცოცხლე არ შემომძლია! შენ მე ამას ვერ წამართმევ, ვერა! მე შენ ამას ცოცხალი თავით არ დაგიტოვებ, ბაბა!..“

აი, დაახლოებით ასეთი სახის მოძრაობები და საუბარი დამიდგა თვალწინ, რამაც ფრად განმაცვიფრა, რადგან მრავალი წლის მეგობრობის შედეგად მე ლევანს ვიცნობდი გონიერ, გულუხვ და უანგარო კაცად, რომელსაც საკმაოდ მყარი და ჯანსაღი ფსიქიკა ჰქონდა საიმისოდ, რომ ახლა რაღაც უბადრუკი ზარდახშისთვის ასე არ გასულელებულიყო.

— ლევან! ეი, ლევან! — წარმოვთქვი შიშით.

მან სული მოითქვა და სკამზე გასწორდა.

— ამ დილას სანეტარო კანტორაში ვიყავი, — მითხრა ზეიმით.

თვალები დავაჭყიტე.

— სად იყავი?

— სანეტარო კანტორაში.

— ეგ რაღა ჯანდაბაა?

— რაც გესმის, ფულს გადაიხდი და სრულ ნეტარებას გაძღვევნი.

— ვაიმე?! — შეეძახე ირონიულად.

— აი, ეს გამოვიტანე, — ლევანმა ზარდახშას ხელი გადაუსვა.

ზარდახშას დაეხედე და მომეჩვენა, რომ იგი თითქოს აქეთ-იქით იქაჩებოდა, როგორც ვიწრო კოსტიუმში გამოწყვილილი კაცი.

— ამ კოლოფით გამოგატანეს რამე?

— ჰო!

— ნარკოტიკია? — მკაცრად ავწიე წარბები, რადგან თანდათან ვრწმუნდებოდი, რომ ლევანი კაიფში უნდა ყოფილიყო.

— არა.

— აბა?!

— სიტყვებია! — ყრუ ხმით მომივო ლევანმა.

— რა სიტყვები?

— ჩვეულებრივი სიტყვები! — ლევანს ისევ თავაწყვეტილმა მხიარულებამ დარია ხელი.

— მერე რად გინდა? — ვკითხე ამრეხით.

— ცოცხლებია! — მიპასუხა და თვალი ჩამიკრა, თან უხმოდ კისკისებდა.

მე ინტერესით ავხედ-დავხედე.

— რას ბოდილობ?

— რას ებოდილობ და სიტყვებს! — მიპასუხა და ისევ გადაფინინდა.

— მოკლედ, ამოიღე რაცა გაქვს, ნუ გამაწამე!

ლევანმა ზარდახშას ოდნავ ახადა თავი, ისე, რომ თითქოს ეშინოდა, იქიდან რამე არ ამოფრენილიყო, თითები ფრთხილად შეაცურა და დაკეცილი ქალღლი გამოაძერინა.

ეს იყო რაღაც ბლანკი, როგორცსაც სახლმმართველობები იძლევიან — რაღაც ფორმა № 1-ის მსგავსი. ზედ რამდენიმე გრაფა იყო გამოსახული. ერთში ეწერა ლევანის სახელი, გვარი, მამის სახელი. მეორეში — მისამართი. დანარჩენები ცარიელი იყო.

— ეს რა არის?!

— ეს არის ბლანკი. შიგ შეგიძლია შეიტანო ნებისმიერი სიტყვა! — მითხრა ისევ სიცილით.

— რას მიქარავ, თუ ძმა ხარ! — ბლანკი მაგიდაზე დავავადე.

ლევანი დასერიოზულდა:

— მოკლედ, არ დაიჯერებ! ამ დილას მივედი სანეტარო კანტორაში. იქ იძლევიან ყოველნაირ კაიფს. რაც გინდა, ითხოვე. ფასიც არ არის დიდი. თანაც აქვეა, ჩვენს უბანში — აქიდან ხუთ წუთში იქა ხარ. წითელი პარტიზნების ქუჩაზე, „მელოდის“ უკან, არ შეგიმჩნევია?

— რა უნდა შემემჩნია?

— ლურჯი კარები. ზედ აბრა — „სანეტარო კანტორა.“

— არ შემიმჩნევია, — თავი გავაქნიე.

— აქამდე არც მე შემიმჩნევია. დღეს შევამჩნიე და შევედი. თუმნად აი, ეს მომცეს, — მან ზარდახშას დაჰკრა ხელი.

— ეს შავი ყუთი რა ჯანდაბად გინდა?!

— შიგ სიტყვებია! ცოცხალი სიტყვები!

— ლექსებია?!

— არა, — მან თავი გაღიზიანებით გააქნია.

— მაჩვენე ერთი, როგორია ეგ შენი ცოცხალი სიტყვები!

ლევანმა ხელის ერთი მოძრაობით სწრაფად ახადა ზარდახშას თავი და საზეიმო პოზაში გაქვეადა.

ზარდახშას დაეხედე. პირველად ვერაფერი გავარჩიე — ეს იყო ტყავადაკრული ხის შავი ყუთი, შიგნიდან მუქმწვანე ხავერდი ჰქონდა გამოკრული. თითქოს სრულიად ცარიელი ჩანდა. მაგრამ მერე ზამთრის გატრეცილი სინა-

თლზე გაკარჩიე, რომ შიგ რაღაც ლანდები ფუთფუთებდნენ. უფრო კარგად დავაკვირდი და უეცრად ვიგრძენი, რომ თავი უცნაურად გამიხურდა. წამით მგონი თვალით დამიხნულდა (ეს სულ ერთი წამით მოხდა) და გონს რომ მოვედი, დაეინახე, რომ ზარდახშიდან ნისლის ნაკადივით მოიწვევებოდა სიტყვა „ნუგეში!“

დაუჯერებელია?

ასოლუტურად, სრულებით, სასტიკად დაუჯერებელია! — მაგრამ ეს მაინც ასე იყო — ეს იყო ისევე ის შავი ზარდახში, რომელიც იღო ჩემს პოლირებულ მაგიდაზე და ფანჯრიდან შემოსული ზამთრის დილის სუსტი ნათელი მას ეფინებოდა, როგორც ბრძოლის ველზე დარჩენილ სხეულებს ეფინება დავიწყების მკრთალი ნისლი — დილაა, ტყის პირას ყვავების ყრანტალია და ზამთრის ნისლებში გაქვავებული სხეულები წვანან. აქა-იქ მიმოყრილი თოფ-იარაღი და მძიმე ტექნიკა ზღაპრის ურჩხულებივით გაქვავებულან. მეომრების კვამებს სრული უძრაობა შეჰპარვიათ. ისინი ამ ქოტური და არეულ-დარეული ველიდან გადაბარებულან სიკვდილის ერთგვაროვან და ერთმნიშვნელოვან ნისლიან ველზე. ასე ეფინებოდა დრუბლიანი დილის ნათელი ჩემს მაგიდაზე მდებარე მწვანედ დაღებულ ზარდახშას. მის ზემოთ საჰაერო ბურთივით ტივტივებდა ლევანის გაოგნებული სახე — მისი მოგრძო და ჭროლად მოყვითალო თვალები ზარდახშას ჩასცქეროდნენ, ზარდახშიდან კი უწვრილეს ნაკადად მოიკლანებოდა მწუხარე სიტყვა „ნუგეში“. და რაც ყველაზე საოცარია, მაგრამ რაც სწორედ ადასტურებს, რომ ეს რეალობა იყო და არა რაიმე ფოკუსი, ეს სიტყვა შედგებოდა არა ასოებისგან ან ბგერებისგან, არც რამეზე დაწერილი იყო, — ეს სიტყვა, უბრალოდ, ჰაერში არსებობდა ოდნავ მანათიბელი, გამჭვირვალე სხეულის სახით — ამ მანათიბელ სხეულს არ გააჩნდა რაიმე ნაწილები ან კიდურები — ეს იყო ერთიანი, წურბელას ფორმის სხეული. იგი

არ შედგებოდა ცალკეული ასოებისაგან, მაგალითად, ასე: „ნ-უ-გ“. ეს იყო მთლიანი და გადაბმული ერთი სიტყვა — „ნუგეში“, რომელიც არც ეწერა, არც წარმოითქმებოდა, არამედ თავისუფლად არსებობდა და ასე ლივლივებდა ჰაერში, როგორც რაიმე მოლუსკი ან წყალმცენარე ლივლივებს წყლის სიღრმეში.

საერთოდ, მე მუდამ მქონდა ეჭვი, რომ სიტყვები ზღვის ფსკერზე იბადებინან. შესაძლოა, ყოველი სიტყვა რაღაც თევზია, თითოეულს, ცალ-ცალკე, საკუთარი სიმკვრივე, გემო, შეფერილობა აქვს. ყოველი მათგანი განუმეორებელი თვისებებით გამოირჩევა — ზოგი ხმალითევაა, ზოგი მეღუზა, ზოგი მარჯანი. ამიტომ, ერთის მხრივ, სრულიად არ გამკვირვებია, როდესაც დაეინახე, რომ ეს სიტყვაც ასე, წყალმცენარესავით ამოიწვერა ზარდახშის ხავერდოვან-მწვანე ფსკერიდან და რომ იგი ასე მანათიბელი და გამჭვირვალე იყო.

კიდევ რას შეიძლება შევადაროთ ეს პროცესი? — კვამლს, ან საპნის ბუშტს, ან — თუნდაც ისევე წყალში ჩაებრუნდეთ — ფსკერიდან ამომავალ ჰაერის მოგრძო ბუშტუკს.

ასე თუ ისე, მალე სიტყვა მოწყდა ზარდახშის ზედაპირს და მაგიდის ზემოთ დაიწყო ლივლივი.

რატომღაც უცებ ვიგრძენი, რომ ყველაფერი თავისი გზით მიდიოდა, რომ ყოველგვარი დაბრკოლება გაქრა, და რომ ცხოვრებაში — თუკი ცოტა იოლად შეხედავ საგნებს — არცთუ ისე ბევრია მძლეად საზიდი ტვირთი.

— ჰა?! — არაბუნებრივი ხმით შეპკივლა ლევანმა, — ჰა?! ზედავ?! ნახე, რა არის?! ჰა?! როგორია?!

მისი ხორხიდან ამომავალმა ჰაერის ტალღებმა მოლივლივე სიტყვა ოდნავ შეათრთოლა.

დავპირე პასუხი გამეცა, მაგრამ ვიგრძენი, რომ ენა არ მემორჩილებოდა.

ჩავახველე, თავი გავაქიცინე. მერჯ

ხორხი ავახრიალე. ბოლოს როგორც იქნა, ამოვიღე ხმა და ვთქვი:

— ბი... ბი... ბიჭოს... ბიჭო! ეს რა არის?!

— ააა! ააა! — ჩემი და უწვრილესი მოზვიემ ხმით აწვილდა ლევანი და მუშტი ხელისგულს დაუშინა, — სიტყვები! სიტყვები! აქ ათი სიტყვა მაქვს, ათი! — ვერ გაიგებდი, ტიროდა თუ ქვითინებდა, მაგრამ ვიცოდი: იგი არც ტიროდა და არც ქვითინებდა, ალტაცებულ იცნოდა — კვდებოდა სიცილით.

უეცრად მეც მომაწყვდა შეუკავებელი მზიარულების გრძნობა და ვიყვირე:

— ლევან, ლევან! რა არის ეს, ბიჭო! ჰა?! რა არის, შე არამზადა! სად იშოვე?! — ასე შევმახე პატარა ბავშვივით აცტებულმა. იმ წუთში ჩემი თავი მე აღარ მეკუთვნოდა.

ალბათ, ყველას გამოვიცდიათ ამგვარი გრძნობა, განსაკუთრებით — ბავშვობაში, როდესაც რამეს მოუთმენლად ელი და წინასწარ მეცხრე ცაზე ხარ სიხარულით, რადგან ეს სანატრელი რამე უკვე ვიახლოვდება, თუმცა ჯერ მხოლოდ წამით მოჰკარი თვალი, — მაგალითად, ახალ წელს თოვლის პაპის მოტანილი საჩუქრის დანახვაზე, ანდა, როდესაც მამიდას ელოდებით და, აჰა, ისიც გამოჩნდა და თქვენ, სიხარულით ატანილი გარბიხართ მისკენ და მთელი თქვენი შინაგანი არსება თითქოს გართე გამოხეთქვას ლამობს — სწორედ ასეთი იყო ის გრძნობა, რომელმაც ერთბაშად თავიდან ფეხებამდე მიმიცვა.

— კიდევ ამოიღე! კიდევ! — ვიყვირე გადარეულივით.

მაგრამ ლევანი არც განძრეულა, ისევ თვალმოუშორებლად მიანერდა ზარდახმას და იქიდან ერთმანეთის მიყოლებით კიდევ რამდენიმე სიტყვა ამოიწვერა.

ჰო, მახსენდება, იმ მომენტში ვიფიქრე, რომ ეს ზარდახმა ჰგავდა ათას ერთი ღამის ზღაპრების ბოთლს, რომელშიაც ჯინია დამწყვდეული. ეს ფიქრი კი კავშირში იყო ლევანის მოხვლისას ჩემგანვე ნაფიქრთან: ჩანთაში ვის-

კი ან ჯინი ხომ არ უღევს-მეთქი. ხოლო ეს ორივე ფიქრი, რადგან სიტყვების ამოსვლის პროცესს უკავშირდებოდა, გადაეჯაჭვა ჩემს მიერ წუთის წინ ნაფიქრსა და დაწერილს, — რომ ეს პროცესი მიაგავდა კვამლს ან ფსკერიდან ამომავალ ჰაერის ბუშტუკს. ყველას გახსოვთ, ალბათ, რომ ჯინიანი ბოთლი ზღაპარში წყლიდან ამოაქვთ და ჯინი კი კვამლის სახით ამოდის ბოთლიდან, — მაგრამ ამ სამამაგი კავშირისთვის მე იმ წამში ყურადღება არ მიმიქცევია. მართალი თუ გინდათ, არც კი შემინიშნავს, რადგან მთელი გულისყური ზარდახმისკენ მქონდა მიპყრობილი.

— მაგრამ, თუკი არ შეგინიშნავს, მაშ, საიდანღა იცი, რომ სწორედ ეგ გაგახსენდა და სწორედ ეგ იფიქრე?! — მეტყვივით თქვენ.

თუმცა, შესაძლოა, არაფერიც არ მითხრათ, მაგრამ მე მაინც ვიპასუხებთ (რათა არავენ მიიჩნიოს, რომ რაღაც შემეშალა). ვიპასუხებთ, რომ ადამიანი იმახსოვრებს არა მარტო იმას, რასაც ამჩნევს, არამედ იმასაც, რაც მის შეგრძნებაში ქველურბლოვან დონეზე იმყოფება, მაგრამ მომავალში შესაძლოა ოდესმე ამოტივტივდეს ცნობიერებაში. ვის არ ჰყოლია ბავშვობაში უჩუმიანი მეზობელი, ქვემოთ სარდაფში რომ ცხოვრობდა, და ვის არ უნახავს, რომ ერთხელ ეს მეზობელი, რომელსაც, როგორც წესი, ვერავენ ამჩნევდა, ერთ დღეს დამთერალა და სხვა — ზემო სართულებზე მცხოვრებ — მეზობელთა ცნობიერების კარიბჭე უხეშად შეუღლეჯია?! ასე რომ, ამ მხრივ ყველაფერი რიგზე გახლავთ. მე კი განვარტობ იმ უცნაური და საბედისწერო მოვლენების გადმოცემას, ზამთრის იმ სევდიან და გამოფიჭულ დღეს რომ გათამამდა.

მეორე, რაც ზარდახმის ფსკერს მოწყვდა, იყო სიტყვა „თუ“.

(ჰმ! რა მოკლე სიტყვაა და რამხელა მნიშვნელობა აქვს! „თუ“! თუ მართლა ასეა! კი, ნამდვილად ასე იქნება, თუ ეს ყველაფერი სიზმარი არ არის! სიზმა-

რი რატომ უნდა იყოს, თუ ღმერთი გწამს?!).

ეს იყო გრძელი და ბრტყელი სხეული, ისეთივე გამჭვირვალე, მაგრამ მახვილივით ირიბად და მკვეთრად მოცახცახე. იგი ბრტყლად ატივტივდა ჰაერში, როგორც ცალგვერდიანი ბრტყელი თევზი ქამბალა, რომელსაც ორივე თვალი ერთსა და იმავე მხარესა აქვს განლაგებული.

გაოგნებული დავცქეროდი კოლოფს. მერე ლევანზე გადავიტანიე მზერა. მანაც ამომხედა.

— როგორია?! — მკითხა გაბრწყინებულმა.

— რაღაც სასწაულია! — ეუთხარი, — თუ არ მელანდება!

— არ გელანდება! — მიპასუხა მშვიდად, — თუ მოლანდება, ისევ მე მელანდება. ეს სიტყვებიც მე მელანდება და ეს ყველაფერიც, მათ შორის — შენც. რადგან დარწმუნებული ვარ, რომ მე ისევ მე ვარ, და თუ მე მე ვარ, ესე იგი, ეს მოლანდებაც, თუ ეს მართლაც მოლანდებაცია, ჩემი ყოფილა. თუ გამიგე, რისი თქმა მინდა?! — თქვა მან ჩუმი და ჩახლჩილი ხმით.

— ძალიან კარგად გავიგე, — მიუვუგე მე, — მაგრამ დარწმუნებული იყავი, რომ თუ აქ ვინმეს რამე ელანდება, ეს ვინმე სწორედ მე ვარ!

— შენ კი არა, მე ვარ! — მიპასუხა მოკლედ.

— მე! — მიუვუგე უფრო მოკლედ და მერე დავამატე: — ეს ჩემი სახლია, ასე არ არის, ძმაო?!

ლევანმა მტკიცედ შემომხედა.

— თუ ბევრს გააჩნაზებ, სულაც წავიდე ამ კოლოფს. მერე იჯექი და იკითხე შენი აბლაუბდა წიგნები!

— თუ ასე გინდა, წაიღე. არ გამოგეკიდები! — მიუვუგე მეც.

ლევანმა ჩაახველა და აღარაფერი მიპასუხა.

ზარდახშიდან კი უკვე ამოწვერილიყო ახალი სიტყვა — „მუღმივად“.

ეს იყო მცირე ზომის მოვერცხლისფრო ბურთულისებრი გამჭვირვალე სი-

ტყვა. ისიც ისევე ალივლივდა ჰაერში. თან დღის სინათლეზე გამუღმებით იცვლიდა ელფერს. და მე ვიფიქრე, რომ ამ სიტყვების ამოსვლის თანამიმდევრობა რაღაც გარკვეულ შინაარსს ემორჩილებოდა. გონებაში დავალაგე: „ნუგეში თუ მუღმივად“, — ვიფიქრე და დაველოდე ახალ სიტყვას, რათა აზრი შეესებულებოდა.

მაგრამ შემდეგი სიტყვა აღმოჩნდა სრულიად შეუსაბამო შინაარსის. ეს იყო „რევისტრატურა“ — ცხენთევზასავით დაკბილული და ტეხილი სიტყვა, რომელიც მკვეთრი მოსმებით ამოცურდა ზარდახშიდან. მაგრამ არავეინ იფიქროს, რომ ამ სიტყვაში გამოირჩეოდა ორი განსხვავებული ნაწილი, რომ ცალკე იყო, მაგალითად, „რევისტრა“, და ცალკე, რაიმე ფორმით — „ტურა“. არავითარი! ეს გახლდათ მთლიანი, ერთიანი, მონოლითური, რუხმონაცრისფრო ზოლებიანი სიტყვა „რევისტრატურა“, რომლის ყოველი წახნაგი ზუსტად ისეთივე იყო, როგორც მისი მიმდებარე სხვა წახნაგები. იგი ნელი კლაკნით ამოტივტივდა და ზემოდან მოექცა „ნუგეშს“, „თუ“-სა და „მუღმივად“-ს — იყო ამაში რაღაც მწარე ირონია (ეს ისე, სიტყვის მასალად, თორემ, სიმართლე რომ ითქვას, ამაში არავეითარი ირონია, მით უმეტეს — მწარე, არ ყოფილა. ეს იყო ჩვეულებრივი სიტყვების თამაში).

შემდეგ კი ერთად ამოიფანტნენ დანარჩენი სიტყვებიც.

მე და ლევანი ვაფაციცებით შეეყურებდით და ჩვენს გულბში ერთმანეთს ცვლიდა სხვადასხვანაირი ემოციები, ემოციათა მთელი სპექტრი, რომელიც, ალბათ, შეესაბამებოდა კიდევ ამ სიტყვათა მნიშვნელობებს.

— ეს ყველაფერი თუმნად ავიდე! — დაიწურულა ლევანმა.

— კი მაგრამ, რაში უნდა გამოიყენო? ლევანმა შემომხედა, როგორც სულელს.

— როგორ თუ რაში?! რას მეკითხები?!

— ჰო, რაში?
— რაში და, რასაც გინდა, ააწვობ, გესმის?! ამ სიტყვებით შეგიძლია მთელი სამყარო შექმნა! გაიგე, შე შტერო?! — მერე?!
— რა მერე?! — შესძახა ლევანმა.

— მერე ის, რომ, ჯერ ერთი, ის შექმნილი სამყარო რაში უნდა გამოიყენო, მეორეც ის, რომ — რა სამყარო უნდა შექმნა ამ ათიოდე სიტყვით?! — ვკითხე მე.

— ფი! — ჩაიფრუტუნა ლევანმა, — სულაც რომ არაფერში გამოვიყენო, ეს ცოტაა?! შეხედე, რა ლამაზია, შეხედე! ასეთი რამე სადმე გინახავს?!

თქვა და მოალერსე მხერით მიაჩერდა სიტყვებს.

ისინი კი ისევ ზარდახშის ზემოთ ლივლივებდნენ ჰაერში — ეს მართლაც ზღაპრული, არნახული სახილველი იყო.

და მეც მოხიბლული მივაჩერდი.

ახლა თქვენ, ალბათ, გაინტერესებთ, კერძოდ, რა სიტყვები იყო აქ.

აი, ის სიტყვებიც: „ივლის“, „სოსო“ (სახელია), „ვითარცა“, „აშხაბადი“, „ნაყენი“, „ჭუბრი“.

ამას დაუმატეთ თავდაპირველად ამოსული ნუგეში“, „თუ“, „მუღმივად“ და „რეგისტრატურა“, და მიიღებთ იმ ათ სიტყვას, რომლებიც ზამთრის მოღრუბლულ დილას ტრიალებდნენ ჩემს ოთახში.

ჩვენ კი ვისხედით და შევეყურებდით ამ სიტყვებს, როგორც ორი პატარა ბიჭი — ოქროს თევზებს აკვარიუმში.

— ეს მე ვიშოვე. მე! — დაიჩურჩულა ლევანმა.

უხმოდ დაუქნიე თავი.

— მე ვიპოვე ის მაღაზია! — თქვა ისევ ჩურჩულით (ამჟამად თავის თავს ელაპარაკებოდა).

— ახლა რაღა ვქნათ? — ვკითხე მე.

ლევანმა ხელები კანკალით ასწია და თითის წვერებით ერთ-ერთი სიტყვა დაიჭირა. სიტყვა ნელა ლივლივებდა მის ხელში. ეს იყო სიტყვა „მუღმივად“.

— ეხლა რამე შევექმნათ, — თქვა მან და მეორე სიტყვაც დაიჭირა.

მერე ეს ორი სიტყვა ერთმანეთს მიადგა და ჩვენს წინ გაჩნდა ორსიტყვიანი: „სოსო მუღმივად“.

— ეს რა ოხრობაა? — ვთქვი მე.

ლევანმა ორსიტყვილი მარცხენა ხელში გადაიტანა. მარჯვენით კიღვე ერთი სიტყვა დაიჭირა და ფრთხილად შეუერთა. გამოვიდა აზრი — „სოსო მუღმივად ივლის“. მერე ხელი გაუშვა და ეს აზრიც რბილად აციმციმდა ჩვენს წინაშე.

მე დაეაკვირდი. უცნაური იყო — სიტყვების შეერთების ადგილას არავითარი კვალი არ რჩებოდა. ეს სამი სიტყვა ნარნარად ერწყმოდა და აგრძელებდა ერთმანეთს და მათგან იქმნებოდა ერთი მთლიანი სხეული — ყოველგვარი შიდა ტიხრების გარეშე და ისიც ისეთივე ნელი რწყევით ლივლივებდა ჰაერში. ეს უკვე აღარ იყო სამსიტყვიანი, მასში აღარსად ჩანდა ცალკეული სიტყვები, არც მათი შეფერვილობა — ეს იყო სრულიად თავისებური ფერის ერთადერთი აზრი, რომ „სოსო მუღმივად ივლის“.

— ღმერთმა ხელი მოუპართოს! — ჩავიბუტბუტე ჩემთვის.

ლევანმა კიღვე ერთი სიტყვა დაიჭირა და ახალწარმოქმნილ სხეულს მიუერთა. „სოსო მუღმივად ივლის რეგისტრატურა“ — შეიქმნა ჩვენს წინაშე. მაგრამ ამ ახალმა შენაერთმა ძველი მთლიანობა სულმთლად დაარღვია. ეს უკვე აღარ იყო ერთი მონოლითური სხეული. ჩვენს წინ ირხეოდა ოთხსიტყვიანი, რომელშიაც ყოველი სიტყვა ერთმანეთისაგან გამიჯნული იყო თავისი ფერით, ფორმითა და რხევის რიტმით. „რეგისტრატურას“ ტეხილი და შავთეთრი ზოლი უშნო პროთეზივით მიება „ივლის“-ს, ისიც უკვე ბუნებრივად აღარ ერწყმოდა „მუღმივად-ს“, რომელიც, თავის მხრივ, სრულიად თრგუნავდა „სოსოს“.

— „ში“ გვაკლია, — წარმოთქვა ლევანმა.

— რა „ში“? — ვკითხე მე.

— „ში“ უნდა იყოს: „სოსო მუღმივად ივლის რეგისტრატურა-ში“, და სიტყვა გამთლიანდება.

— ააა! — ვთქვი და თავი მოვიქექე.
— ააა კი არა, „ში“!
— ოოო, ჰო, „ში“.
— რა ვქნათ, სად ვიშოვოთ „ში“? —
თქვა ლევანმა.

სწრაფად მოვისახრე:

— ცხადია, ისევ იქ, სადაც ევ სიტყვები იშოვე.

— ჰო, რა თქმა უნდა... და აზრიც დასრულდება.

— დასრულდება, აბა რა, — ვუთხარი მე. — წარმოიდგინე, რამხელა ბედნიერებაა: ჩვენ შეგვეძლება, როცა გვინდა, წავიკითხოთ ფრაზა: „სოსო მუდმივად ივლის რევისტრატურაში!“

ლევანმა ხელი ჩაიქინა.

— თუმცა, მოიცა! — ვთქვი მე, — ჩვენ შეგვეძლება წავიკითხოთ უფრო მეტიც: „სოსო მუდმივად ივლის რევისტრატურაში ვითარცა ჭუპრი!“

ამ სიტყვებით ხელი ვტაცე ორ სიტყვას — „ვითარცა“ და „ჭუპრს“, და ერთმანეთს მივადგი.

გვრძნობდი, როგორ ჭიებივით იკლანებოდნენ ეს სიტყვები ჩემს თითებში და უეცრად ზიზღის გრძნობამ შემიპყრო, — თითქოს რაღაც ზრწნადი თუ ჯერაც არ დაბადებული არსება შემხებოდას.

სიტყვებს სასწრაფოდ ხელი ვუშვი. ჩემს წინ, ჰაერში დარჩა ორსიტყვედი: „ვითარცა ჭუპრი“.

ცხვირი ახლოს მივიტანე და დავენოსე. საბედნიეროდ, არაფრის სუნი არ უდიოდა — არც ჭუპრის, არც რევისტრატურის, არც, მით უმეტეს, სოსოსი.

დაინტერესებულმა მესამე სიტყვაც დავიჭირე და ფრთხილად მიუუერთე. ასე გაჩნდა სამსიტყვედი: „აშხაბადი ვითარცა ჭუპრი!“ — ეს იყო ჩემი პირველი შემოქმედებითი შედეგები, ჩემი შემოქმედებითი ნიჭის პირველი გამოვლენა, რომელიც, თუმცა მას მერე მრავალი ნაშუშვერის ავტორი გავხდი, მაინც დღემდე ყველას მირჩევნია და განსაკუთრებული სიყვარულით მიყვარს. — „აშხაბადი ვითარცა ჭუპრი!“ — და მართლაც, არცთუ ისე უხეირო ფრაზად მოგეჩვენებათ,

როგორც ერთი შეხედვით ჩანს, მხოლოდ სიტყვა „აშხაბადი“ ცოტა თავისებურად უნდა წაიკითხოთ — ისე, როგორც „ად“ სუფიქსით ნაწარმოები რომელიმე ზედსართავი, მაგალითად „აქროლადი“ ან „ჩახშობადი“.

ასე რომ, ეს სიტყვები დაახლოებით ისე უნდა იქნას წაკითხული, როგორც „აქროლადი ვითარცა ჭუპრი“, ან — „ჩახშობადი ვითარცა ჭუპრი“.

რაც შემეხება მე, პირადად „აქროლადის“ მომხრე ვარ, რადგან მიმანჩია, რომ საკმაოდ აქროლადი ბუნების ადამიანი გახლავართ, თუმცა, როგორც მკითხველი მალე შეამჩნევს, არც ჩახშობადობა მაკლია, — კერძოდ, ჩემი ჩახშობა არც ისე ძნელია, თუმცაღა მალე ისევ იოლად აექროლდები ხოლმე. ერთი კია — აშხაბადში არასდროს ვყოფილვარ და არც არავითარი სურვილი არა მაქვს იქ მოხვედრისა, თუკი, რა თქმა უნდა, თვითონ აშხაბადი არ მოვა ჩემთან, როგორც მთა — მუჰამედთან.

როგორც უნდა იყოს, იმ დღეს, აქროლად გუნებაზე მყოფმა, მე შევექმენი ჩემი პირველი შედეგები, და იგი ასე გამოიყურებოდა: „აშხაბადი ვითარცა ჭუპრი“.

ეს სიტყვები ვინმეს შეიძლება არა-ესთეტურად მოეჩვენოს, ვინემ შეიძლება თქვას, რომ ეს სტრიქონი რაღაც ნაირად მიღვევადი ან უხეშად მოჭრილია, მაგრამ ვინ რა იცის, რა არის ეს-თეტური? ვინ იტყვის, რა არის მშვენიერება? ეს ხომ ურთულესი ფილოსოფიური საკითხია, რომელზეც, სოკრატედან მოყოლებული, კაცობრიობას დღემდე პასუხი ვერ გაუცია. მშვენიერების შესახებ ყველას თავისი მოსაზრება აქვს. განა შეიძლება უშვერად გამოვაცხადოთ სტრიქონი მხოლოდ იმის გამო, რომ შივ „შხ და „პრ“ დიფტონგები ურევია?! თუკი მხოლოდ ბერწერაზე მიდგა საქმე და აზრს სრულიად არა აქვს მნიშვნელობა, მაშინ რატომ ჟღერს ჩემს ქმნილებაზე გაცილებით უფრო უშვერად მისი სარკისებ-

რი ანარეკლი: „ირბუჭ აცრათივ იღაბახ-შა“?!

ასე რომ, ამ თემაზე კამათს თავს ეა-ნებებ და კვლავ ძირითად სათქმელს ვუბრუნდები:

ლევანმა ზარდახშა დახურა.

ერთბაშად ყველა სიტყვა, რომელიც კი ჩვენს წინ ჰაერში ლივლივებდა, მათ შორის — ჩემი შედეგებიც — ქარის გა-ტაცებულებით მიიხვეტა და ზარდახ-შაში ჩასრიალდა.

და ჩვენს წინაშე ჰაერი ისეთივე ინე-რტული იყო, როგორც ხუთი ათასი წლის წინათ.

— წავედით, — თქვა ლევანმა.

— სად?

— სანეტარო კანტორაში!

— წავედით! — შეეძახე და წამოიხტი.

ლევანიც წამოიღვა, ზარდახში კვლავ ჩანთაში მოათავსა, ჩანთა საგულდაგუ-ლოდ დაკეჭა და მზარზე მოიგდო.

სასწრაფოდ ჩაიციკვი და გარეთ გამო-ვედით.

რალაც აუტანელი სიხარული და მოლოდინი ქარით მიგვაქანებდა ქუ-ჩებში. ირგვლივ ვერაფერს ვამჩნე-ვდით — არ ვიცი, მანქანის ქვეშ როგორ არ მოვეყვით. გადაკვეთეთ ყაზბეგის გამზირი, მიცკევიჩის ქუჩა, გავუხვიეთ საბურთალოს ქუჩაზე — სიარულს თით-ქოს ბოლო არ უჩანდა.

„სოსო მუღმივად ივლის!“ — გამახ-სენდა მე, როცა პეკინის ქუჩა გადავჭე-ვრით.

აი, „მელოდიაც“, აი, მიმდებარე ეზოც. შევუხვიეთ, შევედით და ამ დროს ძახილი შემოგვესმა:

— ჰეი! ჰეი! ზაზა! ლევან!

ჩვენკენ ხელის ქნევით მოიწვევა გუ-ჯა.

— სად გარბიხართ ასე გამწარებუ-ლი?

— საქმეზე გვეჩქარება, — მიუვუე მე. გუჯამ ეშმაკურად შემოგვხედა.

— რა საქმეა, თქვენ თუ კაი ხალხი ხართ!

— აგერ, სანეტარო კანტორა ყოფილა.

— რა ყოფილაო?!

— სანეტარო კანტორა.

— სანეტარო კანტორა რაღაა, თუ ძმა ხარ?!

— რა ვიცი მე, აგერ, ლევანს ჰკით-ხე, — პასუხი თავიდან ავირიდე.

გუჯამ ლევანს მკლავში ხელი წაპ-კრა.

— რა კანტორაო, ბიჭო, რას ბოღია-ლობს ეს გამოშტერებული?!

— კანტორაა, რა. სანეტარო კანტო-რა. არ გაგიგია?

— სანეტარო კანტორა? — გუჯამ და-უსტვინა და სიცილით თქვა: — ნაღდად რო პირველად მესმის. თქვენ რაღა-ცას მიმაღავთ, აი!

— არაფერს არ გიმაღავთ! — წამო-ვიძახე მე.

— აბა როდის იყო, კანტორებში დარ-ბოდიშ! აქ რაღაცაშია საქმე! — გუჯამ გამომცდელი მზერით შეგვათვალიერა.

— გეტყვი, მაგრამ იცოდე, ჩვენში უნდა დარჩეს! — უთხრა ლევანმა.

— მითხარი, მითხარი ერთი! — გუჯამ მოჭუტული თვალები მიაპყრო ლევანს.

— ეგეთი კანტორაა — მიხვალ, ფულს გადაიხდი და ნეტარებას იძლევიან. რა-საც ინატრებ — შენია!

— ნეტარებას არა, ერთი იმას! — გუ-ჯამ გაიცინა.

ლევანმაც გაიცინა.

— არ გჯერა, ნუ გჯერა. შენი საქ-მეა. — უთხრა და წასვლა დააპირა.

— არა, ნაღდად, საით მიდიხართ?!

— გეუბნები, სანეტარო კანტორაში. ოცი გრამი ნეტარება უნდა ავიღო.

გრამების გაგონებაზე გუჯა გამო-ცოცხლდა.

— ააა! — შესძახა მან, — ყველაფერი გასაგებია! წამოდით, მეც თქვენთანა ვარ. გრამი რამდენად არის?

— გაანია, რისი გრამი.

— კი მაგრამ, რის ასაღებად მიდი-ხართ?

— მე სიტყვები უნდა ავიღო, — საი-ღუმლო სახით მიუგო ლევანმა.

გუჯამ ეჭვით გადმომხედა:

— თქვენ გეტყობათ, უკვე კაიფში ხართ!

— მოკლედ, თუ მოდიხარ, წამოდი! — უთხრა ლევანმა და ადგილიდან დაიძრა.

ორივენი უკან მივეყვით და მალე საწინტარო კანტორის შესასვლელთან ვიყავით.

ეს კანტორა ადრე არასოდეს შემეინშნა. ალბათ, ახალი გახსნილი თუ იყო. იგი მდებარეობდა წითელი პარტიზნების ქუჩის მიმართ პერპენდიკულარულად მდგარი კორპუსის ქვემო მარცხენა კუთხეში. შესასვლელი კარი ჩვეულებრივი სადარბაზოს კარის გვერდზე გაეჭრათ. ეს იყო მორუხო-მოცისფრო პატარა კარი. მის გვერდზე — ამავე ფერის დამტკვერილი ფანჯარა. კარსა და ფანჯარას შორის მოჩანდა მინაგადაკრული შავი დაფა, რომელზეც ვერცხლისფერი ასოებით ეწერა: „საწინტარო კანტორა“.

— ეე! ეს აქ როდის გახსნეს?! — გაუკვირდა გუჯას.

— რა ხანია აქ არის!

— დედას გეფიცები, პირველად ვხედავ!

— მეც პირველად ვხედავ, — დავუთანხმე მე, — ეტყობა, ახალი გახსნილია.

ლევანმა დაცინვით გადმოგვხედა:

— ახალი კი არა! ვერ ხედავთ კარებზე საღებავი სუშთლად გახუნებულია. აბრაძ ძველია, ფანჯარაც — დამტკვერილი.

მართლაც, პატარა კარებზე საღებავი ალაგ-ალაგ ატკეპილიყო. ფანჯრის ჩარჩოები ქარისა და წვიმისაგან გახუნებულიყო. ვერცხლის ასოებსაც დაეკარგათ პირველქმნილი ბრწყინვალება. და ეს ყველაფერი ძალიან ძველი და შეუმჩნეველი ჩანდა. ალბათ, ამიტომაც ვერ ამჩნევდა ვერაფერი.

კარი ჭრიალით შეიღო.

ჩვენ აღმოჩნდით პატარა და ცარიელ ოთახში, სადაც იდგა ერთადერთი სამუშაო მაგიდა, ორი სკამი და დაბალი ცეცხლგამძლე კარადა. ოთახის შიდა კედელზე მოჩანდა კიდევ ერთი პატარა კარი და შიდა ოთახთან შემაერთებული სარკმელი, რომლის ჩარჩოში

მინის ნაცვლად შეღებილი ფანერა ჩაესვათ. კარიც და სარკმელიც ამჟამად მოხურული იყო. ჩვენი შესვლისთანავე თავისით მიიხურა აგრეთვე გარეთ გასასვლელი კარიც. შიდა ოთახიდან საბეჭდი მანქანის ხმა გამოდიოდა.

ლევანმა ფანჯრის ფიცარზე დააკაკუნა.

სარკმელი გაიღო.

— ნეტარაუხი აქ არის? — იკითხა ლევანმა.

— აქ არის, — მოისმა ქალის ლითონნარევი ხმა.

თავი დაეხარ და სარკმელში შევიხედე — იქ ხვეულთმიანი შავგვრემანი ქალი მისჯდომოდა კარტოთეკის ყუთებიან მაგიდას. წინ ელექტრონული საბეჭდი მანქანა ედგა — ყველაფერი ისე იყო, როგორც სახლ-მმართველობაში.

— აფანასიოვი, — შესძახა ქალმა ვილაცას, — თქვენთან არიან.

— შემოიყვანე, სტელა, შემოიყვანე! — მოისმა შიდა ოთახიდან კაცის ჩახშული ხმა.

ქალმა ამოგვხედა და წამით დაგვაცქერდა.

— მობრძანდით!

კარი შევადეთ. ჭრიალი. შევლაგდით და კარი ჩვენს ზურგს უკან აქაც თავისით მიიხურა.

შიდა ოთახი პირველივეთ პატარა იყო, მაგრამ უფანჯრო და უფრო თბილი. ჭვერში ანათებდა სუსტი ელნათურა. თითქმის ბნელოდა. თვით ოთახი ჰგავდა ბიბლიოთეკის საცავს — მარჯვნივ და მარცხნივ კედლებზე ჩანდა თაროები, ზედ მოთავსებული რაღაც ბართებიანი ყუთებით. შუა ოთახშიც აყულებინათ მაღალი თაროებიანი თეჯირი — აქაც ყუთები. თეჯირის უკან სამუშაო მაგიდა სავსე იყო ასეთივე ყუთებითა და საქაღალდეებით. მაგიდას მისჯდომოდა შუა ხნის ჩახშუებული მელოტი, სათვლიანი კაცი, რომელსაც ეცვა ხმარებისგან გაცრეცილი რუხი კოსტიუმი, კოსტიუმს ზემოდან მხრებზე მოეხურა რუხი, მწვანეოლებიანი პლედი, ხელები მოწაფესავით დაეწყო წინ, მაგიდაზე, და ტკბილი ღიმილით

მოგკერებოდა. სახეს უნათებდა მალა-
ლი, მინის პლაფონიანი ღამის ღამმა.
ამ ღამის შუქზე წითლად ღვიოდა აფა-
ნასოიფინის ხორციანი და ბადრი პირი-
სახე და მელოტი შუბლის ნაწილი.

— რით გემსახუროთ?! — თქვა მან
თავის ქიცინით და თვალების ჭუტკით.

— ეს მე ვარ, — ყრუ ხმით მიუგო
ლევანმა.

— აჰ, მობრძანდით! მობრძანდით!
გნებავდათ რამე?

ჩვენ მიუუახლოვდით.

— ხელშეკრულების გასაფორმებლად
მოვედი, — ლევანმა ჩანთა გახსნა, ზარ-
დახშა ამოიღო და მაგიდაზე, საქაღალ-
დეებს ზემოდან, დადგა.

ნეტარიუსმა მაშინვე ფუნწულა ხელი
დასტაცა ზარდახშას.

— ძალიან სასიამოვნო. ძალიან კარ-
გი. დარწმუნებული ვიყავი. დარწმუნე-
ბული ვიყავი, — თქვა ისეთივე პირბა-
დრი ღიმილით.

და უეცრად მისმა კატისებრმა ხმამ
და შემპარავემა კილომ რაღაც მომაგო-
ნა და გულში უსიამოდ გამკენწლა.

მან მაგიდის უჯრა ოდნავ გამოსწია
და იქიდან ქაღალდის ფურცელი გამო-
აძვრინა.

— მაშ ასე, — თქვა მან, — აი, ეს. შე-
მივსთ და საქმე გათავებულება. აი, ეს
გრაფები. აქიდან აქამდე. სახელი, გვა-
რი, მისამართი... მოკლედ, ყველა გრა-
ფა შემივსეთ. აქიდან აქამდე. ძალიან
კარგი, — ამბობდა იგი, როდესაც ლე-
ვანი, მაგიდასთან დახრილი, ბლანკს ავ-
სებდა. — ძალიან კარგი. ახლა აქ მოა-
წერეთ ხელი. დიდი მადლობა. ჰაჰა! დი-
დი მადლობა!

— გადასახადი რამდენია? — იკითხა
ლევანმა.

ნეტარიუსმა მხიარული ნაპერწკლე-
ბით აღსავსე თვალებით ამოგვხედა.

— გაანნია, რის! ჰა-ჰა! გაანნია,
რის! — და მე შევაძმნინე, რომ ეს კაცი,
როცა რაიმეს იტყოდა, მერე იქვე სა-
კუთარ ნათქვამს ექოსავით ჩუმი ხმით
იმეორებდა — ალბათ, ეს საკუთარი
ნათქვამით ალტაცებისგან თუ იყო გა-

მოწვეული. თუმცა, ჩვენი იქ ყოფნის
მანძილზე განსაკუთრებული არაფერი
უთქვამს.

— რას გაანნია?! — შუბლშეკვრით
შეეკითხა ლევანი.

— გაანნია, რას გადაიხდით... ჰაჰა!
გაანნია, რას გადაიხდით... რას გადაიხ-
დით!

— ფულს გადავიხდი. სხვა რა უნდა
გადავიხადო! — თქვა ლევანმა.

— ფული!.. ჰაჰა! ფული! ჰაჰა! ფული!..
ჰა? ფული თუ სული? ჰაჰა-ჰაჰა! ფული
ან სული! — მოილხინა მელლოტმა, კა-
ტისებრმა ბუთხუზამ.

მე განცვიფრებით შეეხედე — იგი
უზომო მხიარულებას მოეცვა — თუმც
კი ისევ უძრავად იჯდა და მისი მოლა-
პლაპე თავი ვიგანტური კვერცხივით
ლიელივებდა ჩვენს წინაშე. თუჯირს
მიღმა მოჩანდა მბეჭდავი ქალი — ისიც
ჩვენკენ მობრუნებულიყო და დიდი მუქ-
მწვანე თვალებით გვიყურებდა. ეს ყვე-
ლაფერი მიაგავდა რაღაც სატანისტური
ფილმისა თუ ფარსის უნიჭო პაროდისა.

მე ჩამეცინა.

— სულიო, თქვენ ბრძანეთ?! — ვკით-
ხე კოტიტას, — როგორც ჩანს, თქვენ
აქ ადამიანთა სულების მოსანადირებე-
ლი დაწესებულება გაიხსენიათ!

მან სათვალის ღინწები ჩემკენ მოაბ-
რუნა, მცირე ხანს მიყურებდა, — ამ
ხნის მანძილზე ამოდ ცდილობდა გა-
მეხსენებინა, კერძოდ, ვის ან რას მაგო-
ნებდა იგი. — მერე ხმა ამოიღო:

— რაღა თქმა უნდა! რაღა თქმა უნ-
და!.. ჩვენი უმთავრესი დანიშნულება
სწორედ რომ ეგ არის! ჩვენ უნდა მოვი-
ნადიროთ ადამიანთა სულები! განსაკუთ-
რებით — ახალგაზრდების!.. ახალგაზ-
რდების!.. ამას ემსახურება ჩვენი დაწე-
სებულება! ჩვენ უნდა ჯანსაღი საზრდო
მიეცეთ ახალგაზრდა სულებს! თორემ,
ზომ ხედავთ, რას დაემსგავსა ჩვენი
ახალგაზრდობა! აბსოლუტური გამოფი-
ტვა!.. აბსოლუტური გამოფიტვა!.. —
მან გუჯას შეავლო თვალი და მერე
ისევ მე მომიბრუნდა: — ეს ამერიკული
ფილმები!.. ეს ამერიკული ფილმე-



ბიო!.. ეს უშინაარსო, იდეისგან დაკლილი ბესტსელერებო!.. ეს ჟურნალებო! ეს ნარკოტიკებო! ნარკოტიკებო!.. — აღშფოთებული თუხთუხებდა იგი.

მე თავი გააქნე.

— ეგ თქვენი სულების მონადირება რაღაც არ მომწონს! ხომ არ გეჩვენებათ, რომ ამ საქმეს, ცოტა არ იყოს, სატანისტური ელფერი დაჰკრავს?! — ვკითხე დაქვევებულმა და მოჭუტული თვალებიდან გამჟვალავი მწერა მივაპყარი.

ფუნჩულამ სიხარულით ამოძხედა:

— ფუი ეშმაკს!.. ფუი ეშმაკს! — შესახა მან. — ფუი ეშმაკს! ჰა-ჰა!.. ფუი, ფუი... ფუი ეშმაკს!.. არავითარი!.. არავითარი!.. ეგ როგორ გაიფიქრეთ?! მე, ჩემო კეთილო, არც ღმერთი მწამს, არც ეშმაკი! სულების მონადირებაში მე ვგულისხმობ ახალგაზრდობის ინტერესთა სფეროს დაპყრობას! საჭიროა დაინტერესო ახალგაზრდა! საჭიროა სულიერი საზრდო მისცე მას! ხომ გესმით! სულიერი საზრდო! სულიერი! და აქედან გამომდინარე — სულის განვითარება, სულის წარმართვა იმ გზით, რა გზითაც უმჯობესი იქნება თვითონ მისთვის!.. მაგრამ არავითარი ძალდატანება! არჩევანი თვითონ თქვენზეა, ერთმნიშვნელოვნად, სრულიად და აბსოლუტურად თქვენზე! აი ასე, ახალგაზრდავ, აი ასე, — ამბობდა იგი აღტაცებით. — ხოლო სულში მე ვგულისხმობ ადამიანის ფსიქიკას! და მეტი არაფერი! ესა ჩვენი ემოციები, განცდები, აზრები!.. აი, ასე მესმის მე სული!.. აი, ასე მესმის მე სული!..

მაგრამ ჩემში ეჭვის ბორბალი უკვე აღძრული იყო.

— აბა, რატომ თქვით, ფული ან სულიო?!

ამაზე სწრაფად მომივო:

— ეს ისე, სიტყვის მასალად, ჩემო კეთილო! სიტყვის მასალად, ჩემო კეთილო!.. თორემ, ცხადია, ფულს გადაგხდევინებთ! ჰა-ჰა! ფულს გადაგხდევინებთ! აბა, რას ვიზამ! სტელა, ამ მეგობარს ერთი ხელშეკრულების ტექსტი

გადაუბეჭდე! მიბრძანდით, ახალგაზრდა! მიბრძანდით! — მან ლევანს ხელით ანიშნა მბეჭდავ ქალზე და ლევანიც იქით წავიდა.

სანამ იგი უკან დაბრუნდებოდა, მე კვლავ კოტიტას მივმართე:

— მაშინ, რატომ პირდაპირ არ გვიპასუხეთ, გადასახადი რამდენია?!

— გეტყვით, გეტყვით, არ დაგიმალოვ... ჰა-ჰა... არ დაგიმალოვ, — იგი ხალისით შეუდგა განმარტებას: — პირველი საცდელი სანეტარო მომარაგებისთვის — ათი მანეთი! შემდეგ კი, საათობრივად — საათში ათი მანეთი ხუთი დღის მანძილზე, საათში ხუთი მანეთი — შემდგომი ხუთი დღის მანძილზე, საათში ორმანეთნახევარი — შემდგომი ხუთი დღის მანძილზე, და საათში მანეთი შემდგომი თხუთმეტი დღის მანძილზე! თვეში სულ რვაას ოცი მანეთი, პლუს თუმანი პირველი შესატანი, — რვასაათიან სამუშაო დღეზე გადაანგარიშებით, ან — ორიათას ოთხას სამოცი მანეთი — ოცდაოთხსაათიან სამუშაო დღეზე გადაანგარიშებით. ერთი დღე-ღამით სარგებლობა, ნებისმიერ შემთხვევაში, ორას ორმოცდაათი მანეთი დაგიჯდებათ, ორას ორმოცდაათი მანეთი! — მე მგონი, არ არის ძვირი... არ არის ძვირი... მუშტარიც არ გვაკლია... პირდაპირ გეტყვით, — არ გვაკლია!..

მე, ცოტა არ იყოს, ნირწამხდარმა მიმოვიხედე. ორიათას ოთხას სამოცი მანეთი, მით უმეტეს — პლუს თუმანი, თვალთაც არ მენახა.

— ათი დღე რა დაჯდება? — ვკითხე და ჩავხველე, — რვასაათიან სამუშაო დღეზე გადაანგარიშებით!

— ახლავე! ათი დღე დაგიჯდებათ ექვსასი მანეთი, რვასაათიან სამუშაო დღეზე გადაანგარიშებით, პლუს თუმანი პირველი შესატანი, — ცქიცქად მომივო მან.

მე გონებაში ურთულესი მათემატიკური ოპერაცია წამოვიწყე — ვცადე დამედგინა, რა დამიჯდებოდა ეს სიამოვნება ოთხი საათით — რატომ მაინც დამაინც ოთხი ავირჩიე, ვერ გეტყვით.

ალბათ, იმიტომ, რომ ეს რიცხვი განსაკუთრებით მიეყვარს — რაღაც ჩემიანად და ახლობლად მიმაჩნია ბავშვობიდან. მაგრამ მალე დაერწმუნდი, რომ ამ ამოცანას თავს ვერ გავართმევდი. ამიტომ ისევ კოტიტას მივმართე:

— ერთი საათი რა დაჯდება?

— ერთი საათი, ნებისმიერ შემთხვევაში — ათი მანეთი, პლუს თუმანი პირველი შესატანი. შაბათ-კვირაობით და ღამის საათებში — ზედდარიცხვა ოცი პროცენტი, ანუ — საათი თორმეტი მანეთი და პლუს თუმანი, პირველი შესატანი. — ამას რომ ამბობდა, ცალი თვალთაგან რატომღაც გუჯვას აპხედა, მერე ისევ მე მომაპყრო გოჭისებრი თვალეზის მზერა.

გონებაში თვალი მოვაკლე მის მიერ ჩამოთვლილ აურაცხელ რიცხვებს. შევეცადე, ეს საათობრივი ანგარიში მაინც გამემრავლებინა ოთხზე, მაგრამ ამოღ. ვიფიქრე, რომ მის ანგარიშში არავითარი ლოგიკა არ იყო.

აქ უეცრად საუბარში ჩაერთო გუჯა:

— ერთი ეს მითხარი, ბიძაჩემო, ამდენ ფულს რა სიამოვნებაში გვახდევინებ? — თავისთვის ჩვეული პლებური პირდაპირობით მიმართა კოტიტას.

კოტიტამ თავზიანად მიუგო:

— ჩვენი კანტორა ერთადერთი სანეტარო კანტორაა ამ რაიონში. სხვა რაიონის მცხოვრებლებს ჩვენ არ ვემსახურებით. ჩვენთან შევიძლიათ შეიძინოთ, იქირაოთ, ან დროებით სარგებლობაში გაიფორმოთ სხვადასხვა სახის სანეტარო საქონელი. უმძლვესი ხარისხის ნეტარება ნებისმიერ შემთხვევაში გარანტირებული გაქვთ, ხოლო რა სახის ნეტარებას აირჩევთ, ეს თქვენი ნებაა. ჩვენ გავგანჩნია ფართო ასორტიმენტი — დაწყებული ფიზიოლოგიური სახის ემპირიული ნეტარებებისგან, დამთავრებული ფსიქო-ნევროლოგიური და ემციონალურ-გნოსოლოგიური სახის იდეალური ნეტარებებით. აქ შედის გულსისხლძარღვთა სისტემის ევრიტიმიული სტიმულაცია, დიდი ტვინის ჰემისფეროთა რუხი ნივთიერების კუნდა-

ლიწური აქტივიზაცია, ჰიპოკამპუსის ხვეულის ელექტრონული ტრანსკვილიზაცია, ბროკასა და ვერნიკეს ცენტრების სრული ჰიპერსულბლიმაცია...

— კარონე გოვონია, — გააწყვეტინა გუჯამ, — საათში ოც მანეთს თუ მახდევინებ, რაღაც სუშჩესტვენნი უნდა მივიღო!

კოტიტამ მას სათვალის ზემოდან ახედა:

— რაღა თქმა უნდა, ახალგაზრდავ. ჩვენ ჩვენი მომსახურებით სრული დაკმაყოფილების გარანტიას ვიძლევი. თქვენ წარმოიდგინეთ, კლიენტის მხრიდან პრეტენზიების გაჩენის შემთხვევაში ფულს უკანაც კი ვაბრუნებთ. რა თქმა უნდა, თუ პრეტენზია საფუძვლიანია... თუ პრეტენზია საფუძვლიანია!.. თუმცა, მინდა აქვე გაუწყოთ, რომ ჩემი მუშაობის მრავალწლიანი გამოცდილების მანძილზე არ მახსოვს შემთხვევა, რომ კლიენტს ჩვენთვის პრეტენზიებით მოემართოს — გარდა ერთისა, რომელიც ჩიოდა, რომ ჩვენს კანტორაში მიღებულ ნეტარებას სხვა ცხოვრებისეულ სიტუაციებში მისთვის ნეგატიური შედეგები მოჰქონდა. მაგრამ ისიც, რომ გამოვიკვლიეთ, იმპოტენტი აღმოჩნდა...

ამის გაგონებაზე გუჯვას თვალები გაუბრწყინდა.

— თქვენ რა, აქ ქალებსაც აქირავენ? — ჰკითხა და მდივან ქალს გახედდა.

— რაღა თქმა უნდა. აკი ვითხარით, — ჰიპოკამპუსის ხვეულის ელექტრონული ტრანსკვილიზაცია... — დაიწყე ნეტარიუსმა, მაგრამ გუჯამ გააწყვეტინა:

— და საათში თუმანი ღირს?!

— დიახ. საათში ათი მანეთი, პლუს თუმანი პირველი შესატანი, ხოლო დამის საათებში და არასამუშაო დღეებში — ზედდარიცხვა ოცი პროცენტი, ანუ — თორმეტი მანეთი და პლუს თუმანი, პირველი შესატანი, — მიუგო კოტიტამ.

— ნარკოტიკებიც გაქვთ? — შემაპარავად ჰკითხა გუჯამ.

— ცხადია. ნებისმიერი სახის.

აქ გუჯამ, როგორც შევატყვე, რეალობის გრძნობა დაკარგა, გონს მოსასვლელად აქეთ-იქით მიმოიხედა და ამ დროს მე შემამჩნია.

— ბიჭო, ამას უყურე! — მითხრა აღტაცებული ხმით.

მერე კვლავ ნეტარიუსს მიუბრუნდა:

— ესე იგი, თუმნად შემიძლია ერთი საათი ვიკაიფო?

— პლუს თუმანი პირველი შესატანი. ღამის საათებში და უქმე დღეებში — ოცი პროცენტი ზედღარიცხვა, — მიუგო ნეტარიუსმა.

— ესე იგი, ორიათას მანეთად შემიძლია ერთი თვე კაიფიდან არ გამოვიდე?!

— ორიათას ოთხას სამოცი მანეთი — პლუს თუმანი პირველი შესატანი, — მიუგო ნეტარიუსმა.

გუჯამ დაელმებულნი თვალებით გადმოიხედა.

— მაიცა, ესე იგი, ორიათას პლუს ორიათასი, ეს ოთხათასი, ოთხასს ოთხასი — რვაასი, იქაც სამოცს სამოცი — ას ოცი, ოთხათასს პლუს რვაასი და იქაც ას ოცი — სულ ოთხათას ცხრაას ოცი მანეთი. ესე იგი, ოთხათას ცხრაას ოც მანეთად მთელი ერთი თვით შემიძლია ნებისმიერი ნარკოტიკი მივიღო და ნებისმიერი ქალიც წავიყვანო?! — ჰკითხა მან.

— დიახ, ასეა. პლუს თუმანი — პირველი შესატანი, — მშვიდად მიუგო ნეტარიუსმა.

გუჯა ხანგრძლივად ჩაფიქრდა. მერე ისევე მე გადმოიხედა.

— ნიჩეო სებე! — თქვა მერე.

ამ სიტყვებზე ნეტარიუსმა რატომღაც წარმოუდგენლად მოიღვინა:

— აბა?! ჰა-ჰა-ჰა! აბა?! — შესძახა მან. — აბა?! ასეთია ჩვენი კანტორა! ნიჩეო სებე?! ა?! ნიჩეო სებე?! ჰა?! ასეთია ჩვენი კანტორა!.. ასეთია ჩვენი კანტორა!.. ტყუილად კი არ მოდიან აქ მთელი რაიონის მშრომელები! აბა, რა გეგონათ?! ნიჩეო სებე! ნიჩეო სებე! — ტიტიინებდა სახეგაბადრული.

ლევანი მოვიდა. ხელშეკრულების ტექსტი წინ დაუდო.

ნეტარიუსი წამსვე დასერიოზულდა. ტექსტს ხელი დასტაცა და ელვისებურად ჩაიკითხა.

— აბა! მაშასადამე, ასე! თქვენ სიტყვები გსურთ! ძალიან კარგი! ძალიან კარგი! მაშასადამე, ათი დღით! ძალიან კარგი! აქ მომიწერეთ ხელი, გეთაყვა! ასე! ძალიან კარგი! ძალიან, ძალიან კარგი!

ლევანმა ხელი მოაწერა და ყრუ ხმით იკითხა:

— რამდენი უნდა გადავიხადო?

— ათას ორასი მანეთი, გეთაყვა, ოცდამათხათასიან სამუშაო დღეზე გადანაკარგიშებით. პლუს თუმანი, პირველი შესატანი!

— თუმანი უკვე გადახდილი მაქვს! — უკმაყოფილოდ მიუგო ლევანმა.

— დიახ. მართალია. ძალიან კარგი. მაშასადამე, — ათას ორასი მანეთი, პლუს... მაპატიეთ... დიახ! ათას ორასი მანეთი და მეტი არაფერი... სტელა, მიიღე შესატანი და ქვეთარი გამოუწერე. ასე, ყველაფერი რიგზეა. გისურვებთ წარმატებას. გისურვებთ მოუკლებელ ნეტარებას მთელი ათი დღის მანძილზე. პირდაპირ მშურს თქვენი: სიტყვები... სიტყვები... ეს ხომ შესანიშნავია!.. ეს ხომ შესანიშნავია. შესანიშნავი... — ამ სიტყვებით ნეტარიუსმა ლევანს ხელი გაუწოდა და მძლავრად ჩამოართვა.

— რა სიტყვებზე ლაპარაკობ? — დაინტერესებული გუჯა ნეტარიუსს მიუბრუნდა.

ნეტარიუსმა ლევანს ხელი უშვა და გაბადრული სახით შეხედა გუჯას:

— აა! მე ნუ მკითხავთ!.. მე ნუ მკითხავთ!.. პროფესიული საიდუმლოა! ამ წუთიდან ეს უკვე მხოლოდ კლიენტის საქმეა! თუ უნდა — გაიმხელოთ, თუ არადა, — არა!.. თუ არადა, არა!..

— რა სიტყვებია, ბიჭო?! — მიუბრუნდა გუჯა ლევანს.

— ის სიტყვებია, რომლებიდანაც წინადადება შედგება.

— ჰა, რას მაშაყირებ!

— მოკლედ, აქიდან ჩემთან წავიდეთ და შენ თვითონ ნახავ, — უთხრა ლევანმა.

— ვნახოთ. გააჩნია რა სიტუაცია იქნება, — თქვა გუჯამ — ეხლა, ბიძაჩემო, მე მომხედლე! აი, აგერ ასი მანეთი მაქვს. აბა, უცბად გადამიანგარიშე, ას მანეთად რა კაიფი შემიძლია დაეიჭირო!

ნეტარიუსმა ქაღალდები გადაქექა და თავაზიანად მიუგო:

— აგერ, გვეცანით პრეისკურანტს. თქვენს განკარგულებაში ნებისმიერი სახის სანეტარო და სანატრელი საშუალებაა.

გუჯამ თავი ქაღალდში ჩარგო.

მეც დრო ვიხელთე, ლევანის ხელშეკრულების ტექსტს დაეწვდი და ყურადღებით დავიწყე კითხვა. — ნეტარიუსის ის შენიშვნა სულების შესახებ მაინც მოსვენებას არ მაძლევდა. საკმაოდ ცრუმორწმუნე კაცი ვარ, თანაც საკმაოდ მინახავს ამ თემაზე ამერიკული და არაამერიკული ფილმები. წიგნებიც ბევრი წამიკითხავს. ამიტომ ყურადღებით გადავათვალიერე ხელშეკრულების ტექსტი. საეჭვო თითქოს არაფერი ჩანდა. ტექსტი საკმაოდ მოკლე იყო — სულ ოთხიოდე წინადადება. აქ ეწერა, რომ ამა და ამ ფასად ესა და ეს კლიენტი დროებით და განუყოფელ მფლობელობაში იღებს ქვეყნად არსებულ ნებისმიერ და ყოველ სიტყვას, რომლებიც მას შეუძლია მოიხმაროს ნებისმიერი დანიშნულებით, ათი დღის მანძილზე. გადამხდელის ვგარი, სახელი, მისამართი, სანეტარო კანტორის ბეჭედი, ხელმოწერები და თარიღი. ეს იყო და ეს. ტექსტი ხელმეორედაც გულდასმით ჩავიკითხე, მერე ქვემოდან ზემოთ სიტყვასიტყვით უკულმა ავიკითხე — საეჭვო ვერაფერი ვნახე. განსაკუთრებით მრგვალმა ბეჭედმა დამამშვიდა.

ამასობაში გუჯას უკვე მიეღო რაღაც გადაწყვეტილება და ნეტარიუსს ისიც მდივან ქალთან გაეგზავნა ხელშეკრულების გასაფორმებლად. გვესმოდა საბეჭდო მანქანის კაკუნი და გუჯას გულითადი ბარიტონი:

— ისე, სტელა, რაღა შორს წავიდე, თქვენზე უკეთეს ქალიშვილს სად ვიპოვნო! ჰა-ჰა-ჰა! რას იტყვით, სტელა? თუ არ ვცდები, სტელა გქვიათ, არა?!

— დიახ, — მანქანიდან თავაუღებლად პასუხობდა ქალი.

— თუ წინააღმდეგი არ იქნებით, იქნებ დღეს სადმე გაგვესიერნა, ჰა? არ მოგბეზრდათ ამ დახუთულ კანტორაში ჯდომა?

— არ მომბეზრდა!

— როგორც ჩანს, ძალიან გიყვართ თქვენი სამუშაო. ისე, კაცმა რომ თქვას, მშვენიერი სამუშაოა. ხელფასი რამდენი გაქვთ?

— მე მყოფნის! — მოკლედ მოუჭრა სტელამ და დაბეჭდილი ფურცელი გაუწოლა.

— თქვენ რაღაც ძალიან მკაცრი ჩანხართ! ესეც თქვენს მოვალეობაში შედის, კლიენტებთან ბრაზიანი ლაპარაკი?! — ღიმილით ჰკითხა გუჯამ, რაზედაც სტელამ ღიმილითვე მიუგო:

— არა, რატომ! მე სულაც არ გიბრაზდებით. ჩვენთვის კლიენტის ინტერესი ყველაფერზე მაღლა დგას.

— მაგრამ ამ შემთხვევაში მე გელაპარაკებით არა როგორც კლიენტი, — ვაჟაკურად თქვა გუჯამ. — მე გესაუბრებით როგორც მამაკაცი — მშვენიერ მანდილოსანს! ჰა? რას იტყვით?! იქნებ გამოძებნოთ დრო — ცხადია, თუ ამის სურვილიც გქვნებათ, და დღეს, საღამოს ვახშამზე დამეწვიოთ რომელიმე რესტორანში?!

სტელამ გაიცინა და თავი ასწია.

— აფანასიევიჩ, რესტორანში მპატიჟებენ! — გამოსძახა ნეტარიუსს.

მან მთვარესავით გაბადრული სახე მიაპყრო გუჯას, მერე მე და ლევანს ამოგვხედა და გასძახა:

— წაყვი მერე! ასეთ წესიერ ბიჭებს ყოველდღე კი ვერ შეხვდებით!

— ეს რომ არ შედის მომსახურების სფეროში?! — ღიმილით თქვა სტელამ.

აფანასიევიჩმა მზრუნველი ხმით დაუყვავა:

— რა უჭირს. რა უჭირს. სამსახურის შემდგომ საათებში ხომ შეგეძლია გართობა!

ჩვენ ამ მელოდრამატულ დიალოგს ვეღარ გავუძელით, გუჯას ორიოდ სიტყვით გამოვემშვიდობეთ და გარეთ გავვით. ერთი სული გვექნა, სანამ სახლში მივიდოდით და სიტყვებით სავსე ზარდახშას გავხსნიდით.

ის იყო, კარი უნდა გამოგვეღო და დღის სინათლეზე გამოვსულიყავით, რომ უეცრად შიდა ოთახის სარკმელი გამოიღო და მეტალისებურმა ხმამ ადგილზე მიგვაღურსმა:

— ერთი წუთით!

შევბრუნდით.

— აფანასიევიჩს უნდა რაღაცა გითხრათ, — გამოგვაძახა სტელამ.

მერე მისი ხეულთმიანი თავი სარკმელში მიიმალა, კარებიდან კი ნეტაროუსმა გამოიხედა და თვალების ჭკუტვით, კვლავინდებური ღიმილით მოგვმართა:

— მართლა, პატივცემულო ლევან! დამავიწყდა გამეფრთხილებინეთ, რომ სიტყვებით სარგებლობა მიზანშეწონილია მხოლოდ და მხოლოდ დახურულ შენობაში! თუკი გაშლილ ადგილას გახსნი, სიტყვები შესაძლოა გაგიფრინდეთ, და მოგეხსენებათ, გაფრინდეს სიტყვას უკან ვეღარ დააბრუნებთ! ასეთ შემთხვევაში დაგაკისრებთ ჯარიმას, რადგან მოგვიხდება დამატებითი ზარების გაღება სპეცდანიშნულების მუშაკებისთვის, ასე რომ, გახსოვდეთ: მხოლოდ დახურულ სივრცეში!.. მხოლოდ დახურულ სივრცეში!.. — ამბობდა იგი და დღის სინათლეზე უფერულწამწამებთან, გოჭისებრ თვალებს უძღურად ჭკუტავდა და ახელდა.

ჩვენ გაფრთხილებისთვის მადლობა გადაუხადეთ და წამოვედით.

კარებში რომ გამოვდიოდით, შიდა ოთახიდან მოგვესმა გუჯას ხმა:

— კარგად, ბიჭებო! საღამოს დაგიკავშირდებით!..

აქ მცირე ხნით შევეჩერდები.

იქნებ ვინმემ იფიქროს, რომ წინა თავში რაღაც ხასიათებზე ან სიმბოლოებზე მქონდა ლაპარაკი. შესაძლოა ვინმეს ეგონოს, ეს ყველაფერი იმიტომ მოვეყვი, რომ წარმოემჩინა ადამიანის ორგვარი ტიპი: ერთი უფრო ემპირიული და სხეულებრივი, როგორც იყო გუჯა, და მეორე — უფრო სულიერი, როგორც იყო ლევანი. რომ ეს სხეულებრივი და სხეულის მონა კაცი ეძებს ფიზიკურ სიაძინებას — ქალებს, ნარკოტიკს, მეორე კი — სულიერი პიროვნება — ამას ყველაფერს ყურადღებასაც არ აქცევს და ეძებს რაღაც უსხეულო სიტყვებს, რომლებიც, მატერიალური თვალსაზრისით, არაფერში გამოადგება (ტყუილად კი არ ჩაილაპარაკა გუჯამ კანტორაში ყოფნისას: ჩვენს გასაგონად: არა, ძმაო, მე მაგ თქვენი სიტყვების მუშტარი არა ვარო!).

მაგრამ ვინც ასე იფიქრებს, მწარედ მოტყუვდება.

ჯერ ერთი, ზემოთ მოთხრობილით ავტორი ცდილობდა გამოეხატა არა ის, თუ როგორი და როგორი ადამიანები არსებობენ ამ ქვეყანაზე, არამედ ის, თუ რა მოხდა სინამდვილეში. — რა ავტორის ბრალი ან დამსახურებაა, რომ გუჯა იმ დღეს სწორედ იმგვარ განწყობაზე იყო, რომ სწორედ ქალი და კაიფი ენატრებოდა, და არა რაღაც სიტყვები. და რომ, საერთოდ იგი (გუჯა) სწორედ ასეთი კაცია და არა ისეთი, როგორც ლევანი ან თვით ავტორი.

მეორეც — თავისთავად ქალი ან ნარკოტიკი სრულებითაც არ გახლავთ რაიმე განსაკუთრებით სხეულებრივი და სულიერებისგან დაცლილი რამ. შესაძლოა სწორედ პირიქითაც იყოს — ვისაც მოუწევია ჰაშიში, ყველამ იცის, რომ იგი ამძაფრებს პირველ რიგში სწორედ ემოციურ და ინტელექტუალურ უნარებს, და თრგუნავს სხეულს. ჰაშიში პალეცინოგენია. მისი მწვეელი თითქმის მთლიანად წყდება ფიზიკურ

რეალობას და გადაინაცვლებს ინტელექტისმიერ სამყაროში, სადაც დაუსრულებლად უღრმავდება და უღრმავდება ერთს და იმავე აზრს თუ ემოციას, დაუსრულებლად ხსნის და ხსნის მის მიღმა არსებულ სიმბოლოებსა და მნიშვნელობებს, ისე რომ საბოლოოდ, საწყისი წერტილი — ანუ ფიზიკური რეალობა, რამაც მის გონებაში ამა თუ იმ აზრის დაბადება გამოიწვია, — მას სულმთლად ეკარგება და საკუთარი ფანტაზიის მოჯადოებული რკალის ტყვე ხდება. და ამ მოჯადოებულ წრეზე ტრიალებს იგი, სანამ მისი ცნობიერების ზღაპრულ მიჯნას უხეშად არ შეანგრევს ტელეფონის ზარი... მაგრამ ნურას უკაცრავად, — კაიფი გრძელდება. ახლა უკვე ეს ზარი იქცევა მისი ცნობიერების საგნად: ეს ზარი, ეს ზარისმიერი შენგრევა ცნობიერების უსხეულო კედლისა და ამ შენგრევით გამოწვეული განცდათა უსასრულო მდინარე იქცევა ამ გაშტერებული კაცის ცნობიერების ობიექტად. ისევ ერთმანეთს ენაცვლებიან სხვადასხვა სიღრმისა და განზომილების შინაარსები და მათ მიღმა ნაგულისხმებ სიმბოლოთა დაუსრულებელი ჯაჭვი. და მთელი ეს მდინარება სრულიად უნუგეშოდ არის მოწყვეტილი რეალობას — ანუ იმ სოციალურსა და ნატურას, რაც ფიზიკურად და ობიექტურად არსებობს ამ ეფემერული არსების ირგვლივ — თუმცა აქ, საერთოდ, რაიმე ობიექტურობაზე ლაპარაკი ძნელია.

ასევეა ქალიც.

ვინ თქვა, რომ ქალი, მით უმეტეს — ლამაზი, თუნდაც ისეთი, როგორიც იყო სტელა, — ვინ თქვა, რომ ეს ქალი მხოლოდ ფიზიკური არსებაა და მეტი არაფერი! ვინც ეს თქვა, იგი ისევე შემცდარია, როგორც კაცი, რომელიც ჰაშიშის კაიფში საჭმელს მიეძალება! ყოველი ქალი ხომ, ისევე როგორც, საერთოდ, ყოველი ადამიანი, სრულიად უნიკალური და მიუწვდომელი არსებაა, მიუწვდომელი სამყარო, რომელიც სიტყვით არ გამოიხატება!

და მესამეც — განა ის სიტყვები, რომელთაც ეგზომ მოაჯადოებს ლევანი, და რომლებსაც — ერთი სული გეჰონდა, სანამ სახლში მივიდოდით და ყუთიდან გაეთათავისუფლებდით — განა ის სიტყვებიც ნახევრად ზორციელი და საესებით ხელშესახები არსებები არ იყვნენ?! განა ისინი უფრო მეტად უსხეულო და იდეალური იყვნენ, ვიდრე ჰაშიშის კვამლი ან სტელას ეგზომ მშვენიერი და საიდუმლოებით აღსავსე სული და სხეული (მშვენიერება ხომ, თავისთავად, სრულიად არამატერიალური რამ არის და არასოდეს დაიყვანება ცალკეულ მშვენიერ ობიექტებზე). ან განა მათით შედგენილი ფრაზები და სურათები უფრო მეტად ღრმა, უცნაური და მიუწვდომელი შეიძლება ყოფილიყო, ვიდრე სტელას იდეალური და ყველასთვის მიუწვდომელი, უნიკალური და ჯადოსნური ქალური ფსიქიკა, ან გუჯას ჰაშიშნაწოვ გონებაში გახსნილი ეფემერული სივრცეები?! — არა და არა! ამაში ვერაფერს დამაჯერებს, თუნდაც დიდ სოკრატეს უხმოს დასტურად.

ასე რომ, ნურავინ იფიქრებს, თითქოს გუჯა უფრო მდაბალი და უგუნური, უხეში და ნაკლებად მგრძობიარე ადამიანი ყოფილიყო, ვიდრე ლევანი, ან, მით უმეტეს, — თქვენი მონა-მორჩილი. კიდევ ვიმეორებ — გუჯა გუჯა იყო, და იმ დღეს სწორედ იმ განწყობაზე იდგა. ლევანი ლევანი იყო. — მე მინახავს, როგორ ჩაფლულა იგი ამაზე არანაკლებად ბიწიერ და სხეულებრივ ტკბობაში, და მეც მე ვიყავი — ხოლო ჩემი რა მოგახსენოთ — ხანდახან მგონია, რომ არც სული მაქვს, არც გული, და მარტო ხორცი ვარ და ხორცი — ოღონდ ბაზარში გამოტანილი, გასაყიდად დაკულულ-დაკეპილი ხორცი კი არა! — ხორცი, ოღონდ ჩვეულებრივი ადამიანური კაცობრივი ხორცი, თავისი ძელებით, ძარღვებით, გულ-ღვიძლით, ტვინით, შეგრძნებებით, ინსტინქტებით, ემოციებით, აზრებით, მიზნებით, იმედებითა და მისწრაფებებით, ხორცი, რომელსაც ზედნაშენის სახით

თან ახლავს რაღაც მოუხელთებელი და მსწრაფლწარმავალი აჩრდილი — ესაა მისი, როგორც მაღალორგანიზებული მატერიის თვისება — თვისება აზროვნებისა და იარაღის კეთებისა. ასე რომ შეკითხვაზე — რა არის ადამიანი? — ზოგჯერ მაინც შეიძლება მეც ვუპასუხო: იარაღის მკეთებელი მოაზროვნე ცხოველი!..

სიტყვამ მოიტანა და, მახსოვს, ერთხელ სამსახურში გამოკითხვა მოვაწვევე (მაშინ რედაქციაში ვმუშაობდი): რა არის ადამიანი? შეკითხვა დაურიგდა თორმეტამდე სხვადასხვა ასაკის მამაკაცსა და ქალს. პასუხები სრულიად სხვადასხვაგვარი იყო. აი, მაგალითად:

1. ადამიანი არის მოაზროვნე ცხოველი (ეს თქვა პარტიკომმა).

2. ადამიანი არის ის, რომელსაც უნდა, მუდამ კარგი და კეთილი იყოს, მაგრამ საპირისპირო კი გამოხდის! (ეს თქვა თანამშრომელმა, რომელზეც ვეჭვობდით — კაგებუს აგენტი უნდა ყოფილიყო).

3. ადამიანი არის პატარა ელექტროსადგური (ეს თქვა სტილისტმა-მექანთანემ).

4. ადამიანი არის შურიანი პირუტყვი! (ეს თქვა გაუთხოვარმა ლიტმუშაკმა ქალიშვილმა).

5. ადამიანი არის ის, რომელიც დაბოზაობს! (ეს თქვა მდივანმა ქალმა, რომელიც ასაკის გამო უკვე ვეღარ დაბოზაობდა).

6. ადამიანი არის უნიკალური არსება...

და ასე შემდეგ.

საერთოდ კი, ყველამ იცის, ადამიანი ისეთი პატარაა, რომ ყურადღებასაც არ იმსახურებს, და ამავე დროს — ისეთი დიდი, რომ შეუძლია საკუთარ თავსაც აღემატოს! — ასე იტყოდა ზარატუსტერა (თუმცა რა ბედენაა, რომ საკუთარ თავს აღემატებოდე, მით უმეტეს — ისეთ პატარას, რომ ყურადღებასაც კი არ იმსახურებს!).

ზემოთმოყვანილის გარდა, იყო კიდევ რამდენიმე ტრივიალური პასუხი,

მაგრამ, ცხადია, ისინი ყურადღებას არ იმსახურებენ.

— ადამიანი — ეს ამაყად უღერს, — თქვა, თუ არ ვცდები, ერთმა დიდმა მწერალმა.

და კიდევ ბევრი რამ თქმულა ადამიანზე, და ყველანი, ვისაც კი ოდესმე ადამიანის შესახებ აზრი გამოუთქვამს, აბსოლუტურად ყველანი, როდენ საოცარიც უნდა იყოს, ადამიანები იყვნენ. ხომ ძალიან უცნაურია?

აქ ჩანს, როდენ მართა ადამიანი ამ უზარმაზარ სამყაროში — მისთვის, როგორც დაბადებულან სიკვდილმისჯილი შიზოფრენიკისთვის, საკუთარი თავის მეტს არასდროს არავის არაფერი უთქვამს, გარნა მხოლოდ სიტყვას, რომელიც იქცა ზორცად და დამკვიდრდა ადამიანთა შორის.

მეორეს მხრივ, ყველაფერი, რაც კი ადამიანის შესახებ ოდესმე ვინმეს უთქვამს, იყო მხოლოდ სიტყვები — ადამიანური სიტყვები — და ამ სიტყვებით სავსე ზარდახშა მე და ლევანს ახლა ასე სათუთად მიგვქონდა სახლში.

ლევანის ოთახში შევიკეტეთ, ზარდახშა მაგიდაზე დაედგით და ერთმანეთს შეთქმულებივით შევაჩერდით.

— გავხსნა?! — ხმა ამოიღო ბოლოს ლევანმა.

— გავხსენი!

ლევანმა ნელა ახადა ზარდახშას თავი.

პირველად არაფერი ჩანდა — სრული სიცარიელე.

მერე ერთბაშად ზარდახშიდან წამოვიდა და წამოვიდა სიტყვები — ერთმანეთის მიყოლებით, ცალ-ცალკე, ჯგუფ-ჯგუფად — აქ იყო ათასობით სიტყვა, ისინი გამჭვირვალე ლანდებივით მოჰქროდნენ ზარდახშის მუქ-მწვანე წიაღებიდან — როგორც მანქანის ფართა ანარეკლები გაიქროლებენ ხოლმე დამის ოთახის კედლებზე — სიტყვებიც ასეთივე სინათლით შეთხზულებს ჰგავდნენ და ათასი ფერით აელვარებულები — აქ, ალბათ, სპექტრის ყველა ფერი იყო — ჰაერში ტრიალებ-

დნენ. ოთახის ის ნაწილი, სადაც მაგი-
და იდგა, ერთ წაშში გაივსო — სიტყვე-
ბი ირეოდნენ და საკვირველ, თაფლი-
სებრ სურნელს გამოსცემდნენ. რას შე-
იძლება შევადართო ეს სურნელი? —
ცხადია, აყვავებულ ხეს! ალბათ, გინა-
ხავთ გაზაფხულზე, სოფლად, მიწიდან
ამოზრდილი ნირჩი უფოთლო ხე. —
თითქმის მხოლოდ ჯოხი, რომელსაც
სამიოდენ წვრილი ტოტი აქვს. და ამ სამ
ტოტზე ასხმულია თეთრი და ვარდის-
ფერი ყვავილები. ეს ყვავილები დილის
კრიალა ჰაერს თაფლის მათრობელა
სურნელით ავსებენ, და მხილველს უკ-
ვირს: როგორ შეიძლებაოდა, რომ ამ შა-
ვი და ბრმა მიწიდან ასეთი სასწაული
ამოზრდილიყო! მაგრამ ფაქტი ფაქ-
ტია — ხე მის წინაშე ნამდვილად დგას
და თაფლის სურნელით ავსებს არე-
მარეს.

სწორედ ასეთი სუნი დატრიალდა
ლევანის ოთახში.

ლევანმა ზარდახშა დახურა. ნაკადი
მაშინვე შეწყდა. გარეთ დარჩენილი სი-
ტყვები კი ჩვენს თვალწინ რიალებდნენ,
ირეოდნენ და ცისარტყელას ფერებით
ციაგებდნენ.

კარგა ხანს მოჯადოებული შეეცქე-
როდი მათ თამაშს.

მერე ლევანმა ღრმად ამოიოხრა და
დაიწურნულა:

— რა ზღაპარია!

ეს მართლაც ზღაპარს ჰგავდა — და
ამიტომ თავი უსიტყვიოდ დაუქნე.

ლევანმა კანკალით ასწია ხელი და
ფრთხილად ჩასჭიდა ერთ-ერთ მის
თვალებთან მოლივლივე სიტყვას — სი-
ტყვის გამჭვირვალე სხეულს მიღმა ლე-
ვანის თაფლისფერი თვალეები წამით
სხვა სიტყვებს შორის გაბნეულ გამჭვირ-
ვალე და ცოცხალ სიტყვებს დაემსგავ-
სნენ. მან სიტყვა ჰაერში შეაჩერა.

ეს იყო სიტყვა — „დაუყვედრებელი“,
რომელიც ნათელ ღვინისფერად ელვა-
რებდა.

— „დაუყვედრებელი“! — ჩუმი აღფ-
რთოვანებით წარმოთქვა ლევანმა, —
ნახე, რა სიმბოლურია?!

მე ვერ მივხვდი, რა სიმბოლო ჰქონ-
და მხედველობაში, მაგრამ დასტურის
ნიშნად მაინც თავი დაუქნე და რაღაც
ამოვიზმუველ.

უცტრად ლევანი სულმთლად გაფითრ-
და.

— წარმოიდგინე, რეების გაკეთება
შეიძლება! — შეცვლილი ხმით დაიწურ-
ჩულა მან, სიტყვას თითები უშუა და
სული ფრთხილად შეუბერა.

სიტყვა „დაუყვედრებელი“ ნელა ატი-
ვტივდა თანამომქეთა ხომლში.

სიტყვები ციმციმებდნენ, კრთოდნენ,
ნაპერწყლოვან სინათლეს ასხივებდნენ,
როგორც მზის სხივზე მჩქეფარე შამპა-
ნური. ლევანმა ორივე ხელი ასწია და
ნეტარებით მიმოურია მათს შორის. სი-
ტყვები უჩუმესი შრიალით ნელა გაჰყ-
ენენ ჰაერის ტალღებს და სხვადასხვა
მხარეს მიმოიფანტნენ. — ალბათ, ყვე-
ლას გინახავთ ძველ ბინაში, ფანჯრიდან
შემოჭრილ მზის სხივებს შორის გაფა-
ნტული მტკერი.

ლევანი ერთ სიტყვას დააკვირდა,
თვალთ გაედევნა და თითები ფრთხი-
ლად სტაცა — ეს იყო სიტყვა „სიზმა-
რია“.

— სიზმარია, — გაიმეორა ლევანმა.

მე თანხმობის ნიშნად თავი დაუქნე
და ჩემდათვად შევეცადე რომელიმე
მნიშვნელოვანი სიტყვა მეც დამეჭირა.
ჩემს წინ მორიალე ათასობით სინათ-
ლის ლაქას თვალი მოვაველე და ხელი
ფრთხილად ავეწე — ხელის ბუსუსებზე
ვიგრძენი სიტყვების ნახი და ელექტ-
რული შეხება, და როგორც კი ამ შეხე-
ბამ მთელს სხეულში დამიარა, მაშინვე
მომაწყდა წარმოუდგენელი სიხარულის
ბავშვური ვანცდა.

მახსოვს, ბავშვობაში — მაშინ თორ-
მეტი წლისა ვიყავი — მე და მამაჩემი
სოფლად ვარსკვლავიანი ცის ქვეშ ვის-
ხედით. ზაფხულის თბილი ღამე იყო.
ჩვენ ვისხედით დედამიწის ჰემისფეროს
ვრცელ და სურნელოვან ოკეანის ფსკე-
რზე და ჩვენს ზემოთ მთელი სამყარო
საუხე იყო ვარსკვლავებით. ზოგიერთი
მათგანი აკერ, ახლოს იყო — სულ რა-

ღაც ოთხი მილიარდი სინათლის წლის მანძილზე, ზოგი კი — განუზომლად უფრო შორს. ასე იყო მთელი დედამიწის ირგვლივ, ყოველ მხარეს, და ეს დედამიწაც — საღდაც, ვარსკვლავთშორის სივრცეში დაკარგული უზარმაზარი ბურთი... ამგვარი გრძნობა, ალბათ, თქვენც განგიცდიათ. ხოლო ვისაც არ განუცდია, მსურს ვაუწყო, რომ ეს არის სრულიად შეუძლებელი და განსაკუთრებული გრძნობა — რომ შენ უზარმაზარ ბურთზე ზიხარ და ეს ბურთი უსასრულობაში მიფრინავს! ასე ვისხედით და ვსაუბრობდით სამყაროსა და ცხოვრების საიდუმლოებათა შესახებ. მე პატარა ბიჭი ვიყავი. მამაჩემი — მოწიფული კაცი. მაგრამ ძნელი სათქმელია, ეს საიდუმლო რომლისთვის უფრო მიუწვდომელი იყო — ჩემი აზრით, იმ წუთსა, ალბათ, ორივესთვის თანაბრად. და თავისთავად ესეც ზომ უღდადის საიდუმლოა, რომ ორ ადამიანს — ორ მეტყველ არსებას, რომელთაგან ორივეს თავისი განსაკუთრებული შინაგანი სამყარო და თავისი განსაკუთრებული ხედვები აქვს, შეუძლიათ ამ ხანმოკლე, წამიერი შეხვედრის ჭამს ილაპარაკონ რაღაც ერთზე, — იმაზე, რაც ზიარჭურჭელივით ავსებს ორივე მათგანს და თან ორივესთვის მიუწვდომელია. და ეს წამიერი კონტაქტიც, რამდენადაც საკვირველი უნდა იყოს, ხდება სიტყვის საშუალებით — სიტყვების, რომლებიც იბადებიან მათი ფსიქიკის უღრმეს წიაღში — ერთშიც და მეორეშიც, ორივეში ცალ-ცალკე — და ისინი, როგორც ორი გაოგნებული ცხოველი, საკუთარი გულის ფსკერიდან ამოიღებენ უცნაურ ბგერებს: „ცაა... ღამე... აუარება...“ — ბგერებს, რომლებიც მათ თვითონაც არ უწყვიან, — და არც არავენ უწყვის, რას ნიშნავს, როგორ შეიქმნა ან ვინ შექმნა მათი არსების სიღრმეში, საღდაც, სულსა და ხორცს შორის. ეს არის სიტყვები. სიტყვები, რომლებიც ტრიალებენ სოფლის ბორცვიდან ვარსკვლავიან ცამდე, და რომლებიც ახლა, ლევა-

ნის ოთახში, ხილული სახით ტრიალებდნენ ჩემსა და მას შორის, ჩვენს თვალბთან, თმებთან, ხელებთან, ტვინებთან...

მე ხელი ნელა ავწიე და ერთ-ერთ სიტყვას ჩავაველე კულში — იგი არც გველივით ასხმარტალბებულა და არც ყურძნის მტვეანივით ნახად და მძიმედ გადაწოლია თითებზე. მხოლოდ განაგრძო თავისი მოუხელთებელი და ცოცხალი ლივლივით. ეს იყო მუქმოყავისფრო სიტყვა „როყო“.

„რალა ეს შემხვდა?!“ — ვიფიქრე შეცბუნებულმა და მალულად ლევანს გადავხედე — ხომ არ შემამჩნია-მეთქი. მაგრამ იგი მე ვერ მხედავდა — მოჯადოებული ალივლივებდა ხელებს მფრინავ სიტყვებში და სახითაც ელამუნებოდა.

„როყო“ მაშინვე ხელი ვუშვი. მართალი თუ გინდათ, ეს სიტყვა მართლაც სულ არ მაინტერესებდა, და რომელიღაც წაბლისფერ სიტყვას წავეპოტინე. ეს აღმოჩნდა სიტყვა „წაბლი“.

„წაბლი!“ — გავიფიქრე მე, — თავისთავად მშვენიერი სიტყვაა, ღრმა და ძელივით ელფერი. რა უჭირს, შემძლია რაიმე შესაფერისი მეწყვილეც გამოუუნახო.

სიტყვებს თვალი მოვაველე და უნებურად თვალში მომხვდა ერთი ფართო და მოთეთროდ გაფუებული სიტყვა. თვალი ავარიდე. რაიმე უფრო ესთეტიკურის ძებნას შევუდექი.

— მოხარშული აიღე, მოხარშული! — ჩაიცინა ამ დროს ლევანმა და მისი სიცილი გულზე ეკალივით მომხვდა. არადა, რა იყო აქ საწყენი? აბსოლუტურად არაფერი. ალბათ, ის არ მესიამოვნა, რომ, თურმე, მიფურებდა — იქნებ „როყო“ დაინახა?! თუ დაინახა, დაინახა. დიდი ამბავი...

— ავიღებ, რატომაც არა! — მივუგე ნამალადევი სიციკასით და ისევ კომბოსტოსფრად-მოთეთრო მსუქან სიტყვას მოვკიდე ხელი, პირველს მივადგი და მათი შეერთების ადგილას გაჩნდა

სრულიად ახალი ერთწევრიანი მთლიანობა: „მოხარშული წაბლი“.

— არ გინდა მოხარშული წაბლი? — ოსტატურად შევატრიალე ხუმრობა და ლევანს ჩემი „მოხარშული წაბლი“ გავუწოდე.

მან გაიცინა და ჰაერში რაღაცას დაუწყო ძებნა. მალე კიდევ იპოვა.

— აჰა, — მითხრა და ორსიტყვედი გამომიწოდა, — აიღე, ეს უფრო გემრიელია.

ეს იყო „ბუს კვერცხები“.

— ჰაი, შე გველო! — გამეცინა მე დავადე საუბარი „იხვის ტოლმის“ მიმართულებით გამეგრძელებინა, მაგრამ მალე შევატყვე: ლევანი უკვე აღარ მისმენდა, შუბლშეჭმუნხილი ეძებდა ჰაერში რაღაცას.

— სუმბული... სუმბული, — ბუტბუტებდა იგი.

„ბუს კვერცხებს“ ხელი ვუშვი და ინტერესით მივანერდი — ლევანის ყოველი ჩანაფიქრი უზომოდ საინტერესოა.

იგი ეძებდა.

— რას ეძებ? — ვკითხე მისახმარებლად მზადი ტონით.

— ხომ არ იცი, რას ნიშნავს „სუმბული“? — მკითხა ისე, რომ ძებნა არ შეუწყვეტია. ხელში ეჭირა ნახად მოვერცხლისფრო და ლბილბუსუსებინანი სიტყვა „სუმბული“.

— ეეე... მე მგონი, რაღაც მცენარეა. — ვთქვი და მე თვითონ შემეპარა ეჭვი.

— თუ, მგონი, ფრინველია... — ვთქვი ისევ.

— თუ არა... ჰო... მცენარეა... მცენარე! — გავიმეორე დაბეჯითებით.

— ნახე, რა ფანტასტიური ფერი აქვს, — მითხრა ლევანმა, წამით შემომხედა და ძებნა განაგრძო.

— რას ეძებ?

— რამე, შესაბამისი მინდა მოვუძებნო.

ღრმად დაფიქრდი.

— მწირი! — წამოვიძახე მერე, — მწირი მოვძებნოთ! სუმბული და მწირი!

— მწირი რას ნიშნავს?

— მწირი არ იცი?! მარტოდმარტო მხეტიალე კაცი.

— ყოჩაღ. კარგია, — თქვა ლევანმა.

— მე კი არ მომიფიქრებია, — ბარათაშვილის ლექსია, „სუმბული და მწირი“.

— ჰოო? — თქვა ლევანმა, — მალაღეც ბარათაშვილი!

თან ჰაერში რაღაც სიტყვებს აგროვებდა.

მალე გამომიწოდა კიდევ.

არ ჩანდა, რამდენი სიტყვა ან სტრიქონი იყო ლექსში — მხოლოდ ჩანდა, რომ ეს იყო ლექსი. ეს იყო ერთიანი და, როგორც იტყვიან, განუყოფელი მთლიანობა, საკუთარი ფორმითა და ფერით — ეს იყო მოთეთრო-მონისლისფრო-მომჭრედისფრო გამჭვირვალე არსება, რომელსაც ერთ ადგილას გიშრისფერი გადაჰკრავდა.

მე გამოვართვი და დავინახე — დიახ, კი არ წავიკითხე, ერთბაშად და მთლიანად დავინახე:

მისი თმა ისე რბილია,

როგორც სევდიანი სუმბული,

შორს კი ნისლში ქრება თოლია

და იფანტება თეთრი ბუმბული.

— ყოჩაღ! — შეემახე გულწრფელად. იმის გათვალისწინებით, რომ ლევანს ცხოვრებაში ლექსი არც დაწერილი ჰქონდა და არც წაკითხული, ეს ლექსი მართლაც მშვენიერი მეჩვენა. თანაც, რაც მთავარია, ცოცხალი იყო და ჩემს წინ ციმციმებდა.

ლევანმა თავის ქმნილებას დაუდევრად შეუბერა სული და ჰაერში აუშვა.

— ისე, თუ საიდუმლო არ არის, ვისი თმაა რბილი? — ვკითხე მე.

— გოგოსი, რომელიც მალე უნდა შემხვდეს.

— რა იცი, რომ უნდა შეგხვდეს?

— ვგრძნობ, — თქვა ლევანმა.

დაუფიქრდი. იგი მართლაც მუდამ ვინმეზე იყო შეყვარებული.

— ნისლში რომ თოლია ქრება, ეგ რა-
ღას ნიშნავს?

— ეგ მე ვარ. ნისლში ნელ-ნელა
ეკრება.

ლევანმა გაიცინა. მერე წარბები შეჭ-
მუნა და მიმოიხედა.

— ახლა რაღა შევექმნათ? მიდი, შენ
მოიფიქრე რამე.

— კი, ბატონო, — სიტყვებს თვალი
მოვაუღე.

უცერად ჩემს წინ დავინახე მიწის-
ფერი სიტყვა „უგნური“ (ალბათ, შეუ-
ცნობლად „სუმბულის“ და „ბუმბულის“
რითმას ვეძებდი, თუმცა ეს მაშინ არ
შემიმჩნევია). „უგნურს“ დავწვდი და
დავიწყე სხვა სიტყვების ძებნა. ახლა
მინდოდა მომეძებნა სიტყვა „ხან“, და
უცერად ეს სიტყვა თვითონ მოცურდა
ჩემს თვალებთან.

— ბიჭოს! — შევძახე გაოცებულმა, —
ნახე, ამ სიტყვებს რა თვისება ჰქონი-
ათ?! რომელი სიტყვაც გჭირდება, თვი-
თონ მოდის შენთან!

— ჰო, მეც შევამჩნიე, — მიპასუხა
ლევანმა. — იპოვე, რასაც ეძებდი?

— კი, ვიპოვე, — მიუუგე, თან ორივე
ხელით ვეჭვრდი სიტყვებს. მაინც, სიტ-
ყვა „ვარ“-ის ძებნაში კარგა ხანი დავ-
კარგე. და საბოლოოდ მაინც ვერ ვიპო-
ვე. ამიტომ იძულებული გავხდი, ოდნავ
შემეცვალა სათქმელი:

ხან უგნურია, ხან ბრძენი,

ხან არც ის არის, არც ისა; —

გარემოების საყვირი

არც მიწის არის, არც ცისა!

— ეს რა არის?! — ამრეზით მკითხა
ლევანმა.

— აკაკი წერეთლის ლექსია. პირველ
პირში უნდა იყოს, მაგრამ პირველი პი-
რის ზმნები ვერ ვიპოვე და მესამე პირ-
ში დავსვი, — მიუუგე მე და წამსვე ვიგ-
რძენი, რა უბადრუკად გამომივიდა (მე
თუ აკაკის? — ალბათ, მაინც მე).

— ჰოო?! ცქიტი ლექსია! — თქვა
ლევანმა, — რაო, რა მითხარი, ვის პირ-
ში უნდა იყოსო?

— პირველ პირში უნდა იყოს. ორი-

გინალში „ხან უგნური ვარ, ხან ბრძე-
ნი“ წერია! — განემარტე.

ამასობაში მან სწრაფად შექმნა ცას
და მიწას შორის გამოკიდული რაღაც
კენტავრისებრი არსება, რომელიც გან-
მასახიერებდა მე — ხელი იდაყვით მა-
გიღაზე დაებჯინა, ზედ ნიკაპი ჩამოედო,
ხოლო ცხვირის მაგივრად — საყვირი
ჰქონდა, თვალებში რაღაც აცტეპული,
გიჟური მხიარულება უელავდა.

— ჰმ! — უგემურად ჩავიცინე და
ქმნილება ერთი მოქნევით გავანადგუ-
რე. სიტყვები — „ჭადარა“, „მიწა“,
„იდაყვი“ და სხვა შემადგენელიც ნარ-
ნარად გაიფანტნენ ჰაერში.

ორივემ განეაგრძეთ თხზვა და ქმნა-
დობა, თუმცა, უნდა გამოვტყდე, ჩემს
მოქმედებას ქმნადობა ნაკლებად ეთქმო-
და, რადგან ძირითადად ქართული კლასი-
კური ლიტერატურის ფრაგმენტებს
აღვადგენდი, მაგრამ ამგვარი აღდგე-
ნაც რაღაც თავისებური შემოქმედებითი
თრთოლევით მავსებდა. — ასეთი გრძნო-
ბა აქვს, ალბათ, არქეოლოგს, რომელიც
თვითონ ახალს არაფერს ქმნის, მაგრამ
წარსულის უმშვენიერესი ნამარხები კი
ამოაქვს მზის სინათლეზე.

ლევანმა კიდევ ერთი შედეგრი გად-
მომამწოდა. ესეც ლექსი იყო:

გათენდა იაკობ!

გათენდა გოგება!

ბაშვილი ბაშვილი, ბაშვილი ჩქარა!

ჰმ. მამამღალი! ეს ლექსი (გალაკტი-
ონის ლექსს ვვულისხმობ, ცხადია.)
სკოლაში გვექონდა ნასწაველი და იქიდან
იცოდა.

ამრეზით მოვისროლე ეს მკრეხელუ-
რი ნონსენსი და, ჩემდათავად, სრულიად
სხვა სიტყვების შეგროვება დავიწყე:

მე ძლიერ მიყვარს იისფერ თოვლის
ქალწულებივით ხიდიდან ფენა!..

მინდოდა შემეღვინა, მაგრამ ვერაფ-
რით მივაგენი სიტყვა „მე“-ს.

მაშინ ოდნავ შევეცვალე:

მას ძლიერ უყვარს იისფერ თოვლის
ქალწულებივით ხიდიდან ფენა.

შემდეგ როგორც ტექსტშია (ოღონდ — ყველგან შესამე პირში).

ლევანმა დაფიქრებით შეხედა.

— კარგია, — თქვა მერე, — ვისი დაწერილია?

— გალაკტიონის!

— გალაკტიონის! — გაიმეორა და სასწრაფოდ გადმომავლოდა ახალი სურათით, სადაც მოჩანდა დიდუბის ხიდი და მის მოაჯირზე გადმოფენილი დაღურჯებული ქალწულები. ზოგი მდინარეზე იყო თავდაყირა გადმოკიდებული, ზოგი ნარნარად მოიბარდნებოდა დაბლა.

— იცი რას გეტყვი, ძმაო! ყველაფერის გაშაყილება არ შეიძლება! — შეეძახე წყენით.

— კარგი, კარგი. მიდი, კიდეც მაჩვენე რამე.

მცირე ხანს დაუფიქრდი და, ჯიბრზე, ისევ იმავე პოეტს მივმართე:

დედაო ღვთისა, მზეო მარიამ,

როგორც ნაწვიმარ სილაში ვარდი...

დაიწყე მაგრამ აქ გაშეშედა — ვერაფრით მივაგენი სიტყვა „ჩემი“-ს. და მალე შევაშინე, რომ სიტყვებს — „მე“, „ჩემი“, „ჩემთვის“ და, საერთოდ, პირველ პირში დასმულ სიტყვებს ვერსად ვპოულობდი. ამან, ცოტა არ იყოს, გაშალიზიანა.

— ერთი, სიტყვა „ჩემი“ მიპოვნე. რაღაც არა ჩანს!

მან წამსვე გადმომავლოდა ხსუნებული სიტყვა.

„ჩემი ცხოვრების გზა სიზმარია...“ მივადგი მე, ამის მერე უფრო იოლად წავიდა და მალე კიდეც დავამთავრე. ლევანს გადავაწოდე.

შევატყვე — მოეწონა.

— ესეც გალაკტიონის არის! — წარმოთქვი ამაყად...

მაგრამ იგი, აღარც მისმენდა — კვლავ რაღაც უთავბოლო და გადარეულ ნონსენსებს ქმნიდა. ამ საქმიანობამ მთლად გაიტაცა, იმდენად, რომ, მგონი, ვეღარც კი მაჩნევდა. მე კი ვიჯექი და თანდათან გაოცებას მოვდიოდი — რამდენი რამის შექმნა შეიძლება ამ სიტყვე-

ბით! მთელი ძველი და ახალი მწერლობის გაცოცხლება!

შელამებისას ჩალანდრის ცხენი მას აგონებდა გორებს შორებელს...

გამოვძერწე ჰაერში (პირველ პირში დასმულ სიტყვებს ისევ ვერა და ვერ ვპოულობდი, თორემ, ალბათ, გახსოვთ, ეს ლექსი პირველ პირში იწყება და მერე გადადის მეხამეში).

„უყვარს ხარაგაულის მოწყენილი სადგური!“ — შევქმენი და გავიფიქრე, რომ გალაკტიონისთვის სჯობდა თავი დამენებებინა.

— ეს ოხერი, ყველა ლექსი პირველ პირში ჰქონია! — ჩაიბუტბუტე ჩუმად და ბართაშვილზე გადავედი. სამწუხაროდ, აქაც თითქმის იგივე სურათი დამხვდა.

„სულო ბოროტო! ვინ მოგიხმო მისად წინამძღვრად?!“ — გამოვქანდაკე და გაბრაზებულმა ფანჯრისკენ მოვიხროლე.

— ლევან! — შეეძახე.

— რა იყო?! — საქმიანობა მოუწყვეტლად მკითხა მან.

— პირველ პირს ვერ ვნახულობ.

— რას ვერ ნახულობ?

— პირველ პირში დასმულ სიტყვებს.

— პირში დასმულ? — გაიმეორა თან უაზროდ, თან აზრიანად.

მის ირგვლივ ჰაერში ლივლივებდა უცნაური აბსურდები.

— მოკლედ, სიტყვა „მე“ და „ჩემი“ ვერ ვნახე!

— აუ, მე ჩემი!.. — თქვა ლევანმა თავაულებლად.

— კაი, ნუ შაყირობ! მგონი სიტყვა „მე“ აკლია, — ვუთხარი.

ლევანმა უსიტყვოდ გამომიწოდა სიტყვა „მე“ — ეს იყო მოწითალო, ვარდისფერი, მთრთოლვარე არსება. ფრთხილად გამოვართვი, მაგრამ უეცრად თითებს შორის გამისხლტა და ჰაერში გაერია.

— თფუ. დაკარგე!

ლევანმა სწრაფად მომავლოდა მეორე „მე“, თან თავის საქმეს განაგრძობდა. ეს უკვე სხვა „მე“ იყო — მუქი იისფე-

რი და ღრმად გამჭვირვალე შრეებიანი. მაგრამ რატომღაც ისიც თითებს შორის გამისხლტა.

— ფუ! ჯანდაბა! ესეც გამისხლტა! — შეუძახე ჩემი ხმით.

ლევანს ყურადღება აღარ მოუქცევია. მის ირგვლივ ჰაერში უკვე მრავლად ეკიდა უცნაური ქმნილებები. ზოგი მტვერებით ახუნძლულიყო ტორშერზე, ზოგი მაგიდაზე დახეკებულიყო — ყველა მსუბუქი და ჰაეროვანი.

მე ისევე ჩემს წინ მორიალე სიტყვებს მიუბრუნდი.

მცირე ხანს ვერ გადამეწყვიტა, კონკრეტულად რისთვის მომეკიდა ხელი. მერე გონება ძველ დროებზე მივმართე და, ცხადაა, „ვეფხისტყაოსანი“ გამახსენდა — იქ იყო და ციმციმებდა.

„რომელმან შექმნა სამყარო ძალითა მით ძლიერითა“, — დავიწყე შექმნა და თანდათან ამ საქმიანობამ გამიტაცა. რამდენიმე სტროფი და სურათი შევქმენი. ნელ-ნელა ისე გავერთე, რომ ირგვლივ ველარაფერს ვამჩნევდი — დრო კი ვარბოდა. უკვე კადეც მოსაღამოვდა. ლევანის ფანჯრის ჟალუზებში საღამოს მზე შემოიწვერა. მზის გრძელ სხივებზე, ოთახის ბინდუნდში მფრინავე სიტყვები აღმასებოვით აელვარდნენ. ჩვენ ვისხედით და ველარაფერს ვამჩნევდით — როგორც თამაშში გართული ორი პატარა ბავშვი, რომლებიც თავიანთი მატერიალური კუბიკებით რაღაც არარსებულ და სრულიად არამატერიალურ სამყაროს აშენებენ...



მეორე დილას ადრე გაძევიდა.

დეკემბრის ნისლიანი დილა იყო. ციოდა. ქუჩიდან ისმოდა მანქანების საბურავების შიშინი სველ ასფალტზე. ჩემი ოთახის მინის თეთრი კარი მტრედისფერ მართკუთხედად ანათებდა დილის მწუხარე ბინდუნდში.

ხანდახან ასეთ დროს ვგრძნობ, რომ არაფერი არაფრად არ ღირს.

წევხარ ლოგინში, იხსენებ წარსულს,

მომავალს და ვერავითარი აზრი ვერ გიბოვია. მხოლოდ იცი, რომ ნამყოს, აწმყოსა და მყობადის ამ ერთგვაროვან დაფაზე მოძრაობს „მედ“ წოდებული უშინაარსო წერტილი, და საკუთარი უაღვილობით გათანგული ვერაფრით მიმხვდარა, რა უშველის, რა იხსნის ერთფეროვნებისგან, უსიყვარულობისგან, უნდომლობისგან — ასეთი მხსნელი არსად ჩანს. უყურებ შენს კედლებზე შპალერის უშინაარსო ზოლებს, რომლებზეც მართკუთხედებია გამოსახული — ეს მართკუთხედები ზუსტად ერთნაირია. მათი აბსოლუტური იდენტობა მძიმე ტვირთად დასწოლია ოთახის კედლებს. ასევე იდენტურია შენი ყოფნის დღეებიც, და ასევე კედლებით შეუვალი. დღეები თავისთვის მიპქრიან, როგორც მანქანის სველი საბურავები, შენ კი — ამ მდინარის ზედაპირზე მოტივტივე ფერფლი — ფერფლის ქრთილივით ბრტყელი და ნაცრისფერი...

ასეთ გუნებაზე გამოძევიდა.

ძლივს ავდექი. ვისაუზმე (უგემურად — მხოლოდ მოხარშული მუხუდო და ჯემიანი პური). მერე მაგიდას მიუჯექი — ეგებ ცოტა წამემუშავა. მუშაობა არ მინდოდა. არც მინდოდა, და არც ვიცოდი, რატომ უნდა მემუშავა. ვის სჭირდებოდა ჩემი მუშაობა? მე — არა! მაშ ვის? ვის რად უნდა ჩემი ექსპერიმენტების უმნიშვნელო შედეგები? — ალბათ, არავეს. ჯერ ერთი, ეს ექსპერიმენტები სხვა ფსიქოლოგების მეტს (დამავიწყდა მეთქვა — მე მაშინ ფსიქოლოგიის ფაკულტეტის უკანასკნელ კურსზე ვსწავლობდი და უკვე დაწყებული მქონდა დიპლომზე მუშაობა) არავის არაფრად გაეგება. მეორეც, — თვით ამ სხვა ფსიქოლოგებსაც ჩემი ექსპერიმენტები სრულებით არ აინტერესებთ — ისევე, როგორც მე არ მაინტერესებს მათი — თავისიც თავზე საყრელი აქვთ. რატომ? იმიტომ, რომ ყველამ იცის — ამ ექსპერიმენტებში ახალი არაფერი იქნება. ეს არის ჩვეულებრივი საღამომო ნამუშევრები, რომლებიც დედამიწის ზურგზე ყოველწლიურად ათია-

თასობით კეთდება. ასე, ყველას თავისი ექსპერიმენტები ჩაუბლუჯავს ხელში და ცდილობს როგორმე სხვებს უჩვენოს. სხვები კი, — მაგალითად, მე — აბსოლუტურად განურჩეველი არიან ამ ექსპერიმენტების მიმართ.

მუშაობას გული ვერ დაუდებ.

დავიწყე კითხვა — ესეც ამაოდ.

მერე პიანინოს მიუჯექი და მთელი ძალით დავახეთქე კლავიშებს ორივე ხელი. გაისმა შიშისმომგვრელი გრუხუნის — და იმ ნაღვლიანი დღის ერთფეროვნების კედელს შავ-თეთრი კლავიშებით დაკრეჭილი პირველი ბზარი გაუჩნდა.

— რა იყო, ბიჭო! რა მოხდა! რა ამბავია! — გამოვარდა თავისი ოთახიდან დედაჩემი.

ამან ჩემი სულიერი პოტენციალი ცოტათი წამოსწია. ავდექი, პალტო ჩაიცვი და უნივერსიტეტისკენ წავხეტიალდი. მივდიოდი, მესმოდა მანქანების გაუთავებელი, გაუთავებელი ხრიალი — ქალაქი ახველებდა, როგორც კბილებჩაცვენილი ჭლექიანი იდიოტი.

ზოობარკს რომ მიუჯახლოვდი, ქალაქმა-იდიოტმა თავისი წერილჩარჩოიანი პენსნე მოიხსნა და ბერიკაცური თვალებით მომაჩერდა.

— იარე, რა გენადვლება! — უბედური ხმით ჩაილაპარაკა მან. გაუპარსავი ლოყები საცოდავად უთრთოდა დიდის გაცრეცილ სინათლეზე, და სახელი მისი — მახუბუბუ.

გმირთა მოედანს გაცდის, ვარაზის ხევიდან უნივერსიტეტის ბორცვზე აუფოფხდი, ზოობარკს ზემოდან მოვექექე და ღრმად შევიხუნთქე ამ ბედკრული სამხეცის ქიმიური შხამით გაჯერებული პირუტყვეული პაერი. ჩემს ქვემოთ მდინარე ვერე მიაგორებდა ჭუჭყიან ტალღებს. ისმოდა რომელიღაც ბედკრული ფრინველის ხაფი შეძახილები.

უნივერსიტეტის ბაღში ჭადრაკის ფიგურებივით შეკვერცხილ ბუნჩებს შორის სტუდენტები ფიტულების მსგავსად მიმოდიოდნენ. ერთ ადგილას რამდენიმე ფიტული შეჯგოფულიყო და

დაჰყურებდნენ მიწაზე დაცემულ ბერიკაცს — არ ჩანდა, სიმთვრალით იყო დაცემული თუ გულის შეტევით. მათ თავზემთ ვერცხლისფერ ფიჭვს გაეშალა თავისი ფანტასტიურად დაკბილულ-დატეხილი კიდურები. ვარაზის ხევიდან ყურებს ეხეთქებოდა მანქანების ფლოქთა გაუთავებელი თქარუნი.

ეს პატარა იმპრესიონისტული ჩანახატი დამჭირდა იმისთვის, რომ გადმომეცა ჩემი იმდილანდელი განწყობილება.

შევედი სიბრძნის ტაძარში. — აქაც ყველაფერი ცივი და სველი იყო. შეღებულ კედლებს და აუდიტორიის რუხ კარებს, აგრეთვე — შავად მოლაპლაკე ნახშირისებრ მერხებს ზედ წავლესოდა ნისლიანი დღის ცივი ნაღველი.

შემოვიდა ლექტორი — მაღალი და ხმელი, ყბამოქცეული, დანგრეული კაცი. მისი უფერული თმა და ასეთივე ფერის თვალები, მისი რობოტიკურად დრჭიალა მეტყველება არავითარ ნუგემს არ უნერგავდა აუდიტორიას. იგი საუბრობდა აზროვნების არათვალსაჩინო, ქვეცნობიერი ნაკადების შესახებ, და მის საუბარში არ იგრძნობოდა ამ ნაკადების უმნიშვნელო კვალიც კი. ცალი გულით ვუსმენდი, თან მეორე გულით ვიგონებდი ამასწინანდელ კინკლაობას მზის ქვეშ ადგილის გამო, ხოლო ცალი თვალით ვუყურებდი თამუნას — ჩემს ჯგუფულს, და ვფიქრობდი (მესამე გულით), რომ ეს გოგო საკმაოდ ანტიპათიური იყო ჩემთვის, მაგრამ, ამავე დროს, საკმაოდ მომზიბლავი, და მე იგი საკმაოდ მომწონდა, მაგრამ ამავე დროს საკმაოდ მაღიზიანებდა, და ეს ყველაფერი ერთად იყო ის, რასაც ჩემი სიყვარული ერქვა. თამუნას თავი ამაყად აეწია. მთელი მისი სხეული დაფარული იყო წაგრძელებული, მოძრავი თვალებით. — იგი ერთდროულად ყოველ მხარეს იხედებოდა და ზუსტად იცოდა, თუ რა ხდებოდა მის ირგვლივ, აუდიტორიაში, რა ხდებოდა ლექტორის გაქვავებულ თავში, რა ხდებოდა უნივერსიტეტის ბაღში, რა ხდებოდა ამ

ცხოვრების ტყვეისფერ და მძიმე მდინარის ღორღიან ფსკერზე.

ჩემი სხეულისა და ცნობიერების გვე-მაზომიერი ნახევრით ყურადღებით ვუსმენდი ლექტორის რობოტს (რობოტი ისეთივე სიტყვაა, როგორც, მაგალითად, დებატი, ან — ბუტბუტი). იგი საუბრობდა არათვალსაჩინო აზროვნების შესახებ და ეს სწორედ ის თემა იყო, რომელიც მე ეგზობ მინტერესებდა — ამ თემას ეძღვნებოდა სწორედ ჩემი სადიპლომო შრომაც.

ეს იყო ვიურცბურგის სკოლა — ოსვალდ კიულპე, ნარცის ახა, ვერთჰაიმერი. მათ აღმოაჩინეს, რომ თურმე ადამიანის აზროვნება სრულიადაც არ არის ისეთი ნათელი და ცნობიერი, როგორც შეიძლება გეგონოს. აი, მაგალითად, ადრე მიაჩნდათ, რომ ფიქრი „ფსიქოლოგიის ინსტიტუტის ფანჯრებზე ბეერი მიხაკებია“ ადამიანის გონებაში მიმდინარეობს სწორედ ამ სახით: „ფსიქოლოგიის“ „ინსტიტუტის“ „ფანჯრებზე“ „ბეერი“ „მიხაკებია“! ესე იგი, შესაბამისი წარმოსახვითი ხატების სახით; რომ თითქოს ადამიანის გონებაში მიყოლებით ჩნდება წარმოდგენები ფსიქოლოგიის ინსტიტუტისა, ფანჯრებისა, მიხაკებისა და სიმრავლისა. მაგრამ ვიურცბურგელი მეცნიერების — კიულპეს, ახის, მესნერის, ვერთჰაიმერის და სხვათა გამოკვლევებმა ცხადყო, რომ ფიქრი „ფსიქოლოგიის ინსტიტუტის ფანჯრებზე ბეერი მიხაკებია“ ადამიანის ცნობიერებაში წარმოდგენილია არა ზემოხსენებული სახით, არამედ სულ რაღაც ორიოდე ატრიბუტით — მაგალითად, წითელი ფერის დიფუზიური წარმოდგენით და ბეერა „ს“-ს წარმოსახვითი პერსპექტივატული ქლერით. ანდა, შესაძლოა, სულაც არაფრით — უბრალოდ, რაღაც გაურკვეველი და ამორფული ცნობიერი მდგომარეობით. სულ ეს არის და ეს. სადღაა „ფსიქოლოგია?“ სადღაა „ინსტიტუტი?“ სადღაა „ფანჯრები?“ სადღაა „მიხაკები?“ — აჰა ესერა, მიწა მტვერ და ნაცარ ქმნილ არს ყოველი.

ფსიქოლოგიის ეს განხრა — აზროვნება — და, განსაკუთრებით, ვიურცბურგის სკოლა (სიტყვები „ვიურცბურგის სკოლა“ ჩემს აზროვნებაში მოცემულია არა ამ სიტყვების შესაბამისი თვალსაჩინო წარმოდგენით — ჩრდილო-აღმოსავლეთ გერმანიის ქალაქ ვიურცბურგისა და XIX-XX საუკუნეების მიჯნაზე იქ მომუშავე ფსიქოლოგთა გუნდის სახით, არამედ როგორც კლასიკური სტილის სვეტიბიანი შენობის გრანიტის ფასადი, რომლის კიდეები აქეთ-იქით, გაუვალ წყვილადში იკარგება), დიახ, იმას ვამბობდი — განსაკუთრებით ეს ვიურცბურგის სკოლა მე სხვა განხრებზე მეტად მიზიდავდა. მე მასში ვჭვრეტდი რაღაც ამოუცნობსა და რომანტიულ საიდუმლოს, რაც უცნაური სიზმარული თუ ჯადოსნური საბურველით დაფარულია ადამიანის თვალთგან. მხოლოდ ის იცი, რომ ღრმაა, ღრმა... ეს პირველყოფილი, შეუმეცნებადი სიღრმე სჭვიადა როგორც ამ სკოლისა და ამ დარგის წიაღიდან, ისევე — მთელი გერმანული და ბრიტანული და, საერთოდ, ჩრდილოევროპული კულტურის წიაღებიდან. ამ ნისლიან სიღრმეებში მე ვფართხალებდი, როგორც ფრთამოტეხილი შავი ბატი — გრემპენის ჭანჭრობში, და ვეძებდი რაიმე ხელჩასაჭიდს — თუნდაც ეს ყოფილიყო, მაგალითად, ავტობუსის გაპრიალებული სახელური. ავტობუსი, რომელიც უმისამართოდ მიჰქროდა ნისლიან გზაზე, და ნამძინარევი მგზავრების რუხი, ერთმანეთზე მიჯრილი სიფათები და ორთქლი, ორთქლი — ასეთი იყო ჩვენი ლექტორიც.

თუმცა ჯანდაბას ლექტორი, ჯანდაბას ორთქლი, ჯანდაბას ათასთვალისანი მროკავი თამუნა!.. იგი იჯდა და შივასავით იქნევდა თავის ლაპლაპა ხელებს.

უკანა გზაზე ჩაუარე ისევ ზოოპარკს და ზემოდან ამირსპასალარივით გადავხედე. უკვე ბინდებოდა და ზოოპარკი იწვა, ვით გამოცანა. სადღაც შორს, ქალაქს გადაღმა, ნისლოვან ცაში შავად

ფრინავდა ცივი და სველი მეტეოროლოგიური ბურთი.

ფეხით მივალწიე სახლამდე. ავედი ჩემს დიდსა და ბინდიან, გაყინულ ბინაში, ხარბად მივირთვი ორთქლამომდინარე მუხუდოს სუპი, მცირეოდენი მჭავე კომბოსტო, ჯემი, პური... ესეც ასე!

და ამ დროს ტელეფონი აწკრიალდა. ეს იყო ლევანი.

— სად ხარ, ბიჭო! — გაისმა მისი ყრუ ხმა.

— რა ვიცი. ვზივარ და ვსირდები (სირი, მოგეხსენებათ, ფრინველს ნიშნავს).

— გამოდი, ნახე, რეები დავამხეცე.

— ჰო, დავისვენებ და, ალბათ, ამოვალ, — ჩავიბუტბუტე.

— ფანტასტიური რაღაცები გააკეთე!

— რა გააკეთე?

— ამოდი, განახებ.

— სიტყვებით?

— სიტყვებით! — მომიგო მან და ყურმილი დაკიდა.

„ოჰ, ეს სიტყვები!“ — გავიფიქრე. მე-რე გამახსენდა, რომ გუშინდელი საღამო საკმაოდ კარგი იყო. არამცთუ საკმაოდ, არამედ — ძალიან კარგი. კაცმა რომ თქვას, ძალიან კარგი კი არა — პირდაპირ გადასარევი... შეიძლება ითქვას — გასაშტერებელი!.. გამახსენდა აგრეთვე, რომ ლევანის სიტყვებით შეიძლებოდა მთელი ქართული (და არა-ქართულიც) ლიტერატურის ცოცხლად წარმოსახვა. ერთი ეგ იყო, — პირველ პირში არაფერი გამომდიოდა. ცოტა ამან ამომავლო კალაპოტიდან.

„ნეტა, რა მიზეზია? — ვიფიქრე, — იქნებ უპირო კაცი ვარ? ან იქნებ ჩამოუყალიბებელი, სუსტი პიროვნება? ანდა იქნებ პიროვნება სულაც არა ვარ?“ თუმცა, ალბათ, ამ საიდუმლოებით მოცული მოვლენის მიზეზი უფრო პრაქტიკულ სფეროში უნდა მეძებნა. შესაძლოა, ყველაფერი სულაც იმის ბრალი იყო, რომ სიტყვების ზარდახშა ლევანის მგლობელობაში იმყოფებოდა და არა ჩემსაში.

ამ ფიქრებმა ცოტა მომამჯობინა. მივდექი, მოვდექი, მივიხედ-მოვიხედე. ტელევიზორი ჩავრთე — იმ იმედით, რომ, შესაძლოა, ფეხბურთი ყოფილიყო. მართლაც ფეხბურთი იყო. სავარძელში ჩავესვენე და თვალყური მივაპყარი. ეს იყო დეკემბრის ნაგვიანევი ფეხბურთი — მოსკოვის თოვლიან მინდორზე ენერჯიულად დარბოდნენ უკანასკნელი მატჩების უკანასკნელი მოპიკანები. მათ ტრუსებს ქვემოთ ეცვათ შავი რეიტუზები და პირიდან უხვად უშვებდნენ ორთქლს. ისმოდა დიქტორის წვრილი მეტალი-სებრი მოთქმა. ისმოდა უცნაური გვაბრები: ზაკუბიკი!.. კარობოჩკა!.. ლაგოზდა!.. მცირე ხანს ღუნედ ვუმზერდი. მერე ავდექი და გადავრთე — თბილისზეც ფეხბურთი დაწყებულიყო. აქ ზრიოკ მინდორზე ღუნედ დიზლაზნებოდნენ უკანასკნელი ქართველი მოჭაუკები. ისმოდა დიქტორის ყელსმობჯენილი, სერიოზული და ბოხი ბარიტონი. იგი უკიდურესად ნელ ტემპში წარმოთქვამდა ნაცნობ სახელებს, ისე წარმოთქვამდა, თითქოს ყელში საბელი გაეჭირათ და საცაა დაახრჩობდნენ: „ბურთი აქვს თავაძეს (პაუზა)... გადააწოდა ზინჩაგაშვილს (ხანგრძლივი პაუზა)... რას იზამს შოთა!..“

უცერად ვიგრძენი, რომ სიცივისგან ხელ-ფეხი მეყინებოდა. ავდექი, ტელევიზორი იმედიანად გამოვრთე, ისე, რომ აღარ დამიციდა შემეტყო, თუ კონკრეტულად რას იზამდა შოთა — ალბათ, ისევ თავაძეს თუ გადააწოდებდა, — პალტო სწრაფად მოვიცვი და გარეთ გავიჭერი.

წუთიც და, უკვე ლევანის კარზე ვრეკავდი ზარს.

კარი ნაღია ბებიამ გამიღო.

თბილოდა. სინათლე ყვითლად კიაფობდა. ისმოდა ლევანის დედის ხმამაღალი და მზიარული ლაპარაკი, რამდენიმე მოპასუხე ხმა, სიცილი, ჭიქების წკარუნი. სასტუმრო ოთახიდან გამოდიოდა სანელებლებისა და საცივის სუნი — ახალ წლამდე კიდევ მთელი თვე იყო დარჩენილი, მაგრამ აქ მთელი გა-

რემო ისე იყო, თითქოს უკვე ახალი წელი იღვას.

ღერეფანი გავიარე. სასტუმრო ოთახში თვალი მოვეკარი ლევანის მშობლებსა და რამდენსამე სტუმარს, რომლებიც მხიარულად მისხდომოდნენ სუფრას. ჩემს დანახვაზე ლევანის მამამ ხელი შემართა და მისასალმებელი სიტყვები შესძახა. შეეწერდი. მეც თავაზიანად მივესალმე.

— შემოდი, ზაზა, შემოდი! — დაიდრიალა მან.

ორი ნაბიჯი შევდგი. შეეწერდი — ყველას ჩემთვის მოეპყრო თვალი. სტუმარი ქალები, რომელთა მზერაში გამოსჭვიოდა მხიარულების წამიერი ყოვნი, ინტერესით მათვალდებოდნენ — ალბათ, ფიქრობდნენ, ნეტა რა არსებაა ერთდროულად ასეთი ლურჯი და ყავისფერიო. მათი კავალრები, რომელთაც მძლავრი მკერდები ღაღად გაეშთათ სკამთა საზურგეებზე (ერთი ცოტათი მელოტი იყო, მეორე — ვინეგრეტის მგავსი), მუქი და სერიოზული, კმაყოფილი მზერით მიყურებდნენ და, ალბათ, ფიქრობდნენ, რომ ჩვენ, ქართველებს, უკვე მოგვეწყო მომავალი თაობა. თუმცა მე რა ვიცი, რას ფიქრობდნენ ის დალოცვილები — იქნებ სულაც მომავალი წლის საბიუჯეტო ანგარიშით იყვნენ გართულნი. ერთი სიტყვით, ორი ნაბიჯი შევდგი, თავაზიანად წარმოვთქვი ზოგადი მისასალმებელი ფრაზები, გაეაკეთე მცირე რევერანსი და შემდეგ ვკითხე, სახლში იყო თუ არა ლევანი — ამ კითხვით მხოლოდ იმის გამოზატვა მინდოდა, რომ მე სწორედ ლევანთან ვიყავი მოსული და არა ოჯახის სხვა, რომელიმე წევრთან. იქნებ ვინმემ უზრდევლობაში ჩამითვალა ეს კითხვა, იქნებ სუფრის წევრთაგან რომელიმემ მაინც უკმაყოფილოდ შეკმუნხა წარბი — ვერაფერს ვიტყვი.

— კი, სახლშია. თავის ოთახშია შეკეტილი, — დაიროხრობა ბენო ბიძიამ.

სუფრა წამსვე განახლდა. მე თავაზიანად შეეკტირალდი და ზურგის მორი-

ღებული უზურგობით გავემართე ლევანის ოთახისკენ.

გაცვდი სახიფათო ზონას, გადავლახე ღერეფნის შედარებით ბნელი და გამოუკვლეველი ნაწილები, გავუხვიე მარჯვნივ და ლევანის ოთახსაც მივუახლოვდი. სადაც, მარცხნივ, ჩრდილო-აღმოსავლეთის მიმართულებით, სამზარეულოსკენ სიზმარივით გაიფრატუნა ნადია ბებიამ.

ტრობიკული სარტყელის სახლოვეს რომ ვიყავი მისული, კერძოდ — ზედ ლევანის ოთახის კართან, გავიფიქრე, რომ ამ ბინის კუთრი სითბოტყვეალობა საგრძნობლად აღემატებოდა ჩემსას, და ამან ნუკეშითა და სიხარულით ამავსო: კარგია, როცა ქვეყნად გეგულება თბილი ბინა, სადაც კეთილი გულით მიგიღებენ და დაგაპურებენ.

კარი შევადე და განცვიფრებისაგან აღვიღზე გაქკავადი, — ლევანის ოთახი სულმთლად შეცვლილიყო.

კუთხეში, დაბალ მაგიდასთან, სადაც საქმით გართული იჯდა თვით ლევანი, ბაცი-მომწვანო ტორშერი ენთო. ოთახის პოლუმრაკში (როგორ ითარგმნება ეს სიტყვა? „ნახევრადწვდიადი“? ჰმ!.. იქნებ ოდესმე ვინმემ სადმე რამე სხვა მარჯვე შესატყვისი იპოვოს, მე კი ამჟამად დავწერ — თუმცა შემემლო ბინდუნდი, ბინდი, ან ნელსიბნელება მეხმარა — დავწერ „მალებნელს“), დიახ, აქ, ოთახის მალენბელში კედლებზე, ჰერზე და ყოველ საგანზე მტყენებევით ასხმულიყო მანათობელი და მოთიმთიმე ცოცხალი სიტყვები.

აგაშენა ღმერთმა!

ლევანს, როგორც იტყვიან, დაუცადებლად ეშრომა და ახლა ამ შრომის შედეგი სახეზე იყო — უამრავი ცოცხალი და მიუღვარე სიტყვა, ამ სიტყვებისგან შექმნილი უამრავი აზრი და წინადადება, უამრავი ამბავი, ლექსი, მოთხრობა, სვედიანი და მხიარული ისტორიები, მცირე ჩანახატები და უზარმაზარი პოემები, უღრმესი ნოსტალგიური მოგონებები, ფსიქოანალიტიკური და გონებატყვერებითი წიაღმსველელი ხილ-

ვები, დეტექტური და სათავგადასავლო თავშესაქცევი ამბები, ეროტიული და პორნოგრაფიული სურათები — ეს ყველაფერი მწიფე მტევნებით ეკიდა მთელს ოთახში — ჭერზე, კედლებზე, კარნიზე-ზე, ჩამქრალ ჭადზე, მანათობელ ტორშერზე, კარადის კარზე, მაგიდაზე — მტევნებს მთლად დაეფარათ მაგნიტოფონი და მოლბერტი, რომელიც ფანჯარასთან იდგა, თვით ფანჯარაც მანათობელი მტევნებით იყო ამოქოლილი, მტევნები ეკიდა პირდაპირ ჰაერშიც — ლევანის ზურგს უკან, ლევანის წინ, და იდგა რაღაც უაღრესად ცინცხალი, ნუშისა და თაფლის მყიფე არომატი. ათასი ელფერი მოციმიმი, მოელვარე, მშუტავი, შინაგან გასხვიოსნებული მტევნები ნელი ლილეივით ირწოდნენ ჰაერში და გამოსცემდნენ ზღვის შორეულ ხმაურთან მიახლოებულ ძლივგასაგონ ხმას. ამ ილუმინაციურ და ფლორესცენციურ, მომწვანო მეწამულ და შეუცნობელ ზღვაში სადაც, შორს დაკარგულიყო ლევანი — მისი სახე ნახევარმთვარესავით ანათებდა ცოცხალი სიტყვების შუქზე. იგი იჯდა თავის უზარმაზარ მწვანე საყარძელში.

რას ჰკავდა ეს ყველაფერი?

ეს ჰკავდა ბავშვობის ნათელ მოგონებას, როცა დიდ გაჩირაღდებულ დარბაზში (თუმცა, ალბათ, ყველა დიდმა იცის — ეს დარბაზი სინამდვილეში მხოლოდ ერთი ჩვეულებრივი მაღალჭერიანი ოთახია) აღმართულია ნაძვის ხე და ირგვლივ ბავშვების ყრიაშული ისმის. ნაძვის ხის ტოტებზე ჰკიდა სხვადასხვა ფერის მინის მბრწყინავი ბურთები, გირჩებისა და სოკების ფორმის სადაფის სათამაშოები, ვერცხლის და ოქროს ქაღალდში გახვეული გრძელი კამფეტები და ბამბის დიდი ქულები, ტოტებზე ამბულია ვერცხლის ქაღალდის წვრილი ზოლები და გირლანდები — ერთი სიტყვით, ეს არის რაღაც აყვავებული ზღაპარი, სადაც ყოველ მზესავით მბრწყინავ ბურთში ირეკლება ბავშვების გაცისკროვნებული და დეფორმირებული სახეები და უფროსე-

ბის დიდი და თბილი, მშობლიური ხელები. აი, დედის ხელის ნები თბილად ეხება ბიჭს კეფაზე, ბიჭის თვალბში კი ციმციმებს მთელი ამ საახალწლო ორომტრიალის ანარეკლი და კიდევ რაღაც, დაეწვებული და შორეული სიღრმე, რომლის ძალითაც ცოცხლობს ყოველი ამ უკვდავ ფერთაგან, ცოცხლობს და თან მოაქვს თავისი სიღრმისეული და უხილავი მნიშვნელობა.

კიდევ რას ჰკავდა ეს ყველაფერი? (მოგვხსენებათ, ლევანის ოთახი მაქვს მხედველობაში).

კიდევ ეს ყველაფერი — თუ უფრო მამაპაპულ შედარებას მოვიხმობთ და არც პოსტმოდერნისტები კვიწყენენ — ჰკავდა ღონიერი ქართული გლუხკაცის მარანს, სადაც ხარიხებზე და ძელებზე მრავლად ჰკიდა ყურძნის ქარვისფერი აკიდეები, — შემოდგომის წითელი და უწითლესი მძიმე მტევნები, დამკრახული ხეხილი, თათარაში ახლად ამოვლებული ნახი ჩურჩხელები, სურნელოვან შხეფებს ისვრის ქვევრებში ჩასხმული წითელი მაჭარი, შუა მარანში გიზვიებებს პირველყოფილი ცეცხლის ალი და სამფეხაზე შედგმულ, ბადავით სავსე სპილენძის კოჭობში იხარშება თავშალწაკრული ბებია.

იქვე, მარნის კუთხეში, მიწის იატაკზე, ერთმანეთს მხარს უმშვენებენ შესაწავა-შესაკმეღად გამზადებული დაკლული ქათმები, ინდაურები, უზარმაზარი, მთასავით დიდი და თეთრი დაკლული ღორი — იგი მარნის ჩახნელებულ კუთხეში წამომართულა და ბავშვები შიშითა და ცნობისწადილით უახლოვდებიან — ღორს ყელგამოჭრილი თავი მარნის გამჭვარტლულ ჭერისკენ აუბრუნებია და მის ნახევრადლია ლიბრიან, ლითურ-ნირვანულ დამცინავ თვალბში გაყინულია სიკვდილის მთელი უგონობა. ხელჩაკიდებული ბავშვები რიდი თახლოვდებიან დაკლულ პირუტყვს, რომელიც თეთრი ლევიათანივით გაწოლილა იატაკზე, მათ შორის ყველაზე გამბედავი — წინდებჩაჩაწული კნაჭა გოგო ფრთხილად შედგამს ფეხს მის ზურგზე,

თან ყოველ წუთში მზად არის გადმოსახტომად, მას სხვებიც თან მიჰყვებიან — შიშითა და ცნობისწადილით აღსავსე ბავშვები, მაგრამ ამ შემთხვევაში ცნობისწადილი სძლევს შიშს, რიერიგობით აღიან ლევიათანის ზურგზე და იქ ლანდებივით დგანან. მერე, რაკი რწმუნდებიან, რომ ცხოველი უძრავია — ღორი მკვდარია, იგია მხოლოდ შესაჭმელად გამზადებული ვეება ზორცი, თავისი მითეთრო ტყავითა და გახევებული ჯაგრით (თითქოს ტყიანი სერი იყოს) და მის ზურგს ზემოთ უბერავს არარსებობის უცნაური ნიავი, რომელსაც ვალჰალის წყლების ცივი სუნთქვა მოაქვს — რაკი ხედავენ ცხოველი უძრავია, ისინი მწკრივად დგებიან ვეება ზურგზე, ერთმანეთს ხელებს სჭიდებენ და გაუბედავად იწყებენ ხტუნვას, ფეხების ქნევას, სიმღერას და ლალობას. თანდათან, ამ როკისას, მათ ავიწყდებათ ყველაფერი, რადგან ისინი ცეკვავენ მკვდარი პირუტყვის ზურგზე — ცოცხლები მკვდარზე — და გრძნობენ არსებობის ყოვლისმომცველ სიხარულს. და აი, მათ შორის ერთი, ყველაზე პატარა და დაფიქრებული ბიჭი უეცრად კეფავზე რბილად გრძნობს რაღაც უხილავი ხელის შეხებას, იგი ზურგს აქცევს თავის ამხანაგებს, შებრუნდება და ნელა, უდიდესი სიფრთხილით მიიწევს ღორის ბოლოსაკენ, თან სიარულშივე, თვალეზგაფართოებული დაჰყურებს პირუტყვის უძრავ ზურგს და გრძნობს, რომ აქ რაღაც საიდუმლოა დამალული.

მის ყურთასმენას თანდათან შორდება ამხანაგების ლალი ჟრიაბული. აი, იგი ფეხს ადგამს მკვდარი ლევიათანის იმ ნახევარზე, რომელიც სრულიად უკაცრიელია და, ერცელი თეთრი ტრამალივით, ბინდით არის მიცული. პატარა ბიჭი ფრთხილად, სრულ სიჩუმეში უახლოვდება ღორის — ამ ნისლიანი დათოვლილი ქედის — ბოლოს, დაჰყურებს მის კუდს, რომელიც ჭიასავით დაგრეხილა შავი ტკეპნილი მიწის ფონზე, და ამ გრეხილში მოჩანს რაღაც უთქმელი გამოცანა. ბიჭი დაჰყურებს ამ

მკვდარ გამოცანას, დაჰყურებს, სხვას ველარაფერს ამჩნევს, მის ირგვლივ ყველაფერი ბინდით იმოსება, ქრება, ჩუმდება, სადღაც, შავ-თეთრ სიზმარში იკარგება ამხანაგების ხმებიც — და უეცრად თავზარდაცემული ხედავს — ღორის კუდი ცოცხალივით გაისხმართალებს. ბიჭი გულგახეთქილი კივის, ფეხქვეშ საყრდენი ეცლება, იგი მიფრინავს ღორის თვალწუდენელი თეთრი ზურგიდან დაბლა, მიწის ცივი იატაკისკენ, და ჰაერში აფირავებული ხედავს თავის ამხანაგებს, რომლებიც სადღაც, სხვა სამყაროში, აჩრდილებივით მხიანან — ისინი ხელჩაკიდებულნი, მხიარულად ხტიან და უხმოდ მღერიან მკვდარი პირუტყვის ზურგზე, — მკვდარი ღორის კუდი კი უეცრად, ელვისებური მოძრაობით, გველივით გაისხმართალებს.

ესეც შენ!

კიდევ რა გითხრათ? რით გაგახაროთ? არ იფიქროთ, რომ ეს ყველაფერი, რაც აქამდე ვთქვი, სიზმარი იყოს, ა-ჰა-ჰა-ჰა (თუ — ა-ზა-ზა-ზა? ნუთუ ამასაც რაიმე მნიშვნელობა აქვს)!.. ჰო, არ იფიქროთ, რომ ეს ყველაფერი ზმანება იყოს, ყოველივე ეს მე ვიხილე ლევანის ოთახში — მისი ოთახის ჭერზე და კედლებზე, იატაკზე, ნივთებზე, ჰაერში; იქ თიმთიმებდა, ცოცხლობდა და შუუცნობელი არომატით ავსებდა ოთახს.

ხოლო მათ შორის პატარა ბიჭივით აღტაცებული იჯდა ლევანი და თხზავდა ახალსა და ახალ სიცოცხლის ხილვებს — ეს ხილვებია, რომლებიც მომავალში მთელმა ქვეყანამ გაიგო. მაგრამ მაშინ მათი ერთადერთი მოწმე მე ვიყავი.

— ეს რა გიქნია, ბიჭო, ლევიკო! — შევძახე აღტაცებულმა.

ლევანმა ახლალა დამინახა. წარმოუდგენელი სიხარულით აღვსილი მისი მზერა ჩემს აჭყლობინებულ ფიგურას მოსწვდა და, თანდათან, შევამჩნიე, რომ მიცნო. მის ცნობიერებაში თანდათან შეაღწია ჩემი თანაარსებობის განცდამ — განცდამ, რომ მის გარდა და მი-

სი ცოცხალი სიტყვების გარდა ამ ქვეყანაზე ვიღაც, სხვაც არის ცოცხალი — და ეს სხვა, იმ ბედნიერ საღამოს, სიამაყით ვიტყვი და, მე ვიყავი.

— შემიდი! — შესძახა ლევანმა გაბრწყინებული თვალებით და სახვე მთვარესავით გადაიკისკისა.

შვედი. ლოყებსა და ტანზე მეხეობდნენ და მეღვენებოდნენ სიტყვები. ისინი ჩემს სიარულში უმსუბუქესი ნათელი ფოთლებივით იფანტებოდნენ ირგვლივ და ჩუმი შრიალით აესებდნენ ჰაერს.

რას ჰკავდა ეს ყველაფერი?

შემოდგომის ქარცემულ ბალს, საღაც ჭადრის წითელ-ყვითელი, მეწამული, ვარსკვლავისებრი ხმელი ფოთლები ნისლიან ჰაერში იფანტებიან და ცვივიან, ცვივიან, თითქოს მთელი სამყარო დაბლა მოცვივა, ქარის დაქროლვაზე კი ფრენენ და აქეთ-იქით იშლებიან. ისმის ქარის სევდიანი, გულსავსე მოთქმა და საღდაც, მოუსკვლეთში მიმქროლი მსუბუქი და მძიმე ღრუბლები...

ფოთლებში მკლავები შევარხიე — როგორც ქარში მღვარამა ხემ, ან როგორც ქარის წისკვილმა — თავისი ფრთები. რამდენიმე სიტყვა მოვიხელთე, კადევ რამდენიმე მივაბი — ეს ყველაფერი ძალიან იოლად და მსუბუქად გამომივიდა, და ლევანს წარვუდგინე ლექსი, რომელიც იმ წუთას მომაგონდა: ფოთლები ცვივა, ცვივა თითქო ყრუ სიმაღლიდან,

თითქო ჭკნებოდეს ცის სიღრმეში

მყუდრო ბალები...

ასე იწყებოდა ეს ლექსი.

და გაზარებულმა შევამჩნიე, რომ მოეწონა.

— ყოჩაღ! — მითხრა ლევანმა, — შენია?

— არა!

— აბა?

— რილკესი!

— რილკე, — თქვა ლევანმა, და ახლავდა შევამჩნიე, რადაც უცნაურ ტანი-სამოსში გამოწყობილიყო. მას ეცვა XVI საუკუნის ესპანელი (ან თუ გნებავთ, იმ დროის ნებისმიერი სხვა ევ-

როპელი, მაგრამ ჩვენში, რატომღაც, მაინცდამაინც ესპანელები უყვართ და მეც ასე ვიტყვი) აზნაურის კამზოლი ამობურცული და ზოლებად ჩაჭრილი სახელოებით, რეიტუზის მსგავსი შარვალი, მაღალი გადმოკეცილი ჩექმები და მუქი ნაკეცებიანი მოსასხამი — როგორც მუშუკეტერს. დაშნა და ფართო-ფარფლებიანი ქული იქვე, მაგიდაზე დაელო.

— ეს რა ჩაიცავამ? — შევძახე გაკვირვებულმა.

— ლევანი წამოდგა და სარეკლამო პოზაში გაშუშდა.

— როგორია?

— დადებული! საღ იშოვე?

— თეატრიდან გამოვიტანე.

ჩემო მკითხველო, იქნებ არ მითქვამს, რომ ლევანი თეატრში მუშაობს? (ეს „იქნებ“ ისე, თვალის ასახვევად დაეწერე, თორემ მე კი მშვენივრად ვიცი, რომ არ მითქვამს). თუ არ მითქვამს, მაშ ახლა ვიტყვი:

ლევანი თეატრში მუშაობს.

სკოლა რომ დავამთავრეთ, სანამ ინსტიტუტში ჩააბარებდა, ლევანი თეატრში მოეწყო გამნათებლად. ის ერთი იმ მცირედთავანი იყო, ვინც იმ წლებში ჩვენს ქართულ თეატრს ანათებდა. — აბა გამნათებლის გარეშე სპექტაკლი როგორ დაიდგმება. მერე სარეჟისოროზე ჩააბარა. ბოლოს, როცა ინსტიტუტი დამთავრა, რეჟისორი გახდა. მაგრამ ჯერჯერობით ძირითადად ხატვით იყო გატაცებული და მხოლოდ ერთადერთი, ისიც — ერთაქტიანი სპექტაკლი ჰქონდა დადგმული. ეს ისე, მშრალი ფაქტების მოყვარულთათვის, თორემ მე კი მშვენივრად ვიცი, რომ ლევანს თეატრში არასოდეს უმუშავია. ამავე კატეგორიის ხალხისთვის ვიტყვი, რომ ლევანი იმჟამად მუშაობდა თავის მეორე სპექტაკელზე, და ჩანაფიქრში ჰქონდა აგრეთვე მესამეც, რომელიც შემდგომში, მისი იდეების მიხედვით, დადგეს მისმა მეგობრებმა და საკმაოდ კარგიც გამოვიდა. ალბათ, ყველას გახსოვთ — დადგმას „დაბრუნება“ ერქვა. ხოლო რომან-

ტივის მოყვარულთათვის ვიტყვი, რომ ლევანის პირველი სპექტაკლი „პულჩინელა“ გახლდათ, ერთაქტიანი რომანტიული ნამუშევარი, და მოგვითხრობდა დაკარგულ სიყვარულზე. ეს სპექტაკლი რამდენჯერმე ვნახე და, თუმცა თეატრის დიდი მცოდნე არა ვარ, შემეძლია თამამად განვაცხადო, რომ ეს იყო ერთ-ერთი საუკეთესო, რაც კი საერთოდ სცენაზე მინახავს.

მოულოდნელად სიტყვების მთელი ჯარი ერთბაშად წამოიხვეტა და ცივი ხივილით გაექანა ლევანის მიმართულებით.

შეტბუნებული ადგილზე შევხტი: ყველა, აბსოლუტურად ყველა სიტყვა და სიტყვათწარმონაქმნი — მთელი ეს ნაძვის ხეები, მტევენები, ფოთლებგაცენილი ჭადრები — ერთბაშად გაქროლდა და ლევანის წინ მღვარ ზარდახშაში შეისრუტა. ისეთი გრძობა მქონდა, თითქოს მოულოდნელად უამრავმა ზაღხმა ჩამირბინა გვერდზე, თითქოს რაღაც უბედური შემთხვევის ადგილისკენ გარბოდნენ.

ლევანმა ზარდახშას ხმაურით დაახურა თავი.

— რა ჰქენი! — შევევირე წყენით.

ლევანი წამოდგა და გაიხშორა.

— არა უშავს, — მითხრა მან, — ყველაფერს ისევ თავიდან გააცოცხლებ! — თქვა და ზარდახშა კარდახზე შემოღო.

— არა გშია? — მკითხა მერე.

— რა ვიცი, — ყოყმანით ვუთხარი. ვგრძნობდი, მუხუდოს სუბი ჩემს კუჭში უკვე უნუგეშოდ განწოვილიყო.

— წამო, რამე შეეჭამოთ, — მითხრა და ორივენი სამზარეულოსკენ გავემართეთ.

იქ თვინიერ აჩრდილივით დაფრატუნობდა ნადია ბებია.

— ბები, საჭმელი რა გვაქვს?

— ყველაფერი, ყველაფერი! — ჩუმი ხმით აკოვლდა იგი, — საცივი! ვინეგრეტი! ზორცია შემწვარი! ისპანახის ფხალი! ნაღული!

სასტუმრო ოთახიდან ისმოდა მხია-

რული ხორხოცი და ბენო ბიძიას მჭეკარე ბანი.

— გადით, სუფრასთან დასხედით და იქ ჭამეთ! გადით, გადით! — ძლივგასაგონად გაჰკვილდა მიზუცი ქალი.

— გავიდეთ? — მკითხა ლევანმა.

დაიხაც მინდოდა გასვლა, უფროსებში ჩაჯდომა და მათთან ერთად ღვინის სმა, მაგრამ თან მერიდებოდა (რა ვქნა, ასე გამზარდეს), ამიტომ (რადგან, ამავე დროს, საკმაოდ ეშმაკიცა ვარ), ვუთხარი:

— რა ვიცი, რაღაც არ მინდა. ისე, შენ თუ გინდა, გამოვყვები!

ოთახში ისევ მზიარულიება და სითბო სუფევდა. ყველაფერი კრიალებდა. ერთ კედელთან მიდგმული იყო დაბალი და გრძელი, ბროლივით მოელვარე განჯინა, მოპირდაპირე კედელზე ეკიდა უზარმაზარი მრგვალი სარკე, რომელშიაც — თითქოს დუბლიკატი ან მეორე ეგზემპლარი იყო — ირეკლებოდა მთელი ოთახი და სუფრასთან მსხდარი ადამიანები.

ასეთ გაკრიალებულ ადგილებში ყოველთვის უხერხულად ვგრძნობ თავს. ამიტომ შესვლისთანავე ლევანის ზურგს უკან გაუწინარდი.

ლევანმა გრძელი მოსასხამი მკლავზე გადაიგდო და რევერანსით წარდგა შეინახეთა წინაშე.

ყველანი ჩვენკენ შემობრუნდნენ.

— მოდით, მოდით! არ მოგშივდათ, ბიჭო?! — შესძახა ლევანის მამამ.

— მოდით, ბიჭებო, დასხედით!

— მოგვეშვიდა. საჭმელი გაქვთ რამე? — იკითხა ლევანმა.

— რა შეკითხვაა, ბიჭო! ყველაფერია! — წარბშეკვრით თქვა ბენო ბიძიამ, ლევანს ახედა და შეამჩნია, რომ მას XVI საუკუნის კოსტიუმი ეცვა.

— ეს რა ჩაგიცვამს? მიდი, გამოიცვალე და ისე შემოდი!

— ეცვას, ბენო, რას გიშლის?! — ჩართო ლევანის დედა. შემჩნეული მქონდა — კამათში იგი მუდამ ლევანს უჭერდა მხარს.

— ოი, ლევან, ნამდვილი დარტანიანი

ხარ! — შესძახა ერთმა სტუმარმა მანდილოსანმა. ეს იყო შესუქებული, ქერთიანი სიმპათიური ქალი, რომელსაც ცხვირი რაღაცნაირად, დელფინივით რბილად წამოსწოდა წინ. მას, როგორც შემდგომ გავიგე, თათუნა ერქვა.

მეორე მანდილოსანს, უფრო ახალგაზრდა, გამხდარ და თმაგადატკეცილ ქალს, ჰქონდა კატისებრი ირიბი თვალები და მაღალი, მშემოკიდებული ყვრიმალეები. რბილი და ნახად ნაქსოვი სვიტერი გამხდარ ტორსს მომგებიანად წარმოუჩენდა. თავდაპირველად იგი ვერ შევამჩნიე, მაგრამ მალე სხვებზე მეტად მიიქცია ჩემი ყურადღება — ალბათ, გარეგნობის, ან რაღაც შინაგანი მუხტის გამო, რადგან განსაკუთრებული თითქოს არაფერი უთქვამს. მან თავისი მომწვანო თვალებით ათვალღერა ლევანი და რბილი, ნარნარი, სალუქი ხმით წარმოთქვა:

— ნამდვილი შვეალიე დ'ერბლიი ხარ, ლევან!

მის გვერდზე იჯდა შავგერემანი, ოდნავ თმაგაცვენილი კაცი — ალბათ, მისი მეუღლე, შავი კოსტიუმი გადღეოდა და პერანგის თეთრ გულისპირზე ყულფივით ეკიდა ძვირფასი, მოშვებული ჰალსტუხი. მას ხელი ცოლის სკამის საზურგეზე გადაედო, მუქ თვალბში უელავდა მხიარულება, კმაყოფილება და კიდევ რაღაცნაირი ფარული ურვა, ზრუნვა თუ ჭმუნვა, როგორც რუსულად მარჯვედ ითქმის, — Легкая озабоченность ხოლო ჩვენს ბედკრულ ენაზე ამ უმარტივესი მოვლენის გამოსახატავად წარმოუდგენელი ისტორიული და არაისტორიული სიმწელებების გადალახვა ხდება საჭირო. მის პირდაპირ იჯდა მასზე ცოტა ხნიერი ვინეგრეტისებ სახიანი კმაყოფილი კაცი — ჩანდა, იგი თათუნას მეუღლე გახლდათ. მას ეცვა დიდებული, სქლად ნაქსოვი დუნდულა სვიტერი და ღონიერი ხელები ღაღად გაეშალა სკამების საზურგეთა მთელს სივრცეზე. ჩვენს დანახვაზე სკამზე გასწორდა და ღაღად შესძახა:

— ოჰ! მოდი, მოდი, ლევან! შემოდი,

ბიჭუბო! სწორედ თქვენი სადღეგრძელო მომწიფდა! აჰა ბენო?

ადგილიდან წამოიწია ლევანის დედაც და სამზარეულოსკენ გასძახა:

— ნადია, ნადია! შენი ჭირიმე, ნუ გამომიყვან, თევშები და დანა-ჩანგალი გამოიტანე!

ამდენი შეძახილებიდან ლევანმა მხოლოდ გამხდარი კატისებრი ქალის ნათქვამს უპასუხა (როგორც ჩანს, გამოწვევად მიიღო, მე ხომ ვიცო):

— შევალიე დ'ერბლიე კი არა, დონჯოვანი ვარ! — თავდაჯერებული სახით, რიხიანად წარმოთქვა და მამამისსა და ვინეგრეტისებერ ძია თამაზს შორის ჩაჯდა.

მე ერთხანს საქმროს აჩრდილივით ვიდექი კარებში. მეურ ბენო ბიძიამ მიმხმო და გაჭირვებით ჩამაკეცხა მასა და ლევანს შორის, კუთხეში, რითაც, თავისდა უნებურად შეიდი წლით მომისაჯა უცოლოდ სიარული.

ძია ბენომ ხელი მხარზე გადამხვია და სუფრას ამცნო:

— ზაზა ლევანის ბავშვობის ძმაკაცია. ლევანის კლასელი. ფსიქოლოგია, ფსიქოლოგი!

მე მაშინვე შესაბამისი ხარისხის დარცხვენა აღვიბეჭდე და თავი დაეხარე — რამდენიმე მზერამ ყურადღების ღირსად მცნო.

რატომღაც მეჩვენებოდა, რომ მთელს ამ სუფრაზე ყველაზე გამხდარი მე ვიყავი — მით უმეტეს, უზარმაზარი ძია ბენოს ჩრდილში მჯდარს. ალბათ იმ მომენტში ქართველ ფსიქოლოგთა მრავალათასიან სახელგანთქმულ კოჰორტას დიდ ვერაფერ პატივს ვეღბდი, — წარმოდგენა არ მქონდა, სუფრის წვერთავან ვინ რა ადამიანი იყო, ვის რა ელო გულში და ისე, განყენებულად, ფსიქოლოგი გინდ გრქმევია, გინდ არა! — ამას ვუიქრობდი და ვცდილობდი დანა-ჩანგალი სწორად დამეჭირა ხელში. ერთ ჭიქას მაინც გაეკარი ხელი — კინაღამ ღვინო დავაქციე. საბედნიეროდ, ყველაფერმა მშვიდობიანად

ჩაიარა. ძია ბენო კი ისევ ჩემზე განაგრძობდა ლაპარაკს:

— ზაზას ვადღეგრძელებ! როგორც ლევანის უახლოეს მეგობარს და ჭკმ-მარიტ ვაჟკაცს. თამაზ, ალავერდი შენთანა ვარ! — ამბობდა იგი. მე ფეხზე ვაჭირვებით წამოვიწიე, მაგრამ ძია ბენომ მძლავრი მარცხენით ისევ ადვილს მიმაჯაჭვა, — ზაზა სხვანაირი კაცია, სხვანაირი ჯიშის და ჯილაგის შთამომავალი, სხვა გენების და სისხლის პატრონი. თანაც ფსიქოლოგი გახლავთ — ადამიანის სულის შესაიდუმლე...

ყოველ ამ სიტყვაზე მე თანაბარზომიერად ვჭარხლდებოდი.

ძია თამაზმაც ორი-სამი სიტყვა მითხრა ჯიშის და ჯილაგის შესახებ. მერე კი ფსიქოლოგიიდან ორი-სამი ისეთი ტერმინი მომაგება, რომ გაგონილიც არ მქონდა, — ლაპარაკობდა ცნობიერების პროგრამირების თანამედროვე თეორიების შესახებ და, როგორც შემდეგ შევამჩნიე, ამ კაცმა საერთოდ ვეღვაფერა იცოდა ქვეყნად არსებული ვეღვა საგნის შესახებ.

შედარებით ახალგაზრდა, თმაგაცვენილმა, შავკოსტიუმიანმა კაცმა, რომელსაც თვალებში მოუჩანდა ზემოხსენებული ზრუნვა თუ ურვა, უხმოდ შესვა ჩემი სადღეგრძელო. ხოლო მისმა მეუღლემ, — კატიხებრი გარეგნობის ახალგაზრდა ქალმა — თავდაპირველად დაკვირვებით შემომხედა, მერე კი, რაკი დარწმუნდა, რომ ჩემი ფსიქოლოგობა და ჩემი ზნორმული წამოჭარხლება ერთმანეთთან სრულ ანტაგონიზმში მოდიოდა, განურჩეველი სახით მომამორა თვალი და ნარნარი ხმით ჰკითხა ლევანს:

— ლევან, ის პინგვინი ვინ დახატა?

— რომელი პინგვინი, ნუნუშკა? — მხიარულად ჰკითხა ლევანმა.

— აი ის, სარკეზე რომ ხატია. — და პლუს-მინუს სამი გრადუსის ცდომილებით ჩემკენ გამოიშვირა ნიკაბი.

სარკე ჩემს ზურგს უკან იყო. მიხედვით ვერ გავხედე. დარწმუნებული ვიყავი, იქ არავითარი პინგვინი არ ეხატა, და

ამ სიტყვით ნუნუშკა სწორედ მე მგულისხმობდა. კიდევ უფრო გაეწითლდი და ისეთი სახე მივიღე, თითქოს ნიგვინიანი ბადრიჯნით ვიყავი დაკავებული — რა ვქნა, ამ ორაზროვან ლაპარაკს ვერაფრით ავუღე ალლო. ბოლოს და ბოლოს, ხომ ნათელი უნდა გამხდარიყო ჩემი მოქმედების შინაარსი: მე პინგვინი არა ვარ! — უსიტყვოდ, მაგრამ მტკიცედ ვაცხადებდი მე, ნუთუ სადმე გაგონილა, რომ პინგვინი ნიგვზიან ბადრიჯანს მიერთმევდეს?!

ლევანი მიბრუნდა და სარკეს შეხედა.

— მე დაეხატე, — თქვა ხალისიანად.

აქ უკვე მეც გავხედე თავის მიბრუნება — სარკის ქვედა კიდე სითბოსგან ოღნავ შეორთქლილიყო, და იქ თითოთ თითქოს მართლაც მიეხატათ რაღაც. დღესაც არ ვიცი, ამ ნაჯღაბზე ლაპარაკობდნენ, თუ მართლა მე მგული-სხმობდნენ. ეს ამბავი ჩემთვის სამუდამო გამოცანად დარჩა.

თავი რომ მოვაბრუნე, უკვე სრულიად სხვა მომენტი იყო — თითქოს რაღაც მძიმე გამოცანამ გაიფლვა და უცერად მსუბუქად გაქრა.

ძია თამაზმა ქართულ მადნეულზე დაიწყო ლაპარაკი. მერე როკის გვირაბზე ჩამოავლი სიტყვა. მას მხარი აუბეს ძია ბენომ და ნუნუშკას მეუღლემ, რომელსაც, უკვე ვიცოდი, გურამი ერქვა.

— თურმე ოქროს მარღვს მიადგენ. უამრავი ოქროა, უამრავი! თან საკმაოდ მძალი შემცველობის! საერთოდ, კავკასიონის მთები გეოლოგიურად ახალი წარმონაქმნია. მადანი ძალიან ღრმად იმყოფება! — ამბობდა ჯანსაღი ძია თამაზი. — ჩვენ რომ ხელი არ გავანძრიოთ, მარტო ეს მადნეული ეცოფვა საქართველოს. ამჟამად ეროზიის პროცესი ძალიან დაქარბებულია. კაცმა არ იცის, სად რომელი წიაღისეული ამოყოფს თავს.

— ამ ზაფხულზე მგონი თქვენმა სამმართველომ უნდა მოჰკიდოს ხელი ამ საქმეს? — მიმართა ძია ბენომ.

— რა, ჩვენ სართიჭალის ნავთობზე ვიმუშავეთ, — მიუგო ძია თამაზმა და

ხმას დაუწია, — მანდ ყველაფერი გასამხედროებული აქეთ, ხომ გესმის. ოქროსთან ვინ მიგაკარებს! მაგათ თავიანთი საქმე თვითონ იციან. მალე, ალბათ, სვანეთსაც მთლიანად დაკეტავენ!

— რას მეუბნები, კაცო! — დაიბუხუნა ძია ბენომ, — ისე, რა მაგის პასუხია, ამ ბოლო დროს კუჭმა შემაწუხა, ხო იცი! — თქვა, ღვიძლის არეში მოისვა ხელი (მე მის გვერდზე ვიჯექი, ელენთვის მიდამოებში).

დაუდევარ ძია თამაზს ამაზეც გამზადებული ჰქონდა პასუხი:

— ბორჯომი! ბორჯომი! მაგაზე უკეთესი არაფერია. მჟავიანობის საქმე როგორა გაქვს?

— რა ვიცი, რა ვითხრა. თითქოს არ უნდა მქონდეს მაღალი.

— ბორჯომი! თუ მაღალი მჟავიანობა გაქვს, ნახევარი საათით ადრე ჭამამდე. თუ დაბალია — პირიქით. ჭამის მერე ნახევარი საათით გვიან. გაიგე, ბენო? საქმე რაშია, იცი? ბორჯომი ტუტე შენაერთია, მჟავიანობას დაბლა აგდებს. თუ მაღალი მჟავიანობა გაქვს, ჭამამდე უნდა მიიღო, თუ დაბალი — ჭამის შემდეგ.

— ესე იგი, ჭამამდე ნახევარი საათით ადრე უნდა დაელო? — ჰკითხა ძია ბენომ, რომელიც, ჩანდა, ენდობოდა მეგობრის მრავალჭირნახულ გამოცდილებას.

— ჰო! თუ მაღალი მჟავიანობა გაქვს, за полчаса до еды, თუ დაბალი — через полчаса после еды! — დაუზარებლად უპასუხა ძია თამაზმა.

— ესე იგი, მაინც ვერ გაიგე: ჭამამდე თუ ჭამის შემდეგ? до еды თუ после еды? — ჰკითხა ძია ბენომ.

— მომისმინე, ბენო, კიდევ ავიხსნი! თუ მაღალი გაქვს მჟავიანობა, მაშინ за полчаса до еды, გაიგე?

— გაიგე. за полчаса до еды, — გაიმეორა ძია ბენომ.

— ძალიან კარგი. ხოლო თუ დაბალი მჟავიანობა გაქვს, მაშინ через полчаса после еды! ხომ გესმის?

— მესმის. ესე იგი, თუ მაღალი მჟა-

ვიანობა მაქვს, за полчаса до еды, ხომ? — ბეჯითად ჰკითხა ძია ბენომ.

— ჰო! за полчаса до еды, — ბეჯითად მიუვო ძია თამაზმაც.

— და თუ დაბალი აღმოჩნდა?

— მაშინ через полчаса после еды! გასაგებია?

— გასაგებია. მაღალი — за полчаса до еды, დაბალი — через полчаса после еды, — გაიმეორა ძია ბენომ.

— ეგრე რა! — შესძახა ძია თამაზმა, — მაღალზე — за полчаса до еды, დაბალზე — через полчаса после еды!

— За полчаса до еды, за полчаса до еды! — გაიმეორა თავისთვის ძია ბენომ! მაინც ეჭვობდა, რომ მაღალი მჟავიანობა უნდა ჰქონოდა.

— გურამ, შენც მოუსმინე, ხომ გაწუხებს კუჭი? — ნარნარი ხმით მიმართა ნუნუშკამ მეუღლეს, — თამაზ, თავიდან გაიმეორე რა, ყველაფერი? — თქვა და ირიბი თვალები თამაზს მიაპყრო.

ძია თამაზმა გულკეთილად გადაიხარხარა ვინეგრეტისებრი ლოყებით:

— კარგი რა, ნუნუშკა, ნუ გადამრევ! ამდენი ვილაპარაკე და ახლა თავიდან ნუ დამაწუხებინებ!

— გურამს რომ არ გაუგია? — ნაზად თქვა ნუნუშკამ.

გურამმა ფერმკრთალი სახე მისკენ მიაპყრო და გამოძვლელად შეხედა.

— ნუნუშკა! — თქვა მან.

— რა იყო?

— ხომ იცი, არ მიყვარს ეგეთები! — ცალკეა ღიმილით წარმოთქვა გურამმა.

ნუნუშკა თავზე მოეფერა.

— გურამ, ალჟირის ამბავი რა ქენი? — გაახსენდა ძია ბენოს.

გურამმა ჩაახველა.

— მე მგონი, იქნება. თებერვლისთვის მპირდებიან.

— მიღი, შენ იცი. მანქანას, ალბათ, გაყიდი? — ჰკითხა ძია ბენომ.

— ალბათ, — თქვა გურამმა. — თამაზ, შენ ხომ არ გინდა?

თამაზმა ვინეგრეტისებრი თავი გააქნია.

— არა, მე ოცდაოთხს დაველოდები. ისე კი, მომკლა ამ ვილისმა.

— შენს საქმეში, იცოცხლე, კარგია! — ცალკეად გაიღიმა გურამმა.

— საქმეში, იცოცხლე, აუცილებელია, — თავი დაუქნია თამაზმა. — მაგრამ აქ არ მადგება.

— შენც მიდი და ნოლხუთი აიღე.

— ნოლხუთს ნოლექესი მირჩენია.

— რატომ? — ჩააცივდა გურამი. მის თვალეზში ისევ მოჩანდა ზრუნვა თუ შფოთვა.

— რა ვიცი, მირჩენია, — თამაზი უხერხულად შეიშმუშნა. — უფრო მძლავრი მოტორი აქვს. ისე, ნოლტრი სჯობია ყველას.

— ნოლ ტრი, არა!

— გეუბნები მე შენ! ნოლტრი არ ჰყავდა გიგლას?!

— გიგლას კეთილებიც... ხელი ჩაიქნია გურამმა და ჭიქა აიღო.

ნუნუშკამ ქმარს გადახედა და ლევანს მიმართა:

— ლევანო, შენი სპექტაკლი რას შერება?

— დონ ჯოვანი დამიძახე! — გაუღიმა ლევანმა და თვალი ჩაუკრა.

ნუნუშკამაც გაიცინა.

— თუ გინდა, ჯოვანიკოს დაგიძახებ, — ნარნარი ხმით წარმოთქვა მან.

— კარგი, დამიძახე.

— ჯოვანი-კო!

— რაი-ყო?!

— ახალი და საინტერესო არა გაქვს რამე?

— რამდენიც გინდა.

— მაჩვენე, რა?!

— სიტყვით თუ საქმით? — ჰკითხა ლევანმა.

ნუნუშკამ გაიცინა.

— სიტყვითაც და საქმითაც.

— წამო, გიჩვენებ! — ლევანი ადგილიდან წამოდგა.

— სად მიდისხარ? — შეშფოთებით იკითხა ძია ბენომ.

— ჩემთან. წამო, ზაზა!

მეც წამოვდექი და თავაზიანად მადლობა ვთქვი. ჩემთვის ყურადღება არა-

ვის მოუქცევია. მხოლოდ ლევანის მამამ ჩაიბურღულუნა რაღაცა — არ ვიცი, ვისი მისამართით. ძია თამაზი ჭამდა. ლევანის დედა და თათუნა ერთმანეთში გაცხარებული კამათობდნენ.

ნუნუშკაც წამოდგა. რომ გადიოდა, ქმარმა ტრაკზე შემოჰკრა ხელი.

— დროზე გამოდი. მალე წავალთ, — უთხრა.

— კარგი, — მიუგო ნუნუშკამ და მსუბუქი ნაბიჯით გაემართა ლევანის ოთახისკენ.

ეჰ, რა ძნელია, სიტყვებით გადმოსცე ის, რაც მართლა მოხდა; რა ძნელია იმის აღწერა, რაც უკვე ნაფიქრი გაქვს, — ეს მუდამ აღემატებოდა ჩემს ძალებს.

მაგრამ ეს იქით იყოს.

ლევანი უკვე თავის ოთახში იყო. ნუნუშკაც იქით მიდიოდა, თბილი და ფართო დერეფნის გავლით. მას ეცვა ნატის — ანუ, ზამშის — კიდებგადაკეცილი თასმებიანი მოყვითალო ზამლი ანუ საპოკეები (როგორ ითქმის ეს სიტყვა ჩვენს ენაზე? ჩექმუნები?), ვიწრო ქვედატანი და ბაცი ფერის — მომწვანო თუ მოიისფრო, ან იქნებ — ვარდისფერ-ნარევი (ფერების დაფიქსირება მუდამ მიჭირდა) ფუმფულა მოჰერის სვიტერი (ან ეს მოჰერი რაღა ოხრობაა? იქნებ — თივთიკი?); გადატკეცილი წაბლისფერი თმა რგოლად შეეკრა კეფაზე. და მის გარეგნობაში იყო რაღაც XVI საუკუნისმიერი.

ესეც ასე.

უკან მე მივეყვებოდი. მე მეცვა ჩემი ძველი და ფორმადაკარგული ტომრისებრი ლურჯი შარვალი, დედაჩემის მოქსოვილი, მუხლამდე ჩამოწლანული მუქ-ყავისფერი ჯემპრი. თმა ცალ მხარეს უცნაურად მქონდა თავზე მიტკეპნილი, მეორე მხარეს — პირიქით. ჩემი სახე — დერეფნის მყუდრო სარკეში წამით გამკრთალი — მიღებული ალკოჰოლის ზემოქმედებისგან სრულიად წითელი გამხდარიყო. ფეხსაცმელზე აღარაფერს ვიტყვი... და ჩემს გარეგნობაშიც ამკარად სჭვიადა რაღაც შუასაუკუნებ-

რივი — რაღაც, რაც ებრაელთა გეტოებს მოვაგონებდათ.

ოთახში შევედი. ზურგს უკან კარი მივხურე.

ლევანი თავის საყარძელში იჯდა. ხელით გვანიშნა, დავმსხდარიყავით. მე ჩამოვჯექი. ნუნუშკა კედელთან მივიდა და ლევანის ნახატებს დაუწყო თვალიერება.

— ლევან, სულ შენებია?

— ჰო! — მიუგო ლევანმა, — ნუნუშკა, სიზმარი გინახავს?

— რა სიზმარი? — თქვა ნუნუშკამ, თან ნახატების თვალიერებას განაგრძობდა.

— ზამთრის დღის სიზმარი, — მიუგო ლევანმა და მის წინ მღვარ ზარდახშას თავი ახადა. იქიდან ათასფერი პეპლებით ამოიფანტნენ სიტყვები. ჰაერში დატრიალდა ნუშის რძის ოდნავი სუნი.

ნუნუშკა შემობრუნდა. წამით გაოგნებული იდგა და უცნაურ სანახაობას შეჰყურებდა. მერე გაიცინა:

— ეს რა არის?

— ცოცხალი სიზმარი! — მოხეიმი ხმით უპასუხა ლევანმა.

სიტყვები თანდათან ავსებდნენ ოთახს. ეს მართლაც სიზმარს ჰგავდა — ლევანმა, როგორც ყოველთვის, ზუსტად გამოხატა მოვლენის არსება: ეს მოვლენა — სიტყვების ამოსვლა — სიზმარს ჰგავდა არა იმით, რომ სიზმარივით ბუნდოვანი იყო, პირიქით, — თითოეული სიტყვა, რომელიც ჩვენს წინ ტრიალებდა, სრულიად მკაფიო იყო და გარკვეული. ისინი სიზმარს ჰგავდნენ სწორედ თავისი სიცხადით და შინაგანი მანათობელი ალით — მათში ანათებდა ის შინაარსი, რაც მათშივე იდო, უფრო სწორად, — თვითონ ისინი იყვნენ შინაარსები. სიზმარშიც ხომ სიზმრისეული ხილვები მანათობელი და ცოცხალი შინაარსები არიან. სწორედ ასეთი, ცოცხალი და მანათობელი იყო ეს სიტყვებიც — როგორც სიზმრის სიტყვები, და არა როგორც ჩვენი სალაპარაკო სიტყვები, რომლებიც ხშირად არაფერს გა-

მოხატავენ — მათს მიღმა მტვრიან სარდაფივით გამეფებული არაფერი.

კიდეც რას ჰგავდა ეს მოვლენა?

ეს ჰგავდა ოკეანის ფსკერს, სადაც სიზმრისეულ არსებებზეთ მიმოფრინავენ ღრმა წყლის თევზები. იქ მზის სხივები ვერ ჩაატანს — წყალი მუქ-მწვანეა და ფოსფორენცირებული. იქ ჩაწოლილა მარადიული მანათობელი ღამე. ხოლო რაც შეეხება ღრმა წყლის თევზებს — მათი ხილვა საშინელია. იქ, მარადიულ სიბნელეში, მძალემა ცხოველთა ნამდვილი სახე. მათ სხვა სახე არც გააჩნიათ — ზოგი მხოლოდ უზარმაზარი დაღრჭნილი ხახაა, ზოგი — არააღამიანურად და არაბუნებრივად გამმოკარკლეული თვალები. მაგრამ მათს სახეს ვერაფერს ხედავს, რადგან ირგვლივ ფოსფორული წყვდიადია. მხოლოდ ხანდახან, როდესაც მანათობელი თევზი ჩაიფრენს ახლოს, წყვდიადს გამოეყოფიან ეს საშინელი სახეები — ისინი უხმოდ დაცურავენ მარჯნის მეწამულ რიფებს შორის. ნათელთევზას შუქი ხან აქ, ხან იქ გამოგლეჯს წყვდიადს ამ საშინელ სახეებს. მაგრამ უფრო უცნაური ის არის, რომ ყველაზე საშინელი უჩხულები სწორედ ეს მანათობელი თევზები არიან — მათ აქეთ გრძელი ელექტრული უღვაშები, კბილებით სავსე დაღრჭნილი ხახა და გამჭვირვალე, უჩვეულო სხეული. ეს ქმნილებები წყლის ზედაპირზე ვერასოდეს ამოვლენ — აქ, ჰაერით სავსე ტყეებში რბილად დაჰქრიათ ისეთი თეინიერი არსებები, როგორცაა, მაგალითად, ირემი ან მუფლონი. ღრმა წყლის თევზები კი სამუდამოდ ფსკერს არიან მიჯაჭვულნი, რადგან იმდენად დიდია მათი შინაგანი წნევა, რომ ზედაპირთან მიახლოებისთანავე აფეთქდებიან.

სიტყვები თევზებივით, მსუბუქად დაცურავენ ლევანის ოთახში. აქ იყვნენ მანათობელი ლიფსიტები, მანათობელი ზვიგენები და სხვა ათასგვარი ქმნილება.

ნუნუშკა მათ შორის იდგა, და უეცრად მის მომწვანო თვალებში შევაძინიე

ზუსტად ისეთივე ნათება, როგორც ეს სიტყვები იყო. ამ ქალის სიღრმეში იგრძნობოდა რაღაც, ზუსტად ისეთი, რაც ამ სიტყვების სიღრმეშიც იყო — ამ სიტყვებისძვირი — თითქოს მათ ერთი და იგივე წიაღი ჰქონდათ.

სიტყვები უფრო სწრაფად დატრიალდნენ — ეს ლევანმა დაიწყო მათით რაღაც სურათების კონსტრუირება. გაკვირვებით შევაძინე — უკვე ხელის განძრევაც აღარ სჭირდებოდა; ასე, პირდაპირ სავარძელში მჯდარი, რაღაც ტელეპათიური უნარის ძალით თავის ნებაზე ამოძრავებდა და აერთებდა სიტყვებს. სიტყვები მას, როგორც იტყვიან, უსიტყვოდ ემორჩილებოდნენ. ლევანს ისინი რაღაცნაირად მოეთვინიერებინა.

— ლევან! რა ფანტასტიკაა! — შესძახა ნუნუმ.

ლევანის წინ ჰაერში სიტყვებისგან შეიქმნა დიდი, მანათობელი გვირგვინი. ეს გვირგვინი ნელა გაცურდა და ნუნუმკას თავზე დაედგა. ასევე შექმნა ლევანმა სიტყვების უგრძესი სერპანტინი — ისიც გაცურდა და ნუნუს სხეულზე შემოეხვია. მასში გაეხვია ქალის მკლავები და ტორსი. ბეჭებზე ფრთებივით დაესხა სიტყვების ვრცელი მარაობები.

— ოჰ! — შესძახა ნუნუმ და აღტაცებით გაიცინა.

სიტყვების სერპანტინი ფერადი გველივით დატრიალდა მის გარშემო. მერე ამ გველის მსუბუქი თავი ნუნუს სვიტერის საყალოში ჩაძვრა და შიგ ჩასრიალდა.

— ჰა! რა დღეში ხარ! — სიცილით შეჰკვირა მან.

ლევანი არ ეშვებოდა — ნუნუს ყოველი მხრიდან შემოეხვია სიტყვები, გრძელი სერპანტინი კი თანდათან, უფრო ღრმად მიძვრებოდა მის სამოსში.

— გეყოფა, ლევან! — ნუნუ შეეცადა სიტყვების გველი ხელით მოეშორებინა. მაგრამ სიტყვები უფრო მჭიდროდ შემოეხვივნენ.

— ლევან! გეყოფა-მეთქი! — ნუნუ ცდილობდა სერპანტინი საყელოდან

ამოეღო, თან სიცილით იგულებოდა. — კარგი, გეყოფა! იცოდე, გურამს დაუძახებ. გურამ! გურამ! — საკმაოდ ჩუმიად დაიძახა მან.

კარს იქით ხმა გაისმა.

სიტყვები ქარის დაქროლილივით მოწყდნენ ქალის სხეულს და ზარდახშაში ჩასრიალდნენ. ლევანმა სწრაფად დაახურა ზარდახშას თავი. ნუნუ ისევე იდგა — სახეცაცისკროვნებული. ლევანი კმაყოფილი სახით შეჰყურებდა.

კარი გაიღო. ნადია ბებია შემოფრატუნდა.

— Леван, ты не видел мой зонтик? — იკითხა მან.

— რა?

— ჩემი ქოლგა! ქოლგა არ გინახავს?! — წვრილი ხმით აწივლდა ბერიქალი.

— არ მინახავს. რად გინდა ქოლგა ამ სიბნელეში! — ამრეხით თქვა ლევანმა.

— Я должна узнать насчет пенсии. Уже месяц как не приносили. Никак не могу найти свой зонтик.

— ამ შუალამეზე რა პენსია აგიტყდა, ნადია ბებია!

— შუალამეზე კი არა, დილას! დილაზე ვაპირებ წასვლას, — ძლივგასაგონი ხმით წიოლა ნადია ბებია. — Я должна там быть рано утром. А зонтик куда то исчез. Наверное твоя мать взяла.

— ან დილას რად გინდა ზონტიკი! არ წვიმს და არ თოვს!

— რას ჰქვია რად მინდა! Мне нужен мой зонтик! — უკმაყოფილოდ წარმოთქვა მოხუცმა, — Может утром снег пойдет. Ты не брал его?!

— მე რატომ უნდა ამეღო შენი ზონტიკი! სადმე შენს ოთახში იქნება, მიდი, იქ ნახე.

— Его нигде нету! Я никак не могу найти свой зонтик.

— კაი რა, ნადია ბებია, რა წაიღე ტვინი ამ შენი ზონტიკით! — ლევანმა ზარდახშა გახსნა და იქიდან სიტყვები პეპლებივით ამოიფანტნენ. — მოდი, ნახე, აქ ხომ არ არის ის შენი ქოლგა!

ბერიქალი ნელ-ნელა წამოფრატუნდა და თან სათვალეს მიღმიდან გულდასმით აკვირდებოდა სიტყვების ამოფრენას. სიტყვები მისი წყლისფერი თვალების წინ ალიცილიცდნენ.

— ეს რაია? — იკითხა მან.

— სიტყვები! — მიუვო ლევანმა და ორი თითით სიტყვა „ქოლგას“ დასწვდა.

— აი შენი ქოლგა. აკერ ყოფილა! — უთხრა და გაუწოდა.

ნაღია ბებია გამოწოდებულ სიტყვას დააკვირდა და უკმაყოფილოდ აწივლდა:

— ეს არაა ჩემი ქოლგა. ეს ბოვშის ქოლგაა. მოაშორე იქით.

— მერე რა, ეს წაიღე ზვალ დილას.

— კარგი ერთი! რას მასხრობ თუ ღმერთი გწამს! Ты все время так балуешься! Разве можно целый день сидеть и баловаться?!

ამის შემდეგ იგი მიბრუნდა და ოთახიდან უკმაყოფილო ნაბიჯით გავიდა. სიტყვები მის ირგვლივ ისრებივით მიმოფრინავდნენ.

ნუნუ საკარძელში ჩაჯდა. ფეხი ფეხზე გადაიდო.

— ლევან, სიგარეტი გაქვს? — თქვა მან.

— მაქვს.

— მომე რა.

— არ მოგცემ, წადი და შენს ქმარს სთხოვე, — უთხრა ლევანმა.

— ოოოჰ. მეზარება გასკლა.

— წელან კარგად ეძახიდი?! — თქვა ლევანმა, — დაუძახე და მოგიტანს.

— კაი, ნუ გააჭირე საქმე. მომე ერთი ღერი!

— ჰლანი არ გინდა? — ჰკითხა ლევანმა.

— არა.

— არ გაინტერესებს გასინჯვა?

— გასინჯული მაქვს, — მიუვო ნუნუმ. — მოიტა სიგარეტი, თუ მაძლევ.

ლევანმა ჰაერში ერთ-ერთ სიტყვას დაავლო ხელი და გაუწოდა.

— აჰა სიგარეტი.

ეს იყო სიტყვა „სიგარეტი“.

— ოჰ, კაი რა! — გაიცინა ნუნუმ, — მოიტა ნამდვილი სიგარეტი.

ლევანმა სიტყვას ხელი უშვა.

— ნამდვილი სიგარეტი გინდა?

— ჰო.

— მატერიალური?

— ჰო, მატერიალური! — მიუვო ნუნუმ.

— რაღა მაიცდამინც ყველა მე მთხოვს ყველაფერს. წადი, შენს ქმარს გამოართვი, — ლევანი უკმაყოფილოდ შეიჭმუნხა.

— ჩემი ქმარი გათიშულია! — კიდეც უფრო უკმაყოფილოდ თქვა ნუნუმ.

უეცრად თმა ყალყზე დამიდგა. მომეჩვენა, რომ მათი სიტყვები ორაზროვანი იყო. არა ის, რაც ისმოდა — თითქოს მათი საუბრის მიღმა რაღაც სხვა შინაარსი იგულისხმებოდა. ლევანს და ნუნუს შეეხედე. ისინი ერთმანეთს თვალებში უყურებდნენ და მათ შორის ნისლიანი კედელივით, რუხად ჩამოწოლილიყო ჰაერი. სიტყვები უმიზნოდ ფრენდნენ ამ ჰაერში. ზოგი ლევანის თავზემთ ტრიალებდა. რამდენიმე ჩემს წინაც შეჯგუფებულიყო.

ხელი გავიწოდე და ერთ-ერთი ავიღე.

ეს იყო სიტყვა „ორაზროვნება“. ეს სიტყვა თავისთავად მოფრინდა ჩემს თვალწინ, როგორც ჩანს, სიტყვებს მართლაც ჰქონდათ თვისება — იქ განჩინდებოდნენ, სადაც მათი მოთხოვნილება იყო.

სიტყვას სასწრაფოდ ხელი ვუშვი და თავი ისე დავიჭირე, ვითომც სულ სხვა წინადადების კონსტრუირებით ვიყავი გართული. ეს წინადადება დაახლოებით ასე გამოიყურებოდა:

„გაზაფხულის ერთი მშვენიერი მზინი დილა იყო, როდესაც სოფელ №-ს მისადგომებთან ტყის პირას გამოჩნდა რამოდენიმე ცხენოსანი... და ა. შ.“

— ჯოვანიო! — ჩემად თქვა ნუნუმ.

ლევანს შეეხედე (ჩემი წინადადება მყისვე ჰაერს შეერია), — იგი იჯდა და მის თვალებში გამოსჭვიოდა რაღაცნაირი ჭმუნვა თუ საზრუნავი და ყოყმა-

ნი, — თითქოს რაღაცა ვერ გადაეწყვიტა. მერე წამოღვა და გაიცინა:

— ნუნუშკა, გინდა შენს ქმარს ჩავაგზავნი სიგარეტზე?!

— უფურე, რა თავდაჯერებულია! — ჩაიცინა ნუნუმ, — უცებ არ ჩაგვგზავნოს!

ლევანმაც რაღაცნაირად ჩაიცინა და ოთახიდან გავიდა.

ნუნუც წამოღვა. უკან მიჰყვა. მეც ავდექი. ჯერ დავაპირე, ზარდახშისთვის თავი დამეხურა. მერე გადავიფიქრე, მხოლოდ გასვლისას კარი მჭიდროდ მივხურე — მახსოვდა, გაფრთხილება, რომ სიტყვების გაშლილ სივრცეში გამოშვება მიზანშეწონილი არ იყო; კარი მივხურე და სიტყვები ჩაკეტილ ოთახში დარჩნენ. იქ ტრიალებდნენ, ოთახის სრულ სიცარიელეში.

სასტუმრო ოთახში თანამეინახენი ისევ ხალისიანად საუბრობდნენ. ლევანის დედა და თათუნა თავისთვის მიმსხდარიყვნენ სუფრის განაპირას. წინ ყავის ჭიქები ედგათ. ვინეგრეტის სახიანი კეთილი ძია თამაზი ხმამაღლა ყვებოდა რაღაც ამბავს.

— ძია თამაზ, გავიგე, იმ დღეს მამაჩემს პოკერში გაუნადგურებიახართ!

თამაზმა თხრობა შეწყვიტა და ლევანს ცერად გადმოხედა:

— ეგ ვინ ვითხრა?

— მამაჩემმა და გიზომ მითხრეს.

— შენც, ადექი და დაიჯერე, არა?!

— არ ვიჯერებდი, მაგრამ დამაჯერეს, — თქვა ლევანმა.

ძია თამაზმა ახლა მეგობარს გადახედდა:

— ბენო, შენი გასანადგურებელი, და თანაც პოკერში? ეექს! სად არის, იცი? — და ხელი ჩაიქნია.

— რა იყო! ეხლა არ თქვი, არ წამიგიაო! — წარბები აზიდა ლევანის მამამ.

— წაგებით ვის არ წაუგია. მაგრამ განადგურება? ბიჭო, პოკერში შენ და გიზოია მე გამანადგურებთ?! — ჩაიცინა ძია თამაზმა, რაზედაც ძია ბენომ მიუგო:

— განადგურება არ იყო, რაც იმ დღეს შენ და გიზოს დაგმართეთ!

— რა განადგურება, თუ ძმა ხარ! სანამ კარე მოგივიდოდა, თანაბრად არ ვიყავით?!

— კარეს მოსვლის მერე?! — მოუჭრა ძია ბენომ.

— კარეს მოსვლის მერე გიზომ გააფუჭა თამაში.

— კი ერთი, გიზომ არა! სლაბები ხართ ერთიც და მეორეც! მორჩა!

— ჩემთვის მოგცა ვერე და ვნახავდით, ვინ არის სლაბი! — თქვა ძია თამაზმა.

— ხომ მოგცა სამჯერ ცვეტი!

— ორჯერ მომცა, და ისიც კარტი დამიყარეთ!

— აბა შენ რა გინდა, ძმაო, გამოგვლოდი? უნდა იცოდე თამაში, სადაც დასაყრელია, უნდა დაყარო! თმა რომ გაქვს თავზე ეგ კი არ არის საკმარისი! — თქვა ბენო ბიძიამ და მელოტ თავზე გადაისვა ხელი.

ნუნუშკა თავის ქმარს მიუახლოვდა (იგი დუნედ გადაწოლილიყო სკამის საზურგეზე და მოკამათებებს არც კი უსმენდა), კოლოფიდან სიგარეტი ამოიღო, მერე ტანის რჩევით შემოუარა მაგიდას და ქალებს მიუჯდა.

ლევანი ორ მოკამათე კაცს ზურგს უკან გამგრა, მათ გვერდი აუარა, როგორც ორ კლდეს, და აივანზე გავიდა. მალე ისევ უკან შემობრუნდა.

— გურამ, მგონი შენი მანქანა კივის! — — მიმართა გურამს.

გურამი გამოცოცხლდა:

— რა იყო?

— მგონი მანქანა კივის.

გურამი წამოხტა, აივანზე გავიდა და სწრაფად შემობრუნდა.

— რა იყო, გურამ? — სერიოზული სახით იკითხა ბენო ბიძიამ.

— სიგნალიზაცია ჩართულა. ეზოს პაცნები ახლებდნენ ხელს, — გურამმა მიმოიხედა და დაამატა: — ჩავალ, დავხედავ, ნუნუ, მომე გასაღები!

— ჩანთაშია, — მიუგო ნუნუმ.

— გურამ, მაინც მანქანა უნდა გააღო,

ბარემ სიგარეტი ამოიტანე, რა! — მიმართა ლევანმა.

— აგერ არ არის სიგარეტი?

— ამას ვერ ვეწევი.

— მეც ასეთი მაქვს, სხვა კი არა, — მიუგო გურამმა.

— არა უშავს, მაინც წამოიღე.

ძია ბენომ შვილს მწყრალად გადახედდა:

— რას ნიშნავს, ბიჭო, არა უშავს! — აგერა გაქვს სიგარეტი და მოწიე! გურამს რაღაზე აწუხებ!

— თუ არა გაქვს, ნუ ამოიტანი! — მიუბრუნდა ლევანი გურამს.

გურამი კიბეზე დაეშვა.

მე და ლევანი ისევ ოთახში შეებრუნდით. ბოლო მე შევედი და კარი მჭიდროდ მივიხურე. — სიტყვები უმიზნოდ ლილეივებდნენ ჰაერში.

ლევანი სავარძელში ჩაეშვა, საიდანაც პაპიროსის კოლოფი ამოაძვრინა და ტარიანები ამოყარა. მერე კამზოლის ჯიბიდან ჰაშიშის პატარა ბურთი ამოიღო.

— არ გავაბოლოთ თითო? — მკითხა.

— არ მინდა. ღვინო მაქვს დალუული. ლევანმა ბურთი დაფხვნა და შეკეთება დაიწყო.

კარი გაიღო.

ნუნუ შემოვიდა.

— კარი მიხურე, სიტყვები არ გაგვიფრინდნენ, — თავუღებლად მიმართა ლევანმა.

ნუნუ ტანის ოდნავი რხევით მოგვიახლოვდა და სავარძელში მოკალათდა.

— რას შვრები?

— პლანს ვაკეთებ.

— ჰმ!..

— ჰა, არ ამოვიდა შენი ქმარი? — ჰკითხა ლევანმა.

— ამოვიდა, — თქვა ნუნუმ, — პოკერის თამაში დაიწყო.

— ამოიტანა სიგარეტი? — უზრუნველი სახით იკითხა ლევანმა, თან შეკეთებას განაგრძნობდა.

ნუნუმ წამით მე გადმომხედა. წარბები შეჭმუნნა და თქვა:

— სიგნალიზაცია როგორ ჩართე?!

— სიტყვით, — ამაყად განაცხადა ლევანმა პაპიროსი ააფეთქა და ღრმად მოქაჩა.

— როგორ! — შიშით წარმოთქვი მე — სიტყვა გარეთ გაუშვი?

— ჰო, რა იყო, რამ შეგაშინა.

— იმან რომ, დაგავიწყდა, რა გითხრეს კანტორაში? ეხლა ჯარიმას გადაგახდევინებენ.

ლევანმა ამრეხით გადმოხედა.

— დიდი ამბავი! ცოტა ხომ უნდა გავერთოთ! აბა, ისე რად მინდა ეს სიტყვები, არ იცით, რა სიტყვა გავუშვი? — თქვა და ეშმაკურად გადმოკვებდა.

— რა?

— „სიგნალიზაცია“! — თქვა ლევანმა და უხმო სიცილით ჩაბჟირდა.

ნუნუმ ოდნავ ჩაიცინა, სიგარეტი ჩააქრო.

— ლევან, მიდი რა, კიდეც რამე გააკეთე!

ლევანმა მე გადმომხედა:

— მოდი, ეხლა ზაზამ გააკეთოს რამე. ჰა? რას იტყვი, ზაზა?

მე მორცხვად ავიჩიჩე მხრები.

ლევანი კი ისევ ნუნუს მიუბრუნდა:

— იცი, რა მაგრა იცის სიტყვები?!

ოლონდ მართო ის სიტყვები იცის, რაც წიგნში წაუკითხავს. ერთადერთი კაცია, ვინც სიტყვების ცოდნაში შემეჯობრება.

— ჰოო? — უინტერესოდ თქვა ნუნუმ.

ცოტა არ იყოს, გავბრაზდი და გადაეწყვიტე რამე მართლა შემექმნა. თანაც — არა ნასწავლი, არამედ ჩემი და დამოუკიდებელი.

— მე მართო ლიტერატურული სიტყვები ვიცი, — მაინც დავიზღვიე თავი.

— მიდი, მერე, რამე გააკეთე, — თქვა ლევანმა.

მე წამით დაფიქრდი, მერე ჩემს წინ მოლივლივე სიტყვებს დაეწედი და კონსტრუირება დაეიწყო:

მიწურვილ იყო ზაფხული, ქვეყნით ამოსვლა მწვანისა, ვარდის ფურცლობის ნიშანი, დრო მათის პაემანისა, ეტლის ცვალება მზისაგან, შეჯდომა სარატანისა,

სულთქნა რა ნახა ყვაილნი მან
უნახავმან ხანისა,
აგრავინდა ცა და ღრუბელნი ცროდეს
ბროლისა ცვართა...

აქ გაიჭვლე, — ტექსტი აღარ მახსოვდა. მაგრამ ის, რაც უკვე შევქმენი, თვალწარმტაცი სილამაზის ხომალად ეკიდა ჩემს წინაშე.

— ეს რა არის? — იკითხა ლევანმა.

— ვეფხისტყაოსანია!

— საინტერესოა, — თქვა ნუნუმ.

— ეს ის მომენტი, როდესაც ავთანდილი გაიგებს ნესტანის ადგილსამყოფელს და გახარებული უკან ბრუნდება, — ვთქვი მე. — ტექსტი აქ ზეპირად აღარ მახსოვს. წარმოიდგინეთ, აი, ამ ბაღნარში თეთრ ცხენს მოაჭენებს თეთრად მოსილი რაინდი.

— მაგას ჩვენ კი ნუ გვეუბნები, შექმენი! — მითხრა ლევანმა.

— ტექსტი ზეპირად აღარ მახსოვს... დაახლოებით ასე: — ავიღე და შევქმენი რამდენიმე სურათი, — აქ იყო თეთრი ცხენი... უფრო სწორად, — თეთრი ტაიფი და მასზე მჯდარი გაბრწყინებული ავთანდილი.

— რა საინტერესოა, — უინტერესოდ ჩაილაპარაკა ნუნუმ.

მე ჩავახველე და ჯიუტად განვაგრძე სავარძელში ჯდომა.

ლევანი ჩემს ქმნილებას დააკვირდა.

— რაღაც, ზიჩის ნახატს მაკონებს, — მითხრა მან, და მეც, ჩემდა გასაკვირად, დაეინახე, რომ მართლაც ძალიან ჰგავდა.

— ჰმ... ჰო... რა ვიცი... როგორც ჩანს, ეგ ნახატი არაცნობიერად თვალწინ მედგა, — ვთქვი უხერხულად.

— მიდი, კიდევ რამე სცადე. ნუ ხარ შებოჭილი!

წამით დაფიქრდი და დავიწყე:

კარვის კალთა ჩახლართული ჩაჭრა,
ჩააკარბაკა,

ყრმასა ფერხთით მოეკიდა, თავი

სვეტსა შეუტაკა...

მაგრამ წამსვე შეეწყვიტე და შეეძახე:

— არა! არა! ეს არა! პირველი პირი

არ მემორჩილება! სხვა რამეს მოვიგონებ!

— მიდი, მიდი, — თქვა ლევანმა. — ისე, რომელ სვეტებზე გქონდა ლაპარაკი? — ორაზროვნად მკითხა მან.

— ჰმ, ჰმ. აქ ლაპარაკია იმაზე, რომ ნესტან-დარეჯანმა ტარიელს საქმრო მოაკვლევინა, — დავიწყე და დავდუმი: უცერად ვიგრძენი, რომ ჩემი ლაპარაკიც, რაღაც ჩემგან დამოუკიდებელი, აუხსნელი მიზეზის გამო ორაზროვნა გამოდიოდა.

ლევანი ღრმად ჩაფიქრდა. მერე მკითხა:

— საქმრო რატომ მოაკვლევინა?

— იმიტომ რომ, ნესტანს ტარიელი უყვარდა. მშობლები კი სხვაზე ათხოვებდნენ, — განვმარტე.

— ფუ, რა კომმარია! — ჩაილაპარაკა ლევანმა და ისევ რაღაცაზე ჩაფიქრდა.

— თქვენ ვეფხისტყაოსნის სპეციალისტი ხართ? — მკითხა ნუნუმ რაღაცნაირი სინარნარით.

— არა, როგორ გეკადრებათ. უბრალოდ, რაღაც ადგილები ძალიან მიყვარს, — ვთქვი უხერხულად.

წამით სინუმე ჩამოვარდა.

მე ისევ ამოუვრიე სიტყვებს ხელი და დავიწყე:

დავარ თქვა — მქმნელი ამისი ვინ არ დაჰქროლოს, ვინ არ და...

დანა დაცა, მოცაკვდა, დაცა,
გასისხლმდინარდა...

— ფუ, რა კომმარია, — ყრუდ ჩაილაპარაკა ლევანმა.

ნუნუმ ჩემს ნამოქმედარს მხოლოდ ზერელედ შეავლო თვალი.

და უცებ ვიგრძენი, რომ მთელი „ვეფხისტყაოსანი“ რაღაც უმნიშვნელო, უაზრო და უბადრუკი ქმნილება იყო. ან იქნებ „ვეფხისტყაოსანი“ კი არ იყო უბადრუკი, არამედ ის „ვეფხისტყაოსანი“, რომელიც ჩემს ცნობიერებაში ირეკლებოდა?

რაღაცნაირი, მრუმე სინუმე ჩამოვარდა.

მერე ლევანმა შესძახა:

— რა ვააჭირე საქმე ამ სისხლიანი სცენებით. მიდი რა, შენ თვითონ მოიფიქრე რამე, შეეშვი ამ კლასიკურ ლიტერატურას!

— კარგი, კარგი, ეხლავე, — მიუვუებ მე. — მართლა ცოტა ნაღვლიანი გამომივიდა, უფრო ცოცხალ რამეს ვცდი!

მერე წამით დაფიქრდი — მინდოდა რაიმე ცხოვრებისეული დეტალი აღმედგინა. გამაძსენდა ჩემი ალბინიდაზე ყოფნა, ხევსურეთი, სნოს ხეობაში ლაშქრობა — იქ თამუნაც იყო. — და იმედთანად დავაპირე დამეწყო, მაგრამ სიტყვა „მე“ ისევ ვერსად აღმოვაჩინე და სხვანაირად შეუუღექი:

„ოთარმა ზურგნანთა მოიხსნა, ბილიკის განაპირას, ლოდზე დაღო. ბათინკის თასმა შეხსნოდა. დაიხარა. თასმა მჭიდროდ შეიკრა და მის უკან მოძავალ თამრიკოს შეხედა.

— დაილაღე?

— დავილაღე! — თამრიკოც მის გვერდზე შედგა.

— შემდეგ ბანაკამდე ავიდეთ და იქ დავისვენოთ. ბიჭები, ალბათ, უკვე გველოდებიან.

თამრიკომ შორეულ მწვერვალებს მოავლო თვალი. მის წინ გადაშლილიყო ხდის ხეობის პირქუში მწვერვალები. თოვლი ერთფეროვნად ბრწყინავდა მზის სინათლეზე და ეს დაუსრულებელი, უგულო პეიზაჟი სასოწარკვეთილებით აესებდა ქალიშვილს.

— ოთარ! შეშინია! — წარმოთქვა მან.

— რისი გეშინია?

— არ ვიცი...“

აქ გავიჭედე. ვერაფრით წარმოვიდგინე, რისი უნდა შინებოდა თამრიკოს, ამ მრავალნაცად ალბინისტს. უმწეოდ გადავხედე ნუნუს და ლევანს. ისინი ინტერესით მადევნებდნენ თვალს — თითქოს რაღაც არნახულს ვაკეთებდი.

— მიდი, მიდი, განაგრძე! — შემაგულიანა ლევანმა.

— რაღაც არ ებმება.

— ისე, თუ საიდუმლო არ არის, ეს ოთარი ვინ ოხერია? — მკითხა ლევანმა.

— რა ვიცი. უბრალოდ, პერსონაჟია. პირველ პირში, რაღაც, არ გამოძის. ლევანმა წარბები აწია:

— პირში რაღაც ამოვდის? — მკითხა სერიოზულად.

— პირველ პირში არ გამოძის შეთხზვა. ამიტომ გმირს ოთარი ვუწოდე.

— აჰა, გასაგებია. სინამდვილეში შენა ხარ, არა?!

— როგორ ვითხრა... ნაწილობრივ, ცხადია, მე თვითონა ვარ. მაგრამ, გარკვეულწილად, გამოვონილი პერსონაჟია.

— თამრიკო?

— თამრიკოც ასევე.

— რატომ აღარ აგრძელებ?

— ცოტა დაფიქრება მჭირდება. ასე იოლი კი არ არის.

— იფიქრე, ნუ გერიდება, — ლევანმა პაპიროსი მოქაჩა.

ხელები ავწიე და თხზვა განვაგრძე:

„ოთარმა სივარეტი ამოიღო. მაშინაღწერად მიიტანა პირთან. მერე თავის თავზე გაეცინა — სამიათას ხუთასი მეტრის მიჯნაზე თამბაქო?! თუმცა თევგადაკლული მწვეველი იყო, ახლა მაინც არ ივარგებდა მოწვევა. თამრიკოს გადაჰხედა. ქალიშვილი გაფართოებული თვალებით შემოსცქეროდა.

— ოთარ. რას შერები. სივარეტის მოწვევას აპირებ?!

ოთარს გაეცინა. სივარეტი მოისროლა. ღერი მსუბუქად ჩაეფლო თოვლში და პატარა თეთრი ნაჭდევი დატოვა.

— საერთოდ, კაცები ძალიან ბევრს ეწვეიან, არა?

— ჰო, ძალიან ბევრს. მეც ძალიან ბევრს ვეწვოდი, განსაკუთრებით, როცა ჯარში ვიყავი. იქ თუთუნს გაზეთის ქალაღღში ვაზხვევდით და ისე ვეწვოდით ბიჭები.

— ოჰ, ალბათ, რა საშინელია ჯარში ყოფნა.

— იცი, ერთის მხრივ, რა თქმა უნდა, საშინელება იყო, მაგრამ მეორე მხრივ, ჯარშიც არის თავისებური რომანტიკა. ისევე, როგორც მთაში. მთა, ჯარი და ციხე — ეს სამია ადამიანის ჭკუშმარტი

გამოცდის ადგილი. აქ ებრძოლება და ამარცხებს ადამიანი საკუთარ თავს!

თამრიკოს თვალები გაუფართოვდა.

— შენ ციხეშიც მჯდარხარ, ოთარ?!

— არა!

მზე დასავლეთისკენ გადაწვერილიყო. მთის მწვერვალებს კვერცხისგულისფერად მოსდებოდა ელვარე სხივები. საღდაც შორს და დაბლა, ხეობებს შორის დაფრინავდა ერთადერთი ქორი. ოთარმა ბილიკს გახედა.

— წავიდე, თამრიკო, თორემ, ბანაკამდე კიდევ სამი კილომეტრი დავგრჩა. ადგილიდან დაიძრნენ. ოთარმა იგრძნო — ბათინკის თასმა შეხსნოდა. შეჩარდა. დაიხარა. თასმა მჭიდროდ შეიკრა“...

— რაღაც ძალიან ბევრჯერ შეეხსნა ეგ თასმა! — ყრუ ხმით მითხრა ლევანმა.

შევცბო.

— ჰო, ეს მგონი უკვე ვთქვი! — ჩავილაპარაკე მობოდიშებით. — ისე, მგონი საკმარისია. მერეც დაახლოებით ასე გრძელდება ეს ამბავი.

ვთქვი, და ლევანსა და ნუნუს გადავხედე: ეს მთლად მართალი არ იყო — მინდოდა ცოტა კიდევ გამეგრძელებინა თხრობა და იმ დრამატულ სულიერ კოლიზიამდე მივსულიყავი, სადაც ოთარი გახელებული შეებმება თავის თავს, მაგრამ ვეღარ გავრისკე.

ლევანმა გაიზმორა და გაიცინა.

— რამე, უფრო საინტერესო არ იქნება?

— უფრო საინტერესო რაღა გინდა? — ვთქვი გაცბუნებულმა.

— რამე არ უნდა მოხდეს?

— რა უნდა მოხდეს ამ უბადრუკ ქვეყანაში?!

— აი, მაგალითად, ოთარმა რომ თამრიკოს აკოცოს, ამით რა დაშავდება?

— არაფერიც არ დაშავდება — ყოყმანით მივუვკე, — მაგრამ ეგ ვითომ რა საინტერესო იქნება?!

— შენ რაღაცას იტყუილები, ზო იცი!

— არაფერსაც არ ვიტყუილები!

— აბა, რატო არ კოცნი?

— რატომ უნდა ვაკოცო?! — შევძახე მე.

— იმიტომ რომ, ლამაზი ქალია. რა, არ გინდა? — ლევანმა გამომცდელად შემომხედა.

— რატომაც არ მინდა. მაგრამ ამჟამად მაგის სიტუაცია არ არის.

ლევანს ჩაეცინა.

— რატომ?

— რა რატომ?!

— რატომ არ არის მაგის სიტუაცია?

— იმიტომ, რომ სამიათას ხუთასი მეტრის მიჯნაზე არიან, თოვლში.

— მერე თოვლში ქალის მოხვევნას რა სჯობია?! — თქვა ლევანმა.

მე წამით დავიბენი. მერე გამოვძებნე:

— კი ბატონო... მოეხვიოს თუ ასე გინდა.

ხელი ავწიე და გამოვსახე:

„ოთარი თამრიკოს მიუახლოვდა და თვალებში ჩახედა. ქალიშვილი უძრავად იდგა. მიმნდობი მზერით უყურებდა ვაჟს. ოთარმა ხელი ნელა ასწია. ლოყაზე ჩამოუსვა თამრიკოს.“

— რას შვრები, ოთარ! — დაიჩურჩულა ქალიშვილმა.

— შენ ლამაზი თვალები გაქვს, თამრიკო!

— არა მაქვს ლამაზი თვალები? — თამრიკომ ტუჩები გაბუტულად დააწყო.

— კი, შენ ძალიან ლამაზი თვალები გაქვს, თამრიკო. შენი თვალები მე მაგონებს მთვარის შუქით განათებულ კამკამა ტბებს.

ოთარმა ქალიშვილს წელზე ხელი შემოხვია და ახლოს მიიზიდა.

— ოჰ, რა ღონიერი ხარ, ოთარ!

— შენ კი რა ნაზი ხარ!

— არა ვარ ნაზი, — თამრიკომ ტუჩები გაბუსხა.

— მე კი გეუბნები, რომ ნაზი ხარ, — ოთარმა მძლავრად მიიზიდა ქალიშვილი.

— არ მატკინო, ოთარ!

— ნუ გეშინია!

— მეშინია, ოთარ!

— რისა გეშინია?

— არ ვიცი...“

აქ ისევ გამეჭვდა. ვერა და ვერ მოვიფიქრე, მაინც რის შეიძლებოდა შინებოდა თამრიკოს. ხელი ნელა ავწიე და ყოყმანით გავიმეორე:

— „ნუ გეშინია, თამრიკო!

— აღარ მეშინია, ოთარი!“...

— ეს რა აბაღუბდაა?! — მკითხა ლევანმა.

— რა ვიცი, რატომღაც გავიჭედე! — ვთქვი შეცბუნებულმა და ნუნუს გადახედე. მას, რატომღაც, ჩაეცინა.

ლევანმაც გაიცინა:

— რას მიელმოდებო, ჯიგარო. პირდაპირ თქვი, რასაც ფიქრობ!

— პირდაპირ ვამბობ, აბა რა, მეტი რა გინდა? — მივუგე მე.

— ეგ რა პირდაპირ თქმაა! მოდი, თუ გინდა, მე გავაგრძელებ.

— გააგრძელე, კი ბატონო! — ვთქვი და სავარძლის საზურგეს ვაღმომხიდი სახით მივესვენე.

ლევანიც სავარძლის საზურგეზე გადაწვა და მის წინ სწრაფად დატრიალდნენ სიტყვები — იგი უკვე ვირტუოზულად ფლობდა მართვის უნარს.

— შენს სტილში გვაგაგრძელებ, — თქვა ლევანმა და დაიწყო:

— „მეშინია, ოთარი!

— რისა გეშინია. თამრიკო?

— იმის, რომ მართო დაერჩები.

(ჩამეცინა).

— მე შენ არ დაგტოვებ, თამრიკო! — უთხრა ოთარმა და მისი სახე ხელებს შორის მოიქცია.

— ყველა ადამიანი მართო რჩება საბოლოოდ, — თქვა თამრიკომ.

ოთარმა გაიცინა:

— ასე გგონია?

— ჰო, ასე მგონია.

ოთარმა თავი დახარა და თამრიკოს შეციებულ ღვინისფერ ტუჩებზე დაეწაფა. დიდხანს ჰკოცნიდა. მერე თავი ასწია და ჰკითხა:

— ეხლაც ასე გგონია?

თამრიკომ უხმოდ დაუქნია თავი.

მათ ირგვლივ გამეფებულიყო თეთრი მღუმარება.

მაშინ ოთარმა ფრთხილად აიყვანა

თამრიკო და თოვლზე დააწვინა... არა, თოვლზე ციოდა... ოთარმა თამრიკო წაიყვანა განმარტოებით მდგარ მიტოვებულ ქოხისკენ. კარი ჭრიალით გაიღო. ქალ-ვაჟი ქოხში შევიდა. კარი მიხურეს. იქ სითბო იყო. ბუხარი ენთო. კუთხეში დათვის ტყავები იყო გაშლილი.

ოთარმა დათვის ტყავზე დააწვინა ქალიშვილი და თვითონაც დაწვა. ქურთუკი გაუხსნა. ტანსაცმელი გადაუღებდა.

— თამრიკო, რატომ გაქვს ასეთი დიდი ტუჩები? — ჰკითხა ოთარმა და ტუჩებში აკოცა.

— იმიტომ, რომ კარგად გაკოცო, — დაიწურჩულა თამრიკომ.

— თამრიკო, რატომ გაქვს ასეთი მაღალი მკერდი? — ოთარის ხელი თამრიკოს ძუძუებს მისწვდა და მოუსრისა.

— ოჰ, იმიტომ, რომ ბევრი რძე მქონდეს და ათასობით შვილს ვაწოვო ძუძუ, — ამოიოხრა თამრიკომ.

— თამრიკო, რატომ გაქვს ასეთი რბილი მუცელი? — ოთარის ხელი ქალის მუცელზე ჩაესურდა, მოეფერა და ქამრის შეხსნა დაუწყო.

— იმიტომ, რომ კარგად მომეფერო. კაცის თითებმა ქამარი შეუხსნა, კაბა ფეხებზე ჩაუცურა.

— თამრიკო, რატომ გაქვს ასეთი მოქნილი ბარძაყები? — კაცმა ბარძაყები მოუსრისა.

— ოჰ, იმიტომ, რომ, ცხენს მოვახტე და მთელი დღეები ვაჯირითო, — თქვა ქალმა“...

— ეს რა უბედურებაა! — მკაცრად შევძახე მე.

— მაცალე. ცოტა მეტი ეროტიკა, — საქმიანად შენიშნა ლევანმა და განავრძო:

— „თამრიკო, რატომ გაქვს ასეთი ნაზი კანი? — ოთარმა ხელი ფეხებს შორის შეუცურა და ფეხები გადაშლევინა. ქალის თხელი ბარძაყები მისი ხელისგულის ქვეშ ასრიალდნენ. ოთარმა მეორე ხელი მის გაშლილ თმაში შეაცურა და გახსნილ ტუჩებზე დაეწაფა. ქალი უფრო და უფრო ეხვეოდა კაცს და მთელი სხეულით თრთოდა. ოთარის

ხელი მისწვდა თამრიკოს ბიკინებს და შიგ ჩასრიალდა. ქალმა მიხნედილი ხმით დაიკენესა“...

— ჰა, როგორია?! — მკითხა ლევანმა.

მე ყურებაძლე გაწითლებული ვიჯექი და ვცდილობდი ნუნუსკენ არ გამეხედა.

— რამ გაგაწითლა? — მკითხა ლევანმა, — მონარშული კიბო ხომ არა ხარ?

ჩავახველე და შევძახე:

— ეს რა არის! ჩემი მოთხრობა ასე არ გრძელდებოდა!

— რატო, ეს უფრო საინტერესო არ არის, ვიდრე გაუთავებლად შურეოკის გახსნა და შეკერა?

— არა! — ვთქვი ჯიუტად.

— კარგი, მაშინ შენ თვითონ მითხარი, როგორ გინდა და ისე გაეაგრძელებ, — შემთავაზა ლევანმა.

ისევ ჩავახველე:

— ჩემთვის სულ ერთია. როგორც გინდა ისე გააგრძელე. ეგ ჩემი მოთხრობა აღარ არის.

— ჰა, — მაქეზებდა ლევანი, — მიდი, შეკვეთა მომეცი და აქვე გამოვიცხო.

მე არ ვუპასუხე.

— გესმის, ნუნუშკა. ეხლა ზაზა შეკვეთას მომცემს და აქვე ოსტატურად შევასრულებ. მიდი, მოიფიქრე, რა გინდა!

არ ვუპასუხე. რადგან ვერ წარმომედგინა, რა შეკვეთა უნდა მიმეცა.

— ჰა, რამ დაგამუნჯა, ამოიღე ხმა. ნებისმიერ დაკვეთას ვასრულებ.

ისევ არ ვუპასუხე.

— აბა, დავიწყეთ. „ზაზას დაკვეთა“, ასე დავარქვათ, — თქვა ლევანმა.

მე უხმოდ გავაბოლე სივარტი.

— დავიწყე. „ზაზას დაკვეთა“, „იმპრესიონისტული ჩანახატი“, — განაცხადა ლევანმა. მის წინ სწრაფად დაიწვეს თავმოყრა სიტყვებმა.

მალე მზად იყო.

დაეხედე — ეს იყო „ზაზას დაკვეთა“.

ანუ, ესე იგი, ჩემი დაკვეთა. ამ არამზადას სიტყვებისგან შევექმენი მე. ეს „მე“ ორი წვეთი წყალივით მგავდა. იგი პირქვე გართხმული იწვა საყასბო დახლზე — ხელები ტანის გასწვრივ, ფეხე-

ბი შეტყუებული და გაჭიმული, თვალები მკვდარი და პლასტმასისფრად გახელილი... და უზარმაზარი ბრტყელი ნაჯახი ასო-ასოდ კვეთდა მას, როგორც რამ ბურეაკს ან ძეხვს. დაკვეთა მალე დასრულდა. და იწვა ეს უბედური, როგორც დაფასობებული საქონელი. მთელს სიგრძეზე რამდენიმე დიდ ნაჭრად იყო დაკვეთილი, — ერთ ნაჭერს შეადგენდა თავი და კისერი, მეორეს — მხრები და გულ-მკერდის ზედა ნაწილი, მესამე — მუცელი და მასზე მიტყუებული მკლავების ტაკვები, მეოთხე — მაღლა აზიდული ღუნდულები და ხელის მტკვნები მაჯვებითურთ, მეხუთე — ბარძაყები, მეექვსე — წვივები, მეშვიდე ტერფები და ასე შემდეგ... (თუმცა, მეტი რა-ღაა).

გამეცინა.

— ოჰ, შე ნაძირალა! — შევძახე.

— დაიცა, ჯერ არ დამიმთავრებია!

ლევანმა განაგრძო:

შეცრად ამ გვაშიდან, ბაზრის მქისე დახლზე გართხმული ამ დაკვეთილი ხორციდან საშინელი კივილით ამოიჭრა მოწითალო ალი — ეს იყო მისი სული, რომელიც აქ, ჩვენს თვალწინ ტოვებდა თავისსავე დაკვეთილ სხეულს. სულს თან აღამიანის სახე ჰქონდა, და თან აღარც ჰქონდა, პირი უხმო კივილში დაელო და გადმოკარკლულ თვალებში ჩასდგომოდა საშინელება. იგი მიჭქოდა სადღაც, უკან და მაღლა, სასაფლაოს ბნელი ნაძვების მიმართულებით, სადაც ღრუბლებში ეკიდა გატრეცილი და ლაყი კვერცივივით თოხლო მთვარე. სასაფლაოს მკვდარ სიჩუმეში იწვა ჩემი დაკვეთილი გვამი და უკანა მხრიდან, სიბნელიდან, მისკენ მოიწვედა უზარმაზარი, ღორივით გასუქებული თეთრი ვირთხა. ვირთხას კბილები საზარელ დიმილში დაეკრიჭა და მის ბურთისებრ სხეულში გამოსჭვიოდა დაუსრულებელი სისასტაქე, ტკობა და კმაყოფილება.

— ესეც ასე, „ზაზას დაკვეთა“ დამთავრებულია, — თქვა ლევანმა, თავისი

შედგერი ჰაერში დაუდევრად აუშვა და ნუნუს მიუბრუნდა:

— ნუნუსკა, შენც დამიკვეთე რამე, არ გინდა?

— მადლობელი ვარ, — მშვიდად თქვა ნუნუსი.

— რა იყო, ეროტიკა არ მოგეწონა თუ უყასი?

— არც ერთი და არც მეორე.

— აბა, რა გინდა?

— შენც კარგად იცი.

— მაინც?

— რამე, უფრო აქტუალური, — თქვა ნუნუსი.

— მერე შენმა ქმარმა რომ წაგვასწროს აქტზე? — ირონიული სიცილით ჰკითხა ლევანმა.

ნუნუსი რაღაც უცნაური მხერით უპასუხა.

მოულოდნელად სიტყვების მთელი ფლოტილია ჰაერში აიჭრა და ნუნუსსკენ გაექანა. სიტყვები ერთდებოდნენ უზარმაზარ არსებებად და გარშემო ეხვეოდნენ ქალს. ნუნუსი ხელებით სცადა მათი მოგერიება. ამაოდ. უზარმაზარ ქმნილებათა საცეცები ყოველი მხრიდან შემოეხვია და უეცრად ჰაერში აიტაცა. ნუნუსი შეჰკივლა.

— ფრთხილად, ლევან!

ლევანმა კმაყოფილი სახით შეხედა და უეცრად ნუნუსი ჭერისკენ გაქანდა. მანათობელი სიტყვები მის გარშემო კომეტებისვით დაჰქროდნენ.

— ჩამომიყვანე! — შეჰკივლა ნუნუსი.

სიტყვები უარესი ძალით დატრიალდნენ.

— ჩამომიყვანე, ლევან! მეშინია! — დაიყვირა ნუნუსი.

— რისი გეშინია, ნუნუსკა? — ჰკითხა ლევანმა და ირონიულად გადმომხედა.

— მეშინია, დავეცემი! — შესძახა ნუნუსი და, ვფიცავ, ამ სიტყვებშიც რაღაც ორაზროვნება დავიჭირე. მაგრამ ამაზე აღარ მიფიქრია. აღარც ოთარი და თამარიკო მახსოვდა.

— ჩამოსვი, არ ჩამოვარდეს! — შეშფოთებით წამოვიძახე.

ლევანმა გაიცინა, და მოულოდნელად

თვითონაც, სიტყვების ფრთებით ატაცებული, ჰაერში აფრინდა.

რამდენიმე წუთს ისინი ერთმანეთის პირისპირ ტრიალებდნენ სიტყვის ღრუბლებში გახვეულები, როგორც ლიფსიტების ლაშქრით გარშემორტყმული ორი უზარმაზარი ნათელთევზა. მე სავარძელში ვიჯექი, როგორც უზარმაზარი ბრტყელი მეღუზა, თვალები ზემოთკენ მქონდა აკუსული და ხელებს — საცეცებს — უაზროდ ვამომრავებდი.

ნუნუსი შეჰკივლა და ლევანისკენ გაიწოდა ხელები.

ლევანმაც გაიწოდა ხელები. მაგრამ ჩასჭიდა.

— ნუ გეშინია! — იცინოდა იგი.

— მეშინია, ჩამომსვი! — იცინოდა ნუნუსი და მათს ბედნიერებას, როგორც იტყვიან, საზღვარი არ ჰქონდა.

მცირე ხანს ასე, ხელჩაკიდებულნი ლივლივებდნენ ჰაერში.

— ნუნუსკაა! — ჩუმი ყვირილით, როგორც შორიდან, დაუძახა ლევანმა.

— ლევანწოლო!.. — ასეთივე ჩუმი ყვირილით გამოსძახა ნუნუსი, — სიტყვება მსუბუქად მიაქროლებდნენ მის მოქნილ სხეულს კარისკენ. მე შტერივით გავაყოლე თვალი.

სიტყვებმა ნუნუსი შემოსასვლელ კართან კედელზე მიაკრეს — ზემოთ, იატაკიდან კარგა მოშორებით.

— ჩამომიყვანე, ლევან!

სიტყვებმა ნუნუსი ხელები აქეთ-იქით აუწიეს. იგი უღონოდ ემორჩილებოდა და მხოლოდ უცნაურად იცინოდა — თან თითქოს ქვითინებდა, როგორც კინობშია ხოლმე. ახლა იგი ვეარზე მიღურსმულივით აკვროდა კედელს: თმა ჩამოემალა, აეწეწა. სიტყვების გველებმა მის სხეულზე დაიწყეს სრიალი და ფათური.

— გეყოფა, ლევან!

— ღონ ჯოვანი დამიძახე! — შეჰკვირა ლევანმა. იგი ისევ ოთახის ცენტრში ფრენდა სიტყვების ფრთებით.

აქ დაიწყო რაღაც უცნაური ბრძოლა — ნუნუსი ცდილობდა ხელებით საკუთარ სხეულს მისწვდომოდა, რათა როგორმე შეეჩერებინა სიტყვების თავა-

შეხვეული ფათური, სიტყვები კი მას ყელზე ეხვეოდნენ, როგორც ლიანები, საკინძეში უძვრებოდნენ, მუხლებზე ელამუნებოდნენ. წამით მომეჩვენა, რომ იგი ჰკავდა მდინარეში ჩაძირულ ქალიშვილს, რომელმაც ეს-ესაა ფეხებზე ქვა გამოიბა და თავი დაიხრჩო. მის ირგვლივ წყალმცენარეები ირწყვიან, სხეულზე ეხვევიან, მისი თმა წყალში გაშლილა, ირგვლივ გამეფებულა წყლის მრუმე და მანათობელი მწვანე.

— ლევან, ჩამოსვი-მეთქი! — დაიყვირა ქანცმიხდილმა ნუნუმ. იგი უკვე აღარ იბრძოდა. ველარ ერეოდა სიტყვების ახალ და ახალ ჭკვლებს და სიცილის ისტერიულ შემოტყვევს.

— ჩამოსვი, ლევან! — შეეყვირე მეც. — ლევან, ჩამოსვი, მარტო არა ვართ! და ამ დროს კარს მიღმიდან ხმა გაისმა.

ლევანი სწრაფად დაეშვა საგარემელში. ნუნუც სწრაფად დაეშვა იატაკზე და იქვე ჩაიკეცა. სიტყვები საშინელი ხივილით გაექანენ ზარდახშის ღრიჭოსკენ, ლევანმა ზარდახშის თავი დაახურა. — ეს ყველაფერი ერთ წამში მოხდა — და კარიც შემოიღო.

კარებში გურამი იღვა.

— რა ხდება აქ? — შესძახა მან და მიმოიხედა.

ნუნუ უხმოდ წამოდგა ფეხზე. თმას ისწორებდა. ლევანი უშფოთველი სახით უყურებდა გურამს.

— რა ხდება-მეთქი? რა ხმაური იყო?

— არაფერი. გურამ, სიგარეტი ხომ არ ამოვიტანია? — მშვიდად ჰკითხა ლევანმა.

— სიგარეტი არა!.. ნუნუსკა, რამ ავიწეწა თმა?

ნუნუმ ღრმა და დაკმაყოფილებული მზერით შეხედა გურამს. არაფერი უპასუხია.

ლევანმა ნახევრადჩამწვარ პაპიროსს დაავლო ხელი:

— გურამ, პლანს არ მოსწევ? — ჰკითხა უმანკო სახით.

გურამმა მკაცრად ჩაახველა.

— შენ მანდ ნუ მიჰქარავ, გესმის! თორემ თუ მამაშენმა გაიგო, ხო იცი...

— კაი რა, გურამ, ნუ გვიბრაზდები! თქვა ლევანმა.

— ნუნუ, მოემზადე, მივიღვართ! — შუბლშეკვრით თქვა გურამმა, მკვეთრად შეტრიალდა და ოთახიდან გავიდა.

ნუნუმ მის ზურგს უკან კარი მიხურა.

— რა ფანტასტიკა იყო! — ბედნიერი სახით თქვა და გაიცილა.

— ფანტასტიკურია! — ლევანმა ზარდახშის კვლავ ახადა თავი. სიტყვები ნელა, დაღლილ ღამის პეპლებივით აფარფატდნენ ჰაერში.

— ეხლა რა მოვიგონოთ?

— ეჰ, მე უნდა წავიდე. გურამი აღარ მომასვენებს, — თქვა ნუნუმ და დალაგებულ თმაზე ხელი გადაისვა.

მეც წამოვდექი.

და ამ დროს კარი თითქმის შემოიღვლიჯა.

სამივენი შევეკრით.

ჩვენს წინ გავეშუბული სახით იღვამია ბენო.

იგი სწრაფი ნაბიჯით შემოვიდა და პირდაპირ ლევანისკენ გამოექანა.

უკან ლევანის დედა მოსდევდა.

— მართალია, ბიჭო?! — დაიყვირა მია ბენომ.

— რა, მამა? — უწყინარი სახით იკითხა ლევანმა.

— რას შერებოდი შენ აქ?!

— არაფერს.

— რას ჰქვია, არაფერს, შე ლაწირაკო! — დაიღრიალა მია ბენომ და პაპიროსის ნამწვავს დაავლო ხელი, — აბა ეს რა არის?!

— არაფერი. პაპიროსია...

— პაპიროსი? — ბენომ საფერფლეს ძლიერად გაჰკრა ხელი და ფერფლი იატაკზე გადაფანტა, — პაპიროსს გიჩვენებ მე შენ!

— ბენო, ბენო, გეყოფა, ბენო, უხერხულია! — ჩასჩინინებდა მეუღლე.

ბენომ ხელი აღმართა და ლევანისკენ გაიწია, მაგრამ უდიდესი ძალისხმევით შეიკავა თავი და მოღერებული ხელი

მაგიდას თხლიშა. მერე ცოლს მიუბრუნ-
და და იყვირა:

— გამოექომაგე, ჰო, ვერ ხედავ, ღე-
ბილი გვავეს შვილი! არანორმალური!
ნუნუშკას რა უთხარი შენ?! — დაულ-
რიალა ისევ ლევანს.

— კარგი, ბენო, არაფერი არ უთქვამს,
რა მოგივიდა! — ჩაერია ნუნუშკა.

— კარგი, გეყოფა, ბენო! იცოდე, ეხ-
ლა მეც ისტერიკას გავმართაჲ! — წა-
მოიძახა ლევანის დედამ და მეუღლეს
მტკიცედ შეაჩერდა ქვემოდან.

ბენომ გაეშეშული სახით მიმოიხე-
და — კიდევ კარგი, მე ვერც კი შევამ-
ჩნია, მერე მიტრიალდა და ზეავივით
გავარდა ოთახიდან.

ნუნუშკა ისევ კარებში იდგა. ბენოს
გასვლისას მხრები გაკვირვებით აიჩენა.

კარებში გამოჩნდა ვინეგრეტის სახია-
ნი გულკეთილი ძია თამაზი. იგი თავს
აქეთ-იქით აქნევდა და ლევანს ეუბნე-
ბოდა:

— ლევან! არ მომწონხარ, ლევან! ასე
არ შეიძლება, ჩემო კარვო!

ლევანი მღუმარედ იჯდა. მერე უცებ
დაიყვირა:

— დამანებეთ თავი! — და ზარდახშა
ხმაურით დახურა. სიტყვების ნაწილი
ხივილით ჩაექანა ზარდახშაში.

ლევანის დედამ თავი უკმაყოფილოდ
გადააქნია.

— წამოდი, ნუნუშკა, შენი ჭირიმე!
გიჟია, ნამდვილი გიჟია! რა უნდა ველა-
პარაკო!

ძია თამაზმა წარბები უკმაყოფილოდ
შეჭმუნხა:

— კარგი, კარგი ეხლა! — მკაცრად
და შინაურულად შესძახა ლევანს, —
ხომ იცი, ყველაფერს თავისი საზღვარი
აქვს!

ლევანის დედა შეშფოთებული იხე-
დებოდა აქეთ-იქით:

— რას გავხარ, ბიჭო! შეხედე, შეხე-
დე, რას დაუმსგავსებია ოთახი! — მან
უკმაყოფილოდ მიმოიხედა და ჰაერში
ღარჩენილ სიტყვებს ბუზებივით აუქნია
ხელი, მერე დაიხარა, იატაკიდან ფერ-
ფლის ახვეტა დაიწყო, თან ლაპარაკს

განაგრძობდა: — რას დაამსგავსა აქაუ-
რობა. ეს ოხრობა კიდევ საიდან მოათ-
რია, ნეტა ვიცოდე. რასაც ქუჩაში წაა-
წყდები, ყველაფერი სახლში ხომ არ
უნდა შემოათრიო! ამდენი ფული გადა-
ყარა და რაში! — მან სიტყვები ჰაერში
მობოჭა და შეეცადა მკლავებში შეეჩე-
რებინა — სიტყვები მის თითებს შორის
სხლტებოდნენ და ჰაერში იფანტებოდ-
ნენ. — მთელი დღე უნდა მოეუნდე ახლა
ამის დალაგებას, — ამბობდა ქალი.



ხანდახან უცნაური სურვილი მეზადე-
ბა: მინდა, რომ ნაცნობ-უცნობები ვინა-
ხულო, ყველას პატიება ვთხოვო.

პატიება რისთვის?

იმისთვის, რომ არარაობა ვარ.

არარაობა არარაობათაგანი და ყოვე-
ლითურთვე არარა!

და მაინც, ამ ჩემი არარაობის მიუხე-
დავად, მზის ქვეშ ვცხოვრობ, ვსუნთქავ,
ვიტყევი, ადამიანებს ვეხები, ვეჯახები
და ტკივილს თუ არა, უხერხულობას მა-
ინც ვაყენებ.

ამ გუნებაზე მყოფს თვალწინ წარ-
მომიდგება ხოლმე მთელი ჩემი არსე-
ბა — ჩემი საკუთარი თვისებები, სურვი-
ლები და განცდები. ყოველივე ეს რა-
ღაც უცნაურად თხელი და ბრტყელია —
ყოველგვარ სისასესს მოკლებული. ჩემი
ცნობიერი ნატურა თითქოს მუყაოს
დისკოსავით ტრიალებს წარმოსახვით
ღერძზე და რაღაც უზადრუკ ხმებსა და
ფერებს გამოსცემს. სადღაც მის მიღმა
ილანდება შედარებით ღრმა სივრცე,
სადაც, წესით, მითავსებული უნდა იყოს
არაცნობიერი შინაარსები — არქეტაიპე-
ბი და სხვა... და სხვა... მაგრამ, ჩემდა
სამწუხაროდ, ვგრძნობ, რომ ეს სივრცე
სრულებით ცარიელია. როგორც ძველი,
უჯრებგამოყრილი კამოდი, რომლის
კუთხეებში აბლაბუდებს დაუდევით ბი-
ნა.

ასეთ დროს სარკეში არ ვიხედები —
ვიცი, რომ ბრტყელი, მყვირალა კაცის
უკან სრულ სიცარიელეს დაეინახავ. და

ისიც ვიცი, რომ მე ვარ ამ სიცარიელეზე აფარებული სუსტი ნათითხნი ნიღაბი (ნიღაბის მოტივი ხომ ესე პოპულარულია ჩვენს დროში).

ერთი სიტყვით, ამ განწყობაზე მყოფს, მინდა რომ ყველას ბოდიში მოუხადო — ხალხს დავენახვო და ვუთხრა: აი მე, ბრტყელი, უნიეთო კაცი. მომიტევეთ, რომ ჩემი არსებობით ასე დიდ ზიანს გაყენებთ, ასე დიდ უხერხულობაში გაგდებთ, რომ იძულებული ხართ, მომიპყრათ როგორც ჩვეულებრივ რესპექტაბელურ პიროვნებას, მაგრამ, ნაცვლად ამისა, ხელთ რაღაც საბავშვო ფიტული გრჩებათ. თითს დააჭერ — იყვირებს. მოქაჩავ — ფეხზე წამოიჭრება (ალბათ, გახსოვთ, ჩვენს ბავშვობაში იყიდებოდა პლასტმასის კაცუნა, რომელსაც ქვემოდან რომ თითს მიაჭერდი, მყვებოდა უღუნდებოდა და აბსოლუტურად დამსლილი იკვებოდა კვარცხლბეკზე (საკუთარ ფეხებთან) ეს ფიტული თვალგაბანთებული ცდილობს დაამტკიცოს, რომ იგი არის იგი. და ეს იგი, რომელიც ამ შემთხვევაში მე ვარ, ყველას პატიებას გთხოვთ. მე გთხოვთ მომიტევეთ და კურთხეულ იყოს სიცარიელე, რომელიც ყველას გვაგებს — ამ მხრივ ჩვენ ყველანი ძმები ვართ.

იმ დამეს, ლევანისგან წამოსულს, დაახლოებით ამგვარი განცდა დამეუფლა. მკრთალად განათებული სადარბაზო ჩამოველე — თითქოს ქვესენელში ვეშვებოდი. ჰაერში კვლავ იგრძნობოდა განვლილი ვნებები და ცოფები.

ჩემს უკან კარი მიჯახუნდა. შიგნიდან ისმოდა ბენო ბიძიას მწყრალი ბუხუნი. ქვემოთ თავიანთი მანქანების კარებს აღებდნენ და შიგ სხდებოდნენ ძია თამაზი და გურამი, თავიანთი ეგზომ განსხვავებული მეუღლეებითურთ. ისინი იმედინად, ბახუსნარევი მძიმე სიხალისით და ეგოცენტრული ურთიერთგაგებით ემშვიდობებოდნენ და სახვალლო გეგმებს გადასმახოდნენ ერთმანეთს. ნუნუშკა უკვე მოღუშული იჯდა ქმრის მანქანაში.

ჩემთვის ზედაც არ შემოუხედავთ.

ჩავიარე. ყინვაში გაფარჩხულ ჭადრებს გაცედი და ჩემს ყრუ სადარბაზო-აუყუყვი.

ისეთი გრძნობა მქონდა, თითქოს ეს სადარბაზო იყო საშვილოსნოს ყელი, ხოლო მე — ემბრიონი, რომელიც კი არ იბადება, არამედ პირიქით, უკან ბრუნდება და უფრო და უფრო ღრმავდება საკუთარი მშობლის წიაღში, რათა იქ სავსებით გაითქვიფოს მშობელ ორგანიზმში და აღარასოდეს დაიბადოს. თუმცა იმასაც აშკარად ვგრძნობდი, რომ ამ აგურისა და ცემენტის ორგანიზმში გათქვიფის მანიცდამინც დიდი შანსა არ მქონდა.

ჩემს ბინას მივაღწიე. კარი ჩემი გასაღებით გავალე და ჩემს ოთახში შევიკეტე. კედლები, კარები, ჭერი — ყველაფერი ისევ ისეთი, ცივი და უძრავი იყო, როგორც წასვლის წინ.

„როგორ! — გაიფიქრე ბრაზით, — ნუთუ ლევანის სიტყვების გარდა, ამქვეყნად არაფერი არაფერია?! როგორ შეიძლებოდა, რომ ყველაფერს ფასი დაჰკარგოდა?“

თაროებს მივაღევი. ხელი აყვავი და „ვეფხისტყაოსანი“ გადმოვიღე.

ბრაზით გავშალე პირველივე შემხვედრ ადგილას.

— საკვირველია — ხანდახან ამ წიგნის ყოველი სტროფი თითქოს უღრმესი ზღაპრული შუქითაა განათებული, და უკანასკნელი გადაკითხვიდან სწორედ ასეთი მახსოვდა — ხანდახან კი აბსოლუტურად გამოცდილი აქვს ძალა, ისიც ისეთივე ბრტყელი, უაზრო და ნათითხნია, როგორც სხვა ყველაფერი.

ახლაც, ლევანის მანათობელი სიტყვების მერე, ეს სიტყვები სრულ აბდაუბლად მეჩვენა:

ფრიდონის სახლსა გარდახდეს

ორნივე ტურფად გებულსა
ახლოს დაისვამს ავთანდილს მისსა

ძმად შეფიცებულსა
ტარიელ დაჯდა საჯდომსა

ოქსინო-გარდაგებულსა
მათ უძღვნეს იგი აბჯარი ფრიდონს

ჭაბუკად ქებულსა...

ეს სიტყვები სრულიად უსუსური მკენაა.

კიდეც გადავშალე.

თუ არ უყვარს, რად არა სძულს, რად აყიენებს, რაცა სძულსა?!..

ამ სიტყვებში რაღაც გააღმასებული ჭირვეულობა ვიგრძენი.

კიდეც ერთხელ, ალაღბედზე გადავშალე და კითხვა დავიწყე:

ავთანდილი გაიპარება და მიდის. როსტევენი ამას რომ გაიგებს, გამწარებული გამოვარდება, მჭვრეტელთა ვასაკვირად, პირს იხოკავს, წვერს იგლეჯს და, აწ უშენოდ გლახ რა ვუყო საჯდომსა და სრასა-სრულსაო, იძახის. მას ნაზირ-ვეზირები მხარს აუბამენ და ყველა ერთად გლოვობს. ზარი გაიხმა, შემოკრბა ჯარი მრავლისა კაცისა, დარბაზს ხასთაგან ჯარია ხელითა წვერთა ტაცისა, იგლეჯს და იცემს ყველაი, ხმა ისმის თავსა ტკაცისა, თქვეს: ბნელი გვმართებს დღე-კრულთა, რადგან მზე მიგვიდრკა ცისა.

გაწილებულმა წიგნი ტკაცუნით დაუხურე და ისევ თაროზე შემოვდე.

მიმოვიხედე — ჩემი ოთახის კედლები კვლავინდებურად ბრტყელი და უძრავი იყო. და აქ უეცრად თავში შესანიშნავმა აზრმა გამიელვა — საკვირველი იყო, აქამდე როგორ არ მომაფიქრდა ეს!

მაგიდის უჯრა გამოვადე. ფული გადავთვალე. მინდოდა ჩემი განზრახვა დაუყოვნებლივ მომეყვანა სისრულეში. მაგრამ გამახსენდა, რომ ღამე იყო. კანტორა, ალბათ, უკვე დაკეტილი იქნებოდა.

„არა უშავს, — ვიფიქრე, — ხვალ დილასვე მივალ და მეც გამოვიტან სიტყვებით სავსე ზარდახშას. შეუძლებელია, რომ ერთ ცალზე მეტი არ ჰქონდეთ. ბოლოს და ბოლოს, თუკი ლევანს მისცეს, მე უარი რატომ უნდა მითხრან. მართალია, ლევანი გარკვეულწილად, ჩემზე ნიჭიერი პიროვნებაა, მაგრამ მათთვის ეს ალბათ, სულ ერთია. თანაც, იყო დრო — თუნდაც ლევანის მიერ ამ ჯადოსნური ნიჭის შექენამდე, — რო-

დესაც მე მას ტოლს არაფერში ვუდებდი. ეს თვითონ აღიარა ერთხელ, გუჯასთან საუბრისას“...

ამ გადაწყვეტილებით იმედმოცემული ლოგინში ჩავწექი და მალე კიდეც დამეძინა.

მესიზმრა თვალწუწვენილი ბალი, სადაც ხეებს ფოთლების ნაცვლად სიტყვები ესხა. სიტყვები მუქ-მეწამულად ელვარებდნენ ჩამავალ მზის შუქზე. ხეების ძირში კი, ბალახებს შორის, ჭიანჭველებივით ფუსფუსებდნენ ქონდრისკაცი ადამიანები. ყოველ მათგანს ჭიანჭველისა თუ ტერმიტის მსგავსი, თეთრი, ექვსფეხა სხეული ჰქონდა. ამ სხეულებით ისინი ერთმანეთს ეჯახებოდნენ და უჯრედლებით ერწყმოდნენ, რის შედეგადაც ჩნდებოდა იმავე ფორმის, ოღონდ უფრო დიდი ზომის ორგანიზმი. მერე ეს ორგანიზმი ისევ იშლებოდა თავის შემადგენელ რამდენიმე ცალკეულ არსებად, და თვითოეული მათგანი სხვადასხვა მხარეს გარბოდა.

დილით შესანიშნავ გუნებაზე გამეღვიძა.

გადაწყვეტილება სიტყვების ზარდახშის შესახებ ისევ ჩემთან იყო — ჩემს გონებაში. მთელი ამ ხნის მანძილზე არც ერთი წუთით არ მომშორებოდა.

პირი დავიბანე. ვისაუხზე და მაშინვე კანტორაში გაქცევა დავაპირე. მაგრამ, უკვე კარებში მდგარმა, ჩემს თავს ვუთხარი: „წყნარად, ზაზა, ჯერ კარგად აწონ-დაწონე ყველაფერი და მერე იმოქმედე!“

ისევ ოთახში შეებრუნდი. დავფიქრდი. ფული გადავთვალე — რაღაც ორმოციოდე მანეთი აღმოჩნდა. ესეც საქმე იყო — რამდენიმე საათით მაინც ჩავივლებდი ხელში ზარდახშას. გადაწყვეტილი მქონდა, ყველასგან უჩუმრად დავმჯდარიყავი და კარგად მეშუშავა ამ ძვირფასი მასალით. შემემლო სრულიად ახალი და არნახული სამყაროები შემექმნა და მხოლოდ შემდეგ, როგორც სიურპრიზი, მეჩვენებინა ლევანისთვის. ხელები კმაყოფილებით მოვიფშვნიტე,

როცა წარმოვიდგინე მისი განცვიფრება...

მაგრამ აქ გონიერება იყო საჭირო.

იქნებ სჯობდა, რომ საღამომდე არ მივსულიყავი კანტორაში? თუკი სიტყვებს საღამოთი ვიქირავებდი, მთელი დამე ჩემს ხელში იქნებოდა. შემძლო დავმჯდარიყავი და მემუშავა ისე, რომ ხელი არავის შეეშალა. თანაც საღამომდე შეიძლება კიდევ მეშოვნა ფული, იმდენი მაინც, რომ მთელი დღემდამით დამეტოვებინა ზარდახშა. ამ შემთხვევაში, — ვიფიქრე ოცნებაში წასულმა, — იქნებ საშუალება მომეცეს თამუნასაც ვაჩვენო რაღაც-რაღაცები. და გამახსენდა ნუნუშკას გუშინდელი აღტაცება — ამ სიტყვის პირდაპირი გაგებით.

მამ ასე.

გადაწყვეტილება მიღებული იყო.

ახლა საჭირო იყო საღამომდე რაც შეიძლება მეტი თანხა მეშოვნა. თუ საღამოს კანტორა დაკეტილი დამხვდებოდა, ესეც არაფერი — ხვალ საღამომდე მოვიცდიდი და იქნებ დამატებით კიდევ მეშოვნა ფულა.

ოთახები შემოვიარე, ცარიელი ბოთლები შევაგროვე და გასტრონომში ჩავეტანე, საკმაო რაოდენობით აღმოჩნდა.

შემდეგ ისევ სახლში ავბრუნდი და რაც კი შედარებით ნაკლებად საჭირო წიგნები მქონდა, ზურგზე მოვიკიდე და ბუკინისტურ მაღაზიაში გავაქანე. — ჩაიბარეს და ფულიც მაშინვე მომცეს.

ფული კმაყოფილებით გადავთვალე და უნივერსიტეტისკენ გავწიე — თუმცა, რამდენიმე გაყიდულ წიგნზე გული მეთანადრებოდა. განსაკუთრებით დამეწინააღმდეგებოდა „მარტოობის ლაბირინთები“. ასეთი უეიდურესი გაჭირვება რომ არა, ამ წიგნს არაფრით შეველეოდი. მაგრამ რა დროს წიგნებზე დარდი იყო, მთავარია, სიტყვები — ცოცხალი, მანათობელი და შემოქმედი სიტყვები.

ლექციაზე აცენტულებივით ვიჯექი. ერთ ადგილას ეტრიალებდი და ვცდილობდი ლექტორისთვის ყური დამეგდო.

ერთი სული მქონდა, როდის მოსალამოდებოდა და როდის მივიდოდი სანეტარო კანტორაში. ლექტორის საუბარი ფრაგმენტულად ჩამესმოდა.

ერთ-ერთ შესვენებაზე თამუნას შევეფეთე.

— როგორა ხარ? — ვკითხე და ალტაცებით შევხედე.

— ბრწყინვალედ! — მან თავისი ნაზიტორისი კეკლუცად შეარხია.

— ხვალ ხომ იქნები ლექციებზე?

— ამას რაიმე მნიშვნელობა აქვს? — ირონიულად მკითხა მან.

— შენთვის რაღაცა მაქვს გამზადებული. რაღაც, სრულიად განსაცვიფრებელი და ზღაპრული! — ვუთხარი საიდუმლო სახით. ვიცოდი — ზღაპრები უყვარდა.

თამუნამ ამრეზით შემომხედა.

— მაინც, რა არის?

— ხვალ ნახავ, — მიუუგე მე, — უნდა მოვიტაცო და სხვა სამყაროში გავაფრინო!

— ჰმ! — სარკასტულად ჩაიცინა მან, — შენ მაგისი შინ ვინ მოგცა!

მისი ეს სიტყვები, რომლებიც სრული გულწრფელობით იყო ნათქვამი, მწარედ მომხვდა გულზე, მაგრამ წყენამ წამსვე გამიარა — თვალწინ დამიდგა მოსალოდნელი ტკბილი გამარჯვება, და იმედით აღვისილა, თავდაჯერებით მივუბნი:

— მაგას ხვალ ნახავ!

თამუნამ დაუფარავი ინტერესით შემაჯლო თვალი — მასზე ჯადოსავით მოქმედებდა ყოველგვარი თავდაჯერება — და ამის შემდეგ მთელი დღე ჩემს ახლოს ყოფნას ცდილობდა. მე კი მისკენ აღარც მიმიხედი, რამაც კიდევ უფრო გაამძაფრა მისი ინტერესი, რამდენიმე ჯგუფელისგან მციროდენი თანხა ვისესხე და მოუთმენლობით მთლად შეპყრობილი, სანეტარო კანტორისკენ გავექაქანე, — ხუთი საათი ხდებოდა.

აი, ნაცნობი ეზოც. ესეც — კანტორის კარი, გაცრეცილი და მოცისფრო. კარზე გაკრული აბრა — „სანეტარო კანტორა“; უფერული და აბლაბუღებით

სავსე ოთახი. შიდა ოთახში მბეჭდავი იჯდა. უსიტყვოდ აუარე გვერდი და თეჯირს მიღმა შევაბიჯე, სადაც დამხვდა იგივე ნახევრადწყვილი და თავის სამუშაო მაგიდასთან მჯდარი მსუქანი კაცუნა, რომელიც, ახლა უეცრად დაეაფიქსირე, თალაგვა კოლონკელიძეს მაგონებდა. მის წინ მაგიდაზე ფერადი ლამაზი იღვა და გაშლილ ქაღალდებს ანათებდა. ჩემს შესვლაზე თალაგვამ თავი ასწია.

— რით შემიძლია გემსახუროთ? — ხალისიანი ღიმილითა და მელოტი თავის ელვარებით მომაგება მან.

არ ვიცოდი, როგორ დამეწყო. ამიტომ რიხიანად წარმოვთქვი:

— გამარჯობათ!

— გაგიმარჯოთ, ჩემო ბატონო, გაგიმარჯოთ!

— ეეე... თქვენთან გუშინწინ ვიყავი. ამხანაგებთან ერთად.

— ძალიან კარგი, ძალიან კარგი, ამხანაგებთან ერთად. გულდასმით გისმენთ.

— ჩემმა მეგობარმა თქვენგან სიტყვების ყუთი იქირავა.

— სიტყვების ყუთი? — კაცუნამ გაკვირვებით შემომხედა.

— დიახ. ყუთი. შიგ სიტყვები იყო. ათასნაირი სიტყვები, — ვთქვი და ვიგრძენი, — საკმაოდ უაზროდ გამოვიყურებოდი.

— აჰ, თქვენ ლოგოსურ-ენიგმატიკური ზარდახშა გაქვთ მხედველობაში?!

— დიახ, ლოგოსურ-ენიგმატიკური ზარდახშა! — (ვიციდი, სიტყვა „ლოგოს“ ბერძნულად „სიტყვას“ ნიშნავს).

— გასაგებია. ახლა რა გნებავთ?

გულზე მომეშვა. მაშ სწორ კვალზე ვიდექი.

— ისეთი ზარდახშა მარტო ერთი გქონდათ?

— არა, რა თქმა უნდა. კიდევ გვაქვს. თქვენც ხომ არ გინდათ დაქირაება?

— დიახ, — მიუგე სიხარულით, — რა ეღირება ერთი დღე-ღამით ქირაობა?

— ოცდართხი საათი გაქვთ მხედველობაში?

— ოცდართხი საათი!

— ორას ორმოცი მანეთი, პლუს თუმანი პირველი შესატანი, — დაუზარებლად მიპასუხა მან.

ფული ამოვიღე და გადავთვალე.

— აი, აქ ორას ორმოცდაათი მანეთია. ალბათ, რაიმე საბუთების გაფორმება იქნება საჭირო?

თალაგვამ ღიმილით შემომხედა.

— ჩვენ აქ სანეტარო კანტორა გვაქვს. არავითარ საბუთებს არ ვაფორმებთ. არავითარ საბუთებს არ ვაფორმებთ.

— მე მხედველობაში მაქვს სიტყვების ქირაობის საბუთი, — ალბათ, ხელის მოწერა იქნება საჭირო?

— ცხადია. აი, აქ მოაწერეთ ხელი, — მან რაღაც ქვითარი მომაწოდა.

მე დაუფიქრებლად მოვაწერე ხელი — არც წაღმა წამიკითხია, არც უკუღმა, და ფული გადავიცი.

თალაგვამ ფული ჩამომართვა, გადათვალა. მე რე ადვილიდან წამოღვა.

— ინებეთ ზარდახშა, — მითხრა და თაროდან ჩამოიღო ზუსტად ისეთივე ზარდახშა, როგორც ლევანს ჰქონდა. მაგრამ ამ ზარდახშის ზედაპირი ოდნავ უფრო გაცვეთილი მქნენა. მინდოდა მეთქვა, გამომიცვალეთ-მეთქი, მაგრამ მომერია. „ბოლოს და ბოლოს გარეგნობას რა მნიშვნელობა აქვს. მთავარია, შიგთავსი“, — დავიმშვიდე თავი და აღფრთოვანებით წარმოვიდგინე, როგორ ამოცურდებოდნენ ჯადოსნური სიტყვები ამ შავი ყუთიდან.

ზარდახშას დავეწვი. ქურთუკის ქვეშ კარგად შევიჩახე.

— გამადლობთ. თავისუფალი ვარ? — ერთი სული მქონდა, სახლში როდის მივიდოდი.

— შეგიძლიათ მიბრძანდეთ. ოღონდ გახსოვდეთ, სასტიკად აკრძალულია ზარდახშის გახსნა დახურული შენობის გარეთ, ან დია ფანჯარასთან. სიტყვები შესაძლოა, გაგიფრინდეთ და, გაფრენილ სიტყვას, მოგეხსენებათ, ვეღარ დაიჭვრ.

ამ სიტყვებით კაცუნამ გაიცინა და კმაყოფილებით მოიფშენიჭა ხელები.

სახლამდე მანძილი ისე გავიარე, თი-

თქოს პეგასი ვეოფილიყავი და საცაა მიწას მოვწყდებოდი, მაგრამ საკუთარ თავს აღვირით ვაკავებდი.

„ნელა, ზაზა, დინჯად. მანქანა არ და გეჯახოს! აჩქარებითა სოფელი არავი! მოუჭამია!“ — ვეუბნებოდი ჩემს თავს და მივექროდი, როგორც სიზმარში.

კიბე სულმოუთქმელად ავირბინე, შევედი, ჩემს ოთახში ჩავიკეტე.

აქ ზარდახშა მაგიდაზე დავდე — ისე, რომ სინათლე არ ამინთია, სული ოდნავ მოვიოთქვი და ყრუ ხმით წარმოვთქვი:

— იწყება ფერია!

ამის შემდეგ ზარდახშას თავი ავხადე. პირველი, რაც სახეში მეტა, იყო უსიამოვნო სუნი — მტკრის, ღუსტისა და ლაყე კვერცხის უცნაური ნახავი. თითქოს ზარდახშის შიგთავსი დიდხანს ერთ ადგილზე დებისგან დაძველებულიყოს და გალაყებულყოფოს. გულში უსიამოდ გამკრა აემა წინათგრძნობამ.

„უჰ, არამზადა! მგონი, გაუუჭებული ყუთი მომცა!“

წამით დავაპირე უკანვე გავვარდნილიყავი და სახეში მიმეხალა თალაგვა კოლონკელიძისთვის თავისი ზარდახშა მაგრამ მაშინვე გადავიფიქრე, — სჯობდა ჯერ შემემოწმებინა. ვინ იცის, იქნებ სუნი მხოლოდ იმას მოასწავებდა, რომ ამ ზარდახშისთვის დიდი ხანია ხელი არავის ეხლო, თვით სიტყვები კი, დაძველებული ღვინის არ იყოს, კიდევე უფრო დაწმენდილი და გამჭვირვალე ყოფილიყო.

ზარდახშის წიაღი სუსტი შუქით აციმციმდა და ამ ციმციმში, ჩემი ძველი ოთახის მალენებელში ამოვიდა რალაც გრძელი და გამწლობილი სიტყვა — ეს იყო მოვერცხლისფრო შუქით აციმციმებული სიტყვა „კალკულაცია“.

„კიდევე, კიდევე!“ გავიფიქრე მოუთმენლად.

ზარდახშიდან ახალი სიტყვა ამოიზლახნა — „მაგრამ“.

„კიდევე, კიდევე!“

ამას მოჰყვა სიტყვა „შრანელები“.

და უცებ შევამჩნიე, რომ ეს რალაც

უცნაურად ძალაგამოცლილი, თითქოს ავადმყოფი სიტყვები იყო. ისინი უღონოდ დაეკიდნენ მაგიდის თავზე, ხან ერთი, ხან მეორე მეყვესულად იდრიკებოდა წელში, თითქოს საცაა დაეცემიანო, მერე ფრთამოტეხილი ფრინველებივით ასევე გაჭირვებით ითრევდნენ წელს — და გამოსცემდნენ იმავე უსიამოვნო და ლაყე სუნს.

„უჰ, ის არამზადა!“ — გავიფიქრე კაცცესლებულმა. მერე შევეცადე, სიტყვებისთვის (უკვე ათიოდე ტრიალებდა მაგიდის თავზე) ხელეებით მიმენიჭებინა ენერგია — თითები მათ შორის ავაფათურე, გავაკეთე რამდენიმე პა, მაგრამ ამაოდ — ენერგია ოდნავადაც არ მომატებიათ. ტრიალებდნენ და ავადმყოფ წიწილებივით უფარდებოდათ ხან ერთი, ხან მეორე თავი.

„უჰ, არამზადა!“ — ვიფიქრე ისევე განრისხებულმა, — „რალა მე უნდა შემხვდეს ყველაფერი უხარისხო!“

საერთოდ, ასეთი ბედი მაქვს. არ მახსოვს, რომ ცხოვრებაში რაიმე სრულყოფილი და უნაკლო მრგებოდეს. ჩემი მოქმედებებიც ყოველთვის რალაცნარი, შინაგანი ნაკლულევანებით იყო აღბეჭდილი. თუმცა ამას, შესაძლოა, სხვები ვერც ამჩნევდნენ. მართალი რომ ვთქვა, უნაკლო და სრულყოფილი საგნები კიდეც მაშინებდნენ. ბავშვობიდანვე რალაც უცნაური რიდი დამყვა ყოველივე უნაკლოს მიმართ. რამდენჯერ წარმომიდგენია ასეთი სცენა: რომ აი, ჩემს წინ ასარჩევად გამწკრივებულან ლამაზი ქალები. მე შემიძლია ავირჩიო ნებისმიერი. მე კი, სულელი, რას ვშვრები? — იმის მაგივრად, რომ ყველაზე ლამაზს მოვიკიდო ხელი (იგი, ეს ყველაზე ლამაზი, ცენტრში დგას, თავი აუწევია, გრძელი ოქროსფერი თმა ტალღებად ეცემა შიშველ მკერდზე და თვალთა ისრებით მსჭვალავს), ამის ნაცვლად, მე ვუახლოვდები ერთ-ერთ საშუალო სილამაზის, მაგრამ სათნო და კდემამოსილ ასულს (ოღონდ არა მახინჯს, ღმერთმა დამიფაროს!), რომელიც მწკრივის განაპირას დამდგარა და თვალები მორც-

ხვად დაუხრია, და მის წინ ვერდები, როგორც, ვითომდა, მხსნელი. მაგრამ ეს მხსნელიც, — ესე იგი, მე — ისეთივე საშუალო, მორცხვი და კდემამოსილია. მშვენიერ ქალიშვილთა წყებები კი სხვებს რჩებათ — ვიღაც უცხო და თავდაჯერებულ მამაკაცებს, რომლებიც ჩემს ფანტაზიაში სადღაც, ჯანდაბიდან შემოვარდნილან და ისე თავზედურად იქცევიან, თითქოს ეს მათი ფანტაზია იყოს და არა ჩემი.

„უპ, ნაძირალები! ფანტაზიებშიც აღარ მასვენებენ!“ — ბრაზით გაფიქრე და ჩემს ავადმყოფ წიწილებს დავაჩერდი. ისინი გულსაკლავად წიფივებდნენ და დუნედ დალოდვდნენ აქეთ-იქით, მაგრამ მაგიდის ფარგლებს გარეთ გასვლა ვერც ერთს ვერ გაუბედა. მხოლოდ ერთი ვადასცდა მაგიდის კიდეც — ეს იყო სიტყვა „ინტროსპექცია“, და ისიც მაშინვე, თითქოს საყრდენი გამოაცალესო, საშინელ უფსკრულში ჩაიჩეხა, სადღაც, მაგიდის ფეხთან დაიწყო ფუთფუთი.

კარგა ხანს ყოყმანით აღსავსე ვიჯექი — ვერ ვადამეწყვიტა, მომეხვია ხელი ამ უბადრუკი არსებებისთვის, ყუთში ჩამეყარა და ისევ უკან წამედო, თუ რაიმე სხვა გზას დავდგომოდი. ბოლოს ხელი ჩავიქნიე — რაც იქნებოდა, ყოფილიყო, რადგან ჩემი ბედიც ეს არის, შევეცდები ამ უხეირო მასალათაც შევქმნა რაიმე, ხეირიანი.

ამ რანდული გადაწყვეტილებით გამხნეებულმა დავიწყე ფრთხილი კონსტრუირება. პირველ რიგში გამოვძებნე სიტყვა „მე“. ეს გახლდათ მომწვანო და უცნაურად პირყვითელი ღლაპი. ამ ღლაპს გვერდით მიუყუენე მეორე — თეორატრისიანი შავი მოჩვენება, და მივიღე ბრწყინვალე შედეგი: „მე ვარ“. — აციმციმდა ჩემს წინაშე და მაშინვე შიგნით, გულის კოვზთან რაღაც ჩამწყდა.

„შენ კი არა, მე ვარ!“ — ვიფიქრე დაეჭვებულმა.

სიტყვებში ხელი მიმოვურიე. ხელში მომხვდა დიფთონგი „ბრ“.

შედეგიც შესანიშნავი: „მე ვარ ბრ“.

გაბრაზებულმა მიმოვფანტე ჩემს წინ ჰაერში სიტყვები. კარგა ხანს ვეძებდი რამე შესაფერისს. ბოლოს მივაგენი:

„მე ვარ ბრწყინვალე“.

ამაზე ჩემი ექსპერიმენტი დასრულდა. უღლეური შენაერთი ისევ სასწრაფოდ დავშლედ და ახალი ვარიანტების ძებნა დავიწყე.

აქ გამახსენდა თამუნა. იქნებ რაიმე შემეთხზა მის შესახებ?

ეს აზრი ჭკუაში დამიჯდა და გაცხოველებით დავიწყე თხზვა:

აი, თამუნა შავ ცხენზე მჯდარი, თმაგაწწილი, მიჭქრის უკიდევანო თოვლიან ტრამალზე და უკან მგლები მისდევენ.

„გაი შენს პატრონს!“ — ვუთხარი საკუთარ თავს.

აი, თამუნა ახალნაბანავები გამოდის სააბაზანოდან. ტანზე სველი ზეწარი ახვევია. ოთახში, მალეხნელში, მარტო მე ვზივარ. ფეხი ფეხზე ვადამიღვია და დიმილით შევყურებ. მაგრამ თფუ ეს რა ოხრობაა! ჩემს ფეხსაცმელს ლანჩა ასძრობია! თამუნა მიყურებს და იცინის:

„სად მოიტხე ფეხი?“ — მეკითხება რატომღაც.

„აქეთ რომ მოვდიოდი, ბალში... ბალში გისოსებს წამოვედუ... ძველისძველი ფეხსაცმელია, თამუნა, პაპაჩემის ნახუქარი... ვინ იცის, რამდენი წელი ეცვა პაპას. ახალგაზრდობაში პაპა კავალერისტი იყო (სიტყვა „კავალერისტის“ მოძებნა ფრიად გამიჭირდა. რატომღაც სულ „კანიბალი“ მხედებოდა ხელთ. ბოლოს ძლივს ვიპოვე — სიტყვა „უცხოეთს“ გადახლართვოდა. ფრთხილად გამოვხსენი, მაგრამ „უცხოეთიც“ თან მოჰყვა), კავალერისტი იყო უცხოეთში... უცხოეთში იბრძოდა... ჰმ... უცხოეთში მსახურობდა. ვინ იცის, რა არ გადახდენია თავს. ერთხელ, პირველ მსოფლიო ომში, ტყვედაც ჩავარდა. მერე სხვა ტყვეებთან ერთად ციხის კედელი გათხარა და გაიქცა. ისევ დაიჭირეს. იქ, უცხოეთის ერთ-ერთ ქალაქში (ვერაფრით ვიპოვე სიტყვები „გერმანია“ და

ვიურცბურგი“), უცხოეთის ერთ-ერთ ქალაქში ჰყავდათ დატყვევებული. რამდენი რამე ისწავლა იქ, ტყვეობაში! ერთხელ მოჩვენებაც ნახა ძველ ციხესიმაგრეში...

თამუნა სველ ზეწარს იხსნის ტანიდან, მაგრამ რატომღაც მის შიგნით კაბა აცვია. იგი ჰაერში ლივილივებს, იცინის და მეუბნება:

„ვია, შე შტერო, შე შტერო! შენ გგონია, პაპაშენს ჰგავხარ?“

„არა, არა! მე მე ვარ! პაპა უკვე გარდაცვლილია. მე კი ჯერაც ცოცხალი ვახლაყარ და მე შენ მიყვარხარ, თამუნა!

„მეც მიყვარხარ, ზაზა, ჩემო ზაზა, მე შენ ყველას მირჩევნიხარ, სწორედ ასეთი, როგორიც ხარ, მე სხვა არავინ მსურს! მხოლოდ შენზე ვგოჟდები!“ — მეუბნება თამუნა.

„მე კი შენზე არ ვგოჟდები, თამუნა, უბრალოდ მიყვარხარ და მეტი არაფერი. მე მინდა, რომ ცოლად გამომეყვე. მე მაქვს სახლი სოფელში. მე მყავს ცხენი, მყავს ბერი ძაღლი, ხმალი და თოფი“.

„წამოგყვები, ზაზა, ჩემო ზაზა! მე შენს მეტი ქმრად არავინ მინდა. მაგრამ მითხარი, ღამე ხომ არ დამახრჩობ? ხომ არ დამახრჩობ? ჰა? მითხარი, ზაზა! რა უცნაურად მიყურებ! მითხარი, ხომ არ დამახრჩობ?! რადგან მე ამ ქვეყანაზე ყველაზე მეტად მეშინია ღამე დახრჩობის“!..

„დახრჩობა შენ და ჯანდაბა, შე იდიოტო!“ — შევეუკრთხე საკუთარ თავს და ეს აბლაუბდა ერთი ხელის მოსმით გავაცამტყერე, მაგრამ ფარ-ხმალი მაინც არ დამიყრია.

ახლა სხვა სიუჟეტების შეთხზვას შევუდექი. რამდენიმე საათს თავაუღებლად ვშრომობდი. შევთხზე ორი თუ სამი რომანტიკული და სევდიანი ამბავი, რამდენიმე უთავბოლო ნონსენსი, მერე თანდათან პორნოგრაფიაზე გადავედი. პორნოგრაფიული სურათების გმირად ვიყენებდი მეზობელ რუს ქალს, რომელიც ღრმა ბავშვობიდანვე უმოწყალოდ იახვევდა თავბრუს. ამას მია-

ვოლე ერთი სრულიად არაბუნებრივი და გარყვნილი სცენა, რომელშიც ზემოხსენებული რუსი ქალი თავის საკუთარ ძაღლთან შედიოდა სექსუალურ ურთიერთობაში, და აქ ჩემს თავს შევუძახე — რადგან გამახსენდა ისევ თამუნა, და აგრეთვე, ლევანი, რომელიც, ალბათ არ მოიწონებდა ჩემს ამგვარ ეშმაკობას. მცირე ხანს დაფიქრდი. პორნოგრაფიული ბურუსი თავიდან მოვიფანტე და კვლავ ავმოქმედდი:

„შიარ სიტყვითა მესტვირემ დმერთი მაღალი ახსენა“ — გამოვიყვანე ჰაერში და მერე: „დილასა ადრე მოვიდა იგი ნაზარდი სოსანი“.

აქ გამახსენდა, როგორ მაზუპირები-ნებდნენ ბავშვობაში „ვეფხისტყაოსნის“ ამ თავს.

დილასა ადრე მოვიდა იგი ნაზარდი სოსანი,

ძოწუულითა მოსილი, პირად ბროლ ბადახშოსანი (ბროლ-ბადახშოსანმა საქმე გამიჭირა — ვერაფრით ვერ მოვწახედეფისი. ამიტომ ცალ-ცალკე ავაგე);

პირს ოქრო რიდე ეხვია, შვენოდა ქარქაშოსანი,

მეფეს აწვევდა გამოსლვად, მოღვათეთრტაიჭოსანი.

„შესანიშნავია!“ — გავიფიქრე კმაყოფილებით. და აქვე, თვალწინ წარმომიდგა ავთანდილი:

აი, ვაჭრის სამოსში გადაცმული ავთანდილი, როგორც მაღალი სოსანი, შედის გულანშაროში. გაივლის ჩირაღდნებით განათებულ ვიწრო ფოლორცებს და ფატმანის დარბაზს უახლოვდება. ფატმანს ტანთ კაბა შემოუძარცვავს, ავაზის ტყავებით მოფენილ ვრცელ ტახტზე ნებავრობს და ელის მიჯნურს. შემოდის მონა, ჩირაღდანს ამაგრებს. თავყანისცემით მიდგება კარსუკან, რათა უდარაჯოს შეყვარებულთა ალერსს. ფატმანი ზეწამოიწვევა, მომხიბლავ სახეს უშვერს ჭაბუკის ტუჩებს. ისინი ერთმანეთს სააღერსო სახელებს ჩასჩურჩულებენ, ტახტზე წვებიან. მაგრამ მოისმის ხმაური. კარი იღება. მონა პირქვე ეცემა და გაღაზული ძაღლივით

მიტოცავს სადღაც, ჯანდაბაში, და შემოდის ყრმა კეკლუცი, ტანნაკეთიანი — ეს არის ჭაშნავირი. იგი გაკვირვებით უჭკერტს შეყვარებულთა ღაღობა-წოლას. მერე ბრაზით წვერს მოიზიდავს და შესძახებს: „განანებ, ბოზო დიაცო, მაგა მოყმისა ყოლასა!“ ამ სიტყვებით განრისხებული მიტრიალდება და უკან მოუსხედავად მიდის.

ატირებული და თავზარდაცემული ფატმანი სახეს იხრკავს, ავთანდილს ემუდარება წავიდეს და მოკლას იგი ყრმა, თუკი მისი დაღუპვა არ სურს, რადგან მან იცის რაღაც ისეთი საიდუმლო, რომლის გათქმითაც ფატმანს შვილიან-სახლკარიანად დაღუპავს. ავთანდილი უყოყმანოდ დგება — ლაღი, ბუნებაზიარი, ფატმანს მეგზურს სთხოვს და მიემართება მის ყრმის მოსაკლავად. ფატმანი კარამღე მისდევს ტირილით, და უკვე ბაღში გასულს მისძახის: ბეჭედი! ბეჭედი აართვი მოკლულს! ჩემ ბეჭედი აქვს თითზე, არ შეარჩინო!“

აი, ავთანდილი პირქუშად მიიწევს ღამის შუკებით, წინ ჩირაღდანიტ ხელში მეგზური მონა მიუძღვის. ქალაქი განვლეს, გავიდნენ ზღვის სანაპიროზე, სადაც განმარტოებით მოჩანს წითელმწვანე ქვით ნაგები სახლი. მონა უსიტყვოდ გადგება განზე და ანიშნებს — ეს არისო ჭაშნავირის საცხოვრისი. ზღვა ღრიალებს, ბობოქრობს. სიბნელეში შენობის წითელი და მწვანე ქვები ძვირფასი თვლებივით ელვარებენ. ზემოთ, ბანზე ჩანს მარტოხელა ფიგურა — ეს არის თვით ჭაშნავირი, რომელიც გულჯავრიანი მიმოდის იქით-აქეთ. მისი პირქუში ლანდი ზან ბანზე გამოჩნდება, ზან ისევ ქრება, — დაწვება, ცდილობს თვალი მოატყუოს, მაგრამ დაწოლილიც ვერა ძლებს დიდხანს, ისევ დგება და მოუსვენრად დადის.

კარიბჭესთან ორნი დარაჯნი წვანან. სძინავთ. ვერ გრძნობენ უბედურების მოახლოებას. ვინ უწყის, რა ესიზმრებათ, რა იმედებით საესე აქეთ გული, მაგრამ სიკვდილი უკვე თავს წარსდგო-

მიათ. ავთანდილი ხელს ყელში სჭიდებს ორივეს, მძლავრად დაიქნევს და ტვინებს ერთურთზე შეანთხევიანებს. — ასე ერთდება მათი საზიარო სიზმარი ტვინით გაბოხილ არარაობაში.

ხოლო იგი ყრმა საწოლს მარტო წევს, გულითა ჯავრიანითა. ხელისხლიანი ავთანდილ შედის ტანითა ჯანითა. ჭაშნავირი წამოხტომას აპირებს, სურს მონებს უხმოს, მაგრამ გვიანია — მონები უკვე სააქაოს აღარ არიან. უნდა ზე წამოიჭრას, — ვედარ ასწრებს. ავთანდილი ცალი ხელით მიწაზე დაასკვნის და დანას ჩასცემს გულში. „ვერლა აესწრა, იღუმალ მოკლა, თუ, ვერცა ვცანითა, ხელი მოჰკიდა, მიწასა დაასკვნა, დაკლა დანითა...“

...მჭკერტელთა მზე და მეგრძოლთა მხეცი და ვითა ზარია!

ბეჭდითურთ თითი მოჰკვეთა,

ქვესკნელს მიწასა გარია,

ზღვათაჲკე სარკმლით გასტყორცნა,

ზღვისა ქვიშათა დარია...

მისთვის არცა სად სამარე, არცა

სათხარად ბარია...

„არა, არა! წიგნში უკეთესად წერია, წიგნში!“ — გაიფიქრე სასოწარკვეთილმა და ჩემი სიტყვებით აგებული ამხელა ხუხულა ერთბაშად დაგანგრიე. როგორც დაანგრევედა ჭაშნავირი ფატმანის სახლ-კარს, საიდუმლოს გათქმა რომ დასცლოდა. სიტყვები უღონოდ ჩამოიფანტნენ მაგიდაზე და ისევ ის უსიამო მძაღე სუნი დააყენეს.

მოულოდნელად ქვითინი მომაწვა ყელში. ჩავახშე და ძალაგამოცლილი დავეცი ჩემს ლოგინზე. სულ არ გამიკვირდებოდა, ახლა თავს ვინმე მხეცი და ზარი რომ წამდგომოდა და იქვე დავეკალი. ოღნავ გონს მოვეკე თუ არა, წამოვხტი, სწრაფად მოვხევი სიტყვებს ხელი, ყუთში ჩავტენე, ჩაკეტე, და კარებისკენ გავექაწე. დერეფანში, ბნელ სარკვეში, საკუთარ სახეს მოვკარი თვალი. შეეკრთი, რადგან მომეჩვენა, რომ თმა სრულიად გამითერებოდა. „ერთ ღამეში!“ — გაიფიქრე შემძწუნებულმა. ჩავიხედე. კარგად დავაკვირდი —

არა, ეს ოთახის ფანჯრიდან შემოჭრილი სხივები ციაგებდნენ ჩემს თმაზე. ქურთუკი სწრაფად მოვისხი და საზარელი გადაწყვეტილებით შეპყრობილი, ქუჩაში გავეპარდი.

ჩქარი ნაბიჯით გავიარე რამდენიმე კვარტალი. ჩემს დანახვაზე ღამის უგონო კატები კლაკნიტ შორდებოდნენ ნაგვის ბუნკერებს და საღდაც, ჯანდაბაში იძურწებოდნენ. მათი თვალები ოქროს წერტილებით ჩანდა წყვდიადში. ქარი ქროდა. მე მივდიოდი ქურთუკადაღებული. ცივი ქარი შუბლზე უხეშად მცემდა. თმა ამწწწოდა. სიტყვების ყუთი წინააწვდილ ხელში მეჭირა. ასე გავიარბინე კიდევ რამდენიმე კვარტალი, მერე გზა ეზოებზე გადავკვრი. ნაცნობ ეზოში „სანეტარო კანტორის“ კარი ყრულ იყო დაგმანული. „უჰ, თქვე არამზადებო!“ — ვიფიქრე ბრაზით. ამ ეზოსაც სწრაფად გავცდი, მოედანზე გავედი და ხილისკენ დავეშვი.

ესეც ხიდი — დიდუბის ახალი ხიდი. მარცხნივ, დიდუბის ვაკეებისკენ მოჩანდა ქალაქის მოციმციმე სინათლეები, ფაბრიკების ვრცელი, ჩაბნელებული ტერიტორიები და ზედ წამომართული ქვით ნაგები უზარმაზარი მიწები. მდინარე უხმაუროდ მიივრავებოდა თავის ბნელ კალაპოტში. შუა ხიდზე მოაჯირს გადავეყუდე, ხელი წინ გავიშვირე. ქარი სახეში მცემდა. საღდაც, წინ და მარცხნივ, დიდუბის ვაკზლისკენ, გაისმა ლითონის შორეული ღრჯიალი — ალბათ, ელმავალმა თუ დაამუხრუჭა ან, პირიქით, დაიძრა — მე ამაზე ბევრი აღარ მიფიქრია, ყუთს ხელი ვუშვი და ისიც ქვესავით ჩაექანა დაბლა, მდინარის მოლაპლაპე და ბნელ ხაზაში. გაისმა წყლის სუსტი დგაფუნი. და სიტყვებიანი ზარდახმა სამუდამოდ გაქრა ჩემი მხედველობიდან — იმავე სტიქიამ შთანთქა, საიდანაც ოდესღაც იყო შობილი, რადგან ყოველი ცოცხალი ორგანიზმი, და მათ შორის, სიტყვებიც, ხომ ოდესღაც ოკეანის სიღრმიდან იშვა.

კარგა ხანს ვიდექი ხიდზე და შუბლი ქარისთვის მქონდა მიშვერილი. თით-

ქოს ხიდი ღამის უსასრულო ოკეანეში მიმქროლავი ხომალდის გემბანი ყოფილიყოს, მე კი — კაპიტანი აქაბი, რომელმაც ეს-ესაა ბორტს იქით გადაუძახა თავისი ავადმყოფური ტვირთი. მერე შემოვბრუნდი და უკან წამოვედი.

„იმედია, ყუთი არ გაიხსნება და სიტყვები თევზებივით მდინარეში ცურვას არ დაიწყებენ; — ვფიქრობდი სიცხიანივით! — მაგრამ, როცა იქნება ხომ მაინც დაშლის წყალი ყუთს. მაშინ ხომ ამოვლენ ზემოთ ის დალუპული სიტყვები?! ვინ იცის, იქნებ ჰაერშიც ამოაღწიონ და მთელს ქვეყანას მოედონ. მაშინ ხომ ყველა გაიგებს, რომ ისინი მე გადავაგდე?!“ — გამიელვა ფიქრმა, მაგრამ წამსვე თავი დავიშვიდე:

„ყოველ შემთხვევაში, სანამ ყუთი დაიშლებოდა, მანამდე წყალი აზერბაიჯანამდე ჩაიტანს. იქ კი, ჯანდაბას, თუნდაც დაიშალოს, რადგან იქ ქართულის მცოდნე მაინც არავინ იქნება!“.

ამ მხნე ლოგიკური არგუმენტით დაიმედებული, სწრაფად დაებრუნდი შინ, ლოგინზე გავიშოტე და წამსვე მკვდარივით დამეძინა.



მეორე დღიას ძლივძლივობით გავახილე თვალი. თავი სიცხიანივით მიხსურდა. უგემურად ვისაუზმე. და ისე, რომ ლევანისთვის არც დამირეკავს, უნივერსიტეტისკენ წავჩანჩალდი. გადაწყვეტილი მქონდა, თავიდან ამომეგდო ეს სიტყვებიცა და მათთან დაკავშირებული ყველაფერი. ლევანი კი საერთოდ აღარ შენახა, სანამ ვადა არ გავიდოდა და ზარდახმას უკან არ ჩააბარებდა. ასევე გადაწყვეტილი მქონდა, ახლა მაინც სერიოზულად ჩავჯდომოდი ჩემს დიპლომს. ლექციებზეც რეგულარულად მეგლო და ლექტორისთვისაც ყურადღებით მესმინა.

იმ დღეს მართლაც მოვახერხე ყველა ლექციისთვის გულდასმით მეგლო ყური. მხოლოდ ერთხელ ამოვვარდი არჩეული კალაპოტიდან, როდესაც შესვენებაზე

თამუნამ ირონიულად მკითხა, სად არის შენი დაპირებული ზღაპრული სიურპრიზიო. რას ვეტყვი. პასუხად მხოლოდ ირონიულად ჩავიცინე და მიუხედავად „შენმა სიურპრიზმა მდინარეში დაიხრჩო თავი“, და, რადგან ვიგრძენი, რომ საკმაოდ უფერულად გამომივიდა, „როგორმე სხვა დროისთვის მოგიმზადებ სხვა სიურპრიზს“, — თან მხედველობაში ჩემი დიპლომი მქონდა, რომლითაც, უკვე დარწმუნებით ვიცოდი, უნდა განმეცვიფრებინა მთელი ჩვენი ფაკულტეტი. და არა მარტო ფაკულტეტი — მთელი ჩვენი სამეცნიერო საზოგადოება. მთელი ქართული და არაქართული ფსიქოლოგიური საზოგადოება. იმდენად ძლიერი ნაშრომი უნდა შემექმნა, რომ მის ხილვაზე, თვით სახელგანთქმული ნარცის ახიც, რომ გაცოცხლებულიყო, განცვიფრებით შემოჰკრაფდა ტაშს და გაუნძღებოდა ეგრეთ წოდებული „აჰა-განცა“, რაც, ყველა ფსიქოლოგს კარგად მოესხენება, ადამიანს უჩნდება, როდესაც დიდი ხნის მანძილზე ამაოდ ეძებს რაღაცას და მერე მოულოდნელად იპოვის.

ამ მტკიცე გადაწყვეტილებით გამოვემართე საღამოს შინისკენ. მაგრამ არა ვარაზის ხევით — არა, ბატონო! ვარაზის ხევში ხმაურია, გამუდმებული მოძრაობა. დადიან მანქანები, ჯგუფ-ჯგუფად მოხეირნობენ სტუდენტები, არა მკითხე მხერით გიყურებენ თვალებში, მე სხვა გზა ავირჩიე — შევეღრმავდი უნივერსიტეტის ბაღში, დავეშვი „ნათლიას მოედანთან“, — ეს არის ხეებით შემოჯარული მყუდრო მწვანე მღვლო, რომელიც ოდნავ დაბლიდან ტერასად ეკვრის უნივერსიტეტის ბაღს. გაცვდი ამ ადგილს, ჩავედი, ბეტონის ხიდურით გადავლახე მდინარე ვერე და ზოობარკის გავლით, ვეზი ავიღე გმირთა მოედნისკენ.

უკვე ბინდებოდა.

ჩამავალი მზის სხივები ჰორიზონტალურად გაწოლილიყო მთელი ამ ბაღებისა და ტერასების გასწვრივ — ძალდა, ჰაერში, ხეთა ვარჯებს შორის. თვით

მდინარეზე და ზოობარკის ტერიტორიაზე უკვე ჩაწოლილიყო საღამო ბინდი.

მივდიოდი წელი ნაბიჯით ცხოველთა ვოლიერების გასწვრივ. და მავსებდა მყუდროება და უშფოთველი ფიქრები. ეს ფიქრები ძირითადად ეხებოდა ჩემს დაუმთავრებელ დიპლომს, რომელსაც რაღაც ელემენტი — ჯერჯერობით არ ვიცოდი რა, — აშკარად აკლდა და ეს ფაქტი მთელს ჩემს ნამუშევარს აცლიდა საზრისისა და სრულყოფილებას. ისეთი გრძნობა მქონდა, თითქოს საჭირო იყო რაღაც ერთადერთი ზუსტი ტერმინი, ერთი, ასე ვთქვათ, ჯადოსნური სიტყვა, და მთელი ჩემი ნაშრომი, რომელიც, ალბათ, გახსოვთ, ეხებოდა ადამიანის აზროვნებაში ცნებათა წარმოქმნას, მთელი ეს ნაშრომი შეიძენდა სიმწყობრესა და შინაგან საზრისს, იგი უნდა გამოსულიყო ლოგიკურ ცნებასავით მკაფიო და გამჭვირვალე.

ჩემი ვონება ისევ და ისევ უბრუნდებოდა ჩემს ძირითად პრობლემას — მაინც, რომელი ცნება, რავინდ ლოგიკური და ჩამოყალიბებული უნდა იყოს იგი, არის ბოლომდე მკაფიო და გამჭვირვალე? ვანა ყველა ცნებაში, როგორც უსიერ ტყეში, შეგინდანეე ჩასაფრებული არ არის რაღაცნაირი გაურკვეველობა თუ ირაციონალიზმი? თუნდაც ავიღოთ ცნება „ცხოველი“. ერთი შეხედვით სრულიად გასაგები ცნებაა. ეტიმოლოგიურად ეს სიტყვა აშკარად უკავშირდება „ცხოვრებას;“ შინაარსეულად იგი მოიცავს იმ ცოცხალ არსთა ერთობლიობას, რომლებიც დედამიწაზე სახლობენ და უჭირავთ რაღაც საშუალო ადგილი მცენარესა და ადამიანს შორის. ეს არის მოძრავე, მგრძნობიარე, გარემოწერილი, გარემოსთან მუდმივ გაცვლა-გამოცვლაში მყოფი, ბოლოვადი, არა-მოაზროვნე, არა-მეტყველი არსებების ერთობლიობა. მათი ძირითადი საქმიანობა გამრავლებითა და ერთმანეთის ჭამით ამოიწურება.

მაგრამ ისიც ხომ ცნობილია, რომ ცხოველთა ყოველ სახეობას გააჩნია ნიშანთა რთული სისტემები, რომლითაც

ისინი ადამიანზე არანაკლებ უცვლიან ერთმანეთს ინფორმაციას. ეს ნიშანთა სისტემა ისევე და, შესაძლოა, უკეთ ემსახურება ცხოველს კომუნიკაციისთვის, როგორც მეტყველება, უსტი და მიმიკა — ადამიანს. ამას დაუმატოთ ინსტინქტებისა და ტროპიზმების ჭეშმარიტად განსაცვიფრებელი და ამოუწურავი არსენალი — ეს ინსტინქტები შეუცთომლად ატყობინებენ მათ, თუ კონკრეტულად როგორ უნდა მოიქცნენ ამა თუ იმ სიტუაციაში.

ავილოთ თუნდაც კრაზანა.

მან ზუსტად იცის, სად უნდა დადოს კვერცი, როგორ უნდა შეუქმნას მომავალ მატლს ყველა აუცილებელი საცხოვრებელი პირობა, როგორ უნდა მოამზადოს ახალი ხორცი.

კვერცხის დადების მერე კრაზანა მიფრინავს მწკანე მდელსკენ. იქ შეუცთომლად არჩევს საკვებად გამოსადეგ ხოჭოს, ნესტრის ზუსტი დასობით ადამბლავებს ამ უბედურს, ეს დამბლარადაც უცნაურ ლეთარგიულ ძილს მიავაგვს. კრაზანის შხამი უბედურ არსებას არც კლავს და არც აცოცხლებს. იგი განაგრძობს ბიოლოგიურ სიცოცხლეს, მაგრამ სრულიად უმოძრაოდ. პარალიზებულია მისი ყველა ნერვული ცენტრი, წართმეული აქვს ნება — თუკი ასეთი ტერმინი შესაძლოა გამოვიყენოთ ხოჭოს მისამართით, აღარ შეუძლია თავის დაცვა — მხოლოდ წევს და რამდენიმე კვირის მანძილზე ცოცხლად ინახება, როგორც კონსერვი, ისე, რომ არ გაიხრწნას. პარკში მოთავსებულ ამ ცოცხალ კონსერვს ახალგაძირეილი მატლი ჭამს მთელი იმ ხნის განმავლობაში, რაც მისი მომწიფებისა და გარემოში გამოსვლისთვის არის საჭირო. რაღაც აუხსნელი უნარის წყალობით, კრაზანამ ზუსტად იცის, რომელი ხოჭო უნდა შეარჩიოს, სად ჩაუსოს ნესტარი, როგორ მოათავსოს ბუდეში ისე რომ მატლს ბევრი შრომა არ დასჭირდეს მის მოსახელთებლად. თავის მხრივ, მატლმაც ზუსტად იცის თავისი საქმე — გამოიჩეკება თუ არა, იგი შეძერება

მშობლის მიერ გამზადებული მსხვერპლის სხეულში და ჭამს, ჭამს, იზრდება. სხვა რაღაა აზროვნება? — მომავლის წინასწარ დაგეგმვის უნარი. ეს მწერები თითქოს აზროვნებენ, თანაც აზროვნებენ ადამიანზე ბევრად ნაყოფიერად, იმდენად ზუსტია და გამიზნული მათი ყოველივე მოქმედება.

მაგრამ აქ არის ერთი მაგრამ.

საკმარისია ამ აწყობილ სისტემაში ერთი დეტალი შეცვალო, რომ კრაზანის მოქმედება სრულიად უშინაარსო ხდება. მაგალითად — კრაზანის კვერცი რომ ბუდიდან შეუქმნევლად ამოიღო...

ამ შემთხვევაში მწერი სულაც ვერ ამჩნევს, რომ მისი მეგვიდრე თუ ნაშიერი აღარსად არის. რომ მისი მომავალი უკვე წინასწარ მოკვეთილი და ჩახშობილია. რომ ამ ცარიელი ბუდიდან უკვე აღარ დაიბადება არავითარი ცოცხალი არსი — გარნა მხოლოდ ისეთივე მკვდარი და დაობებული სიცარიელე, რაც უკვე ამჟამადაც სუფევს ძაფებით დაქსეილ ამ დახშულ სამყაროში.

მიუხედავად ამისა, კრაზანა — ნესტრით შეიარაღებული ეს რთული მექანიზმი — ზუსტად ისევე მიფრინავს სანადიროდ, როგორც გაფრინდებოდა, კვერცი რომ ადგილზე ყოფილიყო. ზუსტად ისევე არჩევს მსხვერპლს, ადამბლავებს, ახვევს კანონზომიერებისა და აუცილებლობის დაურღვეველ ქსელში და ათავსებს ცარიელ ბუდეში. მერე ამ ცარიელ ბუდეს პირს ამოუკრავს და კმაყოფილი, რომ თავისი ფუნქცია ბოლომდე პირნათლად შეასრულა, მიფრინავს სადღაც, თვითონაც არ იცის — სად. დახშულ ბუდეში კი არ არის არაფერი, გარდა სიკვდილისა და შხამით გონებაწართმეული, თანდათანობით მომაკვდავი ხოჭოსი. აქ აღარ არის მთავარი ელემენტი — კვერცი, სიცოცხლის ეს ერთადერთი პატარა უჯრედი, რომლისგანაც მომავალში უნდა წარმოქმნილიყო ისეთივე რთული და გაუგებარი მქოლავი არსება, როგორც არის ყველა კრაზანა, ყველა მწერი და ყველა ცხოველი ამ დედამიწაზე. აქ უკვე თავს იჩენს რაღაც

შემზარავი ფატალისტური დეტერმინიზმი, რაღაც გაუგებარი უზრობა, რომელიც სრულიად მოულოდნელია ასე საგულდაგულოდ აწყობილი სისტემისთვის. ხოლო რაც შეეხება კვერცხს, იგი ვიღაც მოაზროვნე არსებამ, კერძოდ — მეცნიერმა, ზოოფსიქოლოგმა — პინცეტით ამოიღო ბუდიდან და სადღაც, ჯანდაბაში თუ ჯოჯოხეთში, სადღაც, არარსებობის სიცარიელეში გადაუძახა. ასე დარჩა მომავალი მწერი განადგურებული და განწირული — „ჩახშობადი, ვითარცა ტუპრი!“

მაგრამ ხომ შეიძლება ერთხელაც კრაზანამ შეამჩნიოს კვერცხის დაკარგვა? ხომ შეიძლება, მშობლიური ინსტიქტით განმსჭვალულმა, შური იძიოს მოძალადეზე? ხომ შეიძლება, ერთ დღესაც შურისძიების ამ გოგირდოვანი კვამლიდან გამოვიდნენ უზარმაზარი, გიგანტური მწერები, როგორც საომრად გამზადებული ცხენები — მათს სხეულებზე ოქროსფერი და შავი გვირგვინები, მათი სახეები — როგორც შურისმაძიებელი ადამიანების. ხომ შეიძლება მწერების ეს უზარმაზარი გუნდი დაეცეს ქალაქს და დანესტროს და დაადაპლოს ყოველი ადამიანი, მათ შორის — ყველა ზოოფსიქოლოგი, რომელიც კი ამ ქალაქში ცხოვრობს? ხომ შეიძლება, ეს დანესტროლი ადამიანები კი არ დაიხოცონ, არამედ იცოცხლონ ხუთი თვე, — უძრავად, უუნაროდ, ვეგეტატიურ განზომილებაში, არ ახსოვდეთ თავიანთი წარსული, არ ჰქონდეთ მომავალი, და ასე, მთელი ამ ხნის განმავლობაში, მორჩილად ელოდებოდნენ სიკვდილს — მატლს, რომელიც გამოიჩეკება და დახრავს მათ შიგნიდან, მათს ლეთარგიულ ძილ-ღვიძილში?

აი, ჭეშმარიტად მეცნიერული კითხვები, რომლებზეც მეცნიერული პასუხი არა და არ გაიცემა:

ამ ფიქრებით ჩაუვარე მტაცებელ ფრინველების გალიას, სადაც ქანდარებზე არწივები და სვაეები გარიდულიყვნენ. მხოლოდ ხანგამოშვებით რომელიმე მათგანი ძილიდან გამოფხიზლე-

ბულივით აიქნევა ფრთებს — თითქოს რაღაც იღმაღმა ჩვენებამ შეამფოთაო, — და კვლავ ლეთარგიულ მღუმარებაში ირინდებოდა. მათს გადმოკარკულ თვალებზე მოვარდისფრო ჭუჭყიანი ლიბრი ზევით-ქვევით იწყოდა.

გაცედი გზაგასაყარს. ზოობარცა უკვე დაეკეტათ. ადამიანისული არ ჭაჭანებდა. ახლა მიუყვებოდი ირმებისა და მუფლონების ვრცელ ვოლიერებს, სადაც მოხრიოკებულ მიწაზე და ხელოვნურ კლდეებზე კერპებით უძრავად აყუდებულიყვნენ რქოსანი ბალახისმჭამელნი. ისინი იწვენენ თავაწეული და დაყუდებული, როგორც აღდგომის კუნძულის ქვისგან გამოიორკინილი უცნაური გრძელყურიანი ბომონები. მათს მღუმარე უძრაობაში არ შეინიშნებოდა არავითარი მოძრაობა, გარდა ერთისა — ეს იყო ყებბის მექანიკური, რიტმული და გაუთავებელი ჩმუნვა — მუფლონები იცოხნებოდნენ.

ვიდეკი და ვაკვირდებოდი ერთ მათგანს — მე, სულიერი არსება, მეორე სულიერს. იგი ვერც კი მაშინვედა. მისი პლასტმასისებრი თვალი იყურებოდა სადღაც შორს, ერთი მიმართულებით, თითქოს იმ ერთ წერტილზე იყო სამუდამოდ მიჯაჭვული. ისეთი გრძნობა გამიჩნდა, თითქოს ამ უცნაური და უძრავი არსების შიგნით ჩამალული იყო რაღაც გამოცანა, რომელსაც სამარადისოდ მიჯაჭვოდა მისი პირუტყვეული გონება. ამ გამოცანის ირგვლივ, როგორც პლანეტები — შავი ხვრელის ირგვლივ, ტრიალებდა მისი ყოველი შეგრძნება, გრძნობა და ფიქრი — თუკი ჰქონდა ამგვარი. ეს იყო ღრმად ჩაფიქრებული, საკუთარი დამაბული ფიქრისგან გაქვავებული, თითქოს ლეთარგიაში წასული არსება, რომელიც იწვა და მხოლოდ იცოხნებოდა, როგორც ზღაპარში — მონუსხული და გაქვავებული ქალაქის რომელიმე მკვიდრი, რომელსაც ყოველ ღამე მცირე ხნით სიცოცხლეს უბრუნებს და ნესტარევით მწვავე შოლტით ტანჯავს გრძნული ფერია. ეს მისი ცოხნაც რაღაც დაუსრულებელ ხარშვას

ჰგავდა, რაღაც მოუხარშავის გადახარშვას, თითქოს, უბედურს, ჯადო არ აეხსნებოდა მანამ, სანამ ღედამიწაზე არსებულ მთელს თივასა და ბალახს არ გადახარშავდა.

მინდოდა მეყვირა „ჰეი!“ — ისიც ხომ ცოცხალი არსება იყო, და იქნებ მის გრძელ ყურთა სმენამდე როგორმე მიედღწია ჩემს ამონაყვირს. მაგრამ ვიცოდი — ეს იყო უსიტყვო არსება, რომელსაც საკუთარი გასაჭირის გამოთქმაც კი არ ძალუძს, ნებისმიერ მოწოდებას თუ შეძახილს იგი უპასუხებს მხოლოდ ერთი გაბმული საზარელი (საზარელი — რადგან ამ სიჩუმეში ნებისმიერი ბგერა საზარელი იქნებოდა) ღმუილით: მშუუუ...

სრული სიჩუმე. აქ ქალაქის ხმებიც არ აღწევდა. არ ისმოდა თვით ჩიტების ჭიკჭიკი. მხოლოდ ბალახი ფაჩუნობდა ნიაგზე და ჩემს წინ, ვოლიერში, ეს ფიქრის ქარხანა ამოძრავებდა თავის საღებუ ხრახნილებს. მზის სხივები მოწითალოდ ეღვარებდნენ ვოლიერის ზემო ბოლოში აღმართულ ხელოვნურ კლდეებზე. მერე ერთბაშად ეს ნათებაც ჩაქრა — მზე ჩაესვენა. ერთბაშად ჩამუქდა ბინდი. ოდნავ დაჰქროლა ჟრუნტელის მსგავსმა ნიაგმა — თითქოს დღეს სული ამოხდა. და სადღაც, გალიაში რომელიღაც მტაცებელმა მხეცმა შეჰკოვლა.

ეს თითქოს დათქმული ნიშანი იყო — ანახდად ზოოპარკში მყოფი ყველა სულდგმული აჰყვა ამ ეულ კვილს — ყველა თავის ხმაზე, და ყველა ეს ხმა შეირწყა ერთიან ყურისწამლებ გნიასად. უფრო სწორად, კიოდნენ, ალბათ, მხოლოდ მტაცებლები. დაზურული ვოლიერებიდან ისმოდა მსხვილ მტაცებელთა ჩახშული ღმუილი — იქ ბინადრობდნენ ლომები, ვეფხვები და ავაზები. გარეთ, უფრო მცირე ვოლიერებში, ყმუილით აწყდებოდნენ ძაღლისებრთა ოჯახის წარმომადგენლები. ამ საშინელ გნიასს ზემო მხრიდან დაერთო სვაეებისა თუ არწივების საზარელი შეკივლებანი — თითქოს მთელი სამხეცე რაღაცას გლო-

ვობდა. იქნებ მათი ეს გლოვა რაღაცნაირად მზის ჩასვლას უკავშირდებოდა? ან იქნებ რაიმე სულ სხვა, ადამიანისთვის გაუგებარი მიზეზი ჰქონდათ? — ამაზე ვერაფერს ვიტყვი. მხოლოდ ვიდექი თავზარდაცემული და ვფიქრობდი, რომ ახლა მთელი ეს აყმუვლებული უსიტყვეური არსებები გალიებიდან გამოცივივდებოდნენ და ნაფლეთებად მაქცევდნენ მე — მათს შორის მყოფ ერთადერთ სიტყვიერს.

სწრაფი ნაბიჯით გავემართე ზოოპარკის გასასვლელისკენ, გადავკვირი რკინის ვისოსებზე და მხოლოდ მაშინღა დავმშვიდდი, როცა თავი ამოვყავი გმირთა მოედანზე, სადაც ჯერ კიდევ მრავლად იყო ფეხით მოსიარულე ხალხი. ღენინის ქუჩის აღმართზე საშინელი გუგუნითა და ღრიალით მიმოქროდნენ მანქანები და კუდებიდან უშვებდნენ მომწამლეულ კვამლს, რომელიც შრეებად იფანტებოდა ხალამოს გამჭვირვალე ჰაერში.



შემდგომი ორი კვირა ისე გავიდა, რომ აღარც ლევანი მინახავს და აღარც მისი სიტყვებისა გამიგია რამე. სანეტარო კანტორიდანაც არავის შეუწუხებია. — ალბათ, უკვე შეეგუენ ძველი და უუარგისი ზარღახშის დაკარგვას. ან იქნებ სულაც ჩემი ხელმოწერილი დოკუმენტი დაკარგეს — სადღაც საბუთებს შორის გაებნათ და ვედარც ვერასოდეს იპოვნინდნენ. და რომც ეპოვნათ, რომც მომდგომოდნენ პრეტენზიით, გადაწყვეტილი მქონდა, ასეთ შემთხვევაში იქით წამეყენებინა მათთვის პრეტენზია: რაში გადამახდევინეს 250 მანეთი? რაღაც დამძაღებულ და გალაყებულ უსარგებლო პროდუქციაში. შემეძლო პროკურატურაშიც კი მეჩივლა მათთვის — მართლაც, საინტერესო იყო, ფრიად საინტერესო, თუ რით ამარაგებდნენ ისინი ახალგაზრდობას, რა წყაროებიდან შოულობდნენ თავიანთ უხეი და ანტისაზოგადოებრივ საქონელს.

არა. მათ ჩემთან არაფერი გაუვიდოდათ. თუმცა არც არავინ გამოჩენილა.

ორი კვირა თავაულებლად ვმუშაობდი დიპლომზე.

გამოვჭერი მუყაოს ბარათები.

ხელ დავახატე სხვადასხვა ფორმისა და ფერის ცენტრალური ფიგურები და ასევე სხვადასხვა ფორმისა და ფერის პერიფერიული ჩარჩოები.

ეს ფიგურები და ჩარჩოები ვკუფდებოდნენ ცალკეულ კლასებად. ცდის პირებს რამდენიმე ექსპოზიციის შემდეგ თვითონ უნდა დაეღაგებინათ ეს ბარათები შესაბამის კლასებად. შემდეგ მე მათ ვეკითხებოდი, თუ რით იხელმძღვანელებს ბარათების კლასებად გაერთიანებისას. როგორც წესი, ცდის პირებს გაცნობიერებული არ უნდა ჰქონოდათ ის კონკრეტული ნიშნები, რითაც ბარათები ერთმანეთისაგან განსხვავდებოდნენ. მიუხედავად ამისა, უმრავლესობას მაინც წარმატებით უნდა მოეხერხებინათ მათი კლასიფიცირება.

ეს ექსპერიმენტი ახალი არ არის. ყველა ფსიქოლოგისთვის ცნობილია — მისი საშუალებით დასტურდება, რომ ადამიანი, ცნებათა სისტემით ოპერირებისას, ბოლომდე არ ახდენს ამ ცნებათა გააზრებას, არამედ ხელმძღვანელობს ერთგვარი ინტუიციური, არათვალსაჩინო თუ ფარული ცოდნით. როდესაც იგი იაზრებს რაიმე ცნებას, იგი ბოლომდე არ აცნობიერებს მის ძირითად ელემენტებს, მაგრამ, მიუხედავად ამისა, მაინც შეუცდომლად ათავსებს მას ცნებათა შესაბამის სისტემაში.

მაგრამ მე უფრო დიდ აღმოჩენებს ვინახავდი მიზნად.

მინდოდა შემეჩვენა არარსებული შინაარსებისგან აგებული ცნებათა მთელი სისტემა, მთელი გამოგონილი სამყარო, რომელიც გარკვეული სახით იქნებოდა ფიქსირებული ბარათებზე ან სულაც მოცულობით საგნებზე.

ამ ჩემს მიერ გამოგონილ სამყაროში ცდის პირები იტრიალებდნენ და ურთიერთობა ექნებოდათ მათთვის სრულიად ახალ ცნებებთან მრავალი დღის მანძი-

ლზე — ეს იქნებოდა რეალობის ერთგვარი მოდელი, სადაც ცდის პირი, როგორც დედამიწაზე ახლადმოვლენილი პირველყოფილი ადამიანი, თანდათანობით გაეცნობოდა და შეიმეცნებდა მის გარემომცველ ცნებათაგან თითოეულს, სახელს დაარქმევდა და მოათავსებდა მათ ცნებათა უფრო დიდ სისტემაში. ამ შემეცნებით პროცესზე დაკვირვება იყო ჩემი მიზანი — როგორ მოახდენდა ცდის პირი ცნებების ერთმანეთთან დაკავშირებას? რა ნიშნითვისებებით იხელმძღვანელებდა ამ დროს? რამდენად გაცნობიერებული იქნებოდა ამ ცნებათა ძირითადი ნიშნები? კერძოდ, რომელ ნიშნებს მიანიჭებდა პრინციპულ მნიშვნელობას? — მისთვის ეს სამყარო სრულიად ახალი და საიდუმლოებით მოცული უნდა ყოფილიყო. ისე როგორც — ველურისთვის ცოცხალი არსებებით დასახლებული ტყე. მას ხელის ცეცებით უნდა ევლო ცნებიდან ცნებად და საკუთარი ინტუიციისა თუ ფარული აზროვნების წყალობით ცნობიერებაში თანდათან უნდა შეეჩვენა ამ უცნობი სამყაროს სურათი, რომელიც ჩემთვის, ექსპერიმენტატორისთვის, თავიდანვე საკლებით ცხადი და გარკვეული იქნებოდა, რამდენადაც ამ სამყაროს შემოქმედი მე ვიყავი. სწორედ ამ ექსპერიმენტის წყალობით მსურდა დამედგინა ზოგადად ადამიანის აზროვნების ძირითადი საფუძველდებელი პრინციპები.

მაგრამ ეს ძნელი იყო, ძალიან ძნელი.

ძნელი იყო თუნდაც იმ ადამიანების პოვნა, რომლებიც ამისიგრძე ექსპერიმენტში მონაწილეობაზე დამთანხმდებოდნენ. მაგრამ რას მიქვია სიმძნელე, როდესაც საქმე უნიკალურ აღმოჩენას ეხება?!

მეორე მხრივ, ვერძნობდი, რომ ჩემს ექსპერიმენტს ჰქონდა აგრეთვე თავისი ფილოსოფიური მხარე. ეს ყველაფერი შინაარსით ძალიან წააგავდა პლატონის იდეათა თეორიას.

ალბათ, კარგად მოგეხსენებათ, პლატონის დიალოგებში წარმოჩენილია სწორედ ის უცნაური მოვლენა, რომ

ადამიანი, მიუხედავად იმისა, რომ დარწმუნებულია ამა თუ იმ ცნების ცოდნაში და წარმატებითაც ხმარობს ამ ცნებას ყოველდღიურ ცხოვრებაში, ნამდვილად სრულიად ვერ აცნობიერებს მის ჭეშმარიტ მნიშვნელობას.

მაგალითად, სოკრატე (იგივე ექსპერიმენტატორი) ეკითხება ამა თუ იმ თანამოსაუბრეს (იგივე ცდის პირს):

„რა არის მშვენიერება?“

„მშვენიერი არის, მაგალითად, აი, ის ცხენი“, — პასუხობს გაკვირებული თანამოსაუბრე, რომელსაც, მისი აზრით, ასე მარტივი შეკითხვა დაუსვეს.

„მე არ გეკითხები, თუ რომელი საგანია მშვენიერი. მე გეკითხები — რა არის მშვენიერება?“ — უმოწყალოდ უბრუნებს კითხვას სოკრატე.

მასინ ცდის პირი სრულიად იბნევა — იგი იწყებს სხვადასხვა, მისი აზრით, მშვენიერი მოვლენების ჩამოთვლას, როგორცაა მშვენიერი ქალი, მშვენიერი საქციელი, სიყვარული, სიქველე — მაგრამ ყოველივე ეს მხოლოდ საგნებია. მშვენიერი საგნები, და არც ერთი მათგანი არ არის თავად მშვენიერება. მშვენიერება საღაც, ამ საგანთა მიღმა რჩება.

ბოლოს გაოგნებული ცდის პირი იძულებულია აღიაროს, რომ თურმე მას არ სცოდნია, თუ რას ნიშნავს სიტყვა „მშვენიერება“. არადა, თავიდან სავსებით დარწმუნებული იყო, რომ ამ სიტყვის მნიშვნელობა კარგად მოეხსენებოდა.

ასეა ნებისმიერი სხვა ცნების შემთხვევაშიც — შეგიძლიათ თქვენს თავზე შეამოწმოთ. რამდენადაც უცნაური უნდა იყოს, თითქმის შეუძლებელია სიტყვებით გამოხატო იმ სიტყვების მნიშვნელობა, რომლებიც თითქოს ძალიან კარგად იცი და რომელთაც ყოველდღიურად თამამად ხმარობს საუბარში.

ასე ვიჯექი ერთ საღამოს — უკვე დეკემბრის ერთ-ერთ ბოლო საღამოს — ჩემს ოთახში და თავი სამუშაოში მქონდა ჩარეული, რომ კარებზე ზარი გაისმა და შემოვიდა ლევანი, ხელში კვლა-

ვინდებურად თავისი განუყრელი შავი ზარდახში.

რა დასამალია, — მისი ნახვა გამიხარდა.

ერთის მხრივ, იმიტომ, რომ დიდი ხანია არ მენახა, მეორეს მხრივ კი, იმიტომ, რომ იმედი მქონდა — ჩემი ახალი ნააზრევით გავაკვირებდი.

— სადა ხარ? რატომ აღარ გამოინდი? — საყვედურით მკითხა მან.

მე კალმისტარი გვერდზე გადავდე და ჯაგინდაზე ვაშლილ ქალაღლებზე მიუთითე:

— ხელავ, რამდენი სამუშაო მაქვს? არ შეცალა.

მან ინტერესით მოავლო თვალი ჩემს საწერ მაგიდას.

— ბევრი გიმუშავია. გააკეთე რამე?

— მგონი, კი.

— კარგია. მაინტერესებს. მაინც რა გააკეთე?

— ცნებათა ჩამოყალიბების მექანიზმს ვიკვლევდი, — მიუუბოთხე თანამდებლად.

— მერე, რა გამოიკვლიე? — ვხედავდი, მართლა აინტერესებდა, ისევე როგორც აინტერესებდა საერთოდ ყველაფერი ახალი ამქვეყნაზე. ამიტომ მიუუბოთხე:

— საერთოდ, ცნებები, როგორც ცნობილია, თავის თავში შეიცავენ როგორც რაციონალურ, ისე ირაციონალურ ელემენტებს. ყოველი ცნება, რომელიც თითქოს სრულიად ნათელი და თავისთავად ცხადი შინაარსითაა დატვირთული, სინამდვილეში გაცილებით უფრო ფარული და არაცნობიერია, ვიდრე ჩვენ გვგონია.

— მაგალითად? — ლევანმა ინტერესით შემომხედა.

— მაგალითად, რა არის მშვენიერება? — ვკითხე მე და ვიგრძენი — ყველაფერი რიგზე იყო. საუბარი თითქოს საგანგებოდ თვითონ მიდიოდა დასახული კალაპოტით.

ლევანმა მხრები აიჩინა.

— ვერ გავიგე, როგორ თუ რა არის მშვენიერება? — მკითხა დაბნევით.

გამეღიმა:

— გესმის, თუ არა, რას ნიშნავს სიტყვა „მშვენიერება?“

მან დაფიქრებული მზერა მომაპყრო:

— მშვენიერება?

— ჰო, — მიუხედავად მე, — მშვენიერება.

— რა თქმა უნდა, მესმის, — მიპასუხა ლევანმა.

— ჰოდა, მითხარი, რა არის მშვენიერება? — უმოწყალოდ მიუხედავდა მე.

მან ზარდახშა, ისე, რომ მაგიდაზე არ დაუდგამს, გახსნა, და იქიდან, როგორც მოსალოდნელი იყო, ერთბაშად ამოიშალნენ სხვადასხვა ფერით მოცემცემე სიტყვები. ვიფიქრე, რომ ახლა სიტყვა „მშვენიერებას“ დასწვდებოდა და მომაწოდებდა, მაგრამ მან მხოლოდ ქარბორბალასავით დაატრიალა თავისი სიტყვები.

— აი, ეს არის მშვენიერება, — ცოტა არ იყოს, პათეტიკური ტონით წარმოთქვა მან. თეატრალიბა მუდამ უყვარდა.

მაგრამ მე კვლავ სოკრატესავით, უმოწყალოდ ჩავეძიე:

— მე არ მიკითხია შენთვის, თუ რომელი საგანია მშვენიერი. მე ვკითხები: რა არის მშვენიერება?

— მშვენიერება? — კვლავ დაბნეულად იკითხა მან, თან ელვისისისწრაფით ქმნიდა სიტყვებისგან უცნაურ ფიგურებს. ჩემი ოთახი სწრაფად ივსებოდა ათასნაირი ცოცხალი არსებებით. ჩემს არყოფნაში ლევანს ჭეშმარიტად ვირტუოზული ოსტატობისთვის მიეღწია.

— ჰა, მიპასუხე, რა არის მშვენიერება? — ისევ ჯიუტად ვკითხე.

— უკვე ვიპასუხე: აი, ეს არის მშვენიერება, — გაიმეორა მან და ფიგურებზე მიმითითა. ეს ფიგურები უკვე სახსებით აღარ გვანდნენ არც პირველ სიტყვებს და არც ლევანის ოთახში შექმნილ გირლიანდებს. აქ იყვნენ სრულიად ახალი და უცნაური ცოცხალი არსებები, მთელი სურათები და პეიზაჟები. მათ შორის მოლიველივე ადამიანებით. ორი მათგანი — ქალი და კაცი, ჩვეულებრივი ადამიანური ზომისა, თანაც ჭეშმარიტად მშვენიერი ქალი და კაცი, დედისობილა, როგორც ადამი და ევა, უხ-

მოდ და ნეტარად ლივლივებდნენ სურათების მოციმციმე ედემში. აქ იყო მთელი მშვენიერი სამყარო — ცოცხალი ქმნილებების მთელი სამყარო, რომელსაც უკვე გავესო მთელი ჩემი ოთახის სივრცე.

ცოტა ხანს სიამოვნებით ვუყურებდი. მერე მოახლოებულ ფიგურებს ზელი ავეუქნიე და კვლავ სოკრატესებური, ჯიუტი ღიმილით ვკითხე:

— ეს ყველაფერი მშვენიერია, მაგრამ ეს მაინც მშვენიერი ქმნილებებია და არა თვით მშვენიერება. მე კი ვკითხები: „რა არის მშვენიერება?“.

ლევანმა შემომხედა და გაეცინა.

— დიდი ჯიუტი ვინმე ხარ. თუ ეგრე გინდა, ეხლავე გიჩვენებ, რა არის მშვენიერება, — თქვა მან, ფანჯარასთან მივიდა, გამოაღო, და მოულოდნელად, სანამ რამის გაფიქრებას მოვასწრებდი, რაფაზე შეხტა. მანათობელი სურათებისა და არსებების მთელი ჯარი სასწრაფოდ მიჰყვა, დატრიალდნენ და გარს შემოეხვივნენ — და ლევანი, გარშემორტყმული ამ მანათობელი შარავანდით, ღია ფანჯრიდან ღამის წყვილიდში გადაეშვა.

ოთახი ერთბაშად დაცარიელდა.

შემრწუნებული გავშეშდი.

შემრწუნებული, რადგან ჩემი ოთახი მეხუთე სართულზეა.

შევერებაც ვერ მოვახერხე — სულ მთლად წამერთვა მოქმედების უნარი.

ნუთუ მან, მხოლოდ იმისთვის, რომ ეჩვენებინა, რა არის მშვენიერება, გადაწყვიტა მშვენიერი სიკვდილით მოეკლა თავი?!

ამ აზრმა გულში ელვისებურად გამიარა და წამსვე ვიგრძენი, თუ რაოდენ უაზრო იყო ეს ყველაფერი. თვითონ მისი ნაბიჯი — თავისთავად, ალბათ, საკმაოდ ეფექტური და მშვენიერი ნაბიჯი, სრულიად უაზროდ და უმოწყალოდ უნდა დამსხვრეულიყო ასფალტის ზედაპირზე, როგორც ზეციური ქმნილებებით გარშემორტყმული ფაეტონი.

რამდენიმე წამს გახევებული ვიდექი და ველოდებოდი, როდის გაეივებდი

სხეულის ასფალტზე დანარცხების ხმას. და რაღაც ყრუ და შეშხარავი ხმა მართლაც გაისმა.

გიჟივით მივვარდი ფანჯარას, გადავყულე და ყელიდან ღრიალი აღმოძხდა: — ლევიკო!

და მაშინვე, აქვე, ჩემს ახლოს, გაისმა დამცინავი შეკითხვა:

— რა გაღრიალებს, შეჩემა?!

ეს უკვე აღარც ტრაგედია იყო და აღარც კომედია, — რაღაც საშინელ ფარსს ჰგავდა.

მანათობელ ღრუბლებზე გაწოლილი ლევანი ნარნარად ეშვებოდა დაბლა, თითქოს წყვდიადის უძირო სიღრმეში, ეშვებოდა და თან ირონიული ღიმილით ამომყურებდა.

ქვემოთ ჩაიხიდე — თითქოს მაინც ეელოდი, რომ ფსკერზე მისი დასახინჩრებული სხეული უნდა დამენახა. იქ, ცხადია, არაფერი მსგავსი არ ეგდო, მხოლოდ ორი ადამიანი ჩანდა. — ისინი იდგნენ — გოგო და ბიჭი — და ამოგვცქეროდნენ.

სასწრაფოდ მოეწყდი ფანჯარას, კარი გამოვადე და კიბე ჩავირბინე.

ლევანი უკვე მშვიდად იდგა ჩემი სახლის წინ. ხელში დახურული ზარდახშა ეჭირა. სიტყვები არსად ჩანდნენ. გვერდზე კი უცნობი ქალიშვილი და ჭაბუკი ამოსდგომოდნენ. ესენი არ იყვნენ მისი ქმნილებები — ესენი იყვნენ ნამდვილი, სისხლხორცეული ადამიანები.

— ეს მაიაა. ეს სოსო, — ისე მითხრა ლევანმა, თითქოს არაფერი მომხდარიყო.

გონს ძლივს მოვეკე.

— გამარჯობათ, — ვთქვი დაბნეულად.

— ჩვენ, მგონი, ვიცნობთ ერთმანეთს, — სოსომ ღიმილით გამომიწოდა ხელი. შევხედე და მართლაც ვიცანი — ეს იყო ჩვენს მოპირდაპირე ეზოში მცხოვრები ბიჭი, რომელიც ადრეც რამდენჯერმე მენახა ლევანთან.

ლევანმა მაიასკენ გაიწოდა ხელი:

— მაიასაც ხომ არ იცნობ? ნახე, რა კარგი გოგოა!

— ზაზა! — წარმოვთქვი უაზროდ და მაიას გამოწვდილი ხელი ჩამოვართვი.

— წაივლეთ, გავაცილოთ მაია, — უზრუნველად წარმოთქვა ლევანმა და ჩაბნელებულ ქუნას გაუყვავა. მაიაც გვერდზე მიჰყვებოდა. მე და სოსო უკან მივეყვით.

აღარ ვიცი, გადმოვცეთ თუ არა ის ამბები, რაც იმ დამეს სოსომ მომიტხრო.

არ ვიცი.

ჯერ მინდოდა, ყველაფერი თავიდან ბოლომდე, მიმდევრობით მომეყოლა, მაგრამ მერე, როცა დავაპირე, რაღაც საშინელი სიზარმაცე შემომაწვა. როგორც ჩანს, ეს სიზარმაცე გამოწვეული იყო სკეპტიკური ფიქრით — რა აზრი აქვს ყველაფერ ამას? ვის ეუყვები? ვისთვის ვხარჯავ ამ მკვდარ და უშინარსო სიტყვებს? ვისთვის ვცდილობ, წარმოვანინო ჩემი მეგობრის — ლევანის ასეთი და ისეთი თვისებები? — ვიფიქრე მე, — ადამიანები ისეთი უმადურები არიან. ისინი მოელიან შენგან გასართობს, ელიან იმას, რაც მათს გრძობებს მიესალბუნება. მაგრამ სად შემიძლია მე, ერთ უბრალო და ჩამოუყალიბებულ პიროვნებას, მოგიითხროთ მთელი ამბავი ისე, როგორც სინამდვილეში მოხდა — რა კავშირი უნდა ჰქონდეს ჩემს უფერულ სიტყვებს სინამდვილესთან? არა, ამის გადმოცემა ჩემს ძალებს აღემატება. და არც დავდებ ამაზე თავს. მხოლოდ ერთი რამით შემიძლია გავახარო მკითხველი, რომელსაც, როგორც ნამდვილ მკითხველს შეეფერება, სურს რაც შეიძლება მალე შეიტყოს ამ ამბის დასასრული — ვითომც ამბის დასაწყისისა და დასასრულის გარდა არც არაფერი არსებობდეს. სწორედ ასეთი მკითხველისათვის შევეცდები რამდენიმე სიტყვით გადმოვცე შემდგომი ამბავი:

თურმე იმ ხანებში, რაც მე ლევანი არ მენახა, იგი იქცეოდა როგორც შეეფერება უფლისწულს, და ამგვარი ქცევით ბევრი შურიანის გული შეურაცხყო. მაგრამ ქვეყანა ხომ მართლ შურიანებისგან არ შედგება. ქვეყნად არიან

დრმა გულის ადამიანებიც. და ერთი ასეთი, თანაც — მდებრობითი სქესისა — შეხვდა ლევანსაც. ეს იყო მათა, რომელიც, სოსოს თქმით, ლევანმა ქუჩის ნამირალეებისგან დაიხსნა. როგორ დაიხსნა? ცხადია, სიტყვების საშუალებით. იმ საღამოსაც ლევანმა ჩაიდინა დაახლოებით ისეთი რამ, რაც დღეს, ჩემთან ყოფნისას, როდესაც, სიტყვებით გარშემორტყმული, პირდაპირ ღია ფანჯრიდან გადაეშვა. ამის შესახებ დანამდვილებით სხვა აღარაფერი ვიცი. ამიტომაც კონკრეტულად ვერ ვიტყვი, რა მოხდა იქ. მხოლოდ სოსოს სიტყვების კვალდაკვალ წარმომიდგენია, რა თავზარი უნდა დასცემოდათ ქუჩის ავარებს, როდესაც დაინახავდნენ, რომ ღამის წყვდიადში მათკენ მალლიდან მოფრინავს მანათობელი არსებებით გარშემორტყმული ვიღაც მუშკეტურის სამოსიანი კაცი და მუქარით იქნევს დაშნას.

ალბათ, ყველაფერი გასაგებია. გასაგებია მათას ჩუმი სიყვარული და მოკრძალებაც ლევანის მიმართ.

მათა რომ მივაცილებთ და უკან გამოვბრუნდით, ლევანს თანდათან თავისთვის ჩვეულმა სიხალისემ წამოუარა და გადაწყვიტა სახვალიოდ სიურპრიზი გაეშაფებინა მათასთვის.

— რა სიურპრიზი? — ვკითხე ცოტა არ იყოს შემფოთებით, რადგან ძნელი არ იყო მისი სიურპრიზის შინაარსის გამოცნობა.

— რაღაც ფანტასტიკა უნდა გვაკეთოთ მათასთვის. ხვალ ღამე შობაა. დილას, მათა რომ გაიღვიძებს და ფანჯრიდან გამოიხედავს, აი, ეს დახვდება, — თქვა მან და ზარდახშას თავი ახადა.

იქიდან ელვის სისწრაფით ამოიფანტნენ მანათობელი სიტყვები.

— ლევან, — საყვედურით შეემახე მე, — რას აპირებ. ხომ გაგაფრთხილეს კანტორაში, რომ სიტყვების ღია ციქვეშ გაშვება არ იქნება.

ლევანმა სიცილით შემომხედა:

— კარგი ერთი, რა დაიჩემეთ ყველამ ეს კანტორა და კანტორა! ჩემი სიტყვებია და რასაც მინდა, იმას ვუზამ.

— შენი კი არა, იმათია.

— მერე რა, რომ იმათია. დროებით ხომ ჩემია. არც ერთი სიტყვა არსად არ დაიკარგება. ყველას უკლებლივ ჩავაბარებ. აბა, მათას საჩუქარი ხომ უნდა გავუშვადო!

— ხალხი რას იფიქრებს, დილას სიტყვებს რომ დაინახავენ!

— რას იფიქრებს? რაც უნდათ, ის იფიქრონ. თუ ნორმალურები არიან, უნდა მოილხინონ. თუ არა და, ჯანდაბამდე გზა ჰქონიათ.

აქ ჩემი ზარდახშა გამახსენდა — რომელიც მდინარეში ჩაუშახე — და გავჩუმდი.

ლევანი კი ამასობაში დროს არ კარგავდა, — ქმნიდა და ქმნიდა სიტყვებისგან ფანტასტიურ ფიგურებს.

მათას სახლის წინ ხეები მანათობელი ფიგურებით დაიფარა. დაიფარა აგრეთვე მათას კორპუსის ფანჯრები და კარნიზები. მერე ლევანმა ეზოში გადაინაცვლა, მერე ქუჩაში — სიტყვების ღრუბელი მის გარშემო თანდათან უფრო იზრდებოდა და იზრდებოდა, სიტყვების ნაკადს თითქოს ბოლო არ ჰქონდა. და, ალბათ, არც ჰქონდა ბოლო — ზარდახშა ამკარად უძირო იყო.

თანდათან მე და სოსოც გავკვიტავთ მისმა საქმიანობამ. ქუჩაში გამოვიჭერთ და ახლა აქ დავიწყეთ სიტყვების გირლიანდებით ხეების მორთვა. თანდათან, უცნაური და მანათობელი მტევნებით დაიხუნძლა ყველა ხე, რომელიც კი იღვა მათას სახლიდან ლევანის სახლამდე — ყაზბეგის გამზირის ორსავე მხარეს.

დავკროდით სიბნელეში, როგორც ზღაპრის ჯადოსანი და მისი ორი შევირდი შობის წინა ღამეს, და აქეთ-იქით ვაფრქვევდით უცნაურ საჩუქრებს. თანდათან დაიფარა ხეები, ფარნის ბოძები, ბუჩქები. ყაზბეგის გამზირზე უკვე ტევა აღარ იყო. ლევანს კი გაუთავებლად ამოჰქონდა და ამოჰქონდა სიტყვები, ქმნიდა ფანტასტიურ არსებებს, სიზმარულ სურათებს, სასიყვარულო ლექსებს და ბალადებს — და ყველაფერს

ამას ისე კიდებდა ხეებსა და ბოძებზე, თითქოს საკუთარ სახლში საახალწლო ნაძვის ხეს რთავდა.

ბოლოს დაღლილმა და კმაყოფილმა ზარდახშმს თავი დაახურა.

— ესეც ასე, — თქვა უცარი სევდით, — ესეც ასე, დამთავრდა ფერია.

ქუნას გავხედე — მთელი გამზირი, ლევანის სახლიდან მაიას სახლამდე, ცოცხალივით თრთოდა და უცნაური ზღაპრული ალით კიაფობდა.

— ეხლა რაღა ვქნათ? რა მოიციდის ხვალ დილაზე? — თქვა ლევანმა და უცერად ნაღვლიანად ჩაქინდრა თავი. ამ წუთში იგი, რატომღაც, მოტეხილი და მოხუცებული მეჩვენა.

— ვერ გავიგე, რატომ ხდება ასეთი რაღაცები! — ჩუმად თქვა მან.

კითხვის გამოძახტველი მზერით შევხედე. იგი კვლავ თავჩაქინდრული იდგა. არაფერი უპასუხია.

— როგორი რაღაცები? — მე თვითონ შევეკითხე მამინ.

ლევანმა თავი ასწია. შემომხედა:

— მაიას შუშაბანდში გალია ედგა. შიგ ჩიტი იყო. იმ დამეს გამოსულა ვირთხა, გალიის კარი რაღაცნაირად გაუღია და ჩიტისთვის ფრთები მოუჭამია.

— როგორ თუ ფრთები? — გამიკვირდა, — ჩიტი არ შეჭამა და მარტო ფრთები გადაულრღნა?

— ჰო, — თქვა ლევანმა, — ჩიტს ხელი არ ახლო, ეტყობა, მშვიერი არ იყო. მარტო ფრთები გადაულრღნა და წავიდა. დილას გალიაში მკედარი ჩიტა დახვდათ. ჩიტი ცალკე ეგდო, ფრთები ცალკე ეყარა. წარმოიდგინე, რა კომპარია — ღამე გალიის კარი იღება და ვირთხა შემოდის. ჩიტი აქეთ-იქით აწყდება...

ეს ვირთხისა და ჩიტის ამბავი ძალიან სანტიმენტალურია და ძალიან სიმბოლური. სიმბოლური, განსაკუთრებით, ლევანისთვის, რადგან იგი ყოველთვის დიდ მნიშვნელობას ანიჭებდა

ასეთ დეტალებს — თუ ამას დეტალი ეთქმის.

და ამის გარდაც, — თქვა სოსომ, — ამ ქვეყანაზე არის კიდევ მრავალი რამ, რაც აღამიანს გზას უკეტავს, სასოს ართმევს და თავზე რაღაც საშინელ სპილენძის ქვევრს ამბობს.

ასეთებიც მომხარყო ლევანის ცხოვრებაში მას შემდეგ, რაც მე იგი არ შენახა.

იმ დამეს საშინელი სიზმარი მესიზმრა.

ვითომც მე და ლევანი ჩემს ოთახში ვიდექით, კარის ზღურბლთან და გარეთ გასულა გვიდოდა. მაგრამ ჩვენს წინ, დერეფანში, იქ, სადაც ჩემი აბაზანა და ტუალეტია, ორ რივად იწუნენ მხეცები. აქეთ და იქით. ზუსტად არ ჩანდა, რამდენი მხეცი იყო, მაგრამ ყოველი მათგანი — საშიში მტაცებელი. ჩვენ ამ მხეცების რიგებს შორის უნდა გაგვევლო.

მე ძალაგამოცლილივით ვიდექი და მხოლოდ ერთი ფიქრით მქონდა აესილი ვიღებ: არ შეგვამჩნიონ, არ შეგვამჩნიონ, რომ ვდგავართ. და უცერად გამახსენდა, რომ ლევანს არ უყვარდა შემუნწველად ყოფნა. მის ამ თვისებას სიზმარში რაღაც საბედისწერო მნიშვნელობა ჰქონდა შექენილი.

ლევანს შევხედე — მას თვალი მონუსხულივით მიეპყრო ერთ-ერთი მხეცისთვის — ეს იყო ავაზა — და აღფრთოვანებული ამბობდა: „შეხედე, შეხედე, რა ბეწვი აქვს. აბრეშუმივით არ არის? შიგნით კი რა სხეულია?! როგორც კაუჩუკი!“ ლევანი ავაზასაკენ წაიწია, ის კი იწვა და ბეწვი შავად უზინავდა.

და უცერად შევამჩნიე, რომ ყოველი მხეცი ბოროტად იღრინებოდა და მანათობელი თვალებით გვიყურებდა. ხოლო ავაზას, რომელიც ჩვენგან ყველაზე ახლოს იწვა, ბეწვი აჯაგროდა და მთელი სხეული კაუჩუკით ეძაგრებოდა. —

ჩანდა, ნახტომისთვის იყო მზად. თავ-
ზარდაცემულმა გაეფიქრე, რომ ყველა
გზა მოჭრილი ვეჭონდა, ერთადერთი
შანსი გვრჩებოდა — ტუალეტში შევეარ-
დნილიყავით და კარი შიგნიდან ჩაგვე-
კეტა. მაგრამ ეს შანსიც, რაღაცნაირად,
თითქოს სანახევრო და დაუსრულებე-
ლი იყო, რადგან რამდენ ხანს შეიძლე-
ბოდა ტუალეტში ჯდომა?

„ტუალეტში, ლევან სწრაფად, ტუა-
ლეტში!“ — ჩაურჩული ლევანს, ისე,
რომ ჩემი ჩურჩული მხეცებს არ გაე-
გოთ. დარწმუნებული ვიყავი, მათ თი-
თოეული ჩვენი სიტყვის მნიშვნელობა
ესმოდათ.

— სად? — ხმაძაღლა მკითხა ლევანმა.

„ჩუმად, ბიჭო. გაიგონებენ. ტუალეტ-
ში-მეთქი!“ — ვჩურჩულებდი მე, ოღონდ
ვცდილობდი ისეთი გამომეტყველება
მქონოდა, ვითომც შუშაბანდისკენ ვაპი-
რებდით გაქცევას. ვჩურჩულებდი და
სულ არ მენადვლებოდა, რომ, ამასობა-
ში, მხეცები შეიძლებოდა მოგვეარდ-
ნოდნენ, რადგან ვიცოდი — რაღაც გან-
გების მიერ, რომელიც უცნაურად წარ-
მართავს სიზმრის მთელს მოვლენებს,
ჩვენ მოცემული ვეჭონდა საკმაო დრო,
რათა, რამდენიც გვინდოდა, გვემები
გვეწყო და გადაწყვეტილება გამოგვეტა-
ნა. მერე კი, უკვე, როცა რომელიმე გვე-
მას ავირჩევდით, როგორც კი რაიმე გა-
დაწყვეტილებას გამოვიტანდით, დრო
ალაღაფრის გვექნებოდა — მომენტალუ-
რად უნდა მოგვესწრო ჩვენი გვემის გან-
ხორციელება.

მაგრამ უეცრად შეძრწუნებულმა შევ-
ნიშნე, რომ ჩემი ჩურჩული ლევანს
სრულიად არ ესმოდა.

„რა? — მეუბნებოდა იგი, — გაიმეორე,
რა მითხარი? ვერაფერი გაეიგე. რა გაუ-
გებრად ლაპარაკობ!“

„გავიქცეთ-მეთქი. ტუალეტში შევ-
ვარდეთ და კარი შიგნიდან ჩაკეტოთ!“ —
ვეუბნებოდი ისევ.

„რა დროს ტუალეტია! — გაიცინა
ლევანმა, — ნახე, ავაზას რა ფანტასტი-
ური ბეწვი აქვს! მოდი, ხელი გადაუს-
ვათ!“

ლევანი ავაზასაკენ დაიძრა, მან კი,
როგორც ჩანს, გაიგონა ჩემი ნათქვამი
სიტყვა „ტუალეტი“ და ისარივით გა-
მოექანა, რათა გზა გადაეჭრა.

სასწრაფვეთილმა ვისკუპე და ტუა-
ლეტში გაჩნდი. გარედან რაღაც აწვე-
ბოდა კარს. კარი ზანზარებდა. მე ხე-
ლთი მეჭიკრა და თან ვცდილობდით შარ-
ვალი არ ჩამძრობოდა. ჩემს უკან, უნი-
ტაზში წყლის ლიკოვიც ისმოდა.

უეცრად ვიგრძენი, რომ ორივე ხე-
ლთი შარვალს ვეჭანები მაღლა, ტუა-
ლეტის კარი კი უფურადღებოდ დამრ-
ჩენია. კარს გარედან ვიღაცა აწვება.
კარი ნელ-ნელა იღება. ვიცი, რომ ახ-
ლა კარი შემოიგლიჯება და საშინელი
მხეცი შემოიჭრება ამ ვიწრო სათავსო-
ში. მაგრამ არა. კარი მხოლოდ ოდნავ
შემოიღო — ჯაჭვზე ყოფილა ჩაკეტილი.
კარის ღრიტოში ნადირის შავი ღრუნჩი
გამოჩნდა — ავაზა ღრიტოში ლამობდა
შემოძრომას. მერე იღრიალა და ეს
ღრიალი ამავე დროს იყო უნიტაზში
ჩაშვებული წყლის ღრიალი. გარშემო
ნესტი დაცვარული კედლები აღმარ-
თულიყო და უეცრად სინათლე ჩაქრა. —
ეს ლევანმა ჩამიქრო გარედან სინათლე.

„ბათურ, ბათურ, წყნარად, ბათურ,
წყნარად! — გავიგონე მისი ხმა. იგი
ავაზას მიმართავდა, როგორც ნავაზს, —
წყნარად, ბათურ, შიგ არავინ არის,
არავინ! ეგ ოთახი ცარიელია!“

ამ სიტყვებზე ნელ-ნელა გამომეღვი-
ძა.

მხეცები სადღაც გამქრალიყვნენ.

გამქრალიყო, აგრეთვე, ლევანიც, ტუ-
ალეტის და სიზმრის მთელი მრუმე
ფეროვნება.

მე ჩემს ოთახში ვიწეკი — ღამე, სიბ-
ნეღე — და შიშით ღრმად ვსუნთქავდი.
მოპირდაპირე კედელზე გაღდაბნილი-
ყო ღამის სინათლის დიდი ლაქა.

„მაღლობა ღმერთს, სიზმარი ყოფი-
ლა!“ — გაეფიქრე შვებით და უცებ
მივხვდი — რაღაც საშინელი სინამდ-
ვილემიც უნდა მომხდარიყო.

რამ მიმხვედრა? — ალბათ იმან,
რომ ვგრძნობდი, ფეხის კანჭებზე რა-

ღაც ცივი და მსუბუქი მეხებოდა როგორც ნადირის სველი დრუნჩი.

როგორც კი ჩემმა ცნობიერებამ დააფიქსირა ეს შეხება, მყისვე ინსტინქტურად შეეყვარე, ფეხი უკან გამოველიჯე და ლოგინში წამოვჯექი.

შისით მაკანკალებდა, რადგან ვერაფრით მიემხვდარიყავი, რა უნდა ყოფილიყო ჩემს ლოგინში, ცოცხალი და, თანაც, მოძრავი.

ხელის ფათურით მოვებენე ჩამრთველი. ბრა ავანთე, საბანი გადავისროლე და უეცრად შეძრწუნებულმა დაეინახე, რომ ჩემს საწოლში საიდანღაც შემოღოლებულიყო რაღაც სიტყვა — როგორც გომბეშო ან გველი შემოგიღოდებდა ლოგინში. თავზარდაცემული დავაჩნდი — ეს იყო საშინელი და გულისამრევი ფორმის რაღაც გაუგებარი სიტყვა, უფრო სწორად, სიტყვათა მთელი ჯგუფი, რომლებიც ერთმანეთზე ასხმულიყვნენ და შავ წურბელასავით იკლაკებოდნენ ჩემს ზეწარზე. მისგან მოდიოდა საშინელი, ბნელი ნათება და გულისამრევი სუნი. და ამ სიტყვაში, რომლის აზრს ვერაფრით ჩაეწვდი, გამოსჭვიოდა მთელი ქვეყნის უაზრობა და სასოწარკვეთილება. ეს სასოწარკვეთილი, ბრმა არსება უმწეოდ იგრიხებოდა ჩემს თვალწინ, ფორმას იცვლიდა და ბრმა ლეკვივით წუწუნებდა.

— ჯანდაბა! ჯანდაბა! ჯანდაბა! — დავიღრიალე უხმოდ, ჩემს გონებაში, და გულგახეთქილი წამოვხტი.

სწრაფად და ზიზღით მივეკარდი ლოგინს, ზეწარი დავეკორგლე, ისე, რომ ეს საზარელი, ლორწოვანი არსება ხელზე არ შემხებოდა. ზეწარი დავახვიე და სიტყვა, დადამბლაკებულ ხოჭოსავით შივ გამოვიჭირე. მერე ეს საზიზღარი ტვირთი წელში გახრილმა გავაქანე ფანჯრისკენ, გამოვაღე, გადაეყავი და მძლავრად დავიქნე ქვემოთ — ეზოს წყვდიადში ჩავუძახე, როგორც სუდარაში გახვეულ მკვდარს ჩაუძახებენ საფლავეში. დაეინახე, როგორ ჩასცდა ზეწარი ჭადრის ხმელ ტოტებს და კუტი-

ვით დავარდა ასფალტზე, იქ ფათურობდა და წრიალებდა.

„ღმერთო, ეს რა იყო! — გავიფიქრე ონდავ გონსმოსულმა, და უეცრად მივხვდი: ეს კარგს არაფერს მოასწავებდა. ასე იცის გაუფრთხილებლობამ, — ვიფიქრე ლევანის მისამართით, — ხომ უთხრეს, რომ ეს ოხერი სიტყვები გარეთ არ უნდა გამოეშვა. ვინ იცის, უკვე მთელს ქალაქს მოედენენ!“

ჩაბნელებულ ეზოს მოვავლე თვალი, თითქოს ველოდი, რომ ყოველი სახლის ფანჯრებთან მოლივლივე სიტყვებს დაეინახავდი. მაგრამ არაფერი ჩანდა. ეზო არარასავით დაღუპებულიყო და თითქოს სხვა სამყაროში არსებობდა. გადავიხარე — მინდოდა ჭადრის ხეებს შორის ლევანის ფანჯრები დამეინახა. ამაოდ — იქით მოჩანდა მხოლოდ ორი ჩაბნელებული ნაძვი. და უეცრად თავში მეხვიით დამკრა: „ლევანს ხომ არ შეემთხვა რამე?“ იქნებ მოკვდა. იქნებ ცოცხალი აღარ არის და სიტყვები კი ყუთიდან ამოდიან და ამოდიან. ან, იქნებ, დაეძინა, თავახდილი ყუთი კი ღია ფანჯარასთან დარჩა?“

გულმა რაღაც რეჩხი მიყო.

ფანჯრები სწრაფად ჩავრახე. ოთახში შევბრუნდი, ჩავიცვი. ფეხაკრეფით გავიარე დერეფანი და სადარბაზოში დავეშვი. ვცდილობდი სწრაფად და უხმაურად ჩამერბინა კიბე, რომ მეზობლებს არ გაღვიძებოდათ. ძლივს ჩავაღწიე. აი, სადარფის გისოსი. აი, სადარბაზოს კარი. ეზო. ეზოში ლითონის მხეცებივით გაქვავებულიყვნენ მანქანები. მარცხნივ გავიქეცი. ესეც ლევანის სადარბაზო. მისი ფანჯრები.

უეცრად თავზარდაცემული გავშეშდი — თავი აწეული დამრჩა და ასე აყურებდი ლევანის ფანჯრებს. — ფანჯრები ყურთამდე ღია იყო.

ლევანის ოთახიდან გამოდიოდა უცნაური, ცივი და მოლივლივე შუქი. და ამ შუქზე, სახლის ზედა კუთხესა და ვარსკვლავიანი ცის ფონზე სიზმრისებური რხევით მიფრინავდნენ უცნაური ფიგურები — ეს იყო სიტყვები, ათასო-

ბით და მილიონობით სიტყვა და სიტყვათაგან შემდგარი მსუბუქი ორგანიზმები. ისინი, როგორც გამჭვირვალე, მანათობელი პირველქმნილი სხეულები — ოკეანის ფსკერზე, წამოშლილიყვნენ თავიანთი მღვიმიდან, ქარაუნებად მიცურაუნენ გამოღებულ ფანჯარაში და ნელა მიიწვედნენ მაღლა, ვარსკვლავებით დაწინწკლული ცის კუნაპეტი სიდრმისკენ.

— ლევიკო! — დავიღრიალე თავგზაბნულმა.

სიჩუმე. ჩემი საკუთარი ქშენა. ჩემივე გულის ბაგაბუგი.

ისევ დავიღრიალე.

საღღაც, რომელიღაც ფანჯარაში ვიღაცამ ჩახხველა. მოისმა ანჯამის ჭრიალი, უკმაყოფილო ბუზღუნი და კაცის ხორციელი ხრიალი.

ვიღაცამ ფანჯრიდან გადმოაფურთხა.

— ლევიკო! — ვიყვირე უფრო მორიდებით, მაგრამ მაინც საკმაოდ ხმაძალდა, ისე, რომ ამ სიჩუმეში ათასი მიძინარე ლევანიც გაიღვიძებდა. ლევანის ოთახი კი კვლავინდებურად მღვიმესავით ცივი და ცარიელი იყო და ამ მღვიმიდან კვლავინდებურად უწყვეტ ნაკადად მოედინებოდა სიტყვები.

კარგა ხანს ავეყურებდი. მერე ერთბაშად ეს ნაკადი შეწყდა. უკანასკნელი ფიგურები და ლანდები ატივტივდნენ საზარელი ცის მიმართულებით და საღღაც, უსივრცობაში გაქრნენ. ფარდები არ ირხეოდა. აღარც სინათლე ჩანდა. ლევანის ოთახში — სრული სიბნელე. კვლავ გაისმა ვიღაცის უკმაყოფილო ხველება და ხრიალი. აქვე, მეორე სართულზე — ხმაშეწყობილი ხერინვა. „შეხედე, დიდ სააუადმოფოს არ ჰგავს?!“ — გამახსენდა ლევანის ნათქვამი და თვალებზე ცრემლი მომადგა. შევბრუნდი. თავქუდმოვლუჯილი გავიქეცი ჩემი სახლისკენ, კიბე ავირბინე და ტელეფონს მივკარდი. ზუმერი. ზუმერი. ზუმერი. ყურმილს არავენ იღებდა. იქნებ სხვაგან მოვხვდი? ხელმეორედ აკრიფე ლევანის ნომერი. კვლავ ზუმერები და ზუმერები — უსასრულოდ მრავალი ზუმე-

რი — როგორც შეწყვეტილი ელექტროენცეფალოგრამა. შემემლო თუნდაც დილაძე ვეჯდარიყვი და ყურმილი ხელში მჭეროდა. ყურმილი დაეხეთქე და ისევ თავქუდმოვლუჯილი დავეშვი კიბეზე. ლევანის ფანჯრებში ამჯერად უკვე აღარაფერი ჩანდა. ისევ მხოლოდ შავი სიცივე. ფარდა არ ირხეოდა. ფანჯრები — ღია. ეჰ, ნეტა ოდნავ მაინც შეცვლილიყო ფანჯრის მდგომარეობა. ყველაფერი თითქოს გაქვავებულიყო და სამარადისოდ ამოვარდნილიყო დროიდან. სულმოუთქმელად ავირბინე მკრთალად განათებული სადარბაზო — სინათლე ბზუოდა — და ლევანის კარზე დავერეკე ზარი. კიდევ. კიდევ. მისიანებს მაინც უნდა გაეღოთ კარი. მაგრამ არავენ აღება. მერე სულმოთლად დავრწმუნდი — კარს აღარავენ გამიღებდა. მაინც ვრეკავდი და ვრეკავდი. მესმოდა, შიგნით, ლევანის ჰოლში სიბნელეში როგორ წკრიალებდა ზარი. აქვე, ხის თხელი კარის მიღმა, და ზარის ექოვან ხმებს შორის და შორის კვლავ იზრდებოდა და იზრდებოდა შეუვალი და სრული სიჩუმე — ბაზალტის ლოდით. კარი არავის გაუღია.

ნელ-ნელა დავეშვი კიბეზე. ეზოში გავედი.

სიბნელე. ვიღაცების უგონო სუნთქვა — სუნთქავდა მთელი ეზო, ყოველ ჩაბნელებულ ფანჯარაში სუნთქავდნენ მიძინარე ადამიანები. ვინმეს იქნებ კიდევ ეღვიძა. ალბათ, ვინმეს კიდევ ეღვიძა. მაგრამ ესენიც ზომ სუნთქავდნენ. საღღაც, შორს ძაღლის ყეფა გაისმა. ქარმა დაბერა. ღამის ეზოში თითქოს განუწყვეტლივ ისმოდა რაღაც უცხო და მიუწვდომელი, უცნაური აკორდი. ულტრა თუ ინფრაბგერებისაგან შემდგარი ეს აკორდი წივილივით გასდევდა ღამის მთელს მღუმარებას.

აღარ მაგონდება, შინ როდის ავედი. ლოგინზე დავეგდე და რამდენიმე ხანი სიცხიანივით მიღ-ღვიძილში გავატარე. თავში მიტრიალებდა და მიტრიალებდა ერთი და იგივე, მაგრამ ათასი საშინელი სახით შემოსილი აზრი — რომ

სიჩქარო აღარაფერი იყო. თუ უკვე გვიანია, მაინც უკვე გვიანია. და თუ ჯერაც არ არის გვიან, მაშინ, ვიცოდი, რაღაც განგება, რომელიც სიზმარივით წარმართავს ამ ყველაფერს, — ეს განგება საკმაო, თუნდაც თავსებაფრულ დროს მომცემდა გადაწყვეტილების მიხედვით. რაღაც მომენტში მგონი ჩამოვლიმა კიდევ და უცერად გაბმულმა ზარმა გამომაფხიზლა.

„ლევანი იქნება!“ — სიხარულით წამოვხტი ფეხზე. გათენებულიყო. ფანჯრიდან რძისფერი სინათლე იღვრებოდა. კარს მივკარდი. გამოვადე — ალბათ, სახეზე აშკარად გამოჩნებოდა იმედგაცრუება: ჩემს წინ იდგა სოსო. სახე გაფითრებოდა და დიდი თვალებით მივუჩუბებდა.

— ხომ არ გაგაღვიძე? — მკითხა თავაზიანად და თავმდაბლობით.

— არა, — მიუხედავად, — ლევანი ხომ არ გინახავს.

— არ მინახავს, მეშინია, რამე ხომ არ შეემთხვა. სახლში არ არის. ტელეფონს არ იღებს. ხომ არ იცი, სად შეიძლება იყოს? —

— არ ვიცი. მე შეგონა, სახლში იქნებოდა, მაგრამ არ დამხვდა. მაიასთან ხომ არ იქნება?

სოსომ მხრები აიჩინა.

— სად შეიძლება იყოს?

— იქნებ სტუდიაშია, — თქვა სოსომ.

— ნომერი იცი?

— არ ვიცი.

— მაშინ ფეხით ჩავიდეთ.

სწრაფად დავიბანე პირი და ქუჩაში გავედით.

ჩუმი და ნისლიანი დილა იდგა. ცა — საიდან, როდის — უფერულ ღრუბელს დაეფარა. ყინავდა და ისეთი გრძობა მქონდა, თითქოს ხელმეორედ დაწყებულიყო წლევანდელი ზამთარი. სოსო მიზანსწრაფულად მომყვებოდა გვერდზე. ქუჩა გადავჭერით და მანქანის მოლოდინში მიმოვიხილეთ. არაფერი ჩანდა. ქუჩა — სულმთლად ცარიელი. დილის შეიდი საათი თუ იქნებოდა. მხო-

ლოდ ორიოდე მოქალაქეს მივკარი თვალი. რძის მალაზიის წინ მავთულის ყუთებით თეთრი ბოთლები აეხვავებინათ. იქაც იდგა რამდენიმე მოქალაქე და თეთრხალათმოსხმული ნოქარი. ჩაიქროლა ცარიელმა იკარუსმა და ქუჩის ჭადრები თითქოს შეიბრა.

და ამ რხევებზე ხეებიდან ცვენა იწყო უცნაურმა თოვლმა — ეს იყო ფერდარკავული და მსუბუქი ნაფლეთები, ეს ნაფლეთები ათრთოლებულ მკვდარ ფრინველებივით ეცემოდა ტროტუარზე და იქ რჩებოდა, როგორც თევზთა ლუშები. ჩვენ მათს შორის მივიკვლევდით გზას. ეცდილობდით, ფეხი არ დაგვებიჯებინა — მათგან მოდიოდა უცნაური და საშინელი ხრწნილების სუნე.

ზემოთ ავიხედე — დილის თეთრ სინათლეში ჭადრებს მწუხარედ აეფარჩხათ ტოტები, და ამ ტოტებზეც ყველგან ეკიდა ასეთივე, თეთრი და უფერული ნაფლეთები. ნაფლეთებით სავსე იყო მთელი ქუჩა — ეს იყო წუხანდელი სიტყვები, რომლებიც ლევანმა აასხა ხეებსა და ფარნის ბოძებზე — და ახლა ეს სიტყვები და ფიგურები, უკვე მკვდარი და უსიცოცხლო, ნაფლეთებად ეკიდა ხეთა ტოტებზე ხან აქ, ხან იქ, ნიავის დაბერვაზე, უცებ მთელი ნამქერი მოწყდებოდა ტოტს და ზვინივით ეცემოდა დაბლა, როგორც დამკვლავული თოვლის შვაკი, და ამ მწუხარე და მტირალ პეიზაჟში, სიტყვების მსუბუქ შვაკებში მივიკვლევდით გზას. სიტყვები ეცემოდნენ ასფალტზე და ათას ნაწილად დამსხვრეული, უიმედოდ და უსიცოცხლოდ იშლებოდნენ. ნიავის ყოველ მობერვაზე ახალი და ახალი ნამქერი ჩამოიშლებოდა, ასფალტზე ეცემოდა და ასე დამშლილი იქვე სამუდამოდ ქრებოდა. — მხოლოდ მსუბუქი მტკვერიდა მიჰქონდა ნიავის. ქვემოთ, ხიდან, მდინარეს თავს დასტრიალებდნენ ფრთავაშლილი თეთრი ჩიტები. მათი ფრთები ქარში ადამიანის მხრებივით ცაცხავდნენ. „შორს კი ნისლში ქრება თოლია და იფანტება თეთრი ბუმბული“, — გამახსენდა ლევანის პირველი ქმნილება.

სტუდიის ცივი და უსიცოცხლო კარი მჭიდროდ ჩარაზული დაგვხვდა. კაცი-შვილი არსად ტრიალებდა. რამდენჯერმე დავაბრახუნეთ. ხმელი ხე გამოსცემდა ყრუსა და უგონო ხმებს. კარს მიღმა — სრული სიჩუმე. უსიტყვოდ გამოვბრუნდით და გზაჯვარედინს მივალწიეთ. სოსო თავჩაქინდრული გაჩერდა თავისი ეზოს შესასვლელთან.

— წავალ. სახლში ავალ. იქნებ გამიჩინდეს ან დარეკოს. დღეს მისი მშობლები ჩამოდიან.

— იქნებ მაიასთან გავვევლო? — ვთქვი უიმედოდ, — იქნებ მაიას ფანჯრებთან გაათია დამე.

სოსო გამოცოცხლდა.

— წავიდეთ.

— სადარბაზო გახსოვს?

— მგონი მეოთხე იყო, თუ მეხუთე.

— არც მე მახსოვს. არა უშავს, ეზოში ვიკითხავთ.

მაიას ეზოც ისეთივე უცხო და გაცრეცილი დაგვხვდა, როგორც ქუჩები. ლევანი არსად ჩანდა. მობინადრეები თანდათან იღვიძებდნენ, თანდათან გამოდიოდნენ გარეთ. რამდენიმე მათგანი გავაჩერეთ და მაიას ბინა ვკითხეთ. მოქა-ლაქები გაკვირვებით ვკითხულობდნენ და თავს აქნევდნენ — „მაია?“ რა გვარია? არ იცით? დარწმუნებული ხართ, რომ ამ ეზოში ცხოვრობს? ამ ორ სადარბაზოთაგან ერთ-ერთში? დიახ, ცხოვრობს აქ ერთი მაია. ვათხოვილი ქალია. შვილებიც ჰყავს. იქით, მუშვიდე სადარბაზოში ცხოვრობს. მაგრამ ახლა თბილისში არ იმყოფება. დიახ. ცხოვრობდა აქ ერთი მაია, მაგრამ დიდი ხანია გადავიდა, აქ აღარ ცხოვრობს. ვინა? მაია გინდა? აბა, როგორ ვითხრათ... არც გვარი იცით? არც სადარბაზო? რა, ახალი გადმოსულია? არა, მასეთს არ ვიცნობთ... — გვეუბნებოდნენ მეზობლები და თავიანთ საქმეებზე მიისწრაფოდნენ. ეზო თანდათან იღვიძებდა. დილის სინათლეზე ფანჯრებმა გაილაპლაპეს. ისმოდა მანქანების ძრავების აუგუნება. მერე ბავშვებაც გამოჩნდნენ.

ჩანთიანი გოგონები და ბიჭები. თითო-თითო და ორ-ორი მიემართებოდნენ სადღაც. ეზო იღვიძებდა და იმართებოდა, იმართებოდა, როგორც გაჩერებული საათი. ყველაფერი კვლავ თავიდან იწყებდა მოძრაობასა და სიცოცხლეს. ადამიანთა ფიგურები გამოდიოდნენ სადარბაზოებიდან და ჩქარი ნაბიჯით მიემუ-რებოდნენ გასასვლელებისკენ. ქუჩიდან უკვე ისმოდა ამოქმედებულ ავტობუსთა ღრიალი, მანქანების ფართო ნაკადი უკვე მიექანებოდა სადღაც, ქალაქისათას სხვადასხვა წერტილში გაფანტული დაწესებულებებისა და მღაზიებისკენ. ეს ყველაფერი იყო როგორც სწრაფად ცვლადი და სწრაფად მოძრავი, მოუხელთებელი ინდური მაია — ლევანის მაია კი არსად ჩანდა და არა. მე და სოსო ქუჩის განაბირას, სკვერში ჩამოვსხედით. მცირე ხანს ხმა არც ერთს არ ამოგვიღია. მერე სოსომ თქვა:

— წავალ სახლში. იქნებ დამირეკოს. ფეხზე წამოვდექით და აქ ახალი აზრი დამებადა თავში:

— სანეტარო კანტორაში მივიდეთ! იქნებ იქ იცოდნენ რამე.

— რომელ კანტორაში?

— სანეტარო კანტორაში, აი, საიდანაც ის ოხერი სიტყვები გამოიტანა.

— იქ რა გინდა? — უიმედოდ მკითხა სოსომ.

მხრები ავიჩიჩე.

— რა ვიცი. იქნებ რამე გავიგო. იქნებ ცარიელი ყუთი მიიტანა უკან.

ამ სიტყვებით მხნედ დავიძარი ადგილიდან. სოსო მხრებჩამოყრილი მომყვებოდა უკან. ვვრძნობდი, რაღაცას ყოყმანობდა. მთავარ ქუჩას რომ მივალწიეთ, დამიძახა.

მივბრუნდი. იდგა.

— წავალ სახლში, — თქვა მან, — შეიძლება დამირეკოს ან მოვიდეს. სჯობია სახლში დავხვდე.

— კარგი. თუ მოვიდა, არსად გაუშვა. მე კანტორაში გავივლი, მერე დავირეკავ. აბა, შენ იცი!

მან მწუხარედ დამიქნია თავი და სახლისკენ წაფრატუნდა. მიდიოდა და მიდიოდა. მე კანტორისკენ ავიღე გეზი.

ბეკინის ქუჩა გადავჭერი, „მელოდიას“ ჩაუთარე და ეზოში შევრგე თავი. მალე ეზოს ბოლოს კიდევ გამოჩნდა კანტორის გაცრეცილი კარი. იქ რამდენიმე ადამიანი იდგა. რომ მივუახლოვდი, ეჭვიანი მზერა მომაპყრეს.

— სად მიდიხართ, ახალგაზრდა, სად მიდიხართ! — შემომძახა სათვლიანმა ქალმა.

— კანტორაში! — მიუვუგე მოკლედ.

— კეთილი ინებეთ, რიგში დადექით! ჩვენ აქ დილიდან ვდგავართ!

— მე საქმე არა მაქვს, ქალბატონო. მხოლოდ შევეკითხო მინდა რაღაც.

— ყველას შეკითხვა გვინდა. ყველანი მაგისტრის ვდგავართ რიგში, — უღმობელი ლოგიკით მიბასუხა ქალმა.

სხვებმაც აუბეს მხარი.

დაბნეულმა მიმოვიხიდე.

— ვინ არის ბოლო? — ვიკითხე უნებურად.

— აი, ეს ქალბატონია ბოლო. აი, ეს ქალბატონი! — დაუზარებლად შესძახა რამდენიმე მოქალაქემ. და ყველამ თითი მიაპყრო ტანმორჩილ, ხნიერ მანდილოსანს.

— თქვენა ხართ ბოლო? — ვკითხე მექანიკურად.

მან დასტურის ნიშნად თავი დამიქნია. სახეზე სრული სასოწარკვეთილება ჰქონდა აღბეჭდილი. მაგრამ როგორც კი მის უკან დავდექი, მხრებში გაიშალა — იგი ახლა უკვე აღარ იყო ბოლო.

„რას ვშვრები?! აქ მთელი ორი საათი მომიწევს დგომა. ვინ იცის, იქნებ ამა-სობაში ლევანიც გამოჩნდეს სოსოსთან“, — ვიფიქრე და სასოწარკვეთილი მზერა მიმოვაცეცე. ვხედავდი ადამიანთა ზურგებს და პროფილებს. მათს გაცრეცილ პროფილებზე იკითხებოდა წუხანდელი კომპარების და, საერთოდ, ყოვე-

ლი განვლილი კომპარის ჯერაც წაუშლელი კვალი.

— საშინელებაა პირდაპირ! საშინელება! რას აკეთებენ ამდენ ხანს?! ბავშვები მარტო მყავს დატოვებულო! — თქვა ერთ-ერთმა მომლოდინე ქალმა.

მას ხალისიანად მიუბრუნდა კუნთებდაბერილი, გაპარსული ძია.

— თქვენ ვის მერე ხართ, ქალბატონო?

— ამ ბატონის მერე.

— აბა, ჩემს წინ ვიღაა? — იკითხა ერთ-ერთმა.

— თქვენ ვის მერე იდექით?

— მე აქ ვიდექი, ამ ბატონის მერე!

— მეც ამ ბატონის მერე ვიდექი. ასე არ არის, ბატონო?

მალალი, ჭაღარა ბატონი მობრუნდა და მკაცრად გადმოხედა ქალებს.

— ჩემს მერე ერთი ახალგაზრდა იდგა!

— მერე სად არის?

— როგორც ჩანს, წავიდა!

— მართალია, მართალი, ჭრელსარო-ჩკიანი ბიჭი იდგა.

— მართალია, აქ იდგა, — დაუდასტურეს სხვებმა.

— კი მაგრამ, როდის წავიდა? ასე შეუმჩნევლად როგორ გაქრა?!

— არ ვიცი, არაფერი უთქვამს, — თქვა იმავე ქალმა.

— და სად წავიდა? — იკითხა კუნთებდაბერილმა ძიამ.

— რა ვიცი მე, ჯანდაბაში!

— თუ დაბრუნდება ნეტაი?

— არაფერი უთქვამს, ბატონო!

— არ დაბრუნდება და მაგაზე მადარდეთ ახლა!

— აბა რა! — ისტერიულად შესძახა სათვლიანმა ქალმა, — აქ ცოცხალი რიგია! ხომ ცოცხალი რიგია?! კეთილი ინებოს და თავიდან დადგეს.

— თანაც, თუ შეამჩნიეთ, ბატონო ჩემო, ამ ვინვაში პირდაპირ პერანგი

იყო გამოსული, — ჩაერია ხნიერი მანდილოსანი.

— რას მიდიოდა, რომ მიდიოდა? თუ დაბრუნდება, კეთილი ინებოს და თავიდან დაიკავოს რიგი.

— არ ვიცი, ბატონო, არ ვიცი. მე აქ ვიდექი, ამ ქალბატონის მერე, — გაისმა ისევ კუნთებდაბერილი ბატონის ხმა.

გერმნობდი, ცოტაც და, მთელი ხმით ვიღრიალებდი. მაგრამ უეცრად კარი გაიღო და იქიდან კმაყოფილი სახით გამოვიდა დაკმაყოფილებული მოქალაქე. ამაყი მზერა მოავლო რიგს და პირდაპირ ქუჩისკენ გაემართა. ყველამ რატომღაც მას გააღვენა თვალი. მე კი დრო ვიხელთე და ღია კარებში გავძვერი.

— საღ მიდიხარ, ბიჭი! საღ მიდიხარ! — მომესმა უკნიდან ქალების შეკვივება.

მაგრამ მე უკვე კანტორის ნესტიან ჭაობში ვიდექი. — თავიან-ყურებიანად ჩაძირული შმორისა და ბათქაშის სუნში.

მაგიდასთან მჯდარ მოხელეს თავი არ აუღია.

დავხედე — ეს სრულიად სხვა მოხელე იყო. არა იმდღევანდელი მსუქანი კაცი. ახლა ჩემს წინაშე იჯდა ხმელ-ხმელი და ნაცრისფერსახიანი ფლეგმატიკი. მბეჭდავი სტელაც აღარსად ჩანდა. შიდა ოთახის კარი ჯვარედინი ფიცრით აეჭვდათ.

— უკაცრავად! — ვთქვი მე.

მან უსიტყვოდ გამომიწოდა ხელი — ჩანდა, ჩემგან რაღაც საბუთების მიღება ეწადა.

— ბოდიში! — ვთქვი ისევ.

მოხელემ გაკვირვებით ამოშხედა.

— უკაცრავად! — ისევ გავიმეორე.

— რა გნებათ?!

— იცით, აქ ერთი კაცი მუშაობდა. იმ დღეს ვიყავი. აქ იყო. დღეს არ იქნება?

— ვინა? ვინ გნებათ? — მკაცრად მკითხა მან.

— იქ, შიდა ოთახში იჯდა. მსუქანი კაცი იყო, დაბალი.

— როდის იყავით?

— ამ ორი თუ სამი კვირის წინ. მგონი, პარასკევს.

მოხელემ თავი გააქნია.

— აქ სხვა არავინ იჯდებოდა. ჩემს მეტი აქ არავინ მუშაობს.

— თქვენ... თქვენ ანაწილებთ სიტყვებიან ყუთებს?

— მე არაფერს არ ვანაწილებ, ახალგაზრდა!

— მაშინ, ესე იგი, ის მეორე კაცი ანაწილებს. იმ დღეს აქ იჯდა. მსუქანი კაცი იყო, მელოტი. რაღაცით თალაგვა კოლონკელიძეს ჰგავდა, — ვთქვი დაბნეულმა.

— ვის ჰგავდა?

— თალაგვა კოლონკელიძეს.

კაცმა უღრმესი ეჭვის გამოძახტველი მზერით შემავლო თვალი. მერე გაიხედა და კარებს შესძახა:

— შემდეგი!

—ერთი წუთით, ბატონო ჩემო! — სწრაფად შევაჩერე მე, — ერთი წუთით მომიხმინეთ! ორი კვირის წინ, პარასკევს, აქ ვიყავი, და იმ ბატონმა, თქვენმა შემცველმა, სიტყვებიანი ყუთი მომაქირავა... ეე... ლოგიკური ზარდახშა, თურა ჰქვია...

— ახალგაზრდა! თქვენ რაღაც გეშლებათ. აქ სანოტარო კანტორაა. აქ საბუთებს ვაფორმებთ.

— რა კანტორაა? — კითხვით განცვიფრებულმა.

— ს ა ნ ო ტ ა რ ო კ ა ნ ტ ო რ ა. — დამარცვლით გაიმეორა მოხელემ და თვალები ისე აღაპყრო ჭერისკენ, თითქოს ამბობდა: „მე ნოტარიუსი ვარ!“

— სანოტარო თუ სანეტარო?! — შეეძახე მე.

იგი გაშრა. შერე სახეზე უკიდურესი მძვინვარების ტალღა მოაწყდა. წინ გადმოიწია, მეგონა, ახლა წამოხტებოდა და იღრიალებდა, — მაგრამ ფლევმატიკი იყო. თავი შეიკავა, კარისკენ შებრუნდა და სრულიად მშვიდი ხმით გასძახა: — შემდეგი! შემოდით შემდეგი!

კარი შემოიღო. რამდენიმე მოქალაქემ ერთად შემოყო თავი.

— შემდეგი ვინ არის! — შესძახა ნოტარიუსმა, — თითო-თითო შემოდით! კარისკენ გავემართე სრულიად გაოგნებული.

გარეთ გამოსულს შემეფეთა მოქალაქეთა ირონიული მზერა და უკმაყოფილო ჩურჩული. მე მათ ზურგი ვაქციე

და კართან დამაგრებულ აბრას შევაველ თვალი.

ეს იყო გაცრეცილი შავი აბრა, ზედ მინის ფირფიტა ჰქონდა გადაკრული. და ამ შავ აბრაზე გაცრეცილი, ვერცხლისფერი ასოებით ეწერა: „სანოტარო კანტორა“. — ასე ეწერა ვერცხლით შავზე.

სრულიად გაოგნებული გამოვბრუნდი და წამოვედი.

უკნიდან მომყვებოდა დაუკმაყოფილებელ მოქალაქეთა ჩუმი და ირონიული ჩურჩული.

„ეჰ, ჯანდაბას ამათი თავი და ტანი, — ვიფიქრე მე, — როგორც ჩანს, ეზო შემეშალა... ეზოც შემეშალა, ქუჩაც და ქალაქიც!“...



ერეკლე სადლიანი

ვუხმობ, ვეძახი უხილავ ძალებს,
საკუთარ ხმად რომ მესმოდე მალე,
ომში თუ ველარ ვშოულობ სახელს,
თვლებს ხომ ყველა თქვენგანში ვახელ.
ვისხამ ფარ-შიმშერს, წყალს ვატან
ყაწიმს,

ცა მშობელ დედის ცრემლებად მაწვიმს,
რაც დღეს ჩემს ფიქრში ტრიალებს
თუნდაც,
ხვალინდელი დღით სუნთქავდეს უნდა.
ვუხმობ, ვეძახი...

მზეს ვყიდით, მივალთ მარილზე, გაღმა
და ზურგზე გვაზის უშვერის დამლა,
სადღეხვალისოდ რას ფიქრობს ნეტავ,
თვის თავს იქით ვინც ვერაფერს ხედავს.

არას მქონენი ვართ ყოვლის მდომი,
ვაგლახ, წაგვერთვა, წაგვერთვა გონი,
დღეს ჩვენში მარტო გიჟი კი არა,
სალ-სალამათიც გიჟია, მგონი.

რაშოუდა, მიდრეკილ ავისგან ცხონდების, ცხონდების უკუნით, რაშოუდა,
რაშოუდა, ძახილი შენი მდევს, შენი მდევს, დღემდე არ გამშორდა, რაშოუდა,
რაშოუდა, აგვივსე ყოველი წუთი — დღე აღმობით, რაშოუდა,
რაშოუდა, ილევა ალერდი მტარელისა, ჩვენ სისხლს რომ აშრობდა, რაშოუდა,
რაშოუდა, შენ იქეც, შენ იქეც ყოველი ჩვენგანის სიფხიზლედ, რაშოუდა,
რაშოუდა, სახლი-კარს, სახლი-კარს, გვიჯარავს საქმენი, ავთაგან ნაშობთა,
რაშოუდა,

რაშოუდა, ო, მეც მსურს იმ დარდის სიმაღლე, რითაც ხარ აღსავსე, რაშოუდა,
რაშოუდა, სულს სწადის სილაღე, სილაღე ჩვენს ქნამდე რაც ჰქონდა, რაშოუდა,
რაშოუდა, ზიდილი სუყველა მამულის გამოძვრელს, რაშოუდა,
რაშოუდა, საქვეყნო ფიქრი ხარ, რომ ვერვინ, რომ ვერვინ გახშობს და, რაშოუდა,
რაშოუდა, სირცხვილ არს, სირცხვილ არს ყოველი ჩამუხლევა, რაშოუდა,
რაშოუდა, მოარულ სიკეთედ მოხველ და ისევე, ისევე, ისევე მახვშობ და,
რაშოუდა,

რაშოუდა, თითქოს და სამყაროს შექმნის დღეს ესწრები, რაშოუდა,
რაშოუდა, წადილ ხარ ბედნიერ ძვრას შობ და, წვას შობ და, ხსნას შობ ჯა,
ცას შობ და, რაშოუდა,

რაშოუდა, მიდრეკილ ავისგან ცხონდების, ცხონდების უკუნით, რაშოუდა,
რაშოუდა, ძახილი შენი მდევს, შენი მდევს, დღემდე არ გამშორდა, რაშოუდა.

ამაღლდი, უძრავ ნათელში უკვე
მირონცხებული ხატება სუფევს.
ყოფნა ჩვენი მაინც ღირს იმად,
ვეწვეთოთ მიწას მაისის წვიმად.

რა ვუყოთ თუ ჯერ იმგვარად ბნელა,
მაშვრალი ურიდს მიიჩნევს ქველად.
წრფელ ჰყავ გზა შენი, უძირო იქმენ
და დარდი ზიდე სამყაროსხელა.
ამაღლდი...

შაი ოდა, ჩემს სათქმელში უნდა ჟღერდეს, რათა ღირსეყო თავი
 თანამესაყდრედ, შაიდორერა-ორერა,
 შაი ოდა, თუ მაქვს ოდა, საფუძარი, არვის ძალუმს, თავო, ჩემი მორევა,
 შაიდორერა-ორერა,
 შაი ოდა, შენს სახმელში დანთებული ცეცხლი დამაქვს, შენის მაღლით
 გააჯერებულ, შაიდორერა-ორერა,
 შაი ოდა, შენში ქროდა კვალად გების სურვილი და კვლავ გსურს შორით-
 შორად თვალის სწორება, შაიდორერა-ორერა,
 შაი ოდა, იღუმალი კრძალი გაკრავს, იღუმალის კითხვა გაკრთობს, უჩინარი
 ხარ, ვით ლოცვა უშურველ, შაიდორერა-ორერა,
 შაი ოდა, მაწევს ლოდად ლოდინი და სინანულში მიწურულ მყიფს მიწევს
 ისევ ღამის გადაგორება, შაიდორერა-ორერა,
 შაი ოდა, ყველგან მსუფევს, თავისუფალ ფიქრად მოსულს დაგეყვდა ტალღა
 მძაფრი, უტეხელ, შაიდორერა-ორერა,
 შაი ოდა, თვით ხარ შობა, თავად უწყვი, უწყვი თავად — სამართალი ქვით
 ვერ ჩაიქოლება, შაიდორერა-ორერა,
 შაი ოდა, არ იკარებ საისრუზე არტახებს და ძალა გმართავს სიცოცხლისა,
 არა უნდა განვითვისოთ შენიდან, შაიდორერა-ორერა,
 შაი ოდა, ვერც ეს დრო და ვეღარც ძალნი უშუქარნი ვერა გძრავენ, ყრან
 ველზე დაფანტულნი მძორებად, შაიდორერა-ორერა,
 შაი ოდა, ვერ ჩააქრობს დღეს კაცს ჩვენში მითარეშე, ერთმანეთის
 უჯერონი გავმთელდებით, მოგვეც ყველა საზრდელი,
 შაიდორერა-ორერა,
 შაი ოდა, ჰეც მსურს, ჰოდა... რომ ტვირთმძიმემ სიყვარული ვთესო ღობე-
 ყორედა, შაიდორერა-ორერა,
 შაი ოდა, ჩემს სათქმელში უნდა ჟღერდეს რათა ღირსეყო თავი
 თანამესაყდრედ, შაიდორერა-ორერა,
 შაი ოდა, თუ მაქვს ოდა, საფუძარი, არვის ძალუმს, თავო, ჩემი
 მორევა, შაიდორერა-ორერა.

ხარ ერთი წუთის
 რხევა, მაგრამ ეს ერთი რხევა
 ერთ მარადისის რხევაც არის
 უფლის მაღლქვეშ,
 უფლის კალთას ეფარვი თუკი.
 ხარ ყველგან მხედრი;
 ჩქამი თუ გაკრთობს,
 თუ გაკრთობს ჩქამი,
 მიწის გულიდან ამოსული ბალახის
 ჩქამი,
 რომლითაც უნდა არკვიო შენი
 შემდგომი ბედი...
 ნისლთაგან შენ შლი
 სასწაულებს ყოველთა ჩვენთა;
 სხვა პლანეტაზე ბინადართა, ამ
 პლანეტაზე არამყოფთა

ფიქრი და სწრაფვა, სწრაფვა და ფიქრი
 გაივლის შენში.
 იმედად ბარტყობ,
 გვამურ ლაქას აღარ იკარებ.
 ღუმელ ხარ, ღუმელ სამყაროის,
 ღუმელ უსაზღვრო,
 უქრობელ თოვლის პირველხატში,
 უქრობელ თოვლის პირველხატში,
 უქრობელ თოვლის პირველხატში
 ანათებ მარტო.
 ხარ ერთი წუთის
 რხევა, მაგრამ ეს ერთი რხევა
 ერთ მარადისის რხევაც არას
 უფლის მაღლქვეშ,
 უფლის კალთას ეფარვი თუკი.

მე მინდა გკითხო უბრყვილო
ტარიგს,
სიცოცხლე წაშში ეტყევა რარიგ,
ან დრო თვით რად ჰქმნის უხილავ
ქარგას —
და ზედ ავებდით ყოფნას რად ჰქარგავს.

მიყვარს ყველაფერი, რაც შენია,
რაც სალხინია და რაც საქები,
თოვლ-ფიფქის ლოგინი დაგრჩენია,
ჩემთვის მოუსვლელში დასაგები.
მიყვარს, შენზე ფიქრთა გამო მსურის,
ვიყო მარადისის მოსურვილე.
ჩვენ ვართ ჭირხლის სახით წამოსული,
უზღუდოებიდან მოწურვილი.
„დახაშ ბაგე შენი“ გრძნეულის და.
დახაშ მღუმარების გამო თნევადა,
ლიო, ლიპქვადქეულ სხეულიდან,
მიწა ხორციით ვედარ გამოთვრება.
ლიო, ამოდ დაშვერ სხვათა ლიქნად,
ხმა მესმის უკუნში გამყივართა,
სჯულმდებელ სხვათაგან პერობილ
იქმნა,
კაცთა ზნე გაცვდა და გამყინვარდა.
ლიო, შენს ნათელში დგას ყოველი,
გადვიქცე უტეხელ მე ლოდებად,
საწუთროს ჩაღორძილი ნაზ-ყოილი
დღემუდამ თვის მფარველს ელოდება.
ლიო, მოუკვდება ლოდინს დღენი,
ხან სიოდ მოდი და ხან ზღვაურად,

ირაკლი ამირეჯიბის სსოვნას

ხიზნად მივსულვარ ხიზანთან,
გვეგვირავს ავეული ჭვირით,
მტრის ტყვია ვერას გიზამდა,
მოკლავდა „ქართლის ჭირი“.
ობლობას ჩვენსას მივტირით,
მიმოგვარბევენ რისად?
ბრალია შენი სიკვდილი,
გასახარისად მტრისად.

რად გვასმენს კაცთა განწირულ ხავილს
და რად გვერთმევა იმედი ხვალის?
რის ვარგისია ის სულდგმა მართლაც,
ბრმა შემთხვევა რომ მალიმალ მართავს.
მე მინდა გკითხო...

მე რომ შენ უკლისად მოგიძღვნი,
მოდი იმ წუთების საზღაურად.
ლიო, ბედმა უნდა დამცეს რისთვის,
გემებდე, სამოსელ მეცვას მწირის,
სამართალს — ეს არის გამჩენისთვის,
ყველაზე უქრობელ შესაწირი.
ლიო, კიაფობს და სანთლად იწვის,
მერმისი შენი რომ წინ არის,
მწუხრის საღმობიერ დედამიწის
არის ასაწვეი ოწინარი.
ლიო, ქართა მწყემსვა გსურს შემოდევს,
ერთი ზელ დასცდების ოდას ძილი,
„ვერ დამძღვე“, განს უნდა გარშემოდვე
ამ შენი უკვდავი მოძახილით.
ლიო, კვლავ სახსნელად გასწვე ვისად,
მეც უკვე ჯავრს უნდა გამყარო შინ,
შენ ხარ სიხარული გაღწევისა
უწონ-უჩინართა სამყაროში.
მიყვარს ყველაფერი, რაც შენია,
რაც სალხინია და რაც საქები,
თოვლ-ფიფქის ლოგინი დაგრჩენია,
ჩემთვის მოუსვლელი დასაგები.

ვაგლახ, რა უღვთოდ დასრულდი,
სიკვილ მაიწვინ გვერდით,
საქართველოსკენ ვასროლილ
ტყვიას უშვირე მკერდი.
ხიზნად მივსულვართ ხიზანთან,
გვეგვირავს ავეული ჭვირით,
მტრის ტყვია ვერას გიზამდა.
მოკლავდა „ქართლის ჭირი“.



სოფიკო ტყეშელაშვილი

ვიოლინოზე მათხოვარი საჩემოს უკრავს

ორი წლის წინათ ყველაფერი დავტოვე უკან,
ორი წლის მერე ყველაფერი მახედებს უკან,
ვიოლინოზე მათხოვარი საჩემოს უკრავს
და ერთი თვალი სიშორიდან მშანთავს და მხრუკავს.
ის მაგიური მინიშნება სიმშვიდეს არევს,
ის გაზაფხული ქარიშხალის ცრემლებს მინახავს,
არის შესკლომა გაღწევისთვის სამყაროს კარებს,
რომელსაც კეტავს ერთადერთი კითხვა — „ვინა ხარ?“
ვიოლინოზე მათხოვარი საჩემოს უკრავს.

რომ ვერ იგრძნო ვერასდროს
მე რა ცეცხლი მწვავს,
წავალ, დავუბრუნდები
ბედურებს და ცას.

ანდა მთვარე ამკენაკავს,
უთქმელსა და ცალს,
რომ ვერასდროს ვერ იგრძნო,
მე რა ცეცხლი მწვავს.

პერმავროდითს

ბოლოს ყველასთან მოცურდება ქარონის ნავი,
დღეს ჩვენზე უფრო აგიღია ცრემლისთვის გემი,
მოდო, ჩამოდე ჩემს მუხლებზე დაღლილი თავი,
რომ წუთით შეწყდეს მზის და მთვარის ჭიდილი შენში.



ნუგსარ საზანაშვილი

ზღუდავს ფანჯარა თოვას ჩარჩოთი:
თოვს — მეჩვენება — კინოეკრანზე,
ხოლო ბუნება რაღაც არსებითს

ვიღას სჭირდება თოვლის ზღაპრები?
არც — შენ და არც — მე...

ჯიუტად გვიხსნის თოვლის ენაზე,
მაგრამ ვინ უსმენს ახლა ბუნებას?

კარს მოვიხურავ
და ნეტავ საით გავემგზავრები?

ცის ღაპარკვა

ცა, ცა სად არის? განა ეს ცაა —
ბუტაფორია, ვირთხის ტყავს რომ ჰგავს?
ნაღველი ცა რა იქნა?
როდის გამომეტალა?
თუმცა ცისთვის ვის ეცალა —
ცა აღარავის აღარ ახსოვდა.
ეს სასჯელია დაეწყებისთვის.

ნუთუ დღემდე ვერ ვამჩნევდი?
იქნებ არ ვიმჩნევდი უბრალოდ?
უბრალოდ...
ეს სასჯელია მერყეობისთვის —
მერყეობა ხომ ყოველთვის
სიმხდალესთან წილნაყარია.

ცა, ცა სად არის? განა ეს ცაა —
ბუტაფორია, ვირთხის ტყავს რომ ჰგავს?

ცა, ცა სად არის...

რა სულელი ხარ, რა ბედნიერი,
რა გალუმპული აპრილის წვიმით —
თითქოს თვით აპრილს ასახიერებს.
გიყურებ და ვერ ვიკავებ ღიმილს:

სადღაა არსებობისთვის ბრძოლა,
ბრძნულთა საქმეთა დაღლილი გრიმი.
რა სულელი ხარ და ბედნიერი
მთლად გალუმპული აპრილის წვიმით.

ბატიბუტი ანუ ხმა უხნაური

მე მარტო დავრჩი მღვრიე ხატებთან
სინათლისაგან გამარცხულ წრეში
და ვხვდები — უკვე არ გადატყდება
ნება, რომელმაც აქ გამაშეშა.
სულ აღარ ვივლავ და ვგავარ ბოროტს,
მსურს — შევეგუო უსულო ფერებს.
მაოცებს მხოლოდ, მაწუხებს მხოლოდ
ვიღაც, ჩემში რომ თავისთვის მღერის:

ბატიბუტი, ბატიბუტი,
თოვლისფერი ბატიბუტი,
ღამიბრუნდი, სიმსუბუქევე,
სიხალისევე, ღამიბრუნდი.

და ამ ხატების ღრმა სიმღვრივესთან
რომ მაკეშირებს სიმხდალვე, ვიცი.
ეამბორება იუდა იესოს

და ორივენი მაყრიან სიცილს,
ხოლო თბილისი ნამთვრალევე ბინდებს
გრძელი თითებით იისფრად ძერწავს.

დამნაშავე ვარ, გავექცე მინდა,
საჩქაროდ მინდა გავექცე ჩემ თავს...

ვერძნობ რიჟრაჟს, ვებრძვი
გამოღვიძებას, —
ვიცი, როდესაც გავახელ თვალებს,
სადღაც უეცრად დაიკარგება
დასიზმრებული ლექსების კვალი,

რა გასაკვირია?
რად უნდა კითხვები?
გემი იძირება —
გარბიან ვირთხები.
ვინ რჩება? ის რჩება,
ვინც ცურვა არ იცის,

და ვდგავარ ასე მღვრიე ხატებთან
სინათლისაგან გაძარცულ წრეში
და ვხედები — უკვე აღარ ჩაქრება
ვიღაც, ჩემში რომ მღვრის თუ ხვნეშის:

ბატიბუტი, ბატიბუტი,
თოვლისფერი ბატიბუტი...

ღვთიური კვალი ლექსთა
სრულქმნილთა,
ამოუთქმელთა, უსიტყვე ხატთა.
ღმერთო, ცოტათი განავრცე ღამე,
ცოტა ხანს კიდევ დავრჩები მათთან.

ან ვისაც ძალიან
ხწამს უზენაესის,
ისინიც, რომლებსაც
ამ გემის გარეშე
არ სურთ ცხოვრება
არც ერთ მხარეში.

მოხადრეობული წრა

ახალი დღე და —
ახალი შეცდომა, ჭრილობა ახალი —
ჯაჭვი უმწარესი არა და არ წყდება,
გინდ ტყვია იხალე.
მიმზერს და ტყვიისფრად ხარხარებს
ავდარი.

გათავდა! ხვალდან
თავიდან დავიწყებ ცხოვრებას,
თავიდან, თავიდან!

ახალი დღე და —
კატა თელემს რაფაზე, ლუდი თელემს
კათხაში,
ქალაქი — ნისლის და ყვითელი
ფოთლების

მეუდრო მოსასხამში.
არც მწუხარებაა და არც — სიხარული.
გათავდა! ხვალდან
თავიდან დავიწყებ ცხოვრებას,
თავიდან, თავიდან!

ახალი დღე და —
ხარობენ ბავშვები, ბრუნავს კარუსელი,
ბრუნდება იმედი, ბრუნდება ოცნება,
სიცილის სურვილი.

ცა უცისფრესია, უანკარესია...
უფალო, საიდან
ეს აუტანელი „თავიდან!
თავიდან! თავიდან!“?



თენგიზ გოგოლაძე

ორი ნოველა

კოშკი

ჩანახატი

პაპაჩემს თემძის ხეობაში ერთი პატარა ვენახი ჰქონდა. ვენახს ვუწოდებდით, თორემ ამ ნაკვეთზე ხეხილი უფრო მეტი იყო, ვიდრე ვაზი. ვაზიც, ვილაცათა მიერ შერისხული, მოძულეული ქიწნურა. არ ვიცი, ყურძნის ამ ჯიშს რას ერწოდნენ, შეწამვლა იმას არ უნდოდა და არანაირი ზედგადაკვდომ-გადაყოლა. მოიძულეს, ამოპირკვეს, მოსპეს მისი ჯილაგი. პაპაჩემმა ხელი არ ახლო. თავის სამყოფ მოსავალს იწვევდა და გემრიელ ღვინოსაც აყენებდა.

ხეხილი ხეხილად, ბოსტანი ბოსტნად, ვენახი ვენახად, მაგრამ ბავშვობიდან ჩემს მეხსიერებას განუკურნელ ტკივილად შემორჩა ვენახის ბოლოში, თავილოვანი ყვავილებით სავსე ძეძვის ღობის გადღმა აღმართული, რიყის ქვით ნაგები კოშკი. ტკივილით-მეთქი იმიტომ ვამბობ: იყო და დღეს აღარ არის.

მიწის იმ ნაკვეთზე, რომელზეც პაპაჩემს ბალ-ვენახი გაეშენებინა, ოდესღაც უთუოდ ცხარე, სისხლისმღვრელი ბრძოლები იმართებოდა. ისტორია მოვითხრობს: თემძის ხეობით მრავალჯერ შემოჭრილან თრიალეთის ქედგადმოვლილი ოსმალები ჩვენი ქვეყნის ასაოხრებლად. აქეთ, ჩვენს მხარეში, აწამეს მათ ბერი თევდორე, ქართველ

გმირთა სახელებს რომ ამშვენებს თავისი საქციელით, მამულისათვის თავგანწირვით.

კოშკი ისეთი იყო, ისეთი, თითქოს ახალი აგებულიყო, საღი, მაგარი, ამაყად გამოშვირალი. ჟამთასვლას გაუძლო და წინ სიცოცხლის კიდევ დიდი გზა ჰქონდა, რამდენიმე საუკუნეს მაინც გაუძლებდა. კედელში სათოფურები და სარკმლები ჰქონდა დატანებული, ქვემოთ — ერთი მომცრო, შესაძრომი კარი.

მთელ იმ შემოგარენში ბავშვებს კუთხე-კუნჭული არ დაგვრჩენია, ჩასასვლელში არ ჩავსულიყავით და ასასვლელში არ ავსულიყავით. თუ სადმე რაიმე საიდუმლო გვეგულებოდა, ჩავძვრებოდით, ჩავფოფხვებოდით, ჩავყურყურებოდავებოდით, ეგებ გავგეგო, გვენახა თურა იმალებოდა ჯურღმულებსა თუ ხეხვებში, ნასახლარებსა თუ ნატაძრალეებში!.. მაგრამ იმ კოშკში შესვლას ვერც ერთი ჩვენთაგანი ვერ ბედავდა, ალბათ იმიტომ, რომ ერთხელ გავონიღმა შეკონებამ ძღვერ შეგვაშინა, — კოშკი გველებისა და გველხოკერების ბუდეაო. თუმცა, იქიდან გამოცურებული არც გველი გვინახავს, არც გველხოკერა გამოლოდებული... შიშს დიდი თვალები ჰქონდა და ვერიდებოდით.

კოშკში ნათელი აღწევდა თუ არ აღწევდა, ესეც არ ვიცოდით. ვხედავდით კი, რომ კაშკაშა მზიან ამინდშიც კი



სათოფურებიდან და სარკმლებიდან კოშკში ჩამალული ღამე ბოროტი თვალით იყურებოდა.

კოშკი ღუმდა, გარშემო ეკალბარდები შემოვლებოდა. საოცარი იყო: რატომ მაინცდამაინც ეკალბარდები და არა ია-ვარდები! ცოლო ელო რაიმე? იქნებ მის კედლებთან დაცემული მტრის შეომართა ნასისხლარზე სხვა არა იხარებდა რა! ალბათ ასეა!.. მაგრამ, ვაითუ, ცოლო ელო რაიმე, მტრისაგან ჯერონად ვერ დაიცვა სოფლელები, ვერ გადაარჩინა ქალი და ბავშვი, მოხუცი და დავრდომილი?! თუმცა, კოშკი იმხელად არ იყო, მოდარაჯეებთან ერთად სოფლის მკვიდრნიც შეეფარებინა. შიგოცამდე კაცი ვაჭირვებით თუ მოთავსდებოდა.

ბავშვობაში არ მიკითხავს, ვინ და როდის, ან რა დანიშნულებით ააგო კოშკი. ერთი რამ ეჭვს არ იწვევდა: იგი მტრებისგან შეწუხებულ ქართლს სჭირდებოდა. ცოცხალ არსებასავით დარაჯად იდგა, ქვეყნის მშვიდობის დიდი საქმე ებარა, ჩვენს დროში გამოუყენებელს, გარდასული ჟამის ნაშთს, მოხუცს, მაგრამ ჯერ კიდევ ჭარმაგად მყოფს.

ქარსაც უძლებდა, წვიმასაც, სეტყვასა და მეხთატეხასაც, სულ ასე მხნედ და უტეხად, ქედმაღლურად და ამაყად გაივილიდა საუკუნეებს. იგი ძეგლად ქცეული, გაქვავებული წარსული იყო.

როცა კი ვენახში მივიდოდი, ღობეს მივადგებოდი და ამ თვალწარმტაც, იღუმალეებით სავსე ნაგებობას კარგახანს შეეყურებდი. იდგა ჩუმად, არას ამბობდა მრავალი ამბის მომსწრე და მნახველი... სხვა, მისი ამბის მთხრობელი კი არ ჩანდა.

მაშინ ბევრი რამ არ ვიცოდი, ბევრი რამ არ გამეგებოდა, მაგრამ ვგრძნობდი კი, რომ აქ კოშკი ასე უბრალოდ არ იდგა. ისიც კი მეგონა, კაცის ხელით კი არ იყო ნაგები, არამედ დედაბუნების ნაშეიერი იყო ისევე, როგორც თემის ხეებს გადმა აღმართული მთები, კლდოვანი, ჩამოფლეთილი მკერდები

რომ მიეშვირათ სამყაროსათვის.

იდგა ეს კოშკი მათსავით ჯიუტად მაგარი.

ქვეყნის დარაჯი ჩვენს ვენახსა შემორჩენილია მეთვალყურედ. ახლა ალბათ ხილის ქურდებს აშინებდა სათოფურებიდან გამოშვირალი შავი თვალების ბრიალით. გული მწყედებოდა, რომ მის ძირში ეკალბარდები იყო და ბილიკიც არ ჩანდა მის წმიდა კედლებამდე მისასვლელი.

...რამდენიმე ათეული წელი მიიწურა, ცხოვრებამ ფერი იცვალა, მე ქალაქს შემოვრჩი, პაპაჩემი გარდაიცვალა, მის ნავენახარს თაფლოვანი ყვავილებით სავსე ძემეის ღობე შემოაცვალა, დაბერდნენ და ზეზუურად მიიცვალნენ ხეხილები, უფალს სული მიაბარეს ქიწნურა ვაზებმაც... დრომ თავისი წილი წაიღო და წავიდა.

და ერთ დღეს ვნახე, რა ვნახე: კოშკი პირწმინდად აღევავათ პირისაგან მიწისა.

მტერი ვერ ერეოდა, ქარი, წვიმა და თოვლი ვერაფერს აკლებდა, მეხთატეხას უძლებდა, ჟამის მსახვრალ ხელს არ იკარებდა... ვიღაცას უთუოდ რიყის ქვა დასჭირდა, ვიღაცას რაღაც ჰქონდა ასაგები, თემის პირზე ჩასვლა და მდინარის კალაპოტში რიყის ქვის შეგროვება დაეზარა და აჰა, მზამზარეული — მისდგა კოშკს და სულ სათითაოდ აცალა ქვები, გაძარცვა და გააპარტახა, დააკინა და გაათახსირა, მოსრა, მოსპო მისი სახსენებელი!..

რიყის ქვას ახლა ღობის, ბოსლისა და საღორის ასაგებად თუ იყენებენ, სახლებს აგურითა და ბლოკებით იშენებენ...

ჰაი, დედასა! კოშკის ნაკედლარი ბოსლის კედლად თუ ჩადულაბდა! ანდა საქათმე, ან საღორე თუ ახონხლეს!..

ჰაი, დედასა, მტრისისა!

...ჩემს მეხსიერებაში კი დგას იგი, როგორც ცოცხალი და უკვდავი გუშავი ჩვენი კუთხის საიდუმლოებით მოცული წარსულისა.

ღარო ბებოს მუთაქა

ღარო ბებოს ვიცნობდით მუთაქითა და იმ ერთადერთი ძველთაძველი გაყვითლებული სურათით, რომელიც ჩვენს საოჯახო სურათების გაბერილ ალბომში ინახებოდა.

სურათი არ იყო მკაფიო. სიძველისაგან კიდევშეშლახულ მუყაოზე დაკრულ სურათში ჩინტიკოპით თავდაზურული სანდომიანი სახის მანდილოსნის გარჩევა მაინც შეუძლებოდა.

ეს ქალი დიდღაჩემის დედა გახლდათ. წინა საუკუნის ქალი, რომელმაც მეოცე საუკუნის ათიოდე წელშიც გაღმაობა იკადა.

მარტო ამ ერთ სურათსა და ერთადერთ მუთაქას რომ არ დაგვიტოვებდა, ჩვენ, მის ნაშვიერთ, ცხადია. დაუტოვებია სახლ-კარი, კარგად გაწყობილი და მოვლილი ავეჯით სავსე. შეძლებული მაცხოვრებელი ყოფილა და არც შვილები დარჩენია გულნაკლული. მწიფონბარი და ღვთის ღრმა მორწმუნე ყოფილა. დიდხანსაც უცხოვრია.

დიდღაჩემი ხშირად იხსენებდა დედას, მის დანატოვარ მუთაქას და სხვა რამეებსაც სათუთად უკვლიდა. ამ მუთაქაზე თავს რომ მისდებდა, დედის აღერსს, მის სურნელებას, წარსული დღეების სინაზხესა და სითბოს გრძნობდა. მუთაქა მისთვის განსაკუთრებული განძი იყო და ასევე განსაკუთრებულად უკვლიდა.

ღარო ბებოს ბევრი დანატოვარი ნივთი ზოგი ღრომ, ზოგიც ცხოვრების სიავემ შეიწირა, ზოგი გაიყიდა, ზოგიც ძალით წაიღეს, ზოგიც დაიმტკრა; სახლ-კარი შეილებმა დააქუცმაცეს, გაყიდეს, გადაცვალეს...

დიდღაჩემი რომ გარდაიცვალა, ცხადია, დედაჩემი ისეთი ალერსით ვეღარ ეპყრობოდა თავისი ბებოის მუთაქას. და ოჯახურმა რელიკვიამ სამუდამო ბინა ძველ ზანდუკში დაიდო ასევე ძველ სურათებთან ერთად. ზოგჯერ, როცა შინაურები სახლს ალაგებდნენ, ზანდუკსაც

გამოასუფთავებდნენ, მაშინ მუთაქით თუ გაიხსენებდნენ ღარო ბებოს.

ჩვენ, მისი შვილიშვილის შვილები, არ ვიცნობდით, არ გვინახავს და ამიტომ მის დანატოვარ ნივთსა თუ სურათს გულგრილად ვუყურებდით.

მუთაქას მუქი შეინდისფერი, ალაგ-ალაგ საგრძნობლად გაცრეცილი ხავერდი ჰქონდა გადაკრული. მატყლით საკმაოდ მაგრად, საშვილიშვილოდ დატყენილი მუთაქა კიდევბში აბრეშუმის მსხვილი, ფუნჯიანი ზონარით იყო მონაოჭებული.

დიდხანს ხელუხლებლად ვინახეთ წინაბრის რელიკვია.

ყველასათვის ცნობილია, რომ ძველად ზოგიერთი შეძლებული ბებია-დიდედა მუთაქაში საშვილიშვილოდ ინახავდა ოქროს ნივთებს, ბრილიანტის თვლებს, თვალ-მარგალიტსა და ფულს. პაპები და ბაბუები, ამათაც თუ შეძლება ჰქონდათ, ძვირფასეულს ქონებებში აგროვებდნენ და ვინ იცის, სად არა ფლავდნენ მიწაში, ზოგიც სახლის კედელში მალავდა... ვის უმზადებდნენ, ან ვის უმალავდნენ?.. ბევრი ისე წასულა ამქვეყნიდან, საიდუმლო სამალავი ახლობელი ადამიანისთვისაც არ გაუმჟღავნებია...

გაჭირვებამ ეს ძველი ამბები ჩვენს გონებაში ამოატივტივა და ზანდუკიდან ღარო ბებოს ძველი მუთაქაც ამოგვალეინა.

ღმერთმა იცის, ეგებ ღარო ბებომაც...

იმის გაფიქრებამ, რომ ღარო ბებოს უთუოდ რაღაც ექნებოდა შემალული მუთაქის მატყლში, ყველას ჟრუნატელი მოგვევარა და ისე გადავკრია, ისე ავკიტაცა, უკვე იქამდე მივედით, ღამის დავეფვლითა მთელი მუთაქა...

უთუოდ რაღაც იქნება, უთუოდ!

ღარო ბებო შეძლებული ქალი იყო და რაღაცას უთუოდ გადაუნახავდა შვილთაშვილებს...

ნაჭრის „ყულაბა“ ტახტზე დავედით. მთელი ჩვენი მრავალრიცხოვანი ოჯახი შემოვუხვით. ყველაზე პატარა თიკოც კი, რომელიც ჯერ აინუნშიც არ იყო,

რა ხდებოდა, ან რა უნდა მომხდარიყო, გარინდებული გვიყურებდა.

დედაჩემმა მუთაქის ცალ მხარეს გაკვანძული ზონარი ძლივძლივობით გახსნა, ნაოჭი გაშალა, მუთაქიდან ასევე ძლივძლივობით გამოათრია ნაჭრის პარკში ჩატენილი მატყლი.

რა თვალებით, რა მღელვარებით, შეეყურებდით! სუნთქვა დავძაბეთ, ბუზის გაფრენას ვაივონებდა კაცი. ახლა ჩვენი ბედი და ილბალი მთლიანად ამ მუთაქის მატყლში გვეგულეობდა. იქიდან უნდა გამოენათებინა ჩვენი ბედის ვარსკვლავს!

მუთაქის ზემო პირი თუ გამძლე იყო, შიდა ნაჭერი მალე დაიფხრიწა. ბლომად მატყლი ჟამთა ვითარებაში მაგრად იყო დაწნეხილი, ამიტომაც ძნელად იჩეჩებოდა.

სანამ დედაჩემი მატყლს ჩეჩავდა და რაღაცას გულმოდგინედ ეძებდა, ჩვენ მოთმინების ფიალა გვევსებოდა. ალბათ ჩემსავით ოჯახის ყველა წევრი თავისთვის რაღაც სანეტაროზე ოცნებობდა, რომ აი, წუთი-წუთზე მატყლში ძვირფასი თვალი გაიელვებდა და ყველას ერთნაირად მოგვიტანდა ბედნიერებას.

განძის მოლოდინში ვიყავით ყველანი, ბავშვების გარდა. მათ მატყლის წეწვა უფრო ახარებდათ, ტახტის ცალ მხარეს რომ აბულულდა.

ბოდოს, როგორც იქნა, რაღაც გამოინდა, მომცრო ბურთულაკით საგანი. დედაჩემმა დაზეპილი მატყლი გამოწეწვა, თითები ააჩქარა, დაეშურა, რაც შეიძლება მალე გაეთავისუფლებინა ის პაწი სკანანი მატყლის ტყვეობიდან.

აოფელი თვალი ამ საგანს მიაცივდა. გავკეკავდით, მზერად ვიქექით. მერე ისევ გამალებით ამიძგერდა გული, როგორც კი დედაჩემმა ორთითშუა მოიგდო მოყვავისფრო ბურთულაკი. გამიკვირდა სრულიად აუღელვებლად რომ დააცქერდა.

— რა არის, დედა? თვალია რამე?

დედა კვლავ გახევებული დასცქეროდა მიგნებულ საუნჯეს.

ზმის თრთოლვით რაღაც ჰკითხა ჩემმა რძალმაც.

დედამ ცივად ჩაიცინა და ამოიოხრა:

— კურკლია, შვილებო! ჩვეულებრივი, ცხვრის გამხმარი კურკლი!



ოთარ მეოტიშვილი

ეს ლექსი არ ჰგავს მოვარდნილ მეწყერს
და ვერც მოისხამს რითმების ყვავილს.
მთელი საღამო

ღვარდაცემულ ფიქრის უფსკრულში
ბოლავდა, როგორც თბოლი ნისლი;
ეს ლექსი არ ჰგავს ღმერთთან საუბარს,
მიანლოებას,
სამზღვართა მოშლას.
ჭიასავით ღრღნიდა საწადელს,

დიღხანს ნასკავდა ჩემს გზას
ყულფივით

ერთადერთ კითხვით:
ვინ ხარ და რა ხარ?
ეს ლექსი არ ჰგავს...
თუმცა იქნებ არცაა ლექსი —
შორს გასროლილი ბუმერანგით
დაბრუნებულ ფიქრებს ვაგროვებ
და მომაქვს თქვენთან სამსჯავროზე
განსაკითხავად.

მხოლოდ

ბევრი აიწონა,
ბევრი დაიწონა,
ბევრი ტალახი და
ბევრი ვარდის კონა,
მხოლოდ ჩემი ქედი დარჩა შეუცვლელი...

ბევრი ცრემლი დაშრა,
სისხლით ბევრი დათვრა,
ბევრი კვირტი ფეთქს და
ბევრი ფესვი გახმა,
მხოლოდ ეს ტკივილი ყვავის
ძველებურად.

საიმი წაჰიდა

ვღვაჯარ დაღლილი ტვირთით და
წლებით,
როგორც ქარაფზე ჩამსხვრეული
მდინარის ტალღა;
საით წავიდე,
ვის შევეფარო,
შესართავისკენ გავყევი ღინებას,

თუ შემოვიქცე სათავისაკენ?
თუმცადა ვიცი,
რომ ჩემთვის მყუდრო თავშესაფარო
არც სათავე მაქვს,
არც შესართავი
და ვიკარგები საღლაც გზადაგზა
ჩემი ცხოვრების უხმაურო შენაკადებში.

ამ ქედებს,
მინდვრებს,
ქალაქებს და სევდიან სოფლებს
ნაუცბათევი ძველებივით ემატებიან
ჩვენი დღეები
და მიბუტბუტებს ყველა ღროის
მწუხარე მტკვარი
მარადქართული დაეჭვებით —
ვინ ვართ და რა ვართ?
ან ეს შავებით დათალხული
ამერ-იმერი
და ძმათა სისხლით მოქარგული
ყველა კუნჭული

გადარჩენაა ჩვენი ჯიშის,
თუ აღსასრული?
პასუხობს ყველა:
ბრძენიც და ბრიყვიც,
ცრუც და მართალიც,
მკვლელები და მცველები!
პასუხობს ყველა:
ჩვენებური თავგამოდებით,
ჩვენებური თავმოწონებით,
ჩვენებური მჭევრმეტყველებით,
მაგრამ პასუხს არავინ ვუსმენთ
და ერთგულების დასამტკიცებლად
გაუინაწილებთ საქართველოს

და ვეზიდებით საკუთარ ქოხში,
მერე დავსხდებით ჭირისუფლებად
და საკუთარ წილს გამოვიტირებთ.
ღრო კი არ იცდის...
ამ ქედებს,
მინდვრებს,
ქალაქებს და სევდიან სოფლებს

ნაუცბათევი ძეგლებივით ემატებიან
ეს დღეებს
და პასუხს ითხოვს ის საქართველო,
რომელიც ცოცხლობს,
ვერ გავყვიდეთ
და ვერ დავშალოთ.

ვიღრე

ვიღრე ამ დღეთა მღვრიე მორევში
წვეთივით უხმოდ არ ჩაკვარგულვარ,
უნდა გავუღო ბეწვის ხიდი,

რომ გავიყვანო გაღმა ნაპირზე
ორიოდ ლექსით გადარჩენილი
ჩემი საწყალი წუთისოფელი.

გავყურებ სევდით —
რა შეუმჩნევლად ედება თოვლი
ჩემი დღეებით ახორხლილ მწვერვალს,
ნადირივით რომ მოიპარება
ყოველი მხრიდან დიდი სიჩუმი
და იმ ღუმლით როგორ ივსება
ჩემი სიმღერაც,
ჩემი ზარიც,
ლხინიც და გლოვაც...

მე კი ძველებურ თავგამეტებით
ისევ ჯიუტად ვიკრებ ძალას
და ვყვირი,
ვღაობ,
ვიციანი,
ვაკნესი,
რომ სადღაც ვინმეს გავაგონო
ხმა განწირულის.

1992 წლის თებერვალი

გადაშლი გაზეთს,
რთავ რადიოს,
ჩაპყურებ ეკრანს
და ყველგან,
ყველგან გეძახიან პანაშვილებზე...
პანაშვიდები იმართება:
სვეტიცხოველში,
გრემში,
მარტვილში,
ზარზამაში,

ჯვარზე,
ყველგან, სადაც კი დაქცეულა
ქართველის სისხლი,
ყველგან, სადაც კი დაცემულა
ქართველის ცრემლი!
გასვენება კი ამ დღეებში,
რაღა თქმა უნდა,
თუ კიდევ დარჩა ჭირისუფალი...
გაასვენებენ საქართველოს —
ქართველის მოკლულს!

ორნი მოვედით

ორნი მოვედით ამ დიდ ქალაქში,
ორი ოცნების თავნება ბავშვი:
მე — მარტობით გაღადებული,
ის — ხატის კარზე მლოცველივით
გულღია ლექსი...
ჩუმად შეეყვებით ერთმანეთით გათელილ
დღეებს,
ნაცნობ-უცნობის ეჭვიან ფუსფუსს
და შევეჩვიეთ:
დედაქალაქის მზიან ქუჩებში
ღამადღებული სამშობლოს სითბოს,

პურის გრძელ რიგში დაკარგულ
სინდისს,
ბარიკადებად ქცეულ ტრიბუნებს,
ობელისკებად აღმართულ სკამებს,
ლიტონ სიტყვებში ჩამსხვრეულ
გრძნობებს,
საზიარო სარეცლის სიტკბოს
და მშობლიური ჯვარ-ხატებისკენ
ხანდახან ვგზავნი, როგორც
საკარგემოს,
ლექსებს კი არა, ეპიტაფიებს
ჩვენთვის გათხრილი საფლავებისთვის.

ჯუმბერ ხანთაძე

მ მ რ მ ა ნ ე ლ ე ბ ი

ნოველაბი

ჰანსი

გერმანელი პირველად ომის მიწურულს ენახე, ქალაქში გერმანელი ტყვეები რომ გამოჩნდნენ, მაშინ. ჯერ აქა-იქ, კანტიკუნტად შენიშნავდით. შემდგომ ძალიან მომრავლდნენ. ძირითადად მშენებლობაზე მუშაობდნენ. როგორც მახსოვს, ვაგზლისწინა მოედანზე და კიდევე ბევრ სხვა ადგილას აშენებდნენ სახლებს. მაშინ სამშენებლო ტექნიკა ჭირდა და მშენებლობა ყველა ეტაპზე მონური შრომის ფასად სრულდებოდა.

თბილისის ცენტრში, მარჯანიშვილის მოედანზე, ლამაზი კათოლიკური კერესია იდგა, ყელმოღერებული კირპა. გერმანულს ეძახდა ხალხი. ძველი ქალაქელები ამ ადგილს ეხლაც „იკრკად“ მოიხსენებენ ხოლმე. გერმანელ ტყვეებს დაანგრევინეს და იმ ადგილას დიდი სახლი ააშენებინეს. იქ ბევრნი მუშაობდნენ.

დასაწყისში ბავშვები აბრაზებდნენ გერმანელ ტყვეებს, „გიტლერ კაპუტ“-ო, „ფრიც კაპუტ“-ო, უყვიროდნენ, მეც ვაბრაზებდი. არ სწყინდათ, მშვიდად იმენდნენ და არც წყრებოდნენ ჩვენს შეძახილებზე.

მერე და მერე ტყვეებმა ქალაქშიც იწყეს სიარული. ჯგუფ-ჯგუფად დადიოდნენ, ცალ-ცალკეც. მოსახლეობისგან მოწყალეობას ითხოვდნენ, სამაგიეროდ თავიანთ სამსახურს სთავაზობდნენ: შესას დაგიხეზავდნენ, შეგიკეთებდნენ რასმე, ავიშენებდნენ თუ რამ ასაშენებელი გქონდა, გაგიღესავდნენ, შეგიკერავდ-

ნენ. ძალიან ხელმარჯვე და მშრომელი ხალხი იყო. ჩვენს ქუჩაზეც გამოჩნდნენ და ჩვენც მოგვაკითხეს.

განსაკუთრებით ხშირად ერთი გერმანელი მოდიოდა, ჰანსი. ძალიან ახალგაზრდა იყო, პირტიტველა, ფერმკრთალი, აწოწილი, ბეჭებში მოხრილი. მეტიმეტად კაცთმოყვარე გამოხედვა ჰქონდა, წყლიანი თვალები. დაკაკუნება არ იცოდა, აიტუზებოდა ხოლმე და კარზე ფხაჭუნს დაიწყებდა. თუ გავივინებდით, ხომ კარგი, თუ არადა, იდგა ასე, გაქვევებულივით. კვირაობით მოდიოდა ხოლმე ძირითადად. ყველას ძალიან შეგვიყვარდა ოჯახში. მეც მიყვარდა, თუმცა გერმანელი იყო.

მაშინ ძალიან ხელმოკლედ ვცხოვრობდით, მაგრამ იმედინად, იმიტომ რომ ომს ბოლო უჩანდა.

ორ სურათს ატარებდა თან. ერთზე თვითონ იყო უფროს ძმასთან ერთად, მეორეზე — ბაბთიანი გოგონა. ძმაზე უყვარდა ამბების თხრობა, ეთავჯანბოდა, აღმერთებდა. ის ომის დასაწყისში წაუყვანიათ ჯარში და ჩქარა უგზო-უკვლოდ დაკარგულა. ცოცხალი იქნებაო, — ასე სჯეროდა ჰანსს, ზორბა, ღონიერი და ფოჩალი ბიჭიაო, ჩემსავით ბოთე და ჭიაყელა კი არ არისო, ტყუილად ხომ არ ჩარიცხავდნენ „ედელვაისშიო“, — იტყოდა ხოლმე. იმ ბაბთიან გოგონაზე არაფერს ამბობდა, დახედავდა სურათს ცრემლმორეული, მერე აკოცებდა, ქალაღში სათუთად გაახვევდა და გულის ჯიბეში შეინახავდა. ჩემთან თამაში უყვარდა განსაკუთრებით. მეც

მიყვარდა. ათასნაირ ფოკუსს მასწავლიდა, ხისგან სათამაშოებს მითლიდა. ახველებდა ხშირად — დედა ძალიან სწყუხდა.

ერთ მშვენიერ დღეს ჩემი მამიდაშვილი დაბრუნდა ომიდან — ლევანი. ისეთი გამხდარი იყო, დედამ ძლივს იცნო. უფერული იყო, სინათლე გასდიოდა ღოყებში, ფეხს ითრევდა, ჰოსპიტლიდან იყო გამოწერილი. ისიც სულ ახალგაზრდა, სტუდენტი წაიყვანეს ომში. მე მგონი, ვერც მოასწრო გასროლა, ისე მოხვდა ჰოსპიტალში. ოჯახი ქუთაისში ჰყავდა: დედა და პატარა ძმა. დილაუთენია მოგვადგა, ავიშალეთ მთელი ოჯახი, სიხარულით ცას ვეწიეთ. დედამ სახარინიანი ჩაი დაალევინა, საგულდაგულად გადანახული, ორცხობილა დაუღუბო და დააძინა. მერე ერთ ექიმთან წაიყვანა. ბაქრაძე იყო გვარად. ძალიან გამოცდილი და სახელოვანი ექიმი იყო, მოხუცი. მეც წავეყვი, ლევანის „პილოტკა“ მეხურა.

ექიმმა ლევანს წელსზემოთ გახადა. საბავშვო კინოსურათი მქონდა ნანახი — „კაშირა ბესმერტი“ და ის გამახსენდა, რომ შევხედე იმის ნეკნებს. ექიმმა დიდხანს აწვალა, ჩაკუზა, ააყენა, დააწვინა, თითები უკაკუნა, ჩიბუნის მსგავსი ყურმილით მოუსმინა, თავი გააქნია და დედას უთხრა — მძიმედ არის თქვენი ავადმყოფი, დაწრდილვა აქვსო. იქიდან ფეხით მოვედით შინ, ტრანსპორტი ცუდად მუშაობდა.

შინ ჰანსი დაგვხვდა. ლევანი და ჰანსი, ალბათ, ტოლები იყვნენ. ბევრი ილაპარაკეს დამტვრეული გერმანულ-ქართულით. ამას თითო-ორიოლა გერმანული ესწავლა, იმას — ქართული. ბედი არ გინდა: ორივეს ერთ ფრონტზე უოძია. გადარჩნენ, მაგრამ ვაი ამ გადარჩენას! მერე კარგად ვივახშმეთ ლევანის ჩამოტანილი „პაიკით“.

ლევანი ქუთაისში გაემგზავრა. დიდხანს იავადმყოფა. მერე ბავშვთა ექიმი გახდა. ახლაც ძალიან ავადმყოფობს ხოლმე, თუმცა ცნობილი ექიმია.

ჰანსი აღარ გამოჩენილა. სხვა გერმანელები კიდევ რამდენიმე წელიწადს

გვაკითხავდნენ ხოლმე. ჰანსის შესახებ ვერაფერს ვერაფერი გვითხრა.

პუტაპერჩის თოჯინა

ომიანობის დროს უსახლკაროდ დარჩენილი ბევრი გაუბედურებული რუსი, უკრაინელი და ბელორუსი აიყარა მშობლიური ადგილებიდან და თავშესაფრის ძებნაში ჩვენამდე ჩამოაღწია. ქალაქი გაივსო ლტოლვილებით — ევაკუირებულებს ეძახდნენ ხალხში. ომის ბოლოს ჩვენი მეზობლის, დეიდა ქეთოს ოჯახმაც შეიფარა, შეიხიზნა რუსეთიდან გადმოხვეწილი ნათესავები, ჩემი ტოლი ნატაშაც. ნატაშა ძალიან კარგი გოგო იყო, კიკინებიანი, დედით ქართველი, მამით რუსი, რუსეთში დაბადებული და გაზრდილი. ომით გამოწვეულმა ბედუკუდმართობამ ჩამოიყვანა ჩვენი, თბილისში.

თავდაპირველად ნატაშას იშვიათად უშვებდნენ ეზოსა თუ ქუჩაში ჩვენიან სათამაშოდ. გამოუშვებდნენ და დეიდა ქეთო სულს ჩაგვაბარებდა, არ აწყენინოთ, რაიმე არ ატკინოთ, მოეფერეთ, მშობლები არ ჰყავს და ცოლო არისო.

ჩვენ, ბავშვები, გვარიანად ვიყავით ერთმანეთში შეთამაშებულები. ნატაშამ ქართული არ იცოდა, ჩვენ რუსული და, ალბათ, ამიტომაც კარგა ხანს არ გვეკარებოდა — ჩაიხუტებდა თავის გუტაპერჩის თოჯინას გულში, განმარტობით აიტუშებოდა და შორიდან გვიცქერდა ხოლმე.

ერთხელ ეზოში გერმანელი ტყვე შემოვიდა. ფეხი შემოდგა თუ არა, ნატაშამ ისტერიული ტირილი დაიწყო. გამოვარდა დეიდა ქეთო, დაგვცოფა პირდაპირ — რომელმა ჩაარტყით, რა ჩაარტყით, რა მხეცები ხართო, გვიფვროდა. ყველანი სახტად დავარჩით. ღმერთი, რჯული, ხატი, კაცი არ გაჰკარებია.

გადაფიჩინდა ნატაშა, წყალი დააღუვიწხეს, დაუყვავეს, მაგრამ ვერაფრით ხმა ვერ ამოაღებინეს, სიტყვა ვერ ათქმევინეს. ბოლოს, როგორც იქნა, „ტამფრიც“-ო, ამოღერდა.

გავიხედე, გერმანელი ეზოში აღარ იყო. ქუჩაში გავვარდი, ჩვენი სადარბაზოს კიბეზე იჯდა თავჩაქინდრული და ზღუქუნებდა.

მერე და მერე ნატაშა შეეჩვივა გერმანელებს, ჩვენც გავვიშინაურდა, სიხარულით თამაშობდა ჩვენთან, ყველას გვკობნიდა „კლასობანას“ თამაშში, „გუსი-გუსი დამოი“-ც იმან გვასწავლა.

შა-ღიუხი

ომამდე დედაჩემმა ცნობილ მუსიკის პედაგოგს, ბაგრატიონს მიმეგარა. მუსიკალური განათლება უნდა მიმეღო. არ მინდოდა მუსიკაზე სიარული, ნოტების ტარება არ მიყვარდა, მეშინოდა ბიჭებს „გოგოების მაჩალკა“ არ დაეძახათ ჩემთვის. ორი კვირის თავზე ბაგრატიონმა დედაჩემი დაიბარა და განუცხადა: თქვენი ვაჟისგან მუსიკოსი არ დადგება და, გარდა ამისა, ძალიან ტურტლიანი ხელები აქვს და კლავიატურას მიფუჭებსო. მართალი უთხრა, ალბათ. ძველ პედაგოგებს სჩვეოდათ სიმართლის თქმა მოურიდებლად. რაც შეეხება ხელებს, ტურტლიანი მექნებოდა, აბა რა, სულ ღობე-ყორეს ვედებოდი, თუ სადმე ჟანგიანი რკინა იყო, ყველას ჯიბით ვატარებდი. გამიხარდა, ვიფიქრე, გავკეთდი ჭრელი დედალივით, მორჩა ჩემი მუსიკალური განათლება-მეოქი. მაგრამ შეეცდი, დედაჩემი ფეხებში ჩაუვარდა ბაგრატიონის ქალს — ნუ დამლუპავთ, თქვენი ჭირიმე, ძალიან მინდა, ბავშვს მუსიკა შევავაროო, მაგის ხელებს მე მოვუვლი და პირადად მოგვკვრით დაბანისო. მართლაც, ამის შემდეგ დედაჩემს დავეყვდი მუსიკაზე დაბანილ-დავარცხნილი, გაკვეთილის განმავლობაშიც თავზე მადგა. ცოტა წაივიწე წინ, ანა-ბანა ვისწავლე.

მერე ომი დაიწყო, ვაჭირდა ცხოვრება. დედაჩემი ქსოვდა და ქარგავდა. ამ შემოსავლით ერთხანს კიდევ დავდიოდი ბაგრატიონთან, მერე ვედარ ვიარე, ვედარ შეძლო ოჯახმა ფულის გადახდა. მაგრამ რა გინდა, ჩემი საშველი მაინც

არ აღმოჩნდა. ჩვენს მეზობლად, პირველ სართულზე ერთი მარტოხელა ბერძენი ქალი ცხოვრობდა, დეიდა სალომე, ქართველი კაცის ნაცოლარი. ქმარი ოცდაჩვიდმეტში დაუხვრიტეს, ბინაც ჩამოართვეს, დაარბიეს ოჯახი. ერთ პატარა ოთახში გამოამწყვდიეს, ძალიან ხელმოკლედ იყო, მაგრამ პიანინო ჰქონდა და დედაჩემს შესთავაზა, ბავშვმა ჩემთან იაროს, შეძლებისდაგვარად დავეხმარებიო. კეთილი ქალი იყო დეიდა სალომე, მეტისმეტად კეთილი. უსასყიდლოდ მსწავლიდა, ხანდახან შაქრის ნატეხსაც მაძლევდა. ძალიან უყვარდა ჩვენი ოჯახი, მეც ძალიან ვუყვარდი. სიამოვნებით მივდიოდი ხოლმე მასთან, არც არასოდეს მაძალებდა რასმე. ბრწყინვალედ ნაცხოვრები ქალი ჩანდა, დიდბუნებოვანი, დარბაისელი, კეთილშობილი.

გაზაფხულის ერთ მშვენიერ დღეს დეიდა სალომეს პიანინოსთან ვიჯექი და სავარჯიშოებს ვუკაკუნებდი. ფანჯარა ღია იყო, რაფაზე ყვავილის ქოთნები იდგა მზეზე მიფიცხებულნი. კაცი მოვლანდე ფანჯარასთან, კარგა ხანს გაუნძრევლად იდგა, მისმენდა, ალბათ. მერე მორიდებულად დააკაკუნა მინაზე და მთლიანად გამოჩნდა გამჭვირვალე ფარდის მიღმა. გერმანელი ტყვე იყო, ახალგაზრდა. პიანინოს შევეშვი, დეიდა სალომეც გამოეხმაურა. ფა-ღიუხი მეორე რევისტრში არეულიაო, — გვიოხრა. დეიდა სალომემაც დაუმოწმა — პო, ეგრე არის, მაგრამ ვინ არის მაგის ამწყობიო. თუ ნებას მომცემთ, მე აგიწყობთო. შემოიპატიჟა დიასახლისმა. შემოვიდა გერმანელი, დაჰყვა კლავიატურას, თავი ახადა ინსტრუმენტს, ხელსაწყობები თუ გაქეთ რაიმეო, იკითხა. აბა, დეიდა სალომეს რა ექნებოდა. გავვარდი შინ და თუ რამ რკინის მქონდა, ვველაფერი მივუბრუნებინე: ნაჯახი, ხერხი, ბრტყელტუნა, ხელჩო. ბრტყელტუნას დასჯერდა, ინსტრუმენტი ფრთხილად გამოაჩოჩა, მეც მივეხმარე. უკანა ფარი ახსნა და სიმების დაჭიმვა დაიწყო. მალე გაასწორა, ააწყო და მერე



უფლება ითხოვა: თუ ნებას მომცემთ, დავუკრაო. კი ბატონო, — უთხრა დეიდა სალომემ. მიუჯდა გერმანელი პიანინოს და დასცხო, მაგრამ რა დასცხო: აამღერა, ააკენესა, ატირა და აცინა. დიდებული მოსასმენი იყო და დიდებული სანახავი, როგორ დასრიალებდა მისი გრძელი თითები კლავიატურაზე. ძალიან გავიხარეთ. ამ ხმებზე დედაჩემიც შემოვიდა, დეიდა ვენერაც — ჩვენი მეზობელი; მთელი უბნის ბავშვები ფანჯარასთან მოგროვდნენ. ნატაშამაც მიიბრინა. ყველანი სმენად ვიქმცით.

დამთავრდა კონცერტი, შემოვკარიით ტაში, გერმანელმა დიდი მადლობა გადაგვიხადა — ასეთი სიამოვნება კარგა ხანია არ მიმიღიაო, თქვა. წასვლა დააპირა, დაგვემშვიდობა კიდეც. დარჩი, ერთად ვისადილოთო, ყველამ ერთხმად შევთავაზეთ. თავდაპირველად იუარა. ჩამოვეკიდე, არ წახვიდე-მეთქი. უფრო ჩემმა მუდარამ გასჭრა და დარჩა. ჩქარა დაუშმაკაცდი. ჰანსზე გამოვეკითხე, გული დამწყდა, რომ არ იცნობდა, ესეც კარგი ბიჭი ჩანდა და იმიტომ. ამასობაში ნაუცბათივი ღარიბული სუფრა გააწყვეს, ყველამ მოიქაჩლა თავი: დედაჩემმა ლობიო მოიტანა, დეიდა ვენერამ კუს კვერცხები შეგვიწვა, დეიდა სალომემ ფინიკის რამდენიმე მარცვლი და ცაცხვის ჩაი მოგვართვა. მაშინ გავიგე, რომ დეიდა სალომეს გერმანული სკოლნია ბრწყინვალედ, აჟღერებულდა სუფრასთან გერმანულად, ბევრი ებაასა ჩვენს მუსიკოსს. კონსერვატორიის სტუდენტი ყოფილა და „შმაისერი“ მისცეს ხელში. არ ეხერხებოდა თურმე სროლა, დაკრა უფრო ეხერხებოდა, მაგრამ რას იზამ, ძალა აღმართსა ხნავსო, — ნათქვამია.

პირაჟიდა

ზაფხულის გამოცდები დაიწყო. დიდი ბიჭები, მეტურთმეტეკლასელები, სკოლას ამთავრებდნენ, იმ დღეს მათემატიკაში ჰქონდათ გამოცდა. დათოც აბარებდა. დათო მძალი, ღონიერი, ონავარი ბიჭი იყო, კალათბურთს თამაშობდა ძალიან კარგად. დინამოშიც აიყვანეს სულ ახალგაზრდა, პირტიტველა, მერე საბჭოთა კავშირის ჩემპიონიც გახდა და ნაკრებშიც მოხვდა. ძალიან გვიყვარდა პატარა ბიჭებს დათო, იმიტომ, რომ სკოლაშივე სახელოვანი სპორტსმენი იყო. ყველანი მას ვებაძავდით კალათბურთის თამაშში.

ჩვენ უმცროსებმა ადრე დავამთავრეთ გამოცდა. სკოლიდანაც გამოგვყარეს, — არ იხმაუროთ, დიდ ბიჭებს არ შეუშალოთ ხელიო.

ჩვენი სკოლა დენდროლოგიურ ბაღს ესაზღვრებოდა, ტუპანოზას ბაღს ვეძახდით. ჩვენ დროს ეს ბაღი დიდი იყო. მერე და მერე სულ გააჩანავეს, მძალი რანგის ჩინოსანმა ხალხმა ჩაიდგა შიგ სახლები. მაშინ კი დიდი იყო და „შატალოზე“ წასულები იქ ვაფარებდით თავს. მეც, გამოცდის შემდეგ, ტუპანოზას ბაღს მივაშურე. ერთი აურზაური იყო იქ — დათომ ამოცანა ვერ ამოხსნა და ფანჯრიდან გადმოაგლო პირობაო. ჩემზე დიდი ბიჭები შეკრებილიყვნენ და სჯა-ბაასი ჰქონდათ, როგორ ამოეხსნათ ეს დაწყველილი ამოცანა. მეც დათოს გულშემატკივრებში გავერიე და ძალიან განვიცდიდი, რომ არა გამოდიოდა რა. რთული ამოცანა იყო, როგორც მახსოვს, პირამიდის ზედაპირის ფართი უნდა განსაზღვრულიყო.

ტუპანოზას ბაღში სატრანსფორმატორო ჯიხურს აშენებდნენ გერმანელი ტყვეები, იმჯერად თხრილს თხრიდნენ ელექტროკაბელის ჩასადებად. რამდენიმე ტყვე მუშაობდა. ერთი, პატარა ტანის, სათვალღიანი, წელს ზემოთ ვახდელი, წერაქვით ჩიჩქნიდა მიწას. შეგვატყო, რომ აფორიაქებულები ვიყავით, გავეწი-გამოგვეწია, იმ ქაღალდს დახედა, ამოცანა რომ ეწერა დე ბიჭებს პირამიდა რომ დაეხატათ ზედ. ფანჯარი გამოართვა ერთ-ერთს, პირში ჩაიღო, ერთი წუთით შეფიქრიანდა და შემდეგ ხაზი გაატარა, ბისექტორისა და მისი გვერდთან გადაკვეთის წერტილი წვეროს შეუერთა. სამმა ბიჭმა ერთდროულად დაიძახა, ვაიო! და ამოცანის ამოხსნას შე-

ულდა. იმ გერმანელმა ცოტა ხანს გვიყურა, მერე, როცა დარწმუნდა, რომ სწორ გზაზე ვიდექით, თავის საქმეს მიხედა — ისევ მიწის ჩინქნა დაიწყო. ბიჭებმა მალე მიიღეს პასუხი და მიურბენინეს. „გუტ“-ო, გვითხრა.

ჩვენს შორის ყველაზე წრიბა, ჩიპარკოზა, სკოლის კედელზე საწვიმარი მილით აცოცდა, მეორე სართულის ტუალეტში გადაძვრა და ქაღალდი დათოს ჩუმად გადასცა.

დაიწვეს გამოცდიდან გამოსვლა დიდმა ბიჭებმა. აჭარხლებულები გამოდიოდნენ, დაღლილი თვალები ჰქონდათ, გაოფლიანებულები და აღგზნებულები იყვნენ. ბევრი უწვავლიათ, როგორც თვითონ ამბობდნენ. დათოც გამოვიდა გაწვავლებული, მაგრამ კმაყოფილი. სიტყვა შევაგებეთ — გერმანელმა ამოვიხსნაო. რომელმაც, იკითხა. ვაჩვენეთ. აქ დამიცადეთო და, სადღაც გაიქცა. კარგა ხანს ველოდეთ, დაავიანდა. მერე ბავშვები დაიშალნენ, მიმოიფანტნენ. მე დავრჩი მხოლოდ იმიტომ, რომ ძალიან მიყვარდა დათო, თანაც მეამყებოდა, რომ ჩვენს უბანში ცხოვრობდა, ჩემს მეზობლად.

დავიწყე საუბარი იმ სათვალთან გერმანელ ბიძიასთან. ცოტაოდენი „საყველპური“ გერმანული ჰანსისაგან მქონდა ნასწავლი, ხელებიც მოვიხმარე და ვაგებინებდი რაღაცას. ისიც ძალიან ცდილობდა და გვარიანად ველაპარაკეთ. მერე ჰანსზე ჩამოვუგდე სიტყვა. ერთი გერმანელი მეგობარი მყავს, მაგრამ კარგა ხანია აღარ მოგვეკარებია, ხომ არ იცნობთ-მეთქი, ვკითხე.

— რომელ ბარაკში ცხოვრობდაო? ვერ ვუპასუხე, არ ვიცოდი, რომ ქალაქის განაპირას რამდენიმე ადგილას ყოფილა გერმანელების საცხოვრებელი „ბარაკები“ განლაგებული. ერთ-ერთი, სადაც ის ბიძია ცხოვრობდა, საბურთალოზე ყოფილა, ახლა რომ ინფექციური საავადმყოფოა, იქ. ჰანსი ბევრიაო, მითხრა, მარტო ჩვენს ბარაკში სამს ვიცნობო.

აუწყურე გარეგნობა — გამხდარი, მა-

ღალი, ლამაზი ბიჭია, ბეჭებში მოხრილი-მეთქი.

— ხშირად რომ ახველებდა, ისო? — მკითხა. — თუ იმაზე მეკითხები, ის ამ ზამთარში მიიცვალაო, მძიმე ავადმყოფი იყო, საწყალი.

ელდა მეცა, ჩავიკეცე მუხლებში. გერმანელი შეწუხდა, მიხვდა, რომ უღმობელი იყო მისი პასუხი.

— არა, ის ჰანსი, მე რომ ვიცნობდი, არც ისე მაღალი იყო და არც ბეჭებში მოხრილიო, — დამამედა. ალბათ, შემეშალა, შენი ჰანსი ცოცხალი იქნება ნამდვილადო. ჩვენგან ბევრი წაიყვანეს ჩითაჰესის მშენებლობაზე, ბორჯომში და, ალბათ, ისიც იქით ვაგზავნესო. ცოტა იმედი მომეცა, აბა, ჰანსი როგორ მოკვდებოდა, ისეთი კარგი ბიჭი იყო, თანაც როგორ გვიყვარდა ყველას, არა, ის არ მოკვდებოდა, ალბათ, ვერ მოიცალა, ვერ მოახერხა შემოკლამეთქი, ვუთხარი.

— ჰო, ნამდვილად ეგრე იქნებოა, — დამიმოწმა და მეც ხასიათზე მოვედი.

ამასობაში დათომაც მოირბინა, აქლოშინებულმა ერთი „ბუხანკა“ თეთრი პური და კარაქი მოიტანა. ომი ახალი დამთავრებული იყო, მოსახლეობა შიმშილობდა და დათოს, როგორც სპორტსმენს, ბარათებს აძლევდნენ, „ტალონებს“, პროდუქტებისთვის.

გადასცა სათვალთან გერმანელს საზეიმო ვითარებაში ძღვენი. იმან მაღლობა გადაგვიხადა, სხვა გერმანელებსაც მოუხმო, მერე ჯიბიდან თეთრი, გაქათებული ნაჭერი დააძრო, ბალახზე დააფინა, დანა მოიმარჯვა და პური თხელ, კონტა ნაჭრებად დაჭრა, ნაჭრებს კარაქი გადაუსვა და ჩამოარიგა. მეც შემომთავაზა. ბევრი ვიუარე, თუმცა ნერწყვებს კი ველაპავდი. არაფრით არ შემიშვა და, რა მექნა, გამოვართვი. ვჭამეთ გემრიელად.

შინისაკენ რომ მივიდიოდით, დათომ მითხრა, ხვალინდელ „პაიოქსაც“ მაგათ მივუტან, წამომყევით. ძალიან გამეხარდა. აბა, დათოსთან ყოფნას რა მერჩინა.

დილით მივაკითხეთ მე და დათომ სასადილოს, ზემელზე, — იქ აძლევენ სპორტსმენებს „პაიოკს“. მე დათოს სპორტული ჩანთა მქონდა გადაკიდებული და თავი მომწონდა. ოცდახუთ მანეთად თეთრი პური და შოკოლადიანი რძის ორი ქილა კონსერვი გვერგო. გახარებულებმა ავირბინეთ ტუპანოხას ბაღში, მაგრამ გერმანელები არ დაგვხვდნენ. დიდხანს ველოდით, იმ დღეს აღარ მოსულან სამუშაოდ. დათომ ნახევარი პური და ერთი კონსერვი მე მომცა, ძალიან გემრიელი იყო, შოკოლადის გემო ჰქონდა. ნეტა გერმანელებსაც გაეხინჯათ.

ისე კი, დილობაში მივხვდი, რომ მობატყუა იმ სათვალაიანმა გერმანელმა, დამამშვიდა, დამამიშვდა.

სიამეხალი

ომის დროს ხალხს რომ გაუჭირდა, ნაწვერალეებში დარჩენილი თავთავის შეგროვება დაიწყო: ახალ მოქილში დადიოდნენ ხოლმე. თუ მუყაითად იშრომებდი, ერთ ორ კილო ხორბალს შეაგროვებდი — დიდი სიმდიდრე იყო მაშინ. მერე ქალაქელებმა გაცვლა დაიწყეს: მიჰქონდათ ოჯახიდან სოფლად ჯამ-ჭურჭელი, გამონაცვალი ტანსაცმელი, ფეხსაცმელი და, რა ვიცი, რაღა არა. სოფელიც ძალიან ცუდ დღეში იყო. განსაკუთრებით ჩასაცმელი ჭირდა და ამიტომ სიამოვნებით თანხმდებოდა გაცვლაზე; იკლებდა საჭმელს — ლობიოს, მარცვლეულს, კვერცხს, ხილს და, სამაგიეროდ, შეიმოსებოდა ჩვენი ნაცვაში შარვალ-ხალათით. ბევრმა თბილისელმა გაიტანა ის მძიმე წლები სოფელთან ამგვარი კავშირით. მაშინ ბარტერი, რა თქმა უნდა, არ ვიცოდით. ისე კი ბარტერული ურთიერთობა გვექონდა სოფელთან. მერე, კარგა ხანს ომის შემდეგაც შემორჩა ეს პრაქტიკა. ჩვენი ოჯახიდანაც გავზიდეთ თუ რამ გვექონდა ავლადილება. ბოლოს, ეს უკვე ომის შემდეგ იყო, დედაჩემმა მამაჩემის თოფს დაადგა თვალი. ძალიან კარგი თოფი იყო,

ძველისძველი, ძვირფასი ნაკეთობა, ბელგიური, 16 კალიბრიანი, „პიპერ-ბაიარი“ ერქვა. თვალს ვერ მოსწყვეტდი, ისეთი ნამუშევარი იყო. დარტყმა ჰქონდა — ჩემ მტერს. კარგა ხანს აგვიკრძალა მამაჩემმა თოფის სახლიდან გატანა. როგორც კი თოფზე ჩამოვარდებოდა სიტყვა, იმ წუთსვე დააძრობდა, დემონსტრაციულად დაშლიდა, საგულდაგულოდ გაწმენდა, დაზეთავდა და ისევ შეინახავდა ხოლმე.

ბოლოს, ყოველივეს ჩემი ხანგრძლივი ავადმყოფობა დაერთო, ფილტვებში დამეწყო ხიხინი. ექიმებმა თქვეს, ამას სუფთა ჰაერი და კარგი კვება უნდაო. უკან დასახვევი გზა აღარ იყო და მამაჩემმაც გაიმეტა ჩვენი „პიპერ-ბაიარა“. მსურველები, იცოცხლე, ბევრი იყო, მაგრამ რატომღაც ერთ მალაკანს მისცა, ბიკოვი იყო გვარად. სართიჭალის მახლობლად, მალაკანების სოფელ აზამბურში ცხოვრობდა. იმ დროს სოფელს კრასნოგორსკსაც ეძახდნენ. კარგა შემლებულად ცხოვრობდნენ მალაკანები.

ბიკოვი დიდი, ჩაფსკენილი კაცი იყო. მეჩხერი წვერი და მელოტი თავი ჰქონდა. კარგა ხანს ათვალეირა ჩვენი თოფი. მერე შეთანხმდნენ ბარტერზე — მოზრდილ უშობელს და საი სკა ფუტკარს გვაძლევდა. გაემეზავრა მამაჩემი ბიკოვთან ერთად, თოფიც წაიღო, პატრონტაშიც. პატრონტაშიც ძალიან ძვირფასი იყო, ტყავის ოცდაათ ეაზინიანი, საერთოდ, პატრონტაშები ოცდაოთხეაზინიანი, ოცდაათიანი არც მინახავს, არც გამიგია.

მეორე თუ მესამე დღეს მამაჩემმა უშობელი ჩამოგვიყვანა და ცოტაოდენი თაფლიც გამოიყოლა ხელს. უშობელი კი ეთქმოდა, მაგრამ ძალიან ზორბა იყო, საოცრად ლამაზი ჭრელი კობლები ჰქონდა და ხატაველა შევარკვით. მამაჩემმა თქვა, ჩვენებური ჯიშის არ არისო. ომის დროს რუსეთიდან გადმოურეკიათ დიდძალი საქონელი. კოსტრომილი ჯიშის თუ არისო, ამბობდნენ მეზობლები. დავაბით საწყალი, ჩვენს პატარა ეზოში და იქვე, სარდაფში მივი-

ჩინეთ თავშესაფარი. ჩქარა წველაც დაიწყო ხატაველამ და გავსწორდით წელში. ხანდახან ბიკოვიც გვიგზავნიდა თაფლს და ჩემს ფილტვებსაც საშველი დაადგა. ბარე ორი-სამი წელი გვყავდა ხატაველა, მერე ქალაქში და ანლომდებარე სოფლებში აკრძალეს პირუტყვის ყოლა ანტისანიტარიის მიზეზით და, რა ძალა იყო, ჩვენც გაყვიდეთ. ისე კი, მაღლი მოვისხით. აბა, ამოდენა ძროხის სულ ქალაქში, ბაგაზე ყოფნა საცოდაობა არ იყო? ვერ ვიხსენებ, თოფის სახლიდან გატანამ უფრო დამწვევითა გული თუ ჩვენი ხატაველას გაყვიდამ. სხვისი არ ვიცი და, ძროხა უპირველესი ცხოველია ჩემი აზრით. რა სამსახურს უწევს კაცს, რა პროდუქტს იძლევა! სილამაზითაც არც ცხენზე ნაკლებია და არც ძალზე. ნამდვილად, კაცის ყველაზე დიდი მეგობარია. ჩემთვის კი ის იყო მაგდანას ლურჯაც, წიქარაც და ნიკორაც.

ჩვენი ხატაველა ახალი მოყვანილი გვყავდა, გერმანელმა ტყვეებმა ჩვენს უბანში სახლის მშენებლობა რომ დაიწყეს. ჩვენს ქუჩაზე აივლიდნენ და ჩაივლიდნენ ხოლმე. მამაჩემმა კედლის ღუმელის აშენება გადაწყვიტა და ორი გერმანელი მუშა მოიწვია. დუმელი სამი ოთახის მიჯნაზე უნდა აშენებულიყო იმგვარად, რომ სამივე ოთახი გაეთბო. გერმანელები ადვილად მიუხვდნენ მამაჩემს ჩანაფიქრს. ძველი, ნახშიარი აგური იქვე, ეზოში გვქონდა. გერმანელებმა რამდენიმე პარკი თიხა მოითხოვეს და ფასზეც შეთანხმდნენ.

ვაკეში, სადაც ახლა კინო „ყაზბევია“, აგურის ქარხანა იყო. მთელი ის ტერიტორია თიხის კარიერად იყო ქცეული და იქიდან მოვიტანეთ. ჩქარა გერმანელებმაც მოგვაკითხეს და შეუდგნენ მუშაობას. ერთმა ოთახში დაიწყო ფუს-ფუსი, მეორეს ეზოდან აგურები ამოჰქონდა. უცებ საოცრად სახვეობარწყინებული, აფორიაქებული შემოვარდა, ყვიროდა, „სიმენტალ-სიმენტალი“. უმაღლ ორივენი ეზოში გავარდნენ, ჩვენს ხატაველას მისცივიდნენ და ბარე

ერთი საათი ეფერებოდნენ, ვარცხნიდნენ, ლამის ცურები დაუკოცნეს. ისიც იდგა სიამოვნებისგან გატრუნული, თითქოს მათი ლაპარაკი ესმოდა. ჩვენი ხატაველა „სიმენტალის“ ჯიშის აღმოჩნდა და არა კოსტრომული.

რამდენიმე დღე იმუშავეს გერმანელებმა ჩვენთან და ყოველი სამუშაო დღის დასაწყისში ჩვენს „სიმენტალს“ მიინახულებდნენ ხოლმე. გლეხები იყვნენ, ფერმერები და ძროხის ხილვით ხარობდნენ.

კარგი ღუმელი გაგვიმართეს. საკვამლე მილი ლაბირინთებად ააგეს, ხან ერთი ოთახის კედელში გაიყვანეს, ხან მეორეში. რომ დავანთებდით, სამ უზარმაზარ კედელს ახურებდა და ოთახებში. საამოდ დათბებოდა ხოლმე.

იქის მერე, ჩაივლიდა თუ არა ის ორი გერმანელი ჩვენს სახლთან, აუცილებლად შემოგვძახებდა „სიმენტალ-სიმენტალ“-ო. რამდენჯერმე შემოვიბატიეუთ. მერე და მერე გაგვიშინაურდნენ, თვითონ მოგვაკითხავდნენ ხოლმე. ერთი კი იყო საკვირველი: საჭმელზე თუ მოვიწვევდით, აუცილებლად უარს გვეტყოდნენ, პირს არ დააკარებდნენ არაფერს, ვიდრე რაიმე დავალებას შეუსრულებდნენ, რაიმე, თუნდაც უმნიშვნელო სამსახურს არ გაუწევდნენ ოჯახს.

უნომრო სანთაქარი

დიდი დრო გავიდა, ომისგან მიყენებული წყლულები დაუამდა ხალხს. მეც დავვაჟკაცდი ნელ-ნელა, სკოლაც დავამთარე, ინსტიტუტიც. მუშაობაც დავიწყე სოხუმში; ფიზიკის ინსტიტუტში. იქ გერმანელებიც მუშაობდნენ ჩვენებთან ერთად.

ომის დამთავრების შემდეგ დამარცხებული, ნაცარტუტად ქცეული გერმანია თურმე ინტელექტუალურადაც გაუძარცვავთ: გერმანელი ინჟინრების, მეცნიერებისა და მკვლევარების ფართო იმპორტი დაუწყიათ მოკავშირეებს. უფრო ამერიკელებს და საბჭოეთს გამოუზიდავთ გერმანელი ინტელექტუა-



ლები. არ ვიცი, ამერიკელებმა ისინი ნებით წაიყვანეს თუ არა, ჩვენ რომ ძალით წამოვასხით, ეს კი ნაღლია.

გერმანელ მეცნიერთა ერთი ნაწილი სოხუმში ჩამოუყვანიათ. სოხუმის მახლობლად, ზღვის გასწვრივ გამოუყვიათ მათთვის უზარმაზარი ტერიტორია, ტყეპარკი, სუბტროპიკული ლანდშაფტი. ძალიან ჩქარა ეს ადგილი ისე შემოურავავათ, ბუზიც ვერ შეფრინდებოდა შიგ, არც ადგილობრივი მოსახლეობა ყოფილა საქმის კურსში — ჭორის დონეზე სცილნიათ მხოლოდ, რომ მათ გვერდით კვლევითი ინსტიტუტი დაარსდა.

გერმანელებს პირველ რიგში სახელისნოები გაუმართავთ, სამინამბერო და სხვა დამხმარე სამსახურები. შემდეგ დაუწყიათ დიდი, ფართო მასშტაბის მეცნიერული კვლევები. ბევრი უშრომიათ, ბევრ საჭირო საქმისთვის ჩაუყრიათ საფუძველი. იქვე ცხოვრობდნენ ოჯახებით, ჩაკეტილში. აჭმევდნენ, ასმევდნენ, ამარაგებდნენ, კოტეჯებიც აუშენეს, დიდი სახლებიც, მდაზიაც ჰქონდათ სპეცმომარაგებით, კლუბიც, კინოთეატრიც, პლაჟიც, დიდებული პარკიც, — იმას მეტ შევესწარი, შვლები — რომ დაკუნტროშობდნენ შიგ. მანქანებსაც აძლევდნენ. „ზიმებსა“ და „პობებს“, სტალინურ პრემიებსაც ურიგებდნენ. ერთი სიტყვით, ყველაფერი ჰქონდათ თავისუფლების გარდა. ამიტომაც, როცა კანცლერ აღენაურეს საქვეყნოდ განუცხადებია, ომის მერე გერმანია უთავოდ დატოვესო და კატიგორიულად მოუთხოვია გერმანელ მეცნიერთა სამშობლოში დაბრუნება, ამათ სიხარულით ტირილი დაუწყიათ, იმედი გასწენიათ, — იქნებ გვეშველოს რამეო. დღეებს კი არა, საათებს ითვლიდნენ თურმე. ასე ხუმრობდნენ, საბჭოური ხუთი წუთი ათ წელიწადს უდრიოსო, — ხუთი წუთით გამოგვიმახეს „სუკა-ში“ და ათი წლით დაგვაკავესო.

როცა მათი სამშობლოში გაშვება გადაუწყვეტია მთავრობას, ნელ-ნელა ჩვენი ხალხი შეუშვიათ ობიექტში, რათა

უცებ არ დაცლილიყო ამოდენა დაწესებულება, საქმე არ გაჩერებულიყო. ჩამოუყვანიათ სპეციალისტები რუსეთიდან, ჩვენებიც ბლომად იყვნენ.

მე როცა იქ მოვხვდი, გერმანელების დეპორტაცია თითქმის მთავრდებოდა. დიდი ნაწილი უკვე წასული იყო, მაგრამ ატმოსფერო, გარემო მაინც თვალშისაცემად განსხვავდებოდა ჩვენისგან, სული, გერმანული სული, კიდევ ტრიალებდა იქ.

ჩვენს ბიჭებს — ხოტოს, ფრიდონს, ბაჩანას, გურამს, ნიკას და კიდევ სხვებს, უკვე მოესწროთ გერმანელების გვერდიგვერდ მუშაობა. გერმანელები ყველას ყველაფერს უშურველად ასწავლიდნენ და ამათაც ბევრი კარგი რამ აუთვისებიათ. მაინც ერთი იყო, ბაჩანა, ძალიან გაწაფული მეცნიერებაშიც და გერმანულშიც. მექანიკოსი იყო, ლაბორანტად მუშაობდა შულცთან. შულცი გამორჩეული კაცი გახლდათ, განსაკუთრებული სითბოთი და სიყვარულით გვეპყრობოდა ახალგაზრდებს, შვილი ჰყავდა ომში დაღუპული და, ალბათ, იმიტომ.

შულცი რენტგენული კვლევის მეფე იყო პირდაპირ. თავად დიდი ტანის კაცი გახლდათ, როზროხა, მაგრამ უფაქიზეს სამუშაოებს ასრულებდა მისი დიდი ხელები. ბაჩანა ძალიან ტანმორჩილი, გამზდარი, ბუნებისგან დაჩაგრული ბიჭი იყო, ცოტა კუზიანი, შულცს ჭიპამდე ვერ სწვდებოდა. არ ვიცი, შულცს უყვარდა თუ ეცოდებოდა, ის კი იყო, რომ ძალიან წვრილია, ყველაფერს ასწავლიდა, ავარჯიშებდა. ამასაც კარგად გამოსდიოდა, ნიჭიერი იყო, აზრიანი და მშრომელი. შულციც კმაყოფილი იყო. ალბათ, ამიტომაც მეგობრობდა ბაჩანასთან. შესვენებაზე ხშირად დამინახავს, რომ დასეირნობდნენ ერთად. შულცს ბაჩანას მხარზე ელო ხელი და სულ რაღაცას უხსნიდა.

მაშინ კი, როცა შულცს სამშობლოში დაბრუნების უფლება მისცეს, ბაჩანას თავისი ახალთახალი ყავისფერი „პობედა“ აჩუქა, თანაც გადაუკეთა, იმი-

მინაწერი

ტომ გადაუკეთა, რომ ტანმორჩილი ბა-
ჩანა პედლებს ვერ სწვდებოდა. ბევრი
იწვალა შულცმა, ჩვენც ვეხმარებოდით.
საქარმელიც გადაუკეთა, ბაჩანას ავად-
მყოფ ზურგს მოარგო, მანქანის ტარე-
ბაც თავად ასწავლა, ობიექტის ხეივნებ-
ში დაატარებდა. ბაჩანას გამო გამგზავ-
რებაც დააგვიანა, ყველაფერი გაუმართა
და მერე გულდამშვიდებული წავიდა
სამშობლოში.

ღარჩა ბაჩანა თავის „პოპედით“ მარ-
ტო, უმამობილოდ.

ყველას ძალიან გვიყვარდა ბაჩანას
„პოპედა“. იმას ხომ თავს ერჩია. სულ
აპრიალეზდა და აპრიალეზდა. მერე ინ-
სპექციაში გაფორმების დროც დადგა.
თავი მოიკლეს, არ გაუფორმეს, ნომრე-
ბი არ მისცეს, გადაკეთებულიაო, გადა-
კეთება „ნე პოლოფენო“-ო, უთხრეს.
ძალიან დაგვეწყდა გული ყველას. ბაჩა-
ნამაც ბევრი იღარდა, ალბათ, კუზიც
ეტკინა, კუზზე დააბიჯეს ფეხი და იმი-
ტომ.

უთუოდ კარგი მეცნიერი დადგებოდა
ბაჩანა, ჯანმრთელობას რომ შეეწყო ხე-
ლი, მაგრამ მალე, სულ ახალგაზრდა
გარდაიცვალა.

ქალაქი ისე საოცრად გაიზარდა, რომ
როცა საბურთალოზე, საირმის გორაზე
ერთ ახალაშენებულ უზარმაზარ კორ-
პუსში მივიღე ბინა, ყველა მილოცავდა —
ცენტრში მოხვდიო. არადა, ადრე აქ პატა-
რა სახლები და მშვენიერი ბაღები იყო.
იქით, განაპირას, ტრამალი იწვეებოდა, —
შებუნქული, მობიბინე ბალახი. ჯერ
სახლები დაანგრეის და მათ ნაცვლად
საცურაო აუზი ააშენეს, შემდეგ — სკო-
ლა და საცხოვრებელი კორპუსები. რო-
ცა ტრამალის ათვისება დაიწყო, ორ-
მოს თხრის დროს ექსკავატორმა ადა-
მიანის ჩონჩხები ამოყარა. მუშები სახ-
ტად დარჩნენ. შორიახლოს შემორჩე-
ნილ ქოხში მცხოვრებმა დედაბერმა
გვითხრა, აქ გერმანელი ტყვეების სა-
საფლაო იყო. ქალაქმა შეჭამა სასაფ-
ლაო და გადაუარა არემარეს.

შეიძლება ბევრმა არც იცის, რომ სულ
ახლახან, საირმის ქუჩაზე, ბავშვთა
ხელოვნების სკოლის მახლობლად გა-
შენდა ნარგავებითა და ქართული ჯვრით
დამშვენებული გერმანელ ტყვეთა საძ-
მო სასაფლაო.



სვეტლანა ალილუევა

ნიგნი უპილიუპილთაძის

დილით აეროდრომში მიყვარ ახალგაზრდა კაცს საქართველოს წარმომადგენლობიდან — სწორედ იმას, გუშინ ოღვა რომ წაიყვანა. დღეს უკვე არავის ნახვა არ მინდა, რადგან მეშინია ემოციებისა და ცრემლებისა. ეს ისედაც მყოფნის. მაკა ხელში მიჭირავს. ის გრძნობს სიტუაციის მნიშვნელობას და კარგად იქცევა. სასტუმროდან გასვლის წინ ვესტიბიულში მხვდება საგარეო საქმეთა სამინისტროს წარმომადგენელი, რომელიც მოხოვს „ყველა საბჭოთა დოკუმენტის ჩაბარებას“. ყოველგვარი შედავების გარეშე ვაძლევ პასპორტსა და პენსიონერის წიგნაკს. ის მაუწყებს, რომ გუშინ ლონდონის საელჩოს თანამშრომლები დახვდნენ ოლგას და დღეს მას სკოლაში მიიყვანენ. „რა სასიამოვნო, როგორი ჭკვიანი გოგონაა!“ — ამბობს გრძნობამორევით და მისი დიდად მადლიერი ვარ.

აეროპორტში მხვდება კეთილი მანდილოსანი ამერიკის საელჩოდან, რათა თვალი ადევნოს, როგორ ჩაეჯდები თვითმფრინავში და გაეფრინდები. ჩემს ამერიკულ პასპორტში არაა ვიზა, ამიტომ თვითმფრინავში საგარეო საქმეთა სამინისტროს წარმომადგენლებმა უნდა შემეცნანონ. ეს სისულელეა, მაგრამ მათ „ასეთი პოზიციის“ დაკავება გადაწყვეტიეს. მანდილოსანი ამაზე იცინის და მთავაზობს

მრგვალნახვრეტებიან მუყაოს კოლოფს, რომელშიც უნდა ჩაესვა მაკა. „თქვენ შეგიძლიათ კოლოფი მუხლზე დაიდოთ თვითმფრინავში. ეს ნებადართულია“.

მსუქანი ახალგაზრდა კაცი საქართველოს წარმომადგენლობიდან იღებს დიდ ცხვირსახოცს, ვვონებს, ტირილს აპირებს: თვალები ცრემლებითა აქვს სავსე. ვეზვევი და ლოყაზე ვკოცნი. ტირის. მე არ ვტირი. მე მხოლოდ აქედან ჩქარა გაღწევა მინდა.

დასასრულ — აფერინდი. ამ ხანმოკლე ფრენისას, კაბინის სითბოსა და სიმყუდროვის გარდა, არაფერს ვგრძნობ და მაკა მშვიდად იკუნტება, იგრაგნება ჩემს მუხლებზე. ის თურმე, სასიამოვნო კომპანიონია და მეხმარება კიდევ ამ საშინლად ნაღვლიანი ფრენის დროს. გულში აუტანელ სიცარიელეს ვგრძნობ.

სამი საათის შემდეგ ვეშვებით მწვანე, სალმიან, გაზაფხულის ჭამის შვეიცარი-აში — ეჭ, ისევე აპრილია, როგორც მაშინ, 1967-ში... მოდი, მოდი, ჩემო გადარეულო დრამატურგო, კიდევ რა პარალელუბის შემოთავაზება შეგიძლია?

როგორ მინდა აქ დარჩენა, ფრიბურში გამგზავრება და თუნდაც ერთი კვირით დაყოვნება წმიდა წვევის მონასტერში. არადა, „მინდა“ კარგია! ჩემმა დრამატურგმა ახლა სხვა გადაწყვეტილება მიიღო.

ციურიხში სასიამოვნო სტრუბრიზი მელის. მხვდება მოდიმარი ქალი — კომპანია „ოვის ეირის“ აგენტი, რომელიც გააფრთხილა მათმა წარმომადგენელმა მოსკოვიდან, რათა გადაჯდომში დამხმა-

დასასრული. დასაწყისი იხ. „ცისკარი“ № 6, 7, 8, 9, 10, 11, 12, 1993 წ.; № 1, 1994 წ.; № 1-2, 3-4, 5-6, 7-8, 1995 წ.; № 1-2, 1996 წ.

რეობდა. რა დიდებული ამბავია! აფორიაქებული ვარ, წელიში მიჭირავს მუყაოს კოლოფი, რომელშიც მაკა წრიალებს და ახლა ძალიან მჭირდება დახმარება. გზად ის ქალი შეკითხება, შვეიცარიაში ნამყოფი ვარ თუ არა? არადა, ხომ არ მოუყვებო იცი წლის წინანდელ მთელ ეპოქას, როცა ის ჯერ კიდევ ბავშვი იყო... მე მხოლოდ გრძობამორეული ვამბობ: „კი, როგორ არა! საოცარი ქვეყანაა, საოცარი ქვეყანა!“

მაკას მივასვირნებთ მისი არცთუ მტკიცე, მინიატურული თათებით, შემდეგ კი დარბაზში ვზივარ და ველოდები ჩიკაგოსკენ მიმავალ ჩემს თვიმფრინავს. გულს ბაგაბუგი გააქვს და ღმერთს ვევედრები, კეთილად დამთავრდეს ეს გრძელი გადაფრენა, რომელიც კიდევ რვა საათს გაგრძელდება.

როგორც იქნა, მე და მაკა სხვა, ფართო და კომფორტაბელურ თვითმფრინავში ვართ. გვიჩვენებს ადგილი, სადაც მაკა შეზარებს ვერ წაეტანება. რატომღაც აგრესიული ხდება და საძაგლად უყვფს კონტა სტოურადესებს. მაგრამ მათ ეს არ აბრაზებთ. ჰო, დიახ, აქ ხომ ასეთ რამეებზე არ ბრაზობენ, ჩვენ აქ გვემსახურებენ, აქ — თქვენთვისაც და თქვენი ფინიასთვისაც განუთვნილი სერვისია. მე ვმშვიდდები და ვიწყებ იმის გაგებას, რომ ჩვენ უკვე გადავლახეთ ყველა ზღვარი, რომ ახლა სხვა სამყაროში ვართ, რომ ამიერიდან ყოველთვის სხვა სამყაროში ვიქნებით და დროა, შინაგანად მოვიწესრიგოთ თავი.

უფრო მოხერხებულად ვვადები, მაკას მუხლზე ვითავსებ, თვალებს ვხუჭავ და უცებ ვგრძნობ, როგორ მეხსნება დაბნულობა, როგორ ქრება ყოველგვარი შიში. მე კარგად ვხვდები და შევბას ვგრძნობ, ისეთ შევბას, როგორც უკვე დიდი ხანია არ მივგრძნობია.

ეპილოგი

მხოლოდ ტყეში ჩაკარგულ ნახევრად დანგრეულ ფერმაში, ძველ პატარა სახ-

ლში დაფუძნების შემდეგ, როგორც იქნა, შევქმელი დამშვიდება და სულის მოთქმა. დიახ, აქაურები ამოდ როდი ფიქრობენ, რომ ამ რაიონს განმკურნებელი თვისებები აქვს. ახლა ძნელი იყო იმის დაჯერება, რომ ამ უკანასკნელი თვრამეტი წლის მანძილზე ჩვენ — ორივეს — რაღაც შეგვემთხვა. სამშობლოში ჩვენი მოგზაურობა სიგიჟეს ჰგავდა, მაგრამ არ შეიძლება ეს ვინანოთ.

არასოდეს არ უნდა ვინანოთ ის, რაც ჩვენს თავს ხდება, — თვით ყველაზე უარესიც კი, — იმიტომ, რომ ყველაფერს თავისი ადგილი აქვს ცხოვრებისა და ბედის წერილის საერთო ჯამში. მე კვლავ უნდა შევხატო მშობლიური ადგილები და ძველი მშობრები. ოლიას უნდა გაეცნო თავისი ნათესაობა. ამ თვრამეტი თვის გარეშე, მისი ცხოვრება, ისევე, როგორც ჩემი, ნაკლებული, დაუსრულებელი და არაბუნებრივიც კი იქნებოდა.

ტრავმდია ისაა, რომ საბჭოთა საზოგადოებაში ხალხს უკვე დიდი ხანია დაუკარგეს ბუნებრიობა: სხვაგვარად როგორ შეიძლება აიხსნას ის, რაც გადაგვხდა ჩვენთვის ყველაზე ძვირფასი და ახლობელი ადამიანების წყალობით? და როგორც საქართველოს კათოლიკოსმა ბრძანა, ჩვენ მათზე ამის გამო კი არ უნდა გავბრაზებულყავით, არამედ დიდად უნდა შეგვეცოდებოდა მათი დამახინჯებული სულები, რომელთაც არ უწყოდნენ სიყვარული, არ უწყოდნენ მიტევება. სხვები უფრო გულსაყენი იყვნენ — საბჭოთა პროპაგანდამ მათზე ვერ იმოქმედა.

ჩემთვის საბოლოო კათარზისი დეგობოდა. ფაქტები უნდა მიმეღო იმგვარად, როგორც ახლა იყო ჩემთვის — სამოცი წლის დედისა და ბებიასთვის. სადამოლობით, როცა განუწყვეტლად კივის ფრინველი, რომელსაც საცოდავი უფეხურა (მომცრო მედამური ფრინველი, ცხოვრობს ტყეებში, ბუჩქნარებში, ველზე, ანადგურებს მანქანებს — მთარგმნ.) ჰქვია, შფოთიანი, ფაცუ-

რა ამერიკის ამ მშვიდობიანი კუთხის თავზე მოკაიფე წყნარი ვარსკვლავებს ქვეშ თანდათან გონს მოვიდოდი. ეს უფუნურა ყოველ საღამოს, დაბნელებისთანავე, რეგულარულად ჩნდებოდა და იჯდა სადღაც, მთლად ახლოს ტყისკენ, დაბალი ტყიანი გორაკებისკენ, მწვანე ველისკენ გამზირალი ტერასის გვერდით. მისი კვიელი განსაკუთრებულია, დასაწყისში კითხვისინაშინიანი, შემდეგ კი პასუხიანიც. როცა ეს კვიელი გაუთავებლად მეორდება და მეორდება, ის გვიანავეს, ძილს და ღრმა შინაგან სიმშვიდეს გვკვრის. ხედავთ, უფაღმა ფრინველიც კი ისეთი გამოძიგზანა, როგორც საჭირო იყო, — ჰოდა, შეეშვი ურვასა და სულიერ ვაებას! მაღლობელი იყავი ღმერთისა ყველაფრის გამო, რაც მოგცა, ყველაფრისთვის, რისგანაც გიხსნა, ყველაფრისთვის, რითაც კი შეგიძლია შენს ასაკში კმაყოფილი იყო.

ამ მხარეში მართლა დიდებული გაზაფხული იცის. ის უფერულ გორაკებზე ხეების ნახი მწვანე ფოთლებით დაიწყო. შემდეგ თავაწყვებით აყვავდა ტყის ალუბალი და ტყის ქლიავი — ისინი თეთრ ფენებად დაჩნდნენ ქვევებში. მიწა იებით დაიფარა, ირგვლივ ყველაფერი გამწვანდა, ბებერი ვაშლის ხე უხვი ნაყოფისგან წელში იღუნებოდა და დღისით მზე მცხუნვარდებოდა, რითაც ზაფხულის მოახლოებას მიგვანიშნებდა.

დაბრუნების ეს პირველი გაზაფხული რაღაც არაჩვეულებრივ მანუგეშებელი, განმკურნებელი იყო და ყველაფერი ცხოვრების გაგრძელებაზე, სიცოცხლისა და ირგვლივ ამ სილამაზის ხილვის ბედნიერებაზე დალაღებდა. ოღია ინგლისიდან იწერებოდა, თუ როგორ უხაროდა ისევ თავის თანაკლასელებს შორის ყოფნა, — კვლავ მათთან მოახვედრეს, თუმცა წელიწადნახევარი გამოტოვა. სკოლამ სწორად გადაწყვიტა, რომ მისთვის ისევ თანაკლასელებთან ყოფნა ძალზე მნიშვნელოვანი იყო, ვაჟილ პროგრამას კი შემდეგ დასძლედა.

მხოლოდ ახლა შევიტყვე ყველა მხრიდან ჩემი მეგობრების მიერ გამოგზავნილი აურაცხელი გაზეთების ამონაჭრებით, თუ როგორ შეხვდა სსრკ-დან დაბრუნებულ ოლგას ტელევიზია. როგორ მოაჯადოვა ამ თოთხმეტი წლის გოგონამ ყველა, რა კარგად ეჭირა თავი. მან მომწიფებული ადამიანისთვის შესაფერისი ბრძნული განცხადება გააკეთა: „ეს იყო ჩემთვის ძალიან საინტერესო გამოცდილება და არც ერთი იქ გატარებული წუთი არ მენანება... ყველა მოსწავლეს როდი უწევს სამი სხვადასხვა ქვეყნის გაცნობა, გავება, მსოფლიოს სამ ყველაზე მნიშვნელოვან ქვეყანაში ყოფნა“. ის, თანაკლასელებს ჩახუტებულ, ტიროდა. გაზეთებში სკოლაც მოხვდა და მისი ღირუქტორიც — ოლგამ შეძლო კეთილი სიტყვების თქმა სკოლაზე, მისთვის კარგი რეპუტაციის შექმნა, და ეს იყო მაღლიერება მისი დაბრუნებისთვის კარის ფართოდ გაღების გამო. მისმა ლამაზმა თეთრკბილება, დიმილიანმა პირისახემ იმ დღეებში ყველა გაზეთი მოიარა და მე, როგორც იქნა, შექმეული შეიღის მხურით დაუმტკბარიყავი, რადგან იმ მომენტში, როცა ინგლისსა და აშშ-ში მის დაბრუნებას ტელევიზორთა ყველა ეკრანის ახალი ამბების პროგრამებში უჩვენებდნენ, მე ჯერ ისევ მოსკოვში ვიყავი — სხვა სამყაროსგან მოწვეტილი — და არაფერი ვიცოდი. მხოლოდ მეორე დღეს მაცნობეს, რომ ოლგა ინგლისში მშვიდობიანად ჩაფრინდა.

პრესა მეც მეძებდა, მაგრამ პატარა მეგობრულმა სპრინგ-გრინმა (იქ დაახლოებით 1500 ადამიანი ცხოვრობს) ჩემი ადგილსამყოფელი არ გამახილა და მალე ეს ძიება მიყუჩდა.

ზაფხულში ოღია აქ არდადეგებზე ჩამოვიდა და მხოლოდ ერთი ინტერვიუ მისცა პატარა გაზეთ „პრესსა ევანსვილას“, რომელიც პაპამისმა ფრედერიკ რომერ პიტერსმა დააარსა 1911 წელს თავის მშობლიურ ქალაქში. ჩვენ დაურეკეთ ამ გაზეთის რედაქტორს და ვუთ-

ხართ, რომ ყველა სხვასთან საუბარს, მასთან საუბარს ვარჩევდით და ამან ის აღაფრთოვანა. ჩავედით სპრინგ-გრინში და ოლია მიეფიქვანეთ ევანსვილში, სადაც თავის ჯერ კიდევ იქ მცხოვრებ ნათესავებს გაეცნო. გაზეთმა მასზე მისცა სვეტი ჩინებული ფოტოსურათითურთ, საწყენი მხოლოდ ის იყო, რომ ჩემი იმედები არ გამართლდა: მე ვვარაუდობდი, რომ ახლა დროული, მართებული იქნებოდა საუბარი მის ამერიკელ პაპაზეც, მისი ცხოვრებისა და თავის დროზე კარგი, პროგრესული გაზეთისთვის გაწეული ამავის გამო საჭირო პატივის მიცემა, ასე ვთქვათ, ოღუა პიტერსის ამერიკული ფესვების ხაზგასმულად წარმოჩენა. მას ძალიან კარგი ამერიკული ფესვები აქვს, შეიძლება პიტერსების აღწერა, როგორც ამერიკის შუა დასავლეთიდან ჩამოსული ღირსეული, გამრჯე ოჯახისა, რომელმაც მოიხვეჭა წესიერების, სტაბილურობის, მუშაობაში დამსახურებული წარმატების რეპუტაცია: ის, რაც ამერიკაში ყველაზე მეტად ფასობს.

ვაგლახ! გაზეთმა თითქმის არაფერი თქვა პიტერსზე, მაგრამ ოლიას ფოტოსურათის გვერდით, რასაკვირველია, მისი მეორე სახელგანთქმული პაპის სურათი მოათავსა. უამისობა მათ, უბრალოდ, არამც და არამც არ შეემლოთ! მაგრამ, სამაგიეროდ, სსრკ-ში მოგზაურობით მიღებული თვით ოლიას შთაბეჭდილებები საკმაოდ დაწვრილებით იყო გადმოცემული.

სსრკ-დან დაბრუნების შემდგომ, ამ პირველ ზაფხულს ორივენი ვცდილობდით, აღვედგინა კავშირები ამერიკის აღმოსავლეთ და დასავლეთ მხარეებში ჩვენს მეგობრებთან, რომლებიც ხშირად გაოცებული რჩებოდნენ, თუ რატომ ავირჩიეთ საცხოვრებლად ეს შორეული „მეცველეობის პროვინცია“. — ესაა ერთადერთი რამ, რაც ამერიკის ორივე ნახევრის ქალაქებმა იციან ვისკონსინის შესახებ. მაგრამ ჩვენ იქ კარგად ვგრძობდით თავს და მალე ვიყიდეთ პატარა

სახლი ტყეში — ვილაციის „მონადირის სახლი“ — იქ, სადაც ირმებზე, ტყის ინდაურებზე, როტოებსა და კაკებზე ნადირობენ. ოლიას ძალიან უნდოდა ეს ადგილები თავის სამშობლოდ ჩაეთვალა.

მე კი არასოდეს ვიფიქვებდი ერთ განწყობილებას, რომელიც აქ განვიცადე, როცა ვესლის ცოლი ვიყავი და აქ ჩვენი პატარა ფერმა გვქონდა.

1971 წლის ზაფხულში ამ ფერმის წინა ტერასაზე ვიჯექი სამი თვის ოლიათურთ, რომელსაც ჩემს მკლავებზე დაეძინა. ჩემს ფერხითი უშველებელი ირლანდიური ნაგაზი იწვა. ძველ ხის სავარძელ-სარწვევლაში ვირწეოდი და ჩემს წინ გაწოლილ გზასა და ველს გავყურებდი. წყნარი საღამო იყო და ყველაფერს დაისისწინა ჟამის მზის ოქროსფერი ნათელი ეფინა. გზაზე ზანზალაკების რეკვა-რეკვით ძროხების დიდი ნახიბი მოემართებოდა. შორს ვხედავდი ვესლისა და მის ცამეტე წლის ვაჟიშვილს: შარვლის ჯიბეებში ხელგაწყო ბილნი იდგნენ და ფერმის საქმეებზე ბჭობდნენ. სავარძელი ნელა ირწეოდა. ოლიას მშვიდად ეძინა და მე ვფიქრობდი, რომ აი, ეს იყო ჩემი ცხოვრების უმაღლესი ჟამი. მე მყავს ოჯახი, ამ ქვეყანაში შინა ვარ, და მთელი ჩემი ცხოვრება ახლა ამ საღამოს ნათელივით ჩუმი ბედნიერების უწყვეტი, მშვიდობიანი დღე იქნება. ვფიქრობდი, რომ ვერაფერი ვერასოდეს დამიკარგავდა იმ მშვიდ რწმენას, რითაც ვიყავი გამსჭვალული აქ ყოფნისას, როცა ირველიე ჩემი ახალი ოჯახი მეზვია, და ვტკბებოდი ჩემი ახალი ქვეყნით, რომელიც სწორედ ამ მხარეშია ასე მშვენიერი. სიმშვიდისა და ბედნიერების ეს ჟამი, მთელი ჩემი ამერიკული არსებობის უმაღლესი წერტილი სამუდამოდ დამამახსოვრდა. და ამჟამად, წლების შემდეგ, ნათლად, მკაფიოდ მახსოვდა, თუ სწორედ ამ მხარეში როგორ შევიგრძენი ოდესღაც ცხოვრების ასე არაჩვეულებრივი სისავსე, მისი სიღამაზე, სიუხვე. მაშინ ყველაფერი ასე სა-



სიხარულო იყო — ჯანმრთელი ბავშვი, ჩინებული ქმარი, ბარაქიანი ზაფხული და ამ ზურმუხტოვან-მწვანე მიწის თავზე მშვენიერი, უშველებელი, აფოფრილი ღრუბლები. იმ დღეების შემდეგ ვიცნობდი მე მთელ ამ მხარეს, ტყისა და ველების გზებს, ვიცოდი, სად მომენახა მინდვრისა და ტყის ყვაილები, ერთიმეორის მიყოლებით რომ ჰყვოდნენ ყოველ თვეში, ვიცნობდი აქაურ სიცოცხლისმოყვარე და კეთილ ადამიანებს, რომლებიც მაშინ ხშირად კომუნა ტალისისინის ვალავანს გარეთ იმყოფებოდნენ. მაგრამ იქაც კი იყვნენ კეთილი სულები, რადგან კეთილი ადამიანები ყველგან არიან.

გაყრის მომდევნო წლებში მე და ოლია არაერთხელ ჩამოვედით აქ. ოლიას უყვარდა ბანაკი ცხენოსანი გოგონებისათვის, რომელიც ერთმა ჩვენმა ახლო ნაცნობმა ოჯახმა მოაწყო. მეც მიყვარდა აქ უბრალოდ ყოფნა და ამ სოფლის გზებზე ცხენით სეირნობა. ჩვენი ძველი ფერმა დიდი ხანია გაყიდულია, მაგრამ მაინც სასიამოვნოა მისი ნახვა გზიდან, რომელზეც ჩვენ ხშირად დავდიოდით. რა ვასაკვირია, რომ მუდმივ რეზიდენციად სწორედ ეს ადგილები ავირჩიე? „როგორ არ გვერით ნადველს გარდასული ბედნიერების ადგილებში ცხოვრება?“ — მკითხა ერთმა ამერიკელმა პოეტმა ქალმა. მე დიდხანს ვუხსნიდი ყველაფერ იმას, რაც ზემოთ ვთქვი. წარმოშობით ნიუ-ჯერსელი ეს პოეტი, რომელიც ახლა ნიუ-იორკში ცხოვრობს, ფიქრობდა, რომ მე, ალბათ, ვმაღავდი აქ ცხოვრების „ნამდვილ მიზეზებს“. მაგრამ ვიმედოვნებდი, რომ, როგორც პოეტს, მას ჩემთვის სხვებზე მეტად უნდა გაეგო. ჩვენ აქ პოეზიის, სილამაზის, უბრალო ადამიანთა სიკეთის საუფლოში ვიყავით.

აი, იქ კი, „რკინის ფარდის“ იქით რა ხდება?

რასაკვირველია, არავითარი ფარდა არ არსებობს. ის ორივე სახელმწიფოს პროპაგანდის მიერაა მოგონილი, რო-

გორც ამში ახლა უკვე მტკიცედაა დარწმუნებული ოლია. ფარდა იმისთვისაა მოგონილი, რომ ერთმანეთის ამდენად მსგავს ორ დიდ ხალხს ურთიერთში, ურთიერთუნდობლობა გაუღვივონ. სხვაგვარად, აბა, რითი შეიძლება მთელი ამ „იდეოლოგიური ბრძოლის“, ადამიანების მთელი ამ ზვერვის, თითქოს წმიდა მამულის დაცვისთვის გამალებული შეიარაღების გამართლება? „რკინის ფარდა“ აუცილებელია მხოლოდ ყველა მათთვის, ვინც მის ხარჯზე ცხოვრობს როგორც სსრკ-ში, ისე აშშ-ში, ამ მილიონიანი არმიებისთვის, რომლებიც გაშლილი არიან მთელი მსოფლიოს დედამიწის ორი შუერიგებელი ცენტრის სიერცეპებზე... ისინი ყველგან უნდა გაუქმდნენ და მათთვის განკუთვნილი მთელი ფული მშვიდობიან ცხოვრებას უნდა მოხმარდეს. აი, ჭეშმარიტი გარდაქმნა ეს იქნებოდა. იქნებ, ჩემი შვილიშვილები მოესწრონ ამას?

ჯერ კიდევ ჩეხოსლოვაკიის მოვლენების დროიდან ველოლიაეპოდი იმედს, რომ გვეყოლებოდა ჩვენი, რუსი ღუბჩეკი: ახალი თაობის ადამიანი, რომელიც გაქვავებული „ბოლშევიკების“ პარტიაში გაჩნდებოდა. მე ყოველთვის ვფიქრობდი, რომ ამ პარტიის შეგნით უკმაყოფილების ზრდის ღრმა პროცესი, რასაც კარგად ვიცნობდი ბევრი ჩემი მეგობრის მეოხებით, აუცილებლად წამოსწევდა წინა პლანზე ვინმეს, ვისაც თვით პარტიის და, ამ პარტიასთან ერთად, დრომოჭმული, მსოფლიოს ჩამორჩენილი საბჭოთა საზოგადოების გარდაქმნა შეეძლებოდა. გორბაჩოვი ისტორიამ, ცხოვრებამ მოითხოვა. ის რომ არ ყოფილიყო, სხვა ვინმე ასევე გარდუვალად გაატარებდა საბჭოთა ჩამორჩენილი ყოფის განახლების, გარდაქმნის, მოდერნიზაციის პროცესს. ათი გორბაჩოვი გახდება საჭირო

ამ პროცესის დასრულებისთვის, რათა საბჭოთა კავშირი გვერდით მაინც დაუდგეს თანამედროვე განვითარებულ ქვეყნებს — სადაც არსებობს მრავალპარტიული სისტემა, თავისუფალი არჩევნები, დემოკრატიული თავისუფლება. მრავალი წელი გავა მანამ, სანამ რუსეთი შეძლებს დაიბრუნოს სახელი „ევროპის მარჩენლისა“, რაც იყო ის ოდესღაც, როცა მისი მიწა თავისუფალ მიწათმოქმედთა ხელში იყო. მაგრამ ეს დროც დადგება. უკვე ისმის ამის თაობაზე სიტყვები და დაპირებები. თუმცა საამისო საქმენი ჯერ არ ჩანს. „გარდაქმნის“ შესახებ წიგნების წერა გაცილებით უფრო იოლი საქმეა, ვიდრე იმავე პარტიის მიერ ჩიხში მოქცეული კოლოსალური ქვეყნის გარდაქმნა, რომელიც ახლაც მმართველ ძალად რჩება და საკუთარ ჩაყარდნათა ისტორიის აღიარების ნაცვლად, ცდილობს ყველაფერი ან თავის „ცუდ ბელადებს“ დააბრალოს, ან ხალხს, რომელსაც თითქოს ისე „მწარმოებლურად მუშაობა არ შეუძლია“, როგორც სხვა ხალხებს... მაგრამ, ამასთან, ის „სხვა ხალხები“ დემოკრატიის თავისუფლებებით სარგებლობენ და თავისუფალი არჩევნების დროს მრავალი პარტიიდან იმ პარტიას ირჩევენ, რომლის ხელისუფლების დაქვემდებარებითაც სურთ ცხოვრება — ამაზე ჩვენ თანამედროვე ლიდერისგან ჯერჯერობით არაფერი გვსმენია. გორბაჩოვი კი საზღვარგარეთ ისეთი პოპულარობით სარგებლობს, თითქოს თავის ქვეყანაში უკვე ყველაფერი გაჩაღებულა.

ოჰ! არა, ჯერ ძალზე შორსაა წასასვლელი და ზანზალაკების აჟღერებაც ძალზე ნაადრევი. სკკპ ნელ-ნელა ძლევს, ნელა ერევა თავის თავს, მაგრამ ის დათოფილი იმპერიატივიზმით პირდაპირ კი არ დაემხობა, დიდხანს, კიდევ დიდხანს განაგრძობს კრუნჩხვას და ირგვლივ ისევ იმ სიძრუეს გააერცვლებს, ისევ იმ შხამიანი სუნთქვით ისუნთქებს და მთელი მსოფლიოს გასაგონად დააღრჭიალებს ხარბ კბილებს.

მრავალმილიონიანი ხალხი კი მომთმენი და სულგრძელია. არსად არ არის ისეთი მიმტევებლობა, როგორც რუსეთში, იმიტომ, რომ იქ ქრისტიანობის მოსპობა ვერა და ვერ შეძლეს. იმიტომ ის, რაც სხვა ქვეყანაში დიდი ხნის წინათ გამოიწვევდა აჯანყებას, აქ მხოლოდ გულს ტკეპს მომთმენთ. დასავლეთის ქვეყნებში ვერა და ვერ გაუგიათ — როგორ შეიძლება ცხოვრების საბჭოური წესის ათწლეულობით მომთმენა? მთელი „საჯაროობის“ მიუხედავად კი, ისევ იმ მმართველ პარტიას უნდა შესწივლონ ეს. სხვა რა გზაა! აი, როცა იქ სხვა პარტიებიც შეიქმნება — როგორც ეს ჯერ კიდევ მეფის რუსეთში იყო, — მაშინ, უდავოდ შესაძლებელი გახდება ჭეშმარიტი საჯაროობის ხილვა და ის თავის ნაყოფს მოიტანს.

ის, რაც ახლა იწყება სსრკ-ში, გაფართოვდება და გაგრძელდება. ისტორიის პროცესი გარდუვალია: საბჭოთა წყობა ჩიხში მოქცევა და მისი შეცვლა, ტრანსფორმირება საჭირო და, იმედი ვიქონიოთ, რომ ეს მშვიდობიანი გზით მოხდება. და არა იმიტომ, რომ „ახალი დედერი“ გამოჩნდა, არამედ იმიტომ, რომ ამას ცხოვრება და ისტორია მოითხოვს.

ჩვენ შვილიშვილები მოესწრებიან იმ დროს, როცა საზღვარგარეთ წასვლა მხოლოდ ბილეთის ყიდვაზე იქნება დამოკიდებული, როცა უცხოელზე გათხოვება ან სხვა ქვეყანაში ცხოვრება სახელმწიფოსა და ხალხის წინაშე დანაშაულად აღარ ჩაითვლება. მაშინ მათი ბებიების ცხოვრება მათ უცნაურად მოეჩვენებათ, რადგან არ დასჭირდებათ ბრძოლა იმ წინააღმდეგობებთან, რომლებიც ჩვენს დროში ჩვენს წინაშე იდგა. იმედი ვიქონიოთ, რომ ევრეთ წოდებული „მტრის მხარეზე გადასულთა“ ტანჯვა და დამცირება წარსულს ჩაბარდება. მაგრამ მათ, ისევე, როგორც ჩვენ, მაშინ აუცილებლად უნდა იგრძნონ თავი ინტერნაციონალისტებად, რათა მთელი სამყარო გულში ჩაიხუტონ. ვირწ-

მუნთ, რომ ეს იქცევა სახედ აზროვნებისა სსრკ-ში, სადაც ბოლოს და ბოლოს გახსნიან საზღვრებს იქიდან თავისუფლად გასვლისა და იქ თავისუფლად შესვლისთვის. ჩვენ კი გვიხდება გაქცევა; ჩვენი ზვედრია ორივე მხრიდან პროპაგანდის თავდასხმების ატანა, მოქალაქეობის, შვილების, მეგობრობის, პატიოსანი სახელის, ამქვეყნად ყველაფრის დაკარგვა...

შესაძლოა, ჩემს შვილიშვილებს ყოველივე ამის ცოდნამ არ მოუწიოს. ისინი უკვე ორგზის იქნებიან გამძევებული მამაჩემის სახელით, მათი ბავშვები — სამგზის და ეს გამძევა მათ, მე რომ მომიტანა, იმდენ უსიამოვნებას და სირთულეს (გულუბრყვილო ცნობისწადილიდან დაწყებული დიდი სიმძულელით დამთავრებული) არ განაცდევინებს. ისინი შეძლებენ იცხოვრონ ისე, როგორც მოისურვებენ. მათ ბეზიას კი ყოველთვის ორჯერ უწევდა ამეებზე დაფიქრება.

ჩემგან გაუთავებლად მოითხოვდნენ მთელი ამ ოცი წლის განმავლობაში, რაც სსრკ-ის გარეთ ვცხოვრობ (აგრეთვე ჩემი პირველი წიგნის „ოცი წერილი მეგობარს“ დაბეჭდვის დროიდან), რომ მე მეკითხა სხვადასხვა მკვლევარებისა და ისტორიკოსების მიერ დაწერილი სტალინის ბიოგრაფიები, კომენტარები მეკეთებინა მათთვის, გამოვსულიყავი სტალინის ცხოვრებისადმი მიძღვნილ სატელევიზიო პროგრამებში ან მონაწილეობა მიმეღო ამ თემაზე გამართულ დისკუსიებში. მე ამაზე არასოდეს ვთანხმდებოდი და ამეებში მონაწილეობას არ ვიდებდი. დიდი სახელმწიფო მოღვაწეების პოლიტიკის საკითხებზე მათს ნათესავეებში პასუხების ძიება სისულელა და ამას უგემოვნობის სუნი უდის. ჩვენ არ შეგვიძლია ჩვენთვის ადამიანური მხრივ ნაცნობი ამ პირების პოლიტიკის კომენტირება და ეს არც უნდა ვაკეთოთ. ჩვენ მათზე შეგვიძლია ვილაპარაკოთ როგორც ადამიანებზე, რასაც მე ვაკეთებდი ჩემს ღრმად პირად წიგნებში. მე წარმოვაჩენ ჩემი ოჯახის

ცნობილ ფაქტებს და ვცდილობ ისტორიისთვის დაეტოვოს ეს დეტალები, რადგან დიდი მოღვაწეების პირად ცხოვრებას ყოველთვის ამზინჯებენ როგორც მათი პოლიტიკური მტრები, ისე ყველა ჯურის უეციო და უნიჭო პირები. ამგვარ ზვედრს ვერც ნაპოლეონი ასცდა, ვერც ლენინი, ვერც ჰიტლერი, ვერც რომანოვები, ვერც სტალინი. მე ჩემს თავს იმის უფლებას არ ვაძლევდი, რომ შეეკამათებოდა ისეთ სერიოზულ ისტორიკოსებს, როგორიც არიან ისაკ ლეიტჩიკი ან ადამ ულაში, ჯორჯ კენანი ან ბერტრან რუსელი: მათ თავიანთი „კონცეფციის“ უფლება აქვთ. ჩემი პირადი კონცეფცია კი იმაში მდგომარეობს, რომ ყოველთვის გამემიჯნა ერთმანეთისგან სტალინი — ადამიანი და სტალინი — პოლიტიკოსი. პირველი იქცა ჩემი „ოცი წერილის“ მასალად, მეორემ თავისი ადგილი იპოვა წიგნში „მხოლოდ ერთი წელიწადი“. მე ვცდილობდი, ეს ორი მიდგომა ერთმანეთში არ ამერია.

წლების განმავლობაში შესაძლებელი გახდა რაღაც განზოგადებების გაკეთება. მე ვფიქრობ, რომ სტალინი, რასაკვირველია, თავისი ტემპერამენტით, მემკვიდრეობითობით, ხასიათით საქართველოს მიეკუთვნებოდა, მაგრამ რუსეთს ის ეკუთვნოდა, როგორც რევოლუციონერი: ყოველივე იმით, რაც მან გაიგო და რაც მთელ თავის სიცოცხლეში გააკეთა. მან საქართველო ადრე დატოვა და შეიყვარა მძლავრი, სასტიკი რუსეთი, იმიტომ, რომ ძალა უყვარდა. სწორედ რუსეთს ემსახურებოდა ის შეძლებისამებრ, ის ინდუსტრიალურ ქვეყნად აქცია, გაიმარჯვა ნაცისტურ გერმანიაზე.

მარშალმა შუკოვმა ჯერ კიდევ მის სიცოცხლეში გამოსული თავისი მემუარების პირველ ვარიანტში ჯეროვნად დააფასა სტალინის, როგორც დიდი მხედართმთავრისა და ორგანიზატორის, ნიჭიერება. შუკოვმა იქ გამარჯვების დღეებთან დაკავშირებული ერთი ეპიზოდიც გაიხსენა. სტალინს ბერლინში,

პოტსდამის კონფერენციაზე ელოდებოდნენ. ის იქით მატარებლით გაემგზავრა. მოამზადეს შეხვედრა ორკესტრებითა და ფანფარებითურთ — და არცთუ უსაფუძვლოდ, რადგან ზვებოდნენ ომის მომგები არმიის მთავარსარდალს, მაგრამ მან ჟუკოვს შეუთვალა, არავითარი პოპა, არავითარი ორკესტრები და არავითარი ამგვარი სისულელეები არ იყოს, ჩვენ დაუყოვნებლივ უნდა დავიწყოთ მუშაობა. სამუშაო წესით შეზღვენი და გაემგზავრენ მშვიდობის პირობების მოსაზრადებელ მოლაპარაკებებზე. ჟუკოვის მემუარებში სტალინის პორტრეტი დადებითზე დადებითი იყო. ასეც მოხდა. მოგვიანებით, უკვე ჟუკოვის სიკვდილის შემდეგ, სამხედრო „სარედაქციო კოლეგია“ ტექსტში მნიშვნელოვანი ცვლილებები შეიტანა და ბერლინში ჩასვლის ეპიზოდი ამოიღო.

პოლიტიკოსები ისტორიის ფაქტებს ყოველთვის თავიანთი ინტერესების შესატყვისად ასხვავებენ: სტალინი ამასვე უშვებოდა პარტიის ისტორიას. მაგრამ ის ამაში მარტოკა არ იყო, ისევე, როგორც მარტოკა არ იყო არაფერში, რაც კი გააკეთა პარტიამ სამოცდაათი წლის მანძილზე. პოლიტიკურს მიერ განხორციელებული კოლექტიური ხელმძღვანელობის პირობებში უკლებლივ ყველას უნდა ეკისრა პარტიის ქმედებების გამო მორალური პასუხისმგებლობა. კოლექტიურად იქნა მიღწეული გამარჯვება, კოლექტიურად იყო ორგანიზებული და თავის სასჯელს კოლექტიურად ახორციელებდა გულაგი. მე პარტიას პასუხისმგებლად მივიჩნევ ყოველივე იმის გამო, რაც ახლა მხოლოდ სტალინს მიეწერება. ჩემს ამ შეხედულებას ბევრი იზიარებს. ეს „დაცვა“ კი არა, ისტორიული ობიექტურობაა.

დაველოდოთ ა. ი. მიქოიანის, ა. ნ. პოსკრებიშევის, კ. ე. ვოროშილოვისა და ბევრ სხვათა მემუარებს. მე სსრკ-ში გამგზავრების დროს წავიკითხე მარშლებისა და შეიარაღების კონსტრუქტორთა მემუარები: ისინი იზიარებდნენ

ჟუკოვის თვალსაზრისს. ასეთი დიდი მასშტაბის ლიდერები უნდა შეფასდნენ თავადაც ასეთ მასშტაბებს რამდენადმე მაინც მიახლოებულმა პიროვნებებმა, ისეთებმა, ვთქვათ, როგორც იყვნენ ჩერჩილი, რუზველტი, დე გოლი. ჩემთვის მათი შეფასებებია მნიშვნელოვანი. იმ აკადემიკოსების, ჟურნალისტებისა და მწერლების შეხედულებებს კი, რომლებიც არასოდეს ყოფილან დიდი ქვეყნების ლიდერები, მე უგულებელვყოფ.

ამერიკაში არ შემომჩნევია რუსეთისა და მისი ერთგული ეროვნული „გარეუბნების“ ისტორიისა და კულტურის სერიოზული შესწავლის მცდელობა. ზემოთ მოხსენებული ზოგიერთი დიდი ისტორიკოსის ზოგიერთი ნამუშევარი ცალკე დგას. ამერიკელთა უმეტესობამ არ იცის, თუ რაა სსრკ — კოლოსალური ქვეყანა, რომელიც ასე ჰგავს შვედეთულ შტატებს თავისი მრავალეროვნულობით, თავისი ხასიათით, ტემპერამენტითა და ბევრი ისტორიული გარემოებით. საბჭოთა კავშირის თითქმის სამასმილიონიანი მოსახლეობა საშუალო ამერიკელს ჯერ კიდევ „კომუნისტების“ სულ მთლად უფერულ მასად წარმოესახება, „კომუნისტებისა“, რომლებიც ხარბად ესწრაფვიან მთელი მსოფლიოს ზელში ჩაგდებას, ამერიკისა და კერძო საკუთრების მოსპობას და „კომუნალურ საწყისებზე“ დაყრდნობით ცხოვრობენ. სსრკ-ში პირველივე ჩასვლა შოკს იწვევს: თურმე, ადამიანები იქაც ისეთი ყოფილან, როგორნიც აქ არიან, თურმე, ამერიკას ისინი დაუფარავი სიმპათიით უყურებენ. მათი და ამერიკელების ურთიერთგაგება დიდ სიმძნელეს არ წარმოადგენს — თუ თქვენ ბედმა გაგიდამათ და მოგიხდათ საუბარი ნორმალურ ადამიანებთან და არა პარტიულ ბიუროკრატებთან. საბჭოთა მოქალაქეების შეუხედავი ტანსაცმლისა და საკუთარი ავტომობილების მცირე რაოდენობის გამო მათი სასაცილოდ აგდება საჭირო არაა. გონების ხარისხი და ინტუიციის უნარი ფრიად მაღალია იქ, სადაც არც ხელოვ-



ნებაში და არც მეცნიერებაში ნიჭი სანთლით არაა საქებნი.

მე ყოველთვის ჩემი მემართება, როცა ამერიკული ტელევიზიის ელევანტური წარმომადგენლები მოსკოვის ქუჩებში მცირემცოდნე სქელ დედაკაცებს დასდევენ, რათა ჰკითხონ — უხეირო მთარგმნელის მეშვეობით — თუ რას ფიქრობენ ისინი „გარდაქმნაზე“. არადა, რატომ არ შეიძლება ეს ჰკითხონ მათ, ვინც საკმარისად განათლებულია ასეთ კითხვაზე პასუხის გასაცემად: ეკონომისტებს, მეცნიერებს, მკვლევარებს, ვინც ცუდად როდი ლაპარაკობს ინგლისურად? რატომ უნდა წარმოიდგინონ რუსეთი ისევე იმ „თავსაფრიან დედაკაცად“, როცა იმ დედაკაცს უკვე ჰყავს შვილიშვილები, რომლებმაც, შესაძლოა, უცხო ენების ინსტიტუტი ან საერთაშორისო ურთიერთობათა ინსტიტუტი დაამთავრეს?

სწორედ ამიტომ მიხარია ის, რომ ჩემი მოზარდი ვოგონა თან წაიყვანე და თავისი თვალთ ნახა სსრკ-ში ცხოვრება და ადამიანები ისეთნი, როგორნიც სინამდვილეში არიან. ახლა უკვე ვერავითარი პროპაგანდა — ვერც იქიდან, ვერც აქედან — აზრს ვერ შეუცვლის. მართალია, ამერიკულ პრესას ბნელი ფერები არ დაუშურებია ჩემს უკეთურ დედად დასახატად, მაგრამ ოლიამ რუსეთზე თავისი შთაბეჭდილებები სწორედ იქ ჩასვლით შეიქმნა. და, შესაძლოა, მალე შესაძლებელი გახდეს იქ ისე ჩასვლა და იქიდან ისე წამოსვლა, რომ ამის გამო გაზეთებმა და ტელევიზიამ პანიკა არ ატეხონ: კაცმა რომ თქვას, საბჭოელთაგან რატომ სესხულობენ ისინი ამ მოჩვენებით „პატრიოტიზმს“?

სადაც იქ, შორს (თუ რუკას დაგზავდავთ), მაგრამ ამერიკის ალიასკიდან არცთუ ისე შორს, მდებარეობს კამჩატკა, სადაც მუშაობს ჩემი ძვირფასი გეოლოგ-გულკანოლოგი, ჩემი უფროსი ქალიშვილი კატია. და სადაც ცხოვრობს ჩემი პატარა შვილიშვილი ანიუტა. მე მიყვარს გეოგრაფიული რუკები, მიყვარს დიდი მანძილები და სივრცეები. რა ადვილად უყურებენ ერთმანეთს — მათ შო-

რის მხოლოდ დიდი ტბაა — კამჩატკა და ორეგონი, ვაშინგტონი და ალიასკა — ეს ოდესღაც საერთოდ რუსული მიწა... აი, სწორედ იქ გავა მომავალი ყველანაირი საკომუნიკაციო ხაზები: მეცნიერებითა და ვაჭრობით დაწყებული, და თევზჭერითა და ვულკანმცოდნეობით დამთავრებული. ჩემი კატია რატომ არ უნდა გადმოვიდეს წყნარ ოკეანეზე და რატომ არ უნდა შეხედოს მაუნტ ჰელენს, ამერიკულ ვულკანს?... როგორ ძალიან მინდა, რომ ორმა დამ, რომლებიც ასე ჰგვანან ერთმანეთს გარეგულადაც და შინაგანადაც, როდესმე ნახონ ერთმანეთი — მტრობის გარეშე, მათს ზურგსუკან მდგომი ორივე მთავრობის მხრიდან პროპაგანდისტული ძაღლისხმევეების, სიძულვილის გარეშე. მაშინ ორივე მათგანის მუშაობა თავისი ხმით გაუდერდება და უკეთესი მომავლისთვის ადამიანურ ძაღლისხმევათა საერთო ნაკადს შეერთვის.

მიხარია, რომ ორივეზე ამგვარად შემძლია ვიფიქრო. საჭიროა „მოეწყდე“ ყველა პირადულ, უსიამო მოგონებას, რათა ისინი წარმოსახვით მაინც ერთად დაეინახო. ჩემი შვილიშვილები კი, რასაკვირველია, ისევე ეკამათებენ თავიანთ დედებთან და ისევე თავისებურად მოიქცევიან, როგორც იქცეოდნენ მათი დედებიც.

მე ის მაიმედებს, რომ მალე წიგნები საშფაროში ადამიანებზე გაცილებით სწრაფად დაიწყებენ მიგრირებას, და ჩემი თაობის მე მუარები გარკვეულად ფასეული გახდება იმათ თვალში, ვინც ჩვენს დრო-ჟამს არ იცნობდა. ეს შემუარები მათ დაეხმარება არა იმდენად სხვა ერის, რამდენადაც სხვაგვარი ადამიანების შეცნობაში და ყველა ჯურისა და ყაიდის შვილიშვილები — არა მაინცდამაინც მხოლოდ ჩემი შვილიშვილები — მაშინ ამ ძველმოღურ ფურცლებზე ამოიკითხავენ უცნაურ, დაუჯერებელ სიტუაციებს, აგრეთვე ნახავენ ზოგიერთ ნაცნობ სახესაც.

რუსულიდან თარგმნა ჯუმბერ თითშერიაძე.

ვიკონსინი, აშშ, 1986-1988

დღიანა უღვწი

დემნა უნგელაიას თხზულებათა ენისა და სტილის ზოგირითი საკითხი

შესანიშნავი ქართველი მწერალი დემნა უნგელაია ახალი ქართული რომანის ერთ-ერთი ფუძემდებელია. იგი მიეკუთვნება იმ რჩეულ მწერალთა რიცხვს, რომელთათვისაც სიტყვის ფერომენს პირველხარისხოვანი მნიშვნელობა აქვს. მისი ნაწარმოებების კითხვისას თვალში გაცემათ სიტყვიერი მასალის სიუხვე; ხშირად იყენებს ფოლკლორის მოტივებსა და მითოლოგიის ელემენტებსაც, რაც მისი შემოქმედების ერთ-ერთი განმსაზღვრელი ფაქტორია და მის ენასა და სტილშიც ვლინდება.

დ. უნგელაიას მხატვრულ ნაწარმოებთა ენა მეტად მდიდარი და ფერადოვანია. მწერლის ენის სიმდიდრე კი დამოკიდებულია იმაზე, თუ რამდენად ფართოდ იყენებს იგი საერთო-სახალხო ენის ამოუწურავ შესაძლებლობებს. მწერალს მკვეთრად განსხვავებული, თავისებური წერის მანერა აქვს, რაც განაპირობებს დიდ ინტერესს მისი ნაწარმოებების ენობრივი თვალსაზრისით შესწავლისადმი.

შევვხებით დ. უნგელაიას თხზულებათა ენისა და სტილის ზოგიერთ საკითხს. მის ნაწარმოებთა ამ თვალსაზრისით შესწავლა საინტერესო სურათს გვიჩვენებს.

განსაკუთრებულ ყურადღებას იქცევს თავისებური სიტყვაწარმოება. ამ მხრივ მისი შემოქმედება უხვ მასალას იძლევა. მაგალითად, შეინიშნება ტენდენცია სუფიქსის ნაცვლად მიმდებლების ნა პრეფიქსით გაფორმებისა. ეს ფორმები დღევანდელი ქართულინათვის არაბუნებრივია: „გაზვედი... ამდენი დარდითა და ბაღანატაღლით“, „ეირით შენაშემთქმანი კედლები აათვალიერა“, „ტყავვეშე ჩვეგან წანაბლმეჭი ქონი გაქვთ ამოღებული...“

ზოგჯერ სუფიქსი ნახმარია იქ, სადაც იგი საკირო არ არის. ან ერთი სუფიქსის ნაცვლად მეორეა გამოყენებული. ამის გამო ბევრ სიტყვას ხელოვნურობის ელფერი დაჰკარავს. მაგა-

ლითად, ნაცვლად მოხალოდნელი უმალ პრეფიქს-სუფიქსისა, გვხვდება უ-არ. „მოუთმე-ნარი ხელით სწრაფად წერდა...“

ნაცვლად დღევანდელი ქართულინათვის ბუნებრივი „ურ“ სუფიქსიანი ფორმისა, დასტურდება რედუცირებული სახით ნახმარი „ოვან“ სუფიქსით გაფორმებული სიტყვა: „ისინაჲ და ძალღვენება გამოჰკროდა...“

მოხალოდნელი „იან“ სუფიქსის ნაცვლად ქონების აღსანიშნავად ზოგჯერ „ოვან“ და „ოსან“ სუფიქსებია გამოყენებული: „სიცოცხლით სავსეს ხორცოვნანი ბიბილოები გვერდზე მოგდლო“, „უველაჲ მეტად ისა ცხარობდა... სურთუჰსანი“.

ნაცვლად „იან“ სუფიქსისა, სიტყვა გაფორმებულია „იერ“ სუფიქსით: „უთროთა ნესტოები ჯიშინი ცხენივით“.

ახვევ, დღეისათვის ბუნებრივი სა-ო აფიქსების ნაცვლად სიტყვაში „ურ“ სუფიქსია გამოყენებული: „იტყოდა ორიოდ სიტყვას გაუეთურს“.

„ედ“ სუფიქსიან ფორმასთან შედარებით მწერალი უსუფიქსო ფორმას ანიჭებს უპირატესობას: „მოხმუთხნი თავი მხრეში ჩაიტანა“.

ზოგი სიტყვა ნაწარმოებია შინაარსობრივად მისი ფარდი სახელის ანალოგიით; მაგალითად, სიჩუმის ანალოგიით მწერლის ენაში გვხვდება სიუჰამი: „სიუჰამი უველაფერი სხვანაირად ისმის“.

დ. უნგელაიას ნაწარმოებთა ენაში შეინიშნება უცხო წარმოშობის სუფიქსის „ხანა“-ს ხმარება. „ხანა“ სპარსულია და, როგორც ა. შანიძე წერს, ნიშნავს სახლს. დ. უნგელაიას ენაში ეს სუფიქსი ძირითადად ამავე მნიშვნელობით არის ნახმარი: „გენათელი დავთარხანაწი ზის“, „დაბახანაწი აღარ ისმოდა ქობინების ცემა“, „ლილახანაწი აღარ ფრიალებდნენ ნარმის თოფები“.

საინტერესოა ის გარემოება, რომ იგივე სუ-



ფიქნი დ. შენგელაიას ერთ-ერთ რომანში („შთაგონება“) საკუთარი სახელის გასაფორმებლად არის გამოყენებული; საფიქრებელია, სააღერსო მნიშვნელობით: „ჩემი დარწმუნება გოგო“.

ცნობილია, რომ ქართულში არსებობს სუფიქსები: ბ, იბ, რომლებიც კინოზოის ფორმებს აწარმოებენ: ბ გამოხატავს, აგრეთვე, ქონებასა და მსგავსებას. დ. შენგელაიას ოსწუშლებათა ენაში ბ ქონებას აღნიშნავს: „ჩაღისფერი შპზდრუშნა ბხო ლაფაროში მიემწევა...“ „ბბინლაბსარ ფაცორიაც ნაღინასთან... მიადებულაყო“, „მპლმპსბარ ფუნდუმაც... თავისი ემხით დაბაბ...“ „შეუგლია მოთინებლიდან გამოსულმა ბშპბ ჯარისკაცმა...“

ამ უახსენებლ მაგალითში ბშპბ დიდი ტურის მქონე უნდა აღნიშნავდეს.

როგორც ჩანს, ბ სუფიქსი დ. შენგელაიას ენაში ძირითადად რთულ ფუძეებზეა დართული.

სუფიქსი იბ აღნიშნავს ვისამე ან რისამე ხელბას ან თვისებას, დაცნობით. დ. შენგელაიას ერთ-ერთ მოთხრობაში („შემოქმედი“) დასტურდება ამ სუფიქსით გაფორმებული ფორმა „ბბინპარბ“. სხვა შემთხვევაში იგი დაცნობით შეჩქარებული სახელია, დ. შენგელაიას ენაში კი მნათობის სახელს აღნიშნავს: „მხოლოდ ბბინპარბი ციხეებდა ნირშუეცვილდა“.

არანაკლებ საინტერესოა კომპოზიციის სფეროც. დ. შენგელაიას კომპოზიტა შექმნის უბადლო ოსტატია.

მწერლის მიერ შექმნილია კომპოზიტა საინტერესო ფორმები, თუმცა ზოგიერთ მათგანს ხელაწერობის ელფერი დაბრავს. კომპოზიტა და დიდი ნაწილი ნაწარმოებია არსებითი სახელებისა და წარსული დროის მიმდებარის შეერთებით. მაგალითად: „ანწლომორეული“, „შემოდგომადურული“, „უბედურებაგადანაცადი“, „ბურტულგადარცვილი“, „რთურაწნაყადი“, „რქაწახერხილი“, „მწემოშაღებელი“, „მხარგადაგლეჯილი“, „ილულადაქულებელი“, „სულაწრიალებული“, „წარბოშნაყადი“ „ქონაწურბდღარქეწილი“ და სხვ.

კომპოზიტა განსაკუთრებული სიმდიდრითა და მრავალფეროვნებით გამოირჩევა რომანი „ბათა ქეჩია“, რომელშიც გვხვდება „ტვინდაბნეული“, „ქუცაყურთხეული“, „თავმისიკვილებული“, „ბრახშემონთხეული“, „კაბაყარწახეული“ და სხვ.

ოშვითად დასტურდება ორზე მეტი ფუძის შემცველი კომპოზიტებიც: „ფიცვარცხლნაქამი“, „გაყავალარეული“...

დ. შენგელაიას ოსწუშლებში, როგორც რომანებში, ასევე მოთხრობებში, შეინიშნება მწერლის ენისათვის დამახასიათებელი ფრიად მნიშვნელოვანი თავისებურება — არქაიზმების ხმარება. მწერალი არქაიზმებს ზომიერად იყენებს. „ციცკარი“, № 8-4.

ნებს. საინტერესოა ის გარემოება, რომ არქაიზმები, როგორც მოსალოდნელია, ძირითადად ნახმარია ისეთ ნაწარმოებში, რომლებიც ისტორიული წარსულია გაცოცხლებული („შემოქმედი“, „ბაშკადიკარ...“), მაგრამ ისინი დასტურდება არასტორიული ხასიათის ნაწარმოებებშიც, რასაკვირველია, ნაკლები როდენობით. გვხვდება როგორც გრამატიკული, ასევე ლექსიკური არქაიზმები.

ფუძეთანმშინიანი საკუთარი სახელები სახელობით და მოთხრობით ბრუნვებში, არქაული ვითარებისამებრ, ზოგჯერ გაუფორმებელია: „დაბა ბსლან მარტლდმარტო“, „პარბანდაში ბლოზა სეტლდა“, „პბტბანზ ნახა — ცხლად გამომქუხარ ენაში ერთად ჩაფუჭულიყენენ“. „ბმშქან შედგა“.

აღანიშნავია, რომ მოთხრობაში „შემოქმედი“ პერსონაჟთა მეტყველებაში შეინიშნება ფუძეთანმშინიანი საკუთარი სახელის გაფორმება სახელობით ბრუნვაში არქაული ფუძეთანმშინიან საზოგადო სახელთა ანალოგიით: „მე ვარ ბმცირბი“. საინტერესოა ის გარემოება, რომ ხშირ შემთხვევაში იგივე სახელი სახელობით ბრუნვაში გვხვდება ა-თი გაფორმებული: „ბმცირბა მომგვარეთ, ბმცირბა! — ყვიროდა იგი მიწეწიანად“.

ფუძეთანმშინიან საკუთარ სახელთა ამგვარი გაფორმება უცხოა ძველი ქართულიზოის, თუმცა ამ ფორმების გვირდით მოთხრობაში შეინიშნება ამავე სახელის დღევანდელი სახით ხმარება: „ბმცირბ, გაიციენი“.

ფუძეთანმშინიან საკუთარ სახელთა წემოსხენებული ფორმების თავისებური ხმარება მწერლის სტილს ერთგვარ ინდივიდუალობას ანიჭებს.

მოქმედებითი ბრუნვის ფორმაზე „გან“ თანდებულის ხმარებაში შემთხვევაში ზოგჯერ ძველი ვითარება დაცულია. ამავე დროს, თანდებულის ფორმაზე დართულია ნაწილიც: „სიქმრბიტბანზმ ნაწვევ ხელბაწე გული აგდო“, „ბალღობიტბანზმ მისგან შვილივით ნანებვირბი...ქალი“.

„უძველს დროს ქართულ ენას უნდა ბქონოდა ერთი ბრუნვა, რომელსაც იმ აწარმოებდა. ეს ბრუნვა უნდა ყოფილიყო ერთ-ერთი სახეობა მოქმედებითისა. მისი ფორმები ნაშთის სახითაა მოდწეული... აღნიშნულ ფორმებს დღევანდელ ენაში თავისუფლად ენაცვლება მოქმედებითი, ვითარებითი ან სადაობითი“ (ა. შანიძე, ქართული ენის გრამატიკის საფუძვლები, გვ. 76).

დ. შენგელაიას მოთხრობაში „შემოქმედი“ გვხვდება იმ ნაწარმოებლით გაფორმებული სიტყვა ვითარებითი ბრუნვის ფუნქციით: „ცმცხლნი მორათვს“.

ძველი ქართულის ვითარებისამებრ, შეინიშნება მიზნის გარემოების გადმოსაცემად ვითარებითი

რებით ბრუნვაში დასმული საწყისის ხმარება: „ეპახდეს ხსნად“, „წერად ვეშაადები“.

უბრალო დამატება ზოგჯერ უთანდებულო მიცემით არის გამოხატული. მაგალითად: „ჭაყრი ბულს სისხლი გადაევლო“, „თბავს სიცილი დააყარეს“.

შეინიშნება ადგილის გარემოების გამოსახატავად ვითარებით ბრუნვის გამოყენება: „დანტე ჯოჯონხმთად ჩავიდა“, „ტქად გაველით“, „ერთი წელი დაქორდა იგი ტქმ-მ-ლად“.

„მბ“ სუფიქსიანი მრავლობითის გვერდით დ. შენგელაიას თხზულებებში საკმაოდ ხშირია ნარ-თანაინი მრავლობითის გამოყენების შემთხვევები. ბუნებრივია, რომ ამ შემთხვევათა უმრავლესობა მაინც იმ ნაწარმოებებში გვხვდება, რომლებშიც ისტორიული ამბებია გადმოცემული. მაგალითად: „აუარბელი სხსიმონი მოდიოდნენ“, „ბაბენიც რადაც ურუოლის მომგვრელი ცოდვილიანი სურვილებით უდიმოდნენ“, „მლნათურბთა ჭრელა-ჭრელა მძივები ეილა“, „განვედ, ბეშაძენო ხატანისა, ხახლი-ხაჯან ღვთისა“, „სულ მბატარბნი ტაძრის... კიბეზე თიყნებოთ მყოფილყვენ“.

ზოგჯერ არქაული ფუძეა გამოყენებული: 1) კომპოზიტი. როგორც ცნობილია, ძველ ქართულში არსებობს ფორმა შუშირმეზბ, რაც ნიშნავს შეწუნებას. კომპოზიციის შესაქმნელად, შენგელაია სწორედ ამ ფუძეს იყენებს — სულშეშირმეზბული, სადაც ეს ფუძე ამავ შემთხვევების მქონეა: მაგალითად: „ძაღლის სულშეშირმეზბულ წაწკანუ თვითნაყ აწწკანდა“. აღსანიშნავია, რომ ამ სიტყვას ფართოდ იყენებს მწერალი თავის ნაწარმოებებში: „მოთქვამს სულშეშირმეზბული“, „ვეურჩულებდი სულშეშირმეზბული“ და სხვ. 2) მიმდამობაში: ა) წარსული დროის მიმდამობაში: „... უმანყო ოცნებებით დაღბილმბული მადალი თემობი“, „ვერც მან მიცნო დალუსკუმეზბულ ღამეში“.

ბ) მომავალი დროის მიმდამობაში. ამასთან დაკავშირებით საინტერესოა ის გარემოება, რომ თუ ერთ შემთხვევაში მწერალი მიზნის გარემოების გადმოსაცემად იყენებს ვითარებით ბრუნვაში დასმულ საწყისს, მეორე შემთხვევაში იმავე ნაწარმოებში მიზნის გარემოება გადმოცემულია „სა“ პრეფიქსით გაფორმებული ისეთი მომავალი დროის მიმდებობით, სადაც ფუძედ არქაული სიტყვაა გამოყენებული: „სბუბმადლ სულ რუსულ ფურნეში გამომცხვარ თეთრ პურს ვქამდი“, „მოდიოდა... ხატთან ბმბორსბმცვად“. ფორმაში ბმბორსბმცვად მიმდებობად გამოყენებულია ზმნიანი კომპოზიტი. ძველ ქართულში ამგვარი კომპოზიცია ძალიან პროდუქტიულია. „ყოფა“ ზმნით უველაზე ხშირად იოანე პეტრიწი ქმნის კომპოზიტს.

როგორც აღინიშნა, არქაიზმებს ვხვდებით ლექსიკაშიც. მაგალითად:

ძალი: „მომანიქე მე ძალი...“
მასორია: „მასორია მათ, მასორია...“
ამო: „ბმოლ კიფებენ...“

სინზო: „იმალბა ბარდას და სინზოში“.

შალამი: „შალამი შერს გაბედულად დაწყო“.

ღბილი: „განთიადი ღბილად წამოეფარა...“

საწუთრო: „შთელ საწუთროზე გაავებულმა სული ძლივს მოიბრუნა“.

წარბიბანა: „ქალმა ცრემლთან ერთად „ვეფხისტყაოსანი“ წარბიბანა“.

ღავლად: „ოცდარიო ზარბაზანი დარჩათ რუხებს ღავლად“.

ენუკვის: „მას ენუკვიდა“.

საძვალე: „მთელი სოფლის საძვალე აქ იყო“.

როგორც ცნობილია, ძველ ქართულში სიტყვა ხმლი აღნიშნავს ფეხსაცმელს. ამ სიტყვის ფუძეს იყენებს დ. შენგელაიაც დაახლოებით ამავე მნიშვნელობით: „უნდა... დავიწყებო ფეხებზე ეს სახანლაკვიბი“.

როგორც ცნობილია, ნაწარმოების ენობრივ-სტილურ მხარეს განსაზღვრავს მისი თემა. დ. შენგელაიას ნაწარმოებები წერის მანერითა და სტილით ერთმანეთისაგან განსხვავდება, რასაც განაპირობებს განსხვავებული თემატიკა. მწერლის ის ნაწარმოებები, რომლებიც სოფლის თემაზეა დაწერილი და ქართული გლეხის ცხოვრებას ეხება, სტილით ერთმანეთს ემსგავსება. მათში უფრო დიალექტიზმებს ვხვდებით. მაგალითად, მოთხრობა „განძი“ წერის მანერით გვაგონებს „ბათა ქეჩიას“, იგი თითქოს ერთგვარი გაგრძელებაა მისი. ორივე რომანი სამეგრელოს ცხოვრებას ეხება. მათგან აბსოლუტურად განსხვავებული სტილით ხსიათდება რომანი „ირმის ნახტომი“, სადაც გაცოცხლებულია ძველი თბილისის სურათები. აქ პერსონაჟთა მეტყველება და დიალოგებში ჭარბობს ძველი თბილისის ხელოსნებისათვის დამახასიათებელი ქალაქური ფარგლი. მოვიტანო ნუწვეტს ამ რომანიდან: „... როგორ დუქანი დუქეტო და სხვის კარზე სამოწყალოდ ვიარო? დუდუქუ ვიშუაო, დუდუქუ ვქამო, დუდუქუ შაბაში დააყენო? ეს ჩენი არღანჩი რა ვისზე ნაკეთი მექულე იყო? ქეყყანას ნაშლის ქულა ხურავდა, ეხლაც ბევრსა ხურავს... მალე არღნის სედიანი ჭყვიტინი გაისმა“.

საქართველოს ისტორიული წარსულის ჩვენების დროს მწერალი არქაული სტილის შესაქმნელად და იმ ეპოქის კოლორიტის წარმოსადგენად, როგორც ზემოთაღნიშნავს, იყენებს არქაიზმებს. მაგალითად, მოთხრობაში „შემოქ-

მელი“ თხრობა ზვიადია, ამ უანრის ნაწარმოებ-
 ბისათვის შესაფერისი: დღითიდღე წარმატება-
 სა და განდიდებაში იყო მყოფე თამარ... ეს ზა-
 მთარიც მან ცხუმს გაატარა, აღდგომა ბედია-
 ში გაითენა და ახლა გეგუთს ბრძანდებოდა...
 იქვე იმყოფებოდნენ გაზრდილი მამისა მათი-
 სა“. არქაულია პერსონაჟთა მეტყველებაც:
 „მზევე, მზევე... მძინარევე აკვანსა შინა, მომანი-
 კე მე ძალი და შეწენაი, რათა გულისთქმა ჩემი
 არა ისწრაფოდეს მრუშებად დედამეხისაკენ...“

დ. ზინგელაია თავის თხზულებებში ხშირად
 იყენებს ხალხური შემოქმედების ნიმუშებს, რაც
 მწერლის სტილის ერთ-ერთ განმსაზღვრელ ფაქ-
 ტორად შეიძლება ჩაითვალოს. ამ მხრივ გამო-
 ირჩევა რომანები „ბათა ქექია“ და „სანავარ-
 დო“. „ბათა ქექიას“ მთელი ენობრივი მასალა,
 ზოგი ინტონაცია ხალხურია. ეს რომანი მდი-
 დარია დამახასიათებელი ყოფითი დეტალებით,
 ხალხური იუმორითა და ზმებით, იგავ-არაკე-
 ბით, მდიდარი სიტყვიერი მარაგით, რომელსაც
 მწერალი ხალხური შემოქმედებიდან სესხუ-
 ლობს. მოვიტანთ ნაწყვეტს ამ რომანიდან:
 „...ბავშვობა მწუქმსობაში გავატარე... სამწუქე-
 სურში რომ მივიდოდი, თან ილიაში ამოდე-
 ბული წიგნი და მკადის ნაფრები მიმქონდა. სა-
 ნამ საქონელი ძოვდა, ვკითხულობდი... ხან
 ამირან დარეჯანის ძე ვიპაჟ და ვებრძოდი ჩა-
 დის ღერებს, ხან მეჭუნეი, ხან უჩაღი არსენა
 და ვბრუვდებოდი. მუხლებმოსხლეტილი ვიჩო-
 ქებდი ლოგინში და პირჭვრის წერით ვევედრე-

ბოდი ილორის წმინდა გიორგის, ყულის კარს,
 ქიაჩის ხატსა და ნოქალაქევის ორმოც მოწა-
 მეს ადრე და მალე გათენებას...“

რომანში „სანავარდო“ მწერალი უხვად იყე-
 ნებს ხალხურ თქმულებებს, ავი სულებისა და
 მისწობის თემებზე შექმნილ ზღაპრებს, მითო-
 ლოგიის ელემენტებს. მაგალითად: „იყო ერთი
 დოღო ბაყაყი. იქდა დიდ ქაობში გაუთხოვარი.
 მთვარიან ღამეში გამოვიდოდა იგი, ციხის
 ლორწოს დაღვრიდა ირგვლივ. მისი ყუიანი
 შიშის ზარს სცემდა მის ქვეშევრდომებს. გველი
 ვერ უბედავდა შეტევას... ავი იყო დოღო ბა-
 ყაყი, მწვანე მუცელგაცივებული...“

ზოგჯერ მწერალი ცდილობს ძუნწად, ლაკო-
 ნურად, მოკლედ გამოხატოს აზრი. ამ მიზნით
 იგი იყენებს სახელდებით წინადადებებს, რი-
 თაც დიდ მხატვრულ ეფექტს აღწევს. სახელ-
 დებითი წინადადებებით მდიდარია რომანი „სა-
 ნავარდო“. მაგალითად: „ქაობი და კონჭყო-
 ლელი და ლაქაში. აქა-იქ ისლით დახურული,
 წაფერდილი ქოხები. ეზოები მოლნარით გადა-
 წვანებული. რიონის ამდორებული, მღვრიე
 დენა... ჩამონგრეული ღობეები... აქა-იქ აშოლ-
 ტილი ალვის ზეები და დაკრუნჩხული ტირიფე-
 ბი... მრავალბაიერის ქერში ტყორცნა“.

ზემოგანხილული ენობრივ-სტილური თავიე-
 ბურებანი მიგვანიშნებენ იმაზე, რომ დემნა
 ზინგელაია მკვეთრად განსხვავებული ორიგი-
 ნალური ხელწერის მქონე შემოქმედია.



კვა გუნთაიშვილი

„ვეკებ, მიზრქმი და ამ ბრძოლას
სულს და გულს ვნირაჲ“

ხელოვნება არსებობდა ვოველთვის, რაც კაცობრიობას თავისი თავი ახსოვს. როგორც სოციალურ-კულტურული ფენომენი, ის უძველესია საზოგადოებაზე, სახელმწიფოზე, იდეოლოგიაზე. ადამიანის სულზე შემოქმედების ძალით მას მხოლოდ რელიგია უსწრებს და შეედრება.

ხელოვნებას მთელი თავისი არსებობის მანძილზე არ განუცდია ისეთი საზოგადოებრივი ბუმი, როგორც ამ ბოლო წლებში. მხატვარი იქცა თანამედროვე სოციალური მითოლოგიის ერთ-ერთ ძირითად ფიგურად.

ჩვენი კვლევის საგანია — ზოგადად, ძირითად ხაზებში წარმოვაჩინოთ სამხატვრო ატმოსფერო, რომელშიც ჩამოყალიბდა ქართველ მხატვართა იმ თაობის ესთეტიკური იდეალები, ქართული ხელოვნების ისტორიაში 80-იანელთა სახელით რომ შევიდნენ, რამდენადაც წერილი ეხება ამ თაობის ერთ-ერთი კოლორიტული წარმომადგენლის ვია ბულაძის შემოქმედებას.

60-იანი წლების სოციალური ატმოსფერო ისეთი იყო, რომ მხატვრები პირველივე მყიდველის გამოჩენისას ვიდრე თავიანთ ნაშრომებს იმისათვის კი არა, რომ ფული გაეკეთებინათ, არამედ უმთავრესად იმისათვის, რომ გადგარიყვნათ ნამუშევარი შემთხვევითი დაღუპვისაგან.

დღეს იმ წლების ნამუშევრები, რომელთა კოლექციები სპონტანურად იქმნებოდა, ძნელად საშოვარი არქეოლოგიური მასალაა. მოსკოვის 60-იანი წლების ალტერნატიულმა ხელოვნებამ სათავე დაუდო ახალ ეტაპს რუსულ ხელოვნებაში.

საკოველთაოდ ცნობილია, რომ ავანგარდის დახვედრის ხელოვნება თავის სათავეებს ხედავს 1910-1920-იანი წლების რუსულ ავანგარდში, რომლის ბოლო გამოფენები სსრკ-ში მოეწყო 20-იანი წლების ბოლოს. რუსული ავანგარდი გახდა პოლიტიკური შეთქმულების მსხვერპლი. დიდი ხნის მანძილზე სიტყვა „ავანგარდიზმი“ სსრკ-ში იყო ფორმალისმის სიმ-

ბოლო. ფორმალისმი ტოლი იყო უიდეობისა, სოციალისტურ რეალიზმს კი წარმოვიდგენდნენ საღვადორ დალის მიერ აღბეჭდილი წმინდა ანტონიოს სახით, რომელმაც ავანგარდიზმის ბოროტი სულების თავლასხმა განიცადა.

50-70-იანი წლების რუსულ კულტურაში დაბრუნდა საუკუნის დასაწყისის რუსული ავანგარდის მეორე ტალღა მისთვის დამახასიათებელი ნოვაციებით. მათი დადებითად ხსენება პრესაში შეწყდა 1962 წლის გახმაურებული გამოფენის შემდეგ. ისინი, განსხვავებით თავიანთი დიდი წინამორბედებისაგან, რჩებოდნენ ხელოვნების საერთო სახლის საღვადორ დაფებსა და სხვენებზე. პროცესის შეჩერება უკვე შეუძლებელი იყო. მხატვრები წაივინდნენ იატაკქვეშ. „რეინის ფარდა“ გაიხსნა და ევროპიდან შემოიჭრა ყურნალები და ცნობილი მხატვართა რეპროდუქციები. მათ გააცნეს მსოფლიოს იატაკქვეშა რუსული ავანგარდიზმი.

80-იანი წლების ახალგაზრდა მხატვრები — ავანგარდის მესამე ტალღის წარმომადგენლები, აწყობენ გამოფენებს. მათი ნამუშევრები და უბრალოდ იყიდება და შეურყეველი ნაკალით მიდის დასავლეთში.

70-იანი წლები და 80-იანის დასაწყისი აღინიშნა საბჭოთა ესთეტიკური ხელოვნების ღრმა დეგრადაციით. სოციალისტური რეალიზმი, რომელიც ათეული წლების მანძილზე იყო გაბატონებული მიმართულება სსრკ ხელოვნებაში, სინამდვილეში წარმოადგენს არა ხელოვნებას, არამედ პოლიტიკის პროპაგანდის ინსტრუმენტს. გამოჩენილმა დასავლეთურმანელმა ხელოვნებათმცოდნემ პანს პეტერ რიხემ 1989 წელს მოსკოვში მხატვრის ცენტრალურ სახლში გამოსვლისას განაცხადა: „თეორიის კატეგორიებით თუ ვიმსჯელებთ, სოციალისტური რეალიზმის რეაქციული კონცეფცია ხელოვნების განადგურების პოლიტიკური მცდელობაა“.

80-იანი წლების მეორე ნახევრიდან იწყება



სერიოზული ძეგლები ჩვენს სამხატვრო და სოციალურ სიტუაციაში. სამხატვრო პოლიტიკა იდეოლოგიური მომენტებით გრძელდებოდა 1987 წლამდე, როცა ხელოვნების განვითარების ახალი ტენდენციები და მისი ორგანიზაციის ახალი ფორმები გაჩნდა, როცა ვუნიტის სახელობის საკავშირო სამხატვრო საწარმოო კომბინატის ექსპორტის განყოფილებას ნება დაეთმო გაეყვინა ახალგაზრდა მხატვართა იმ დროისათვის გახმაურებულ მე-17 გამოფენაზე ექსპონირებული ნაწარმოებები. ეს იყო სამფრნეო ანგარიშობიანობისა და თვითმმართველობის დასაწყისი სამხატვრო პოლიტიკაში. ამერიიდან დაიწყო ბრძოლა ნორმალური ფასებისათვის. სახელმწიფო შეცნალობის ადრეული სისტემა შეცვალა აღიარების მონოპოლიზაციამ. ამას ხელი შეუწყო სსრკ-ში დაწყებულმა პროცესმა, რომელსაც დიპლომატიურად „გარდაქმნა“ ეწოდა.

ცნობილი შეზღუდვებისა და სახელმწიფო იდეოლოგიური დიქტატის მოხსნამ გამოიწვია ხელოვნებაში ახლის დამკვიდრების პათოსი, სიუჟეტების, სახეების, ცნებების, წარსულის გამოცილების ახალი გააზრება, შემოქმედებითი ექსპერიმენტის წყურვილი, ხატოვან-კონცეპტუალური გადაწყვეტების ძიება.

ხელოვნება სოციალოგიზაციის ახალ ტალღაზე გავიდა.

ჩვენი დრო აღინიშნება სინთეტური შემოქმედების მოვლენებით, ვანრების საზღვრების რღვევით, სხვადასხვა მხატვრული საწყისების შერწყმით, უკიდურესი ავანგარდიზმიდან ტრადიციულ აკადემიზმამდე დაბრუნების რიტმით. ასე, რომ ახლა უფრო ძნელი გახდა შეივრძინო, ვიდრე იფიქრო. გაიზარდა მხატვრული თვითგამოხატვის შესაძლებლობა, ანუ შემოქმედების თავისუფლება.

დღეს ნებისმიერი მიმართულების მხატვარს უფლება აქვს გამოფინოს თავისი ნამუშევრები. დასავლეთში მოსწიწდათ გამოფენები, ჩვენთან გამოფენების ბუქია.

გამოფენა-გაყიდვებით, აუქციონებით, ბაზრობებით ყოფილი სსრკ და ყოფილი მოკავშირე რესპუბლიკები თანდათან შედიან მსოფლიო მხატვრულ კულტურაში. გამოფენები ავლენენ ახალ სახელებს, ახალ აღმოჩენებს, ახალ იდეებს, ახალ პრობლემებს.

ხელოვნების თანამედროვე სოციალურ და კომერციულ ექსპანსიას ჩვენს დროში ახლავს ის, რომ ის აღარაა ორიგინალური და ნოვატორული. ხელოვნებათმცოდნეთა აღიარებით, „ხელოვნების შესაძლებლობებზე საყოველთაო გულბრუნება პირდაპირ პროპორციულია მისი გრძელვადიანი წარმატებისა“, „ბევრი მხატვრის შემოქმედების თავაშუებულმა კომერციალიზაციამ მიუვიფავანა მხატვრული კრიტერიუმების დონის დაქვეითებაზე“.

მხატვრების მასობრივი წახელა საზღვარგარეთ რსფსრ-ისა და ყოფილ საბჭოთა რესპუბლიკებში სამხატვრო ცხოვრების ჩვეულებრივი მოვლენა გახდა. მაგრამ ეს წახელაც არ არის უმტკივნეულო. ის ასეა დახასიათებული უფრონალ „რეკორჩესტოში“: „დასავლეთში გამოფენების მოსაწყობად რომ მიდიან, ამ მხატვრებს იმედი აქვთ, რომ დაიპოვებენ დასავლეთის სამხატვრო სამყაროს. იქ მართლაც ხედებიან მათ დიდი ინტერესით, მაგრამ ესაა ინტერესი მანამდე უცნობი ქვეყნის აბორიგენების ხელოვნებისადმი, ე. ი. ვს ინტერესი ეთნოგრაფიული ხასიათისა. იხინი ბრუნდებიან შეიძლება გამდიდრებულნი, მაგრამ ძალიან აღრეული გრძობით, უბრალოდ უკმაყოფილონი, დაცლილნი, განწყენებულნი...“ (1990, № 8, გვ. 15).

ადრე მხატვრისათვის მთავარი საფრთხე ხელისუფლების, კერძოდ სუკის მხრიდან მოდიოდა. ახლა მტერია დასავლეთის ბაზარი. ძნელია განსაზღვრო, რომელი უფრო საშიში და ძლიერია.

კულტურის რთული პერიპეტეიებისა და კრიზისული სიტუაციების ამ პირობებში მოუხდათ ხელოვნების ასპარეზზე გამოხვლა საქართველოში მოციანელებს. პარალელურად სავსე სამყაროში მათ მოიტანეს ჩვენს ხელოვნებაში შეტაფორების, გროტესკის, ისტორიასთან დიალოგის, უსაზღვრო პარამონიის, ამაღლებული ემოციურობის მოტივები, სამყაროს სტრუქტურული აღქმის ახალი მოდელები, ახალი პოეტოკა, გამრავლებული შესრულების ვირტუოზულ არტიზმიზმზე. მათ მხატვრობას დაუბრუნეს ეპიკურობა, რომანტიკული ხედვა.

ამ თაობის ერთ-ერთი ყველაზე ღირსეული და წარმოჩენილი წარმომადგენელია ვია ბუღაძე. იგი ჯერ ოროცი წლისაც არ არის, ეს ასაკი შემოქმედისა და მოაზროვნისათვის სიმწიფის ხანადაა მიჩნეული. „ჩემი თაობა ჯერ კიდევ ახალგაზრდათა რიცხვს ეკუთვნის, ამიტომ მომავალში სიანსებებს უნდა ველოდით“, — განაცხადა მან გაზეთ „ქართული ერის“ კორესპონდენტთან საუბარში. დაიბადა 1956 წლის 24 სექტემბერს, თბილისში, ექიმების ოჯახში. დამთავრა თბილისის სამხატვრო აკადემიის ფერწერის ფაკულტეტი, შემდეგ — საკავშირო სამხატვრო აკადემიის ასპირანტურა. 1981 წლიდან რეგულარულად იღებს მონაწილეობას პერსონალურ და რეტროსპექტიულ გამოფენებში, რომელთა არაერთი მოიცავს ლატვიას, ესტონეთს, პალერმოს, ბერლინს, მიუნხენს, პარიზს, კანს, პარსელმონს, ციურხის, მოსკოვს, კიოლს და, რა თქმა უნდა, თბილისს. სულ ახლახან შეეცარიაში (ბაზელში) მოაწყო სამი გამოფენა უკრაინულ და შეეცარული მხატვრებთან ერთად.

1989 წელს ბერლინში მოხატა მარტინ ლუთერ კინგის ეკლესიის თემის დაბაზი. 1990

წელს გააფორმა პარიზის წმ. ნინოს ქართული ეკლესიის კედელი... კედლის ფერწერაში დას- სია მრავალი ჩვენი ისტორიულ-რელიგიური სიმბოლიკა. 1985 წელს მიიღო პრემია წლის საუკეთესო ნამუშევრისათვის, 1990 წელს — „საფრანგეთის პრეზიდენტის პრიზი“ კანის სამ- ხატურო საერთაშორისო ინტერნაციონალურ ფესტივალზე — საუკეთესო ნაციონალური ჯგუ- ფისათვის (ჯგუფში შედიოდნენ აგრეთვე ლევან ჭოლოშიელი, ილია ჩიტაძე და ლუკა ლასარეი- შვილი). ამ ფესტივალზე ჯგუფი სრულიად შემ- თხვევით მოხვდა. მათი სონორობა ხალიების ფონდის განმკარგებლებმა შალვა თავაიშვილ- მა იკისრა. როგორც იმ დღეების პრესა იუწყე- ბოდა, დებიუტი ტრიუმფად ექცათ — ფესტი- ვალზე დაწესებული ორი გრანდ-პრიდან ერთი მათ ვრკათ. ეს იყო ქართველ მხატვართა ახა- ნი გამარჯვება. ყველაფერი მოხერხდა მისუო- ვის გვერდის ავლით. მაგრამ პრემია რუსეთის ნაციონალური ჯგუფის კუთვნილებად გამოცნ- ადდა და ოქროს მედლებიც და ფულადი ჯილ- დოც გადასცეს სსრკ მხატვართა კავშირის მდივანს ელ. გორონოვს, როგორც სამჭოთა ქვეყნის ოფიციალურ წარმომადგენელს...

კანის ფესტივალზე ვიამ წარადგინა „ქარ- თული დროშა“ და „ვახტანგ გორგასალის ბრძოლა“.

1983 წელს ხელოვნების მუშაოთა სახლში მოეწყო ვია ბუღაძის, ლევან ჭოლოშიელის, ვია გუგუშვილის, ქეთი მატაბელის, ლილა შელიას, ვახტანგ გაბელიას ნამუშევრების გამოფენა, რო- მელიც დაიწყო რიპარდ ვაგნერის მუსიკით. ვია ამ გამოფენაზე წარმოდგენილი იყო კომპოზი- ციით ვაგნერის ოპერების თემებზე. 1993 წელს, საქართველოს ხელოვნების სახელმწიფო მუზე- უმში კვლავ მოეწყო ოთხმოციანელთა ჯგუფუ- რი გამოფენა — „ათი წლის შემდეგ“, რომელ- ზეც ვია წარსდგა პანორამული ნაწარმოებით — „ინტელიციტი დანტეს მიხედვით“, თვით მხატვ- რის თქმით, „ეს არ ვახლავთ ილუსტრაცია დაწ- ტეს დიდებული შემოქმედებისა, მასში პარა- დულია გავლებული დღევანდელ ტრაგიკულ ფოფასა და დანტეს ღვთაებრივ სამყაროს შო- რის“.

ამჟე ხანებში მან, საკუთარი აღიარებით, გაიცნობიერა პოსტმოდერნისტული სიტუაციის რეალიზა და ინტენსიურად შეუდგა მუშაობას პოლიტიხების სისტემაზე, რომელიც დაიწყო მისი ერთ-ერთი ციკლიდან — „დონ ჟუანი“.

მხატვრის მრავალრიცხოვან ფერწერულ ტი- ლოებში, სერიებსა და ციკლებში იგრძობა სწრაფვა არა თვითდაპყვიდრების, არამედ თვით- სრულყოფისათვის, როგორც ის ახასიათებლათ ავანგარდისტებს.

მხატვრის მიკუთვნება რომელიმე მიმდინა- რეობისათვის რამდენადმე საკამათოა. საინტე- რესოა მარკ შაგალის აზრი ამ საკითხზე: „მიმ-

დინარეობა! ეს უმაღლ შემოქმედებითი ტენია... დიდი მხატვრები ის ოსტატები არიან, რომ- ლებიც არღვევენ მიმდინარეობათა ჩარჩოებს, მათზე მაღლა დგებიან, არ იბორკებიან მიმარ- თულებათა ნორმებითა და წესებით. მიმდინარე- თობათა ჩარჩოებში სრულად თავსდებიან მხო- ლოდ საშუალო ნიჭის ადამიანები.

მიმდინარეობა, ისე როგორც მოდა, ხელს უშლის მხატვრის ნამუშევრის სწორ, მიულ- ვომულ შეფასებას“.

მხატვარი ვია ბუღაძე მიმდინარეობის საკი- თსში მარკ შაგალის თვალსაზრისზეა: „არც ერთ მიმდინარეობას არ ვეკუთვნი. არა ვარ ავანგარდისტი, არც პრიერგარდისტი, არც მო- დერნისტი, თუმცა ჩემთვის ახლობელია XIX საუკუნის ბოლოსა და XX საუკუნის დასაწყე- ისის მოდერნისტული მიმსწრაფებები. საკუთარ თავს უფრო მეტად ადვიტვამ აპოლონური ტი- პის მხატვრად, რომანტიკოსად, ხილო თუ უფ- რო დავაკონკრეტებ — ნეორომანტიკოსად ექს- პრესიონისტული განხრით. ინტერესი ექსპრე- სიონიზმის მიმართ ჩემი თაობის დამსახურე- ბაც არის, 80-იანი წლებიდან რომ გამოვედით“.

რომანტიკული განწყობილებით აიხსნება ვიას გატაცება რიპარდ ვაგნერთი როგორც მუსიკა- ში, ისე მხატვრობაში. შემთხვევითი არაა, რომ მისი სურათების უმრავლესობაში ფერი მუსი- კალური აკორდის მძლავრ ჟღერადობას აღ- წევს.

ვია ბუღაძის თეორიულ ნააზრევი ხშირად ვხვდებით გერმანული კულტურისა და ხელ- იუნების, ფილოსოფიისა და ისტორიის ცნო- ბილ მოღვაწეთა სახელებს (გოეთე, ნიცშე, მო- ცარტი, ვაგნერი, კირნლერი, ჰომბანი, კანტი, შილერი, ფიხტე, შლეგელი და სხვა). ეს არაა შემთხვევითი: გერმანია ვია ბუღაძეს რატომ- ლაც ყველაზე მისაღებად მიანინა ქართველები- სათვის, რადგან ის „ერთადროულად ატარებს ერთეულობას წარსულიდან და სახელმწიფო- ებრიობას მომავლიდან“. ჩემი რომანტიკოსობაც, ნეორომანტიკოსობაც და ექსპრესიონიზმიც — ყველაფერი ვაერთიანებელია საქართველოსა და გერმანული კულტურის სიყვარულით, — განაცხადა მან. მისი ნატურისათვის დამახასი- თაებელი რომანტიკული ტენდენციები ყველაზე მეტად ეხმიანება გერმანული რომანტიზმის იენის სკოლის ტენდენციებს, რომელიც დაკავ- შირებულია შლეგელის, შელინგის, შილერის, პერდერის სახელებთან.

ვია მხატვრულად გააფორმა ფილმი „იავ- ნანამ რა კქმნა“; ხელმძღვანელობს ექსპერი- მენტულ ჯგუფს აკადემიაში; ლექციებს კითხუ- ლობს თეატრალურ ინსტიტუტში; აქტიურად მონაწილეობს რესპუბლიკის სამხატვრო ცხოვ- რების მდივანი. მისი ზრუნვისა და ინტერე- სების წრე მოიცავს სამხატვრო ცხოვრების

უამრავ მხარეს: გაცვლითი ხასიათის გამოფენების მოწყობა აბანოთუნის ახალგაზრდა შემოქმედთა კლუბში, კომპლექსური კვლევითი სამუშაოების ჩატარება, მხატვართა წახალისების ფორმების შემუშავება, ახალგაზრდა მხატვართა ნამუშევრების გამოფენა ქუჩაში ან კომუნარების ბაღში. ეს მშვენიერი ბაღი, — წერდა ის მხატვრის კვირეულის ერთ-ერთ საგაზეთო მიმოხილვაში, — კულტურული თვალსაზრისით აუთვისებლად მიჩვენება, მიუხედავად თავისი ხელსაყრელი მდებარეობისა“. თბილისში კერძო პრესტიჟული გალერეებისათვის რომელიმე უბნის შექმნისა და ქართული ხალხაუბების წარმოების საკითხებზე პრაქტიკული ნაბიჯებიც გადადგა.

როგორც მხატვარს, ვიას ახასიათებს სწრაფვა მონუმენტური მხატვრობისადმი, დიდი ფორმებისადმი. აქ სულ სხვა სივრცობრივ-მხატვრული პრობლემები დგება მხატვრის წინაშე. „შე დიდ ტილოებზე მივყარს მუშაობა, ისტორიული ანალოგებით დღევანდელთანთან სარაკი“, — განაცხადა მხატვარმა ერთ-ერთ ინტერვიუში.

ასე შეიქმნა სერიები, ციკლები, ილუსტრაციები დიდფორმატიანი ნამუშევრებისა დავით გურამიძეებისა და სახარების თემაზე, დანტეს დოკუმენტები კომედიის ვარიაციებიც, ციკლები „პოლონური ტრაგედიები“, „ისტუმრები“, „ქართული დროშები“, „ქართლის ცხოვრება“. ეს პანორამები მოითხოვს სპეციფიკურ სივრცეს, რაც ართულებს მათ გამოფენას ჩვენს დარბაზებში.

ფერწერული პანო „სრულიად საქართველოს კათოლიკოს-პატრიარქი ამბროსი ხელაია“ გამოიფინა თბილისის სახელმწიფო უნივერსიტეტის სააქტო დარბაზში, 1989 წლის იანვარში. ესაა ექვსი ტილოსაგან შემდგარი პლიპატინი 25 კვ. მ. ფართობით. პანოს პირველი სურათი გამოსატაკვს ჯვარცმული ქრისტეს წინაშე მუხლმოყრული კათალიკოს-პატრიარქის ღაღად; მეორე სურათზე ამბროსის ფიქრები და შრომათა წარმოდგენილი (ამბროსი რამდენიმე თეოლოგიურ თხზულებათა ავტორია); მესამე სურათში საპრობლიდნად ქალაქში მომავალი ნეტარსხენებული ამბროსის ფიგურაა გამოსახული მეტწილს ხილზე. შემდეგი სურათები ამბროსის პორტრეტს და სინათლის ტრიუმფს გამოხატავს.

რელიგიური თემა მოითხოვს „მადლად წყობას“, სერიოზულ ამბლუბულ სტილს. იკონოგრაფია ადამიანის შემოქმედების ურთულესი და უღრმესი სფეროა, არსებითად ეს ღვთისმსახურებაა. საყოველთაოდ დამტკიცებული არსული ავანგარდის დაინტერესება ხატების (რუსლინი, გონაროვა, ლარიონოვი, კანდინსკი, ტატლინი). ძირითადად კი ვია ბუღაძე რელიგიურ სიუჟეტებთან დამოკიდებულებაში ტრადიციული იკო-

ნოგრაფიდან კი არა, საკუთარი განცდიბიდან გამოდის, რაც განსაკუთრებით ნათლად გამოიხატა მხატვრის ბოლო რელიგიურ სიუჟეტში „ჯვრის ზიდავ“. აქ ტრადიციული ფორმა საკუთარი ინტერპრეტაციითაა წარმოდგენილი. ასევეა სერიაში „ათვამტი ასურელი მამები“, რომელიც 1986 წელსაა შესრულებული. ეს უფრო განზოგადებული ფერწერული სახეებია. ვია ბუღაძის როგორც მხატვრისა და მოქალაქის მხატვრული შემოქმედებითი მრწამსი, ენობრივი, ზნეობრივი და რელიგიური იდეალები, ყველაზე მეტად გამჟღავნდა „ქართლის ცხოვრების“ თემაზე შექმნილ ციკლში. თავისი სტრუქტურით ესაა რთული პოლიფონური ტილო, აღბეჭდილი სუბიექტური და ობიექტური, ინტუიციური და რაციონალური, შეგნებული და ქვეცნობიერი მომენტებით.

რახან სიტყვა „ქვეცნობიერზე“ ჩამოვარდა, ასეთი მომენტი გვინდა აღვნიშნოთ მხატვრის შემოქმედებითი ბიოგრაფიიდან, მის მიერ მოთხრობილი ერთ-ერთ საგაზეთო ინტერვიუში: ვია წარმოშობით იმერულ სოფელ ჯალაღრთიდანაა. პირველად სულ რამდენიმე წლის წინ ნახა ეს სოფელი და ვაიოცდა: „გარემო, მთები, ხევი ყოველივე ძალზე ჰგავდა იმ პეიზაჟებს, რომლებსაც შე ვხატავ, თუმცა მანამდე ჩემს სოფელში არასოდეს ვყოფილვარ. ეტყობა, არსებობს რაღაც გენეტიკური მეხსიერება“.

ჩვენს დროში საყოველთაოდ აღიარებულ აუცილებლობად იქცა ხალხების დაბრუნება საკუთარი კულტურის ძირებისაკენ, შრომობურ კულტურულ მემკვიდრეობაზე დაყრდნობა. დროდადრო ჩნდება ცდები, თანამედროვე მხატვრული კულტურის სხვადასხვა მივლენას შეხედონ არაქალ, კერძოდ, მითოლოგიურ აზროვნებასთან მათი კავშირის თვალსაზრისით. აქედან მოდის ხელოვნების ნაწარმოებების ახალი, მოულოდნელი ინტერპრეტაციები. მიმართავენ მითის, როგორც აზროვნების სპეციფიკური სტრუქტურის, სტილიზმებს.

ეროვნულ უთანხმოებათა გამწვავებისას საკუთარი სულიერი საწიხისების ძიება ვაგრცვლებული მოვლენა ხდება და აირეკლება ბევრ მხატვრულ ნაწარმოებში. ახალი აღქმის სახეები ფართო ნაკადად იჭრება თანამედროვე სამხატვრო კულტურაში.

ვია ბუღაძის მთელი მხატვრობა, ისე როგორც თეორიული შემოქმედება, დატვირთულია მემკვიდრეობის, ტრადიციის, ნოვატორობის, კულტურულ-ზნეობრივი ძიებების თემათით.

მხატვრის სწრაფვამ მხატვრობაში, სინათლენა და ფერში აბსოლუტური თვითრეალიზაციისაკენ უმაღლესი გამოხატულება ჰპოვა „ქართლის ცხოვრების“ ციკლში, რომელზეც წელიწადნახევარი იმუშავა და 1985 წელს დაასრულა. თუმცა თვლის, რომ ჯერ კიდევ არა აქვს დასრულებული.

სერია შესრულებულია რომანტიკული მანერით, მონტაჟური კომპოზიციის პრინციპით; წარსლის გაცნობიერებას, ისტორიული თემის ახალ თავისებურ ინტერპრეტაციას ქართული ლეგენდა-თქმულებები უღვევს საფუძვლად. ისტორიული დრო გადმოცემულია სიტუაციაში. ციკლი მოიცავს სურათებს: „მარტოზე“, „მელიცხოვლობის ღამე“, „სიღონის საფლავი“, „თხოთის მთა“, „ჯვრის აღმართვა“, „გორგასლის სიკვდილი“, „აბაილონის გოლოლი“, „ქართველ შეფთა ცხოვრების გენეალოგიური ხე“, „მირიანი და აბეშუა“, „მირიანი და ნანა“, „ფარნავაზის მცხეთა“, „მარაზის მსხვერვა“, „მირიანის სასახლე“, „ნათლის ღვთა“, „ჩრდილთა თეატრი“, „ციხე დიდი“, „ხარკინე“, „ბუმუს წყარო“, „სამეფო გზა“, „ქართლოსის წილი“ და სხვ. სულ 36 სურათს. თითოეული სურათის იდეა პეიზაჟური მოტივების საშუალებითაა გახსნილი. ფერს აქვს იმე როგორც ვიას ვველა ნამუშევარში, სიმბოლურ-მეტაფორული დატვირთვა აქვს და ემსახურება სიუჟეტის გახსნას.

ციკლი შესრულებულია ზეთით. მხატვარს უშუალოდ ტემპერითაც, აკერფილიაც, მაგრამ მისი საყვარელი საღებავი ზეთია. „ზეთი მაინც ზეთია, ზეთი მეფეა საღებავების“, — ამბობს მხატვარი.

ციკლის ყველა სურათში ფერი თამაშობს აქტიური სიმბოლურ როლს. ფერის საშუალებით ზუსტადაა დაფიქსირებული ბუნების მდგომარეობა, ნისლი, ნესტი, ყინვა ზუსტი ფერადი გადასვლებით. ლაიონური ფერების გამოთქმულია სივრცობრივი სიშორის ილუზია, ხატოვანი სტრუქტურის ემოციურობა, კომპოზიციური და ხატოვანი გაღმწეებები.

სილამაზისა და პარმონიის შეგრძნებით, ნატურის პოეტიზაციით გამოირჩევა ციკლის მთელი რიგი სურათები. ჩვენს წინ ცოცხლდება ძველი მცხეთა. ჯვრის აღმართვა შვის რბილი შუქითაა განათებული. მთელი ტილო, ჯვარიც, აღამაინებები ჩაღისფრითაა მოცული. „ნათლის დღეში“ შვის სხივებით განათებული ტყის დაბურული მუქი მწვანე გარემოს ფონზე წარმოდგენილია პლასტიკური ეფექტებით აღჭვლოდი ფიგურები.

ძირითადი და გარდამავალი ფერების მთელ გამაში, რომელსაც მხატვარი მიმართავს მეტაფორული აზრის გამოსახატავად, ყველაზე მეტად მაინც თვალში საცემია ოქროსფერი. „ქართლის ცხოვრებაზე“ მუშაობისას, — წერს მხატვარი, — ოქროსფერმა გამიტაცა. თამა იყო ისეთი, რომანტიკულ ნათებაში უნდა გამეკეთებინა, ამიტომ დამჭირდა ოქროსფერი.

მეტაფორა მხატვრის მეორე შინაგანი რეალობაა, წინათგრძნობაა. ქვენობიერების პლასტიკზე ლაპარაკი მას მხოლოდ მეტაფორების დახმარებით შეუძლია. მეტაფორული აზროვნების

საუკეთესო ნიმუშს წარმოადგენს სურათი „მარტოზე“. მუქ და რბილფერ ტონებში წითელ-ვარდისფერი გამოთქმულ სურათს ერთგვარი დისონანსი შეაქვს ციკლის ხაერით მათორულ განწყობილებაში. მიუვალ მთაზე მდგარი მარტოზე ქმნის ამავე, მაგრამ ტრავიკულ განწყობილებას.

მარტოის თემა ქართულ პოეზიაში გიორგი ლეონიძემ და ქართულ ფოტოხელოვნებაში — გურამ თიკანაძემ დაამკვიდრეს. ბატონმა გამამხატვრის ენაზე ამეტყველა ეს თემა და მისცა მას ისტორიული ქვრადობა.

მთელ რივ სურათებში მთოლოგიური ხასიათი გაძლიერებულია აღამაინთა ფიგურებით. მხატვარმა როგორღაც შენიშნა, რომ ის ნიმუშები, რომლებზეც რაღაც არსება გამოხასხული, ღრთა განმავლობაში ჩემთვის სხვა შინაარსებს იძენს, ხოლო ნონფიგურაციული, აბსტრაქტული კარგავს ამ შნიშვნელობას. „ქართლის ცხოვრების“ ციკლის თითქმის ყველა სურათზე რაღაც არსება კი არა, თვითონ აღამაინთა გამოხასხული. ამასთან ვე აღამაინებთ უმთავრესად ისტორიული პიროვნებები არიან, რომლებიც მხატვარმა წარმოადგინა საკუთარი ხედვით და პლასტიკური სისტემით.

სურათში „ფარნავაზის ნადირობა“ სცენის სიღრმისეულ გამოსახვაში ვიჭრებით წინა პლანიდან. მოქმედება გომოსახულია ტყეში, ტყის ფონი გაყოფილია ორ ნაწილად, რაც ადვილებს გზის შუა ნაწილის აღქმას. ამ გზის მიმართულებით იხასხება შორეული პლანი, შთამბეჭდავად და რეალურადაა წარმოდგენილი ტყის ფაქტურა, რაზეც მიგვანიშნებს ხის გულმოდენი დამუშავება — ტყის პეიზაჟის ცალკეული ელემენტები წარმოდგენილია ცოცხლად, თითქოს ხელშეხსებად. ტყის ფაქტურა მთლიანობაში აღიქმება საერთო ფონად, რაც შეესატყვისება თემის ხათურს.

მეფე ფარნავაზი მოწითალო მოსახსამით ზურგშექცევიტ დგას. მოსახსამის მოწითალო ფერი ორ ფერად აირეკლება. განსაკუთრებით მკვეთრად აღიქმება ხელი. ფიგურულ გამოსახვაში მოიასამინფერო, მოწითალო, მორუხო და მოიისფრო ფერების შეხამება მაქსიმალური ეფექტურობის მიღწევას ემსახურება. ანატომიური თვალსაზრისით ფიგურა პროპორციულია, შესრულებულია თავისუფალი ხელწერით. ურთიერთშეპირისპირებულია მოციხფრო, მორუხო, მოწითალო, მოყვითალო ფერები. განსაკუთრებით მკვეთრადაა წარმონედილი მუქი ყოთელი და მუქი შავი ფერი, რომლებიც ერთმანეთს ეღება კონტრასტულად, მაგრამ მათში გამოსწვივის მოთეთრო, მოყვითალო, მორუხო ფერები, როგორც ღია ფერები, რომლებიც წარმოსახულია უკანა პლანის ფონად.

ციკლის ყველა სურათში უფროსწვივის მთავარის გამორჩევის და მისი გეორ რელიეფუ-

რად ჩვენების უნარი. ზოგჯერ მხატვარი ამას აღწევს ორიოდ შტრიხით და ხაზით — ეს მისი ფერწერის მანერის ძირითადი თვისებაა. ფარნაოზის ნაღირობის სცენაში ასეთ შტრიხად გვევლინება მეფის ხელი, რომელიც საგანგებოდ და მაღალი ოსტატობითაა დამუშავებული.

ფარნაოზისადმი მიძღვნილი მეორე სურათი „ფარნაოზის მცხეთა“ მიუკავშირებს ქართლის ხისა და მცხეთოსის პრინციპთა შეერთებაზე, რაც სიმბოლურად გამოხატულია ორი ურთიერთდაამკვეთი ცისარტყელით.

ქართლში წარმართული პანთეონის ნგრევის ისტორიულ ფაქტზეა აგებული სურათი „არმაზის მსხრევა“. აქ ნატურის მთლიან აღქმას ემსახურება სინათლისა და ფერების ურთიერთობათა ზუსტი გადმოცემა. ძველი კერპების მსხრევის სიმბოლოებადაა გააზრებული ჩამოქუფრული ცა, ქარისაგან გადახრილი ხეები, შუქა-ქუხილი, გაფანტული ფოთლები.

„არმაზის ციხეში“ იგივე მოტივია განვითარებული. კლდის ფონი მეგრეთ, ფართო ლაქებით აღიქმება ახლოდან დანახვად. ფაქტურის რიტმულ მოძრაობაში დიდ როლს ასრულებს ორად გაყოფილი კედელი და გუმბათოვანი ტაძრის სამრეკლო, რაც გზის ფონად აღიქმება. აქ ერთიანი შორეული ფერთა ტონალობა ბატონობს, რომელშიც სუფევს მოშფავრო, მოშავო, ყავისფერი, შინდისფერი, სტაფილოსფერი გადასული მოწითალო. სურათის მარჯვენა კუთხე აღინიშნება თეთრი და ღია ტონალობით. ჩნდება შვერძება, რომ მხოლოდ კლდის ფონის ფრაგმენტია გამოსახული. სურათის მთლიანი შინაარსი გადმოცემულია მეტაფორულად — ფერების მეშვეობით. სურათში მნიშვნელოვანი დეტალია ნანგრევები ქვების სახით. გულმოდგინედაა დამუშავებული ფერების მეშვეობით კლდის ფაქტურა და ქვების ფორმა. მთლიანობაში ტილო არის სადა ფაქტურით შესრულებული.

ქართველთა განმანათლებელ მირიან მეფეზე „ქართლის ცხოვრება“ გვაუწყებს: „აღიზარდა მირიან მსახურებაში შეიღდა მათ კერპთა და აგრეთვე ცეცხლისასა“, ე. ი. მირიანი ორ რჯულს მსახურებდა: სპარსთა სჯულს — ცეცხლისმსახურებას და ქართველთა რჯულს — კერპთმსახურებას, ვიდრე არ მოიქცა სასწაულოთ „ოვლისა ქართლისა წმინდისა და ნეტარისა დედისა ჩვენისა ნინო მოციქულის მიერ“.

„ქართლის ცხოვრების“ ციკლში მირიან მეფეს რამდენიმე სურათი აქვს მიძღვნილი. „მირიანის დაბრუნება“ ასახავს თხოვის მოთხე ნადირობიდან დაბრუნებულ მეფეს, რომელსაც გზა აებნა და სასწაულებრივად გადარჩენილი იღებს გადაწყვეტილებას იწამოს მაცხოვარი. ის დაქურდებს მის წინ გაშლილ ქალაქს და ხელაქვს მას განათებულს, განწმენდის, რომლის

სიმბოლოც თეთრი ფერია — სიკეთის, სივარულის და სულიერების სიმბოლო.

სურათის „მირიანის სახალგა“ შინაარსობრივი მხარის გადმოსაცემად გამოყენებულია ფარდის დრაპირების პრინციპი ხაზოვანი და ტალღოვანი იერით. სასურათო სინტაქსზე ვეზადეთ მოქმედ პირებს, რომლებიც ზურგმოქცევივით დგანან ჩვენთან. უკანა პლანი მიკვითეთებს სივრცეზე. სასახლე გაშლილია ამ სივრცეში. ნახატის საერთო კომპოზიციურ ქსოვილში განლაგების სტილით ორგანულადაა ჩასმული ვევილი, ფოთლები, ფარდის ნაოჭები. სივრცობრივად სკენის რაღაც ნაწილი გამოხატულია შემჭიდროებული სახით, რაც მიკვითეთებს განაწილების გულდასმით შესრულებაზე სასურათო არეში.

სურათი რაღაც სცენური მოქმედების იერს ატარებს. მაყურებლისაგან ზურგმოქცეული ქალთა მწერით დგას ოვალური ფორმის ამაღლებაზე. ეს ღებალი მთელ სურათს ანიჭებს დრამატულ-ლირიულ ეფერადობას. მთლიანობა მიღწეულია ფერადოვნებით, ჩამხლებულ ფერთა შებინძირებით ღია ფერთა ხელში. რაღაც იღუმალი და უწყველო იგრძნობა ბურუსში გახვეული, თითქოს მარამშის ფარდაჩამოფარებული დარბაზის მკრთალი ხილუტების მიღმა.

ყურადღებას იქცევს ინტერიერის გამოსახვა კომპოზიციური ჩარჩოებით.

ღინამიკით გამოირჩევა მრავალფეროვანი კომპოზიცია „მირიანის და ნანა“. სურათი წარმოადგენილია არმაზის პეიზაჟის ფონზე. კომპოზიციის ფერადოვან წყობაში ვეწაზე მკვერად აღიქმება სამეფო სამოსის მეწამული ფერი, რომელიც ქმნის სანახაობრივ-გამომსახველობის მთავარ ეფექტს. კომპოზიცია გამოირჩევა ფერთი ტონალობისა და გამოსახვის განსხვავებული მანერით. ცენტრში მირიანისა და ნანას ფიგურები. დედოფლის მხეგალი ვარდების თაიგულით ხელში მთელ სურათს ანიჭებს ზემომურობის ელფერს. ფონის წინა პლანზე გამოხატული ფიგურები ორ ან ოთხ მოქმედ პირად აღიქმება. უკანა პლანზე გამოხატული შენობა აღიქმება ციხედ. ორივე მხარე იძლევა ხეზუნქოვანი საფარის აღქმას ორი ფერის მონაცვლეობით. მარცხენა მხარეს ფოთლოვანი ხის გაშლილი ტოტების ფაქტურას შემოაქვს სურათში რაღაც ჩამაფიტრებელი, ფსიქოლოგიური განწყობის სფეროდან. მოქმედი პირები გამოხატული არიან სახის სერიოზული გამოხატულებით და შეჩერებულნი რაღაცის მიმართ.

მოქმედება იშლება წინა პლანზე მირიანისა და ნანას ფიგურათა სახით. აქ ისტორიული მოტივია აღბეჭდილი. უკანა პლანი გამოხატულია როგორც მეორეხარისხოვანი, მაგრამ მაინც გულმოდგინედ შესრულებული დეტალი, რაზეც მიუკავშირებს ფიგურების შენობების თით-

ქოს ახლოდან დანახული მეორე პლანი. შენობა შენსრულებულია ზოგადად ღია ტონალობით, მოწითალო ფერის სახურავით, რასაც ესადაგება ცის პლანის თეთრი-მორუხო ფერები, რომლებიც ვადაჩარავს შენობებს და კონტრასტულ ფერებთან ერთად მთელ ტილოსაც.

კომპოზიციაში ვერადღებებს იქცევის დანოქილი ქალის, მის წინაშე ხელაღპრობილი ქალის და ორი მამაკაცის ფიგურები. აქ რაღაც ღრმა ჩანაფიქრი გამოსჭვივის. დანოქილი ქალის ჩაცმულობის მკვეთრი მწვანე-მონაცრისფერო ტონალობა თითქოს მინდვრიდანაა ვადმოფენილი. მეორე ფიგურის ჩაცმულობის მოწითალო ფერადღებება ესადაგება მამაკაცის ჩაცმულობის წითელ ფერს. მათი მშვიდი გამომეტყველება და შესტიკულაცია გააზრებული იდეით ერწყმის ერთმანეთს.

კომპოზიციაში ღირიული ბუნება შუაქვს ვევილოვან წერტილებს მსხვილ ლაქებად.

კომპოზიციაში სამეფო ჩაცმულობის კეთილშობილ მეწამულ ფერებთან მეზობლობეს წითელი, მომწვანო-მორუხო, მოთეთრო, ღია ტონალობის ფერები და ვეკლანი ერთად და თითოეული ცალკე ქმნის ფაქტურის რიტმულ მოძრაობას და გამომსახველობის ვეჯეტურობას.

მომენტის დრამატულობას აძლიერებს მუქი მოღურჯო-მონაცრისფერო გამაში შესრულებული აბეშურას ფიგურა.

რომანტიკული მანერითაა ვადაწვევტილი ფართო ემოციური დიაპაზონის ტილო „ნათლის ღება“. ესაა დაბრისპირება სინათლისა და სინელებისა. წინა პლანი სინათლეა. სუფთა წვალე სინათლის ჭკვალად აღიქმება. აქ ფილოსოფიური ჩანაფიქრია, ღრმად შეტაფირულ-სიმბოლური ელერადობით. სინათლის ჭკვლი, ავტორის ჩანაფიქრით, სიმბოლია სამშობლოს წვალ-სიერციხა, რომელსაც მინიჭებული აქვს ადამიანის არსზე ფიქრის უნარი. სურათი შიგნიდან ასხივებს ფერსა და სინათლებს.

ციკლის ერთ-ერთი შთამბეჭდავი კომპოზიციაა „სიღონიას საფლავი“. კომპოზიციაზე თვით საფლავი არ ჩანს (გადმოცემის მიხედვით, მისი ადგილსამყოფელი უცნობია და თვით წმინდა ნინო ამაოდ შეეცადა მიეკვლია მისთვის). მხატვრის ფუნქცია ტილოზე აღბეჭდა შემოღობის თვის სამთავროს პეიზაჟები, ვოფთი დეტალები, საყოფაცხოვრებო საგნები, კერამიკული ნივთები, ადამიანთა დინამიური ფიგურები, ვანერული ეპიზოდები, შესრულებული მუქი და ღია ფერების გრადაციული სვლით, რკალური სამყაროს ვოველდობობა, რომელიც არ ემორჩილება დროსა და სიერცეს. აქაც კომპოზიციის ერთ-ერთი ძირითადი საწყისი ფერია, ფერადღებანი ნიუანსები, რომლებიც ქმნის ფორმათა სკულპტურულობას, საზოთა მოუსვენარ დინებას, შტრხის ექსპრესიულობას.

მთავარი მთელ ამ კომპოზიციაში მსხმოიარე

ხეა, რომელიც წარმოადგენს ახალი აზრის, იდეის აღმოცენების სიმბოლოს.

„ქართლის ცხოვრება“ მუნეი ცნობები შემოვიხანხა III საუკუნის ქართლის მეფეზე — რვე მართალზე: „თუცა წარმართი იყო, მაგრამ მოწვეულ და მამწე ვოველია გაპირებულთა, რამეთუ ცოტა რამ სმუნოდა სახარებიდან უფლისა ჩვენისა იესო ქრისტესი და ქმინდა სიყვარული ქრისტესი“. რვე მართალმა აკრძალა ყრმების მსხვერპლად შეწირვა კერპებისათვის და ცხვრისა და ძროხის შეწირვა დააწება.

ვიამ რვე მართალი წარმოადგინა მეცნიერის, ჭეშმარიტების მველევარის სახით. მართლშეუთო განათებულ დარბაზში რვე მართალი ხელში მონეული თუ რაღაც ნივთით ვევაონებს სამყაროს შეცნობით გატაცებულ ექიმ ფაუსტს თავისი აღქმიმეური იარაღებით ხელში.

ციკლის ვეკლა სურათი საქმაოდ დიდი მოცულობისაა. „ჯერ ერთი, მე მინდა მასშტაბური თემბა შესაბამისად მოვეტებო მასშტაბური ფორმა, მეორეც, ძალიან ბანალურია, მაგრამ ფაქტია: ხადაც კი ვმუშაობ, მაქვს მცირე ფართობი: პატარა ოთახი, პატარა სახელოსნო, ნაკლები სიერცე და სინათლე. ამის კომპენსაციას ნაშრობში ვახდენ“ — ასეთია მხატვრის ახსნა კითხვაზე: — რატომ ირჩევთ დიდ ტილოებს?

„ქართლის ცხოვრების“ ციკლი, დაწვეული ლეგენდარული პერიოდებიდან, შესრულებულია სტილური, სიუჟეტური დაშლის მეთოდით. ვეკლა მოქმედ პირს თავისი პერსონალური თემა აქვს. ვოველი სიუჟეტის ვადმოცემისას იცვლება ლაიფმოტივი როგორც ვაშოსახვის საშუალება, იმის მიხედვით, თუ რომელ პერიოდს ეხება — წარმართულ, თარგამოსულ პერიოდებს თუ მირიანისა და ნანას ხანას. სურათებში წარმართულ ეპოქაზე კონკრული, ცენტრალური წერის მანერითაა შესრულებული, ადრეული ქრისტიანული ხანისა — სინათლის თბილი ტონალობით. მაგრამ ორივე შემთხვევაში სურათის ემოციური ელერადობის საფუძველთა საფუძველი ფერია. კოლორიტის განსაკუთრებული ელევანტურობა და კეთილშობილება, კომპოზიციის ერთიანობა მიღწეულია ძირითადი ფერების უნარიანი შერჩევითა და განაწილებით. ამასთან ფერის პარტიტურა მუდამ შესტადაა ვათვლილი და მნიშვნელოვან როლს თამაშობს ტექსტის ორგანიზაციაში.

ასეა მხატვრის ვეკლა ქმნილებაში ფერის როლი და ეს არც არის შემთხვევითი — ვია ბუღამე აქტიურად მუშაობს ფერთა თეორიის საკითხებზე. მის სამხატვრო მიეროკოსმოსისა და თეორიულ ნაზრევში ფერი ფლობს ერთიან დინამიურ ბუნებას, განუზომად ზრდის მხატვრული ხედვის შესაძლებლობებს და გვევლინება როგორც მხატვრის სულის აღსარება.

ქართული ხელოვნება მდიდარია მხატვრებით,



ხელოვნებათმცოდნეებით, მაგრამ, რა დასაძალია, ღარიბია ხელოვნების თეორიის საკითხებზე მომუშავე მხატვრებით, მხატვარ-მკვლევარებით. ვია ბუღაძე თანამედროვე ქართულ სინამდვილეში ერთგვარად ავსებს ამ სამუშაო ხარვეზს და გვევლინება დავით კაკაბაძისა და სერგო ქობულაძის ღირსეულ შემეცნებლებად. მისი სტატიები ხელოვნების თეორიისა და პრაქტიკის საკითხებზე ხშირად იბეჭდება რუსულბოციის ჟურნალ-გაზეთებში. სულ ახლახან აღისტამა მისი თეორიული სტატიების არასრული კრებული.

მხატვარ ვია ბუღაძის ნაშრომი „რამდენიმე მოსახრება გოეთს“ ფერთა თეორიისა „პრაქტიკული გამოყენებისათვის მხატვრობაში“ ეძღვნება გოეთს ფერთა თეორიის განხილვას. ავტორის თავმდაბლური განცხადებით, რომელიც მოგვიანებით გაკეთდა, ეს იყო „ამ თეორიის კონცეპტუალური აპარატურის გამოყენების, მისი ერთგვარი მოხელთების მოკრძალებული სურვილი“.

ეს მოკრძალება იგრძნობა წინათქმაც: „გოეთს ფერთა თეორია ყოველ კონკრეტულ შემთხვევაში ცალკეულ მკვლევართა ერთგვარ ავტორისებულ ჩარევებსაც ითვალისწინებს და დასაშვებ ხდის ინდივიდუალურ ინტერპრეტაციებსაც. ამიტომაც ჩვენ თავს უფლებას მივცემთ ჩვენეული სისტემით წარმართით ფერთა შემეცნების ინტერპრეტირება“.

ნაშრომი შეიცავს არა მარტო გოეთს ფერთა თეორიის შესახებ მსჯელობას, არამედ მწერლის საერთო სახაროვნო მოტივების გარკვევისა და მათში ჩაღრმავების ცდასაც. ავტორის მიზანი, უფრო სწორად — სურვილია: „შემოღობიდაგვარად შევიშოთ ფერთი შემეცნების ისეთი სახაროვნო სისტემა, რომელიც შემოქმეის ხელს შეუწყობს მხატვრულ-ფერწერული პროცესის წარმართვაში, ამავე დროს დაეხმარება იმ პრობლემების გადაჭრაში, რომლებიც მის წინაშე ეგზომ გართულებულმა, ოპტიკის ზერხით მოპოებულმა ფერთმა გამოცდილებამ დააბეჯა“.

ფერთ აღქმას მხატვარი ვ. ბუღაძე განიხილავს როგორც ადამიანის შინაგანი ცხოვრების ზუსტ გამოხატულებას, ამიტომ ვფელა ეპოქას ფერი თავისებურად ესმოდა.

ფერთა შესახებ გოეთს მოძღვრების უდიდეს დამსახურებად მხატვარი თვლის იმას, რომ მაქსიმალურ ავტონომიურობას ფერმა ამ მოძღვრებაში მიაღწია ისე, რომ არ დაუკარგავს ხილრისეული ტრადიციული მნიშვნელობა. ამ თეორიამ ახალი სამყარო შექმნა ფერთა მეტყველებაში — პირველმა გახადა მსჯელობის საგნად და დასაბუთა თბილი და ცივი ფერების არსებობა; მან ფერს მისცა მორალური დატვირთვა და ამით განსაზღვრა მისი მნიშვნელობა — ურთიერთდამოკიდებულებანი ფერებს ბა-

ღებენ არა კონტრასტის მხრივ, არამედ მეტამორფოზის საშუალებით ერთმანეთში გარდაქმნიებიან და ამით ერთმანეთს ქმნიან. და ბოლოს, გოეთს თეორია ძირითადად გამომდინარეობს ადამიანის შემოქმედებიდან, როგორც ყოველი მოვლენის საფუძვლიდან; ადამიანისა და საგნის კვლევაში მის შუაქვს ადამიანური, შვინიერი ელემენტი, ანიჭებს არა ფერს ემოციის შინაარსობრივი ვახსნის, ღრმატული მომენტის შექმნის უნარს. ერთი სიტყვით, ვ. ბუღაძემ თავის შესანიშნავ სტატია-ნარკვევში თვალნათლივ წარმოაჩინა გოეთს ფერთა თეორიის მიზანი, აღწერა ამ თეორიის ძირითადი ხასიათი და, რაც მთავარია, მისი პრაქტიკული გამოყენების საშუალებანიც დასაზა „გოეთს ახროვნების მეოთდის სამყაროში მცირე ექსკურსის“ შეღებად.

გოეთს თეორიის მიხედვით მხატვარი — მკვლევარი ვ. ბუღაძე ავალიბებს შკალას, რომელზეც თვალნათლივ ჩანს ფერთა მეტამორფოზირების, ერთმანეთად ქცევის, გარდაქმნის და ერთმანეთის დაბადების უნარი.

ათვლის ძირითად წერტილად ამ შკალაზე გამოყენებულია აბსოლუტური სიბნელე — შავი ფერი, რომელშიც იწყება მოძრაობა სინათლისაკენ — თეორისაკენ, არა გადაივების, არამედ მისი გაცოცხლებული მგრძობილობის მეშვეობით. ვ. ბუღაძის მიერ ჩამოყალიბებულ წრიულ შკალაზე შავში დაბადებას იწყებს კონკრეტული ფერი — ოღნავ მომენლისფერო მუქი ლურჯი, რომელიც თავის თავში სინათლეს ეძებს, მაგრამ მასში, როგორც ჟღერად ფერში, შემოიპარება სინათლესთან ვეღლაზე ახლო მდგომი ფერადივნება — ვითოელი, რომელიც ლურჯთან ქმნის მომწვანო ფერადივნებას.

შევაწე პლიერი ფერია, მისიწრაფის ყოვლისმომცველობისაკენ, პირველ რიგში კვლავ სინათლისაკენ, და გადაიჭრება სუფთა ვითოელში. ვითოელი თითქმის თეთრში გადადის და თეთრის სინათლეში განხავდება, თუმცა ეძებს ძალეებს საკუთარი შკობის შესანარჩუნებლად და მკვიდრდება თავის ხილრეში; ტონალობით მუქიქმის მიდის, ფერადივნებით — თავის გულში მოიძიებს წითელს და ხდება ნარინჯისფერი.

ნარინჯისფერი ცდილობს მაქსიმალურად გაიშალოს და ვიღებთ წითელს, პლიერ, განშლად ფერს, გარემოში, განფანტვის შედეგად წითელი კარგავს სხივისონობას, მაგრამ ხდება უფრო მკერძი და თავის ხილრეში თანდათან იღებს მოიისფერო ძოწისფერს, შემდეგ კვლავ უბარუნდება სიშუქებს — სიბნელის ამოსავალ საყრდენს: ძოწისფერ-მუწამული კიდეც უფრო მეტად ხდება მომენლისფერო წითელი და ამით ჩაქმება შავში.

ამრიგად, „ამ შკალის მიხედვით ფერებს შესწევთ უნარი არა მარტო ერთმანეთი გამოიწვიონ, არამედ ყოველ აუცილებელ შემთხვევა-

ში გამოიკვალონ კიდეც, გასწიონ ერთმანეთის მაგივრობაც გარკვეულ ფერადოვან სიტუაცი-
აში, იმ მდგომარეობიდან გამომდინარე, სადაც
ღვას შკალაში ფერი და რა მონათესავე ფერა-
დოვნებები აქვს სინათლესთან ან სიბნელესთან
მიმართებაში“.

ამასთან აქ საქმე ვეაქვს არა ცნობილ ნახე-
ვარტონთან, არამედ გამოუცნობ „ნახევარფე-
რებთან“.

ავტორის კომენტარებიდან ჩანს, რომ ის
კვლავ აპირებს ამ საკითხს დაუბრუნდეს, რად-
გან მიხთვის ჩვეული უკმარისობის გრძობით
ხედავს, რომ ამ შკალაზე ვეკლაფერი დაღვენი-
ლი არ არის და ფერთა მეტყველებების იხეთი
რთული საკითხები, როგორცაა ტონი, ქლერა-
დობა, გამა, ცალკე მსჯელობისა და განხილვის
საგანს წარმოადგენს.

ერთი რამ მაინც ნათელი ხდება: „ადამიანის
თვალი თავის ემოციურ ბუნებასთან ერთად ახ-
ერნებს ჩასწვდეს ფერთა მეტყველებას, ფერთა
სიცოცხლით ხავე მეტამორფოზის უნარს“;
„სხვადასხვა ფერთა ერთნაირი ხერხით გამო-
ყენება არ შეიძლება“.

ფერთა საიდუმლოს და მათზე დაკვირვებას
მხატვარი-მკვლევარი შეჰყავს ჩვენი არსებობის
ველაზე იდუმალ სამყაროში. ფერთა კვლევა
მას წარმოუდგენია მთელი ცხოვრების აზრად
და დანიშნულებადაც კი და დარწმუნებულია,
რომ ვოველ მომენტშია შესაძლებელი ახალი
შტრიხის შემატოს მხატვრის გამოცდილებას
ფერთა მეტყველების კვლევის პროცესში. მაგა-
ლითადად, ტიციან ვენცილის „წმინდა სებასტი-
ანზე“ ფერწერულ ნიუანსირებაზე დაკვირვები-
სა გ. ბულაძემ, მისდა ვასოცრად, აღმოაჩინა
ურთულესი და ულამაზესი ტექნიკურ-ტექნო-
ლოგიური ხერხით გამოხატვა სინათლის ერთ-
გვარი ჩაქრობისა შუქის საშუალებით და და-
იხის სიწიფისა.

ორი ფერის — წითელისა და ლურჯის არსი-
სა და არსების გარკვევას მიუძღვნა მხატვარმა
ნარკვევი „რამდენიმე სიტყვა ფერთა შესახებ“.

წითელი ფერის მითოლოგიზირება საოველ-
თაოდ ცნობილია. გ. ბულაძის დაკვირვებით, წი-
თელი წარმოადგენს ნათელის გამოჟონავს ბნელ-
ში, წითელს ქმნის სიბნელის მიღმიდან გამოღ-
წეული სინათლე, ე. ი. წითელი თვით არის
სინათლე — სიბნელის დაძლევის შედეგად ხილ-
რმიდან გამოღწეული ფერადოვანი ქლერადობა,
რომელიც სინათლისმიერი ძლიერი ტონალური
განცლით აველნს შესაძლებლობის მაქსიმუმს.
„წითელი ფერი — სინათლის დრამატული თავ-
გადასავალია სიბნელიდან თავის დაღწევის პე-
რიპეტივებსა და ჭიდილში“.

წითელი ფერი თავისი სინათლისმიერობით
სიზმრის სპეციფიკისა და შედგენილობის ფე-
რია: როგორც „სიხშიარი გამოკრთის თავისი

სახე-ნატეებით ღრმა ძილის სიბნელის მიღმი-
დან, ასევე წითელი გამოკრთება სიბნელიდან“.

წითელი ფერს უფვარი საზღვარი, შემოსაზღვ-
რა, თავისი შესაძლებლობების მაქსიმუმს შემო-
საზღვრის პათოსში ამქავენებს. მას უფვარს
განსვლაც, მაგრამ დადგენილი საზღვრების ფარ-
გლებში, ის ვერ გუვოს სივრცის ილუზორუ-
ლობას და „ყოველივეს, რაც ჩვენს თვალწინაა,
პერსპექტივის კანონებით თავის ჭკუაზე ანაწი-
ლებს“. თავისი დასრულებულობით წითელი ფე-
რი შედარებულია ანტიკურ სკულპტურასთან,
სადაც „ყოველივე თავის არსშია თავმოკრი-
ლი“, ანტიკურ ქალაქ-პოლისთან, როგორც
„მკაცრი საზღვრების ფარგლებში არსებულ
თვითდასრულებულ პოლიტიკურ სუბიექტთან“.

ის, რომ საბჭოთა კავშირი თავის ძირითად
ფერად სწორედ წითელ ფერს აღიარებდა, გ.
ბულაძეს მიანიჩა ამ ფერის ერთ-ერთი განსა-
კუთრებული ასპექტის გამოხატულებად.

სივრცეში განვრცობილი დროის ცნების გა-
ჩენის შემდეგ სივრცე გახდა პერსპექტიულად
ხილრმიბრვი. საგნებს შორის შექმნილი მან-
ძილი უფრო დიდი მნიშვნელობის აღმოჩნდა,
ვიდრე თვით საგნები, რაც მათი მნიშვნელობის
დაკარგვის ტოლფასია. ამის გამო წითელი ფე-
რი ნელ-ნელა თმობს თავის განმსაზღვრელ
მნიშვნელობებს და ადგილს აქტიურად იკავებს
სივრცისა და სიშორე-მანძილის, განსვრებისა
და მარტობის ფერი — ლურჯი ფერი ცისფე-
რი ელფერი. ლურჯი ფერი, ლეონარდის მიხ-
ედვით, სინათლეს, რომელმაც გაივლავ სიბნე-
ლის წინ, ე. ი. სინათლის მიღმა გამოშხირალი
ბნელი მიიჩანს როგორც ლურჯი.

გ. ბულაძისათვის ლურჯი დაშორების ფე-
რია, საზღვრების წაშლის, უსაზღვრობის ფე-
რია. ამ მხრივ ის სრული ანტიპოლია წითელი
ფერისა. წითელი მარადიული იდეების საზღვ-
რის ფერია, ლურჯი ფერი შლის ამ საზღვრებს.

ლურჯი ფერი სინათლის სწრაფვავა გაქრობი-
საკენ, „სინათლის მსხვერპლგაღების სენტიმენ-
ტალური თავგადასავალია წარმატალში მარადი-
ულის დამკვიდრებისათვის“, ადამიანის დამოკი-
დებულების გამოხატველია აბსოლუტის მი-
მართ.

წითელი სინათლეს შინაგანად ატარებს,
ლურჯი თვით საჭიროებს სინათლეს, იგი შთან-
თქავს სინათლეს, — აღნიშნავს მხატვარი.

ფერების სიმბოლიკასა და სიცოცხლისუნარი-
ანობაზე, მათი შინაგანი ცხოვრების კანონზო-
მიერებასა და პრინციპებზე, ძველ რელიგიურ
წარმოდგენებსა და კოსმოგონურ მნიშვნელობე-
ბზე დაკვირვების საფუძველზე შექმნა მხატვ-
რის ნარკვევი „დროშა და მისი ფერი“. მხატ-
ვარი-მკვლევარი უპირველეს ყოვლისა არკვევს
მნიშვნელობებს, რომლებიც ფერს შეიძლება
ქონდეს დროშის სიმბრტევე. კონკრეტულად
განიხილავს თავისუფალი საქართველოს პარ-

ლაშენის მიერ 1918 წელს მიღებულ დროშას, როგორც „დიდი ბრძოლებისა და ტანჯვის — თითქმის წამებულის სიმბოლოს“.

გ. ბულაძის კომპეტენტური განცხადებით, ის თავისი ფერადონებით (და არა ლაქათა კომპოზიციური განლაგებით) უპირველესი და უღრმესი ქართული კომპოზიციის ფერადონი ინტერპრეტაცია გახლავთ“.

ეს დროშა აგებულია პირიზონტალური ორიენტაციის ფერადონ პრინციპზე. მხატვარი გამოიყენა რამდენიმე მონაზრებას ფერთა შინაგან მაგიურ ურთიერთობაზე დროშის ფერთა კომპოზიციურ წყობაში მათი ლოგიკური განვითარება-შეღებარების თვალსაზრისით. იწუნებს იმას, რომ შავი ამ დროშაზე აყვანილია სიმბოლური უმაღლესი არეში და თრუნავს თორს — ფაქტიურად სულიერებასა და მომავალს. გერმანიის დღევანდელი დროშაც ზემო არეში შავით იფარება, მაგრამ იქ სულ სხვა ელვრადობის ბეგრება შავის გვერდით, რომლებიც განასახიერებენ კონიერებასა და სიყვარულს და დროშა მთლიანობაში აღიქმება ფერთა განვითარების გოეთესუელი სისტემის რეალურ ვარიანტად.

იხილავს რა საქართველოს საბჭოთა სოციალისტური რესპუბლიკის დროშას, მის ფერთა წყობას და ურთიერთდაკავშირებას, ვინა ბულაძე აცხადებს, რომ ეს დროშა თავისი ფერადონების მნიშვნელობით სიკვდილისა და დეგრადაციის სიმბოლოა და „მშვენიერად ავლენს ველაფერს, რაც საქართველოს მისი ფრიალის ქვეშ თავს გადახდა“.

ქართულ დროშებს შორის მხატვრულ-ფერადონი და კომპოზიციური თვალსაზრისით ვინა ბულაძე ვეკლავს მეტად იწინებს ვ. წ. გორგასლიანი დროშის შემორჩენილ ვარიანტს, რომელიც „ვეკლავს ირთი თვალსაზრისით გამართლებული დროშა და მხატვრული-დღერო თვალსაზრისითაც ძალზე თანამედროვედ ედურს“. ეს დროშა, გ. ბულაძის აზრით, გამოხატავს გორგასლიანულ იმპულსს, რაზეც ლაპარაკია უქართლის ცხოვრებაში“.

„იონვექცია-91“-ის საგაომოფენო დარბაზებში, რომელსაც სხვაგვარად „ახალ ვალერასაც“ უწოდებენ, ვინა პირველად წარმოადგინა ვრცელი სერია ქართული დროშების მოტივებით. სერია შეიცავს უამრავ კონტექსტს.

გ. ბულაძის თითქმის ვეკლავს ნაშრომი შეიცავს მსჯელობას ხელოვნების არსისა და რაობის საკითხებზე. ხელოვნება, მისი ღრმა რწმენით, არაა შეცნობადი სამყარო, „ესაა სამყარო შინაგანად განცილისა, განშლისა და მასში ვანიფთუნისა. ხელოვნება თავისთავადი ხელის თავისუფალი არსებობაა. ესაა სული მომცველი და მოსმეველი, სივრცობრივი და ღრითი, ამავედროულად ურთიერთნაცვლებული სივრცე და ღრო — ღრო სივრცეში და სივრცე დროში. ეს

თავისუფლების ხელაა. მისი მატერიალური მხოლოდ ესოტეკური ცნობიერება“.

გ. ბულაძის მხატვრობა რთული აღსაქმელია, მას დიდხანს უნდა უყურო, ასევე უნდა ჩაუღრმავდე მის თეორიულ ნაზრევს — რადგან ის კიდევ უფრო რთულია აღსაქმელად.

ხელოვნების ნაწარმოებში, ესოტეკური ცნობიერებაში თავს იყრის ფოვეკურ, რაც აბსტრაქციონალიზმს ცხოვრებისეული განცდილებიდან და გამოცდილებიდან. და ამიტომ ხელოვნება — იქს მუღმივი გოცების სისხარულია ქვეშარტების განცხადებისას, ახალ არსებობაში, ახალ სხეულეობაში მისი განხორციელების მუღმივი არსებობის სურვილით“.

სპეციალურ წერილს უძღვის მკვლევარი ქართულ მხატვრობაში ერთ მეტად მნიშვნელოვან ტენდენციას — პოსტ-მოდერნსა და მის სრულ აბრიუტეკას, რომელიც ჩვენში იგამქლავდა ეკონომიკური მისთვის დამახასიათებელი ეკონორაფიული თვისებებით, საკუთარი საყოველთაო საზროვნო ხერხებით, მხატვრული აზროვნების სისტემის ლოგიკით“.

დღევანდელ ქართულ ხელოვნებაში კამოიკვეთა ერთი მეტად მტიკონული პრობლემა — „საკუთარი ეროვნული კულტურისა და თვისების ნორმალური ჩართვა მსოფლიო, საკაცობრიო, სახელოვნებო ტექსტის ფარგლებში სრული ეროვნული თავისთავადობის შენარჩუნებით“. დახვედრის კრიტიკის მისიერ პოსტ-საბჭოთა სივრცეში ხელახლა წარმოქმნილი ქვეყნების, მათ შორის საქართველოს თვითდამკვიდრების სურვილი შეფასებულია როგორც აგრესია. რუსეთი კი სოცარტით დამკვიდრდა საკაცობრიო კულტურტექსტში (ტერმინი სოცარტი მოიგონეს ვიტალი კომარმა და აღქმსანდრ მელამიძმა. ეს ხელოვნება ვერდნობდა ამერიკული ნმ-იანი წლების პოპ-არტის გამოცდილებას და იყო პირადი გადარჩენის ხელოვნება, რომელსაც არ შეეძლო მიეღო „საბჭოთა ენა“).

ასეთ პრობლებში მწვავედ დგება „დახველური სამყაროს სახელოვნებო ტექსტში ქართული ხელოვნების ჩართვისა“ და „ჩვენი საირიენტაციო პრიორიტეტების გარკვევის“ საკითხები, რაც დღეისათვის ვინა ბულაძის პრაქტიკული და თეორიული საქმიანობის ერთ-ერთ ძირითად მიმართულებას წარმოადგენს. ის გამოდის იქიდან, რომ ეკონორაფიული ნიშნებს შეიძლება ჰქონდეს აგრესიული ეგზოტიურობის ელფერი, მაგრამ „ნაციონალურ ფორმში გაცხადებული სახეები ადვილად პულობს ადვილს საკაცობრიო კულტურის არეალში, თუ დაცული იქნება ერთგვარი შუალედური მდგომარეობა ნაციონალურსა და საყოველთაოს შორის“. ბევრი მხატვარი ბოლომდე არ ჩამოშორებია თავის ეროვნულ სამყოფელს, მაგრამ ამავე დროს ორგანულად ჩართო საერთო ინტერნაციონალური ხელოვნების არეალში.

მხატვარი ნიხიდან გამოსასვლელ გზას ხელავს ტრანსნაციონალურ ორიენტაციაში — „ერთგვარ შუალედურ პოზიციაში კარნაქტილ ნაციონალიზმსა და ამორფულ ინტერნაციონალიზმს შორის“.

მხატვარი-მკვლევარი იმ აზრს ავითარებს, რომ თანამედროვე კულტურის შესწავლა უნდა ხდებოდეს არა დიდი კულტურებისა და ერების გლობალური სისტემებით, არამედ მცირე ერებისა და მათი ურთიერთმიმართების შესწავლით, თანამედროვე მხატვრობის იმ ელემენტთა შესწავლით, რომელთა საწყისი მცირერიცხოვან ერში უნდა ვეძიოთ. ამ თვალსაზრისით უნიკალურ მოვლენად მიაჩნია ქართული კულტურა და კონკრეტულად მხატვრობა. მკვლევარი ეხება ქართული ხელოვნების თვითმყოფადობის რამდენიმე ძირითად თვისებას, რომლებიც „რადიკალური მაინც განვსაზრვებებს საყოველთაო ერთფეროვნებისაგან“, პირველ რიგში ჩვენს აბსტრაქტულ მხატვრობას, რომელიც ყოველთვის რეალიზური იყო, და კონკრეტულ-საგნობრივ, ფიგურულ-სახეობრივი აზროვნების შენარჩუნებას. „ჩვენი არსება შედარებით ზუსტად და სრულად ვლინდება სწორედ სახეებით, ფორმა-ხატებით, პასტიკურ-ფერწერული ხატებებით აზროვნებისას“.

ზოგადი სახასიათო ნიშნები, რომლებიც ქართულ ხელოვნებას გააჩნია თანამედროვე მხატვრობაში, „ბოლო ათწლეულებში განსხვავებულ სიტუაციაში განვითარდა და ჩამოყალიბდა სოცრეალიზმის ნაციონალური პოლიტიკის ფრთხილ ქვეშ“. და თუმცა ცენტრი მოკვდა, მისი აბეჯდითი ჩრდილი ქართულ ხელოვნებაში კვლავ ცოცხალია.

მკვლევარის აზრით, დღეს ჩვენი ეროვნული ხელოვნების განვითარებას სწორი კალაპოტით „კვლავ წინ ეღობება მატერიალური და ფსიქოლოგიური პროვინციალიზმი და შეზღუდულობა, რომელსაც შეტად ეფექტურად იყენებენ „კულტურული აგენტურის“ წარმომადგენლები“. ყოფილმა ცენტრმა დრამა გაიძღვა ფესვები ჩვენს ხელოვნებაში და მკვლევარი მიმართავს რუსული ავანგარდის ქართულ ადებტებს: „აუცილებელია ზუსტი გაცნობიერება ჩვენი მდგო-

მარეობისა და მდებარეობისა მსოფლიო კულტურის არეალში, საკუთარი განსაკუთრებულობისა და მნიშვნელობის შეგნების საფუძვლიანი განვითარება“.

გია ხშირად მიმართავს ერთგვარ შემოქმედებით თვითკვლევას, თვითნაღრმავებას და დაკვირვებას: „სისუსტესა და სიწუშეში უფლის ხმა და სიტყვა ისმის და ის სოციალურ ურთიერთობათა და სოციალურ ხელოვნებაში განსაკუთრებული საშუალებითა და ხერხებით ცხადდება“.

გია ბუღაძეს თავისუფლად შეუძლია გაიმეოროს ვან გოგის სიტყვები: „ერთხელ წამომცდა — მხატვარი ვარ-მეთქი. ამ სიტყვებში ხულ ძიება და ვერ-მიგება იგულისხმება. თუ რამე გაშეგება, ჩემს სიტყვებში ეს აზრია: ვეძებ, ვიძებ და ამ ბრძოლას ხულსა და გულს ვწირავ-მეთქი“.

გია ბუღაძის მხატვრობა და თეორიული მოღვაწეობა ალბეკილია მაღალი ნიჭიერებით, მაგრამ ცნობილია, რომ ნიჭი ჯერ კიდევ არ ქმნის მხატვარს. აქ გადამწყვეტია აგრეთვე შრომის უნარი და შრომისმოყვარეობა.

გია ბუღაძე უაღრესად მაღალპროფესიული მხატვარია. ამაში გვარწმუნებს მის სახელსწილში, ბინაში, ნათესაებებსა და კერძო პირებთან გაფანტული მისი მრავალრიცხოვანი სურათები. მაგრამ აქ დგება რაოდენობისა და თვისობრიობის საკითხი. და მე თამამად შემიძლია განვაცხადო, რომ გია ბუღაძის მთელი შემოქმედება ალბეკილია მაღალმხატვრული ოსტატობით, თემატური რეპერტუარის მრავალმხრობით, ხელოვნების ეროვნული საფუძვლების დაუცხრომელი ძიებით. მას მოაქვს ქართულ ხელოვნებაში ახალი გემოვნება, ხელოვნების ახალი გაგება და ქმნის მთელ ეტაპს პლასტიკური აზროვნების განვითარებაში.

ასეთივე მრავალმხრობით და ერულიცით გამოირჩევა გია ბუღაძის თეორიული ძიებანი. მართალია, ხელოვნების ურთულესი საკითხები მის თეორიულ ნააზრებში უმრავლეს შემთხვევაში უფრო დასმულია, ვიდრე გაღაწყვეტილი, მაგრამ ვველაფრიდან იგრძნობა, რომ აღებულია სწორი ორიენტირი ქართული ხელოვნების განვითარების ბელსა და მომავალზე.



ბადრი ჭოხონელიძე

გაეროჩეული და სასახელო

ხალხური გადმოცემით, ახალდაბადებულს წერამწერალი თავის ბედს და-
უწერს: შენ წერამწერალმა უზრუნველი და ჯანმრთელი ახალგაზრდობა, სახე-
ლის მოხვეჭა, ლამაზი ცოლ-შვილით, მეგობრებითა და ახლობლებით შემკული
ცხოვრება და ყველასათვის გულსატკეპნი, უდროოდ სიკვდილი დაგიბედა...

ვაი რომ, წერამწერალმა ასე გაგიმეტა!..

ვაი რომ, ყველას გული მოგვიკალის.

შენ „ცისკრელებისათვის“ იყავი გამორჩეული და სასახელო „ცისკრელი“, —
წლების განმავლობაში რედაქციის წევრი...

შენი ყოველი გამოჩენა რედაქციაში სიხარულს იწვევდა, რადგანაც მუდამ
სიყვარულსა და სიბოროს ასხივებდი და თავზეც მუდამ ღვთაებრივი კეთილშობი-
ლების, სათნოების და ნიჭის აურა გადგა... შენმა მოთხრობებმა: „ოჯახი“, „ძმა“,
„თანამგზავრი“, თავიდანვე მიიპყრეს ყურადღება. შემდეგ იყო ახალ-ახალი წარ-
მატებები, მიღწევები.

ვაი რომ, ის სინათლე ჩამქრალა!..

ვაი რომ, ის სხივები დაწრეტალა!..

შენ ნათესავებისა და მეგობრებისათვის იმელის ციხე-სიმაგრე იყავი, გაჭირ-
ვებულათვის — ხელის გამმართავი და წამშველელი, კოლეგებისათვის —
ბევრდში მღვობი და გულისხმიერი.

ვაი რომ, ის ციხესიმაგრე ჩაშლილა!..

ვაი რომ, ის ღიბო-კუთხეც მორღვეულა!..

მაგრამ შენი სახელოვანი სიცოცხლე კვლავ გრძელდება შენი ლამაზი ბი-
ჭების, შენი მშვენიერი წიგნების სახით.

ცისკრელები

ძმა

ნუთუ ყველაფერი ამნაირად თავდება — განა ასეთი მოკლე და უმწეო უნდა
იყოს სიცოცხლე, რომელსაც ასე ძალიან უყვარდი!

მე არ შეგულება უფრო უკეთილშობილესი და მოსიყვარულე ძმა ჩემთვის,
როგორც ბადრი ჭოხონელიძე იყო.

ჩვენ ერთად ვიღვანეთ კინოსტუდია „ქართული ფილმის“ მწერალთა შე-
მოქმედებით გაერთიანებაში, ერთად ვწერდით სცენარებს...

არ დამავიწყდება ბატონ რეზო ებრალიძესთან, რევან ინანიშვილთან, გივი
მალულარიასთან ჩვენი ურთიერთობანი... და ბატონი რეზო თბილესი... ახ-

ლა ისინი ყველანი გადახეწილნი არიან ამ სამხეოდან... ეს შესანიშნავი სულები, როგორც ძველქართულ ქრისტიანულ სუფრაზე (ტაბლაზე) იტყვიან, იქნებიან შენი „მგებნი“, შეგვეკუებიან და მივიხუტებენ სიყვარულით! შენც მიუხვალ და მიემატები ამ ერთგულ მამულიშვილთა დიდ საუფლოს, რომელიც შეუცნობელი იდუმალებით თვლემს და ზოგჯერ მაინც აგრძნობინებს ცოცხლებს, რა არის მათი საქმე და ვალი ამ საწუთროში.

დღევანდელივით მახსოვს შესანიშნავი მოთხრობა „ძმა“ რომ დაბეჭდვ. მოვედი და მოვილოცე, მართლა სხვანაირად თბილი მოთხრობა იყო და მართლა გვიხაროდა ერთმანეთის ნალვაწი. შენ ქება არ გიყვარდა — უხერხულად „გატყენილი“ სიტყვას ბანზე ააგდებდი, შენთვის იმ ყურადღების შეაკლდაც არ ითხოვდი, რასაც სხვებს არგუნებდი. არც ერთი ნიუანსი, არც ერთი დეტალი არ გამოგრჩებოდა ჩვენი სამოს საქმიანობიდან. წმინდა სანთელივით ყველას ვკურღებ ედექი ჭირისა და ღხინის მონაწილედ.

მსოფლიო შემოქმედებით პროცესებს განუწყვეტლად ადვენებდი თვალებს. თუ უცხო ჟურნალ-გაზეთებში ვინმე ახალი გამოჩნდებოდა, პირველი შენ აღმოაჩენდი. მახსოვს, მარკესის „მარტოობის ასი წელი“ შენ მოიტანე სტუდიაში (იქ იყო ჩვენი შესაკრებელი). „ინოსტრანაია ლიტერატურაში“ დაბეჭდილი. პირადად მე მომიტანე ბერგმანის „მარწყვის ძღველი“ (სცენარი) საჩუქრად...

მაშინ წიგნების კითხვის ჟამი იდგა და ვკითხულობდით.

იყო სცენარების წერის ჟამი და ვწერდით, ვსწავლობდით კინოსასცენარო ხელოვნებას, შესანიშნავ ფილმებსაც ვიღებდით! — იყო ცხოვრება, რომელიც სიზმარივით გარდავიდა, გახუნდა და თითქოს ჩაქრა.

ნუთუ ეს არის ყველაფერი ის, რისთვისაც ჩვენ მოვედით ამქვეყნაზე და მეტი არაფერი?! ეფემერული, სწრაფწარმავალი და წამიერი?..

მოსკოვში, „ბოლშევიში“ ათი დღე-ღამე ერთ ოთახში ვცხოვრობდით, მთელი საღამო უცხოურ ფილმებს ვუყურებდით, აქ იყო დრამატურგთა სემინარები, უფასო კვება დღეში ოთხჯერ, ბილიარდი, ჭადრაკი, ქალები... მაგრამ ბოლომდე მაინც ვერ გავედი, „ჩვენი სამშობლო მოგვენატრა, ჩვენი საწყალო“... იქ ერთი რუსი ებრაელი დაეამარცხე ჭადრაკში. როდესაც ჩამოვედით, მთელ ქალაქს ამცნე ეს ამბავი — „იცით, ამ ხეესურმა რა ქნაო?“ ყველაფერი გულწრფელად გიხაროდა და გიყვარდა, რაც შენს მეგობრებში საყვარელი და კარგი იყო. სხვარივი დაფასება იცოდა: კაცს მონადომებდი, რომ უკეთესი ყოფილიყო!

ახლა რა გიშველო, ჩემო კარგო ძმაო! გული რომ გავიხკდა და ჩვენც გულები დაკვიბზარე, როგორ და რითი მოგეხმაროთ? როგორ დაუღვეთ შენს საფლავთან და ჩამოგხვდით...

ნუთუ სულ ეს არის ყოველივე ის, რისთვისაც მოვედით და რაც უნდა ყოფილიყო? ანდა შეიძლება ვთქვათ ასეთი რამ: რას იზამ, მოვა ზაფხული და მოვა წვიმა („იქნებ მოვიღე წვიმადა“), მოვა ზამთარი და მოვა თოვლი... და ჩვენ ერთად ვიქნებით ახლაც და მერეც (მოვალთ წვიმად და მოვალთ თოვლად), იქიდანაც და აქედანაც ვანუგეშებთ ერთმანეთს, ვგეხსოვება და ვგექნება ერთმანეთის იმედი; არა მგონია, რომ უიშვლო იყოს წამი საწუთროსი და დრო — მარადისი!..

ამინ! ამინ!.. მშვიდობით იარე უცნობ გზაზე, ჩემო ძმაო.

კობა არაბაშვილი

ბადრი ჭოსონელიძეს

მახსოვს საოცრად დიდი თვალები,
საოცრად მშვიდი, ნათელი სახე...
ამოკეხილი გული იარით...
ასე უეცარ გარდაცვალებას,
სიკვდილს ვერაფრით დაარქმევ სახელს,
იქნებ სიკვდილიც ლამაზი არი? –
იქნებ ცხოვრება მხოლოდ ეს არი,
რასაც დღეიდან სიკვდილით ამხელ...
გიხმობს მარადი ორომტრიალი,
რომ გადაენტოს სიცოცხლესავით
შველარი ქალაქის ქუჩებს და ბალებს
შენი ღიმილი და ხეტიალი...

ელგუჯა მარღია

1996 წ.

31 მარტი, შაბათი

ტექნიკური რედაქტორი **ზივლი ამრაძე**

მწვენი მისამართი: თბილისი, 380026, ხიდის ქ. № 1. ტელეფონები: მთავარი რედაქტორი – 99.85.81; მთავარი რედაქტორის მოადგილე – 98.53.32; პასუხისმგებელი მდივანი – 98.47.62; განყოფილებები: 98.36.43, 98.43.75. საკორექტორო – 98.47.62.

გადაეცა ასაწეობად 5.02.96 წ., ხელმოწერილია დასაბეჭდად 17.05.96 წ., ქალაქის ზომა 70x108/16, ფიზიკურ ფორმათა რაოდენობა 10, პირობით ფორმათა რაოდენობა 14. საადრ. საგ. თაბახი 14.07. შეკვეთა 114. ტირაჟი 1000.

ჟურნალ-გაზეთების გამომცემლობა „სამშობლო“, 380009, თბილისი, მ. კოსტავას 14.

109/1



1 წიგნი და 20 თეთრი